



2016
3018к

Айнур Кемелбаева

СӨЗ ХИКМЕТ







Айгүл Кемелбаева

СӨЗ ХИКМЕТ



АЛМАТЫ
«ДЭСТУР»
2016

Айгүл Кемелбаева

СӨЗ ХИКМЕТ



**АЛМАТЫ
«ДӘСТҮР»
2016**

ӘОЖ 821.512.122.0

КБЖ 83.3 (5 қаз)

К 29

«Қазақстан Республикасы Мәдениет және спорт министрлігі «Мәдениет және өнер саласындағы бәсекелестікті жоғарылату, қазақстандық мәдени мұраны сақтау, зерделеу мен насихаттау және мұрағат ісінің іске асырылу тиімділігін арттыру» бағдарламасы «Әдебиеттің әлеуметтік маңызды түрлерін басып шығару» кіші бағдарламасы бойынша жарық көрді»

К 29 Кемелбаева А.

Сөз хикмет: Эсселер, макалалар, сұхбаттар. / Айгүл Кемелбаева. – Алматы: «Каратай КБ» ЖШС: «Дәстүр», 2016. – 384 б.

ISBN 978-601-7505-23-3

«Сөз хикмет» атты бұл кітапқа жазушы, әдебиеттанушы, «Дарын» Мемлекеттік жастар сыйлығының лауреаты Айгүл Кемелбаеваның көркем эсселері мен әдеби, өнертану, ғылымтану сұхбаттары енген.

Кітапқа қазіргі қазақ әдебиетіне теориялық-аналитикалық талдау жасалған әдебиет танытқыш, әдебиет зерттеуге арналған ғылыми макалалар мен көркем эсселер, интеллектуальды сұхбаттары енді.

Жазушының ғылыми тұрғыдан нысан етіп алған классикалық әдебиеттің тұлғалары: Ибн Рабиа, Дулат Бабатайұлы, Абай, Иманжүсіп, Георгий Гребенщиков, Марина Цветаева, Әлкей Марғұлан. Бұл кітапқа сондай-ақ, қазіргі заманғы қазақ әдебиетінің 40 шакты көрнекті өкілдерінің шығармашылығы жайлы зерттеу макалалары да енген.

Кітап әдебиетті терендеп оқытатын жоғары және орта оку орындары мен сөз өнерін қастерлейтін көзі каражты жүртшылыққа арналады.

Кітап қалың оқырман қауымға арналған.

ӘОЖ 821.512.122.0

КБЖ 83.3 (5 қаз)

ISBN 978-601-7505-23-3

© Кемелбаева А., 2016.

© «Дәстүр», 2016.

© «Каратай КБ» ЖШС, 2016.



I БӨЛІМ



**ЭССЕЛЕР
МЕН
МАҚАЛАЛАР**

Дулат Бабатайұлы. «ЖІГІТ БОЛАР МА ЕКЕНСІҢ?!»

О, Ақтан жас, Ақтан жас,
Сен де жетер ме екенсің?!

Жетімдіктің белінен
Асып өтер ме екенсің?!

Жарық сәуле көре алмай,
Ел шаңына ере алмай,
Сол бойы кетер ме екенсің?!

Дулат Бабатайұлы (1802-1874), қазақ даласында отарлау саясаты күшайген тұста, сол тегеурінді көріп, күніренген зарзаман дәуірінің бас ақындарының бірі. Мұрат Мөнкеұлы, Шортанбай, Жанақ сияқты ақындармен бірге елдіктің мұндырап, орыс империясы саясатының бұратана халықтардың рухын өлтіретін зымиян зұлымдықтарына, қазақтың бодандыққа көне бастауына жан-тәнімен қарсы болып, отты жырларымен қаймықпай қарсы шыққан. Азуын айға білеген алып империяға қарсы шыққан нағыз ерлік, елдік мұраты зарзаман ақындарына тегіс тән болуымен қайран қалдырады. Сол зар-запыран қайғы Абай феноменіне алмасты. Отарлықшылдық қамытқа ашынып, сол заманына күйлекен қазақтың зарлы толғаулары Дулат шығармашылығында ерекше қуатпен тұр.

«Жігіт болар ма екенсің?!» – бұл сол отарлау шегіндегі елдің жас баласының тағдырын ойлап, бата-тілек түрінде жазылған, бір үміт, бір құдік араласқан, төгіліп түскен өлең. Ақтаңберді жыраудың «Құлдір-кулдір кісінетіп, күренді мінер ме екеміз?!» атты елдіктің мұратын аңсаған әйгілі толғауының сарыны мұнда айқын. Бір жетім баланың зарын екшеп алғанмен, тұп астарында бұл өлеңде елдіктің қайғысы тұнып тұр. Отан отбасынан басталса, ата-анасы жоқ, ерте жетімдік көрген казақтың бір баласының азamat болып, ел қатарына қосылып кетуін аңсауы ақынның ұлы гуманистік идеяларының көрінісі, адамсүйгіш жүргегінің лупілі. Өйткені Дулат жырау кейінгі толқында Абай жырға қосқан: «Жетім қозы тас бауыр, / Манырар да отығар», күпті ойдың, алаң

көнілдің қайғысы бар.

Жапанға біткен жапырақ,

Жамылсаң тоңар ма екенсің?!

Жазғы шыққан бұлдірген

Сұғынсаң тояр ма екенсің?!

Абай М.Ю.Лермонтовтан аударған (1829), тұпнұсқасы неміс ақыны Шиллерден (1796) алғынған өлеңде:

Кең жайлау – жалғыз бесік жас балаға,

Алла асыраған пендесі аш бола ма?

Ержеткен сон сыймайсын кең дүниеге,

Тыныштық пен зар боларсың баспананаға.

Дулат жыраудың көкейкесті ойы ата-анасы, сүйеніші жоқ жетім баланың адам болып кетуін мұрат көріп, соның тілеуін тілеуі. Әрі жалғыздың жары бір құдай өлтірмейді, «Жас өспей ме, жарлы байымай ма» деп дүние танитын қазактың санасын жаңғыртуы. Қазакқа тән типтік сана осы. Әрі өлеңдегі аса қуатты идея – азаттық, қазактықтың бастауында жатқан еркіндікті ұлытау. Көк күмбез – кең аспан астында жүлдyz қарап ескен жаны жомарт, журегі жырға толған қазақ. Жапырақ жамылу, құрсаусыз, байлаусыз иен түзде ер жету – азаттықтың асқақ символы.

Ақтан жас – Дулат жыраудың көкейінде метафоралық есім, түп негізде жаттың қолында жетім баланың кебін киген қазақ ұлтының тұспалы болып шығуы бек мүмкін. Ақтанберді жыраудың таудай есіміне жетім баланың Ақтан деген аты ұқсас. Мынау отарлаушылық бұғау, бодандық қамыты басына түсken елдің ертеңі не болар екен деген зар-уайым бар сияқтанады. Қазақтың бұрынғыша кең жайлап сүрген өмірі өзгерерін зарзаман ақындары таңбалап кетуі соның айғағы.

Иен даланың жер түгінде сыңсыған бұлдірген, тоғайдағы қарақатын құстармен қатар теріп жесе, жетім баланың ризық-несібесін көк Тәңірі береді деу сол ұлыхұ биік сананың көрінісі.

Қазақтың жас ақыны Дәүлеткерей Кәпұлы:

Қиялым қыран құсқа ерсе,

Сағыныш одан да үстелсе.

Үлгерер ме едім жыр жазып

Бұлдірген ағып түсkenше?..

Жыл мерзімдері төрт аунап, алма-кезек ауысқан дөнгеленген дүние, көшпелі тірліктің танымдарын түгелдей бекітті. Мұндағы Дәүлеткерейдің «Бұлдірген ағып



түскенше» деген өлшемі маусымдық ерекшелікті айтып отырған жок, бұл ұғымға қазактың ұлттық санасында күллі адам ғұмыры кіреді. Қазақ мұны бес күндік өмір немесе қас-қағым тіршілік деп атайды.

Ақтанберді мен ту тігіп Қабанбай бабам,
Тұлпарлар жүзіп, тұныққа терең бойлаған.
Көрінесің сен, құт қонған
Киелі өзенім,
Дулаттан калған өрнекті өлеңдей маган.

Дәүлеткерей «Аяғөз» атты өлеңінде қазақ рухы үшін қас үлгі жыраулар поэзиясы екенін, оның белді бір өкілі Дулат ақынды пір тұтып айтады. Ал Дулат Бабатайұлының кіндік қаны тамған баба жұрты – алаш көсемі Ахмет Байтұрсынұлы қазактың бас ақыны деп риясыз атаған Абай тууына нәсіп еткен Жидебаймен жалғас, сұлас, нұлас, елдес мекен.

Абай өз өлеңінде Дулат, Шортанбай, Бұқар жырауды атап келтіргені оларды ескі ақындар деп мансұқтау емес, сынай тұра, жыр бағбаны санап, ізашар ақындардың бағын, аруағын асыру екенін екінің бірі ұға бермейтіні өкінішті.

Ақтанбердінің сарының бастан-аяқ жаңғыртқан Дулаттың өлеңінде қазактың бесік жырының да үлгісі анық тұр. Маңдайы торсықтай ұл баланың өскенде үлкен азамат болуын бесігін тербетіп отырып, анасы тілеп айтатын магиялық жыр қазактың қанында бар. Бата – бесік жырының жалғасындағы емес пе!

Бадана көз, тоғыз тор
Сауыт киер ме екенсің?!

Білтелені тұтатып,
Тұтінің үзбей оқ атып,
Жау қашырап ма екенсің?!

Бежін ерді ерлетіп,
Жорыққа жортып терлетіп,
Сырты қырлы, жүзі алмас,
Салған дағы жоғалмас
Сапы асынар ма екенсің?!

Көшпелі тайпалар үшін ел қорғау – өмір сүрудің кепілі. Ал данқы асқан жауынгер болу азаматтықтың мұраты болса керек. Жетім баланың елі үшін аман жетілгенін Дулат жырау осылай толғайды.

Мұхтар Әуезовтың «Жетім» атты классикалық әңгімесі бар. Әке-шешесінен қалған малын иемденіп алған қатігез жамағайын туыстарының құлдық тепкісінен қашқан жетім бала Қасым түн ішінде тауда үрейден жүрегі жарылып өледі. Әңгіме лейтмотиві – жетімнің көрген күні құрысын деген реалистік мұнды ойдан туған.

«Одна, печально измеряя / Никем незнаемы лета, – / Земля катилася немая, / Небес веселых сирота». Орыс ақыны Алексей Хомяков өлеңінде жерді, галактикада жалқы саналы тіршілік иесі деп саналатын Жер планетасын жетімге балап тұр. Орыс классикалық прозасында тұл жетім («круглая сирота») деген сөзді И.С.Тургенев еki шығармасында келтіреді. («Три портрета», «Петушков»). Және жетімдік ұғымын аяушылық сезімге қосақтайды. Өйткені жетімдік халықтар санасында мұсіркеушілік, жана шырылық тудырады, қазақ болса жетім көрсөн жебей жур дегенді обал мен сауап деп айқын ұғынады.

Босағасын борлатқан,
Тандайға дәмі татымас,
Керегесін торлатқан,
Тегерішін манаттан,
Жібектен ызып бау таққан
Үйге кіреп ме екенсің?!

Мынау көшпелі тұрмыстағы қазақ үйінің салтанаты. Ел қатарына қосылу жеке отау болуды білдіреді. Ал манат пен жібек барлықтың белгісі.

Тен құрбыңмен теңеліп,
Шаруа жиып кенеліп,
Керсениңе бал құйып,
Өмір де сүрер ме екенсің?!

«Шаруа жиып кенеліп» – бұл енді мал-жаны бар болу, төрт түлігі сай болу. «Керсениңе бал құйып», ертеде балды сусын ретінде пайдаланған, шөлдегендеге батырлар ат үстінде бал жүтқан.

Жетімдіктен өтерсің,
Шаң бермей әлі кетерсің,
Қажыма, Ақтан, қажыма,
Жетерсің, әлі жетерсің.

Дулат Бабатайұлының «Өсиетнама» атты жинағы 1880 жылы Қазанда басылып шыққаны белгілі. Кейінрек

Абайдың асыл жырлары сол Қазанда басылды. Түркілік руханият тамырының суалмауына 19 ғасыр аяғында өзге түркі текстес халықтардың ішінде мәдениеті озық болған татар ағайын қам қылғаны да тегін емес.

Өлеңнің магиялық жыр, нағыз бата, елге өситет екенін соны анық танытып тұр. Қазақ фольклорындағы күн жайларату, бақсының жыры сияқты. Ақтанның бұғанасы өсіп жетіліп, аптал азамат болуына Дулат ақын тілекtes ғана емес, нық сенімді. Жақсы сөз – жарым ырыс. Уайымды үміт жеңіп тұр. Бұның жүрекке нұр құбындар асері бар. Бір баланың бағы өссе, бүкіл елдің бағы артады деген гуманистік идея бұл өлеңнің құнын асыра түседі.

17.01.2013./ 23.01.2013.

ИБН РАБИА мен АБАЙ

1.Көшбасы.

Өлең жырға сан қылы дөп анықтама беру ақын атаулыға бек лайық. Поэзияны өзінше сипаттау көктегі кемпірқосақ түсіндей құбылып, марқайып тұрмағы ақындық қырмызы жүректен тарайтын шұғыламен тен. Поэзия, сөз өнері туралы бір ғана орыс әдебиетінде мыңнан аса тенеу табылады екен. Орыс поэзиясының күні атанған А.С.Пушкин поэзия туралы «Язык Петrarки и любви» деп жазды. Александр Сергеевич Пушкин өлеңді Франческо Петrarка мен сүйіспенішліктің тілі деп анық атайды. Ол адамзаттың көркемдік қасиеті даму эволюциясындағы жарық тұлғалар ішінен неліктен Петrarканы ерекше тандап алған? Өйткені итальян халқының ұлы ақыны Франческо Петrarка өлең дүниесінде құдіретті жан сезімін, махаббаттың керемет жаратылысын айқара ашудың ұлы бастауында тұр. Петrarка қара тунек ерте орта ғасырлардың надандық түмшалаған, крест жорықтары, сансыз соғыстар, оба, инквизиция, тиран билік пен католик шіркеуі дін басылары еркіндікке ұдайы тыйым салғаннан өлердей тұншыққан тылсым рух, жаны сүйген музасы, ғұмыр бойы сағынған ғашық жары Лаура аруды пір тұтып, әйел затын көтере жырлауды жер жаһанға жария қылды. Бұл төмен етекті әйел затын тегі адамға санамаған,

жалпы адамзат құнсыз саналған құсалы һәм қатігез ортағасыр үшін бұлайша жырлау асқан күпірлік пен таңғажайып азаттықтың қос қанатына айналды. Аспан алты, жер жеті таңданды. Сондықтан жыр өулиесіне айналған Петрарканың махаббат лирикасындағы ұлы төңкерісін – ежелден ер мен әйел арасындағы риясыз махаббат сезімін, адамның құдай жаратқан сую қасиетін дәріптеуде дана Пушкин қос ұғымды текке қатар алмаса керек.

Ортағасырлардағы итальян әдебиеті Кайта Өрлеу, Ренессанс дәүірінің ерте тууымен ерекшеленетіні баршага аян. Петрарка әлем әдебиетіндегі ең алғаш рет адам баласының табиғатын, сүйген жүректің жанды барайтын таңғажайып қуат-кушін сүйіктісі Лаурага арналған сонеттерінде ерен ашып берді.

Петрарканың әсерінен итальян әдебиетінде петраркизм деген ұғым қалыптасқан, бұл оның махаббат лирикасына еліктеген бір шоғыр ақындар жыры өз алдына құбылыс болуына байланысты туған.

150-130 жыл бұрынғы казак әдебиетінде махаббат лирикасын Абайдан асырып асқақтатқан нұрлы ақын әзірге жарық дүниеге тумаған сияқты сезілетіні рас. Абайдың өлең мектебі, ізбасарлары, еліктеушілері енді ешқашан азаймақ та емес. Абайдың сүйіспеншілік лирикасында жаңашылдығы, суреткерлік болмысы айрықша көрініс берді.

Қазақтың қара өлеңінде көбінесе қыз бен жылқы образы бірге аталады. Абайда дәстүрлі бұл қосарлау жок. Өзіне дейінгі даяр үлгіні, дәстүрді бұзып, сара жол салу – дәстүрге киянат қылу емес, оны байыту һәм түрлендіріп, жаңғыру туышан. Бұрынғы ұлттық мінез, далалық мәдениетте сұлу қыздан ер серігі жүйрік атты артық санаған қылық көшпелі елдің қанына әбден сінген, батырлық эпостардан бек мәлім. Әнет баба тәрізді хақ дін білген ғұлама, дала билері жеті қазынаның бірі әйел, бірі жүйрік ат деп ұрпаққа өсиет қылды. Сөйті тұра ер жігіт астындағы қас тұлпарын қимай, асыл санап, көрікті ару қызды одан гөрі төмендеу санап жатса, бұл жүректің қалауы ғана болмайды, сахараңың ымырасыз жаугершілікте қатайған өмір салты.

Абай жазба ақындарында алғаш рет махаббатты жанай, тие қашып айтудан аулақ болды. Абайда махаббат сезімін

жан-тәнімен қызықтау, мейлінше арзу бар. «Махаббатсыз – дүние бос, хайуанға оны қосыныз», бірқатар абайтанушы қауым мұны «махаббатсыз – дүние дос» деп айқындайды. Абай сөзінің құштілігі сондай, бұл өлеңді тіке я ауыспалы мағынасында алса артық етпейді. «Дүние дос» ұғымы парсының «жар», «дос» ұғымын береді, яғни суфийлық санада Аллатагаланы сүймей, адам рухани жетіле алмайды.

Ұлы ақын махаббаттың асыл қасиетін анық білген.

Қызды сүйсек, бір-ақ сүй, таңдал тауын,

Корсе қызыар, күнде асық – диуаналық.

(«Бір дәурен кемді күнге — бозбалалық»).

Әлбетте, бұл «Қасына сұлулардың көп жантайдық» деп мұнағиқтан азат мойындастын, дегдар Біржан сал жырға қосатын сал-серіліктен бір бөлек, тосын көзкарас. Абайдың махаббат лирикасында ұшырасатын аңқыған сөз тіркестері әлдекашан афоризм, қанатты сөзге айналып халықтік болып кетті.

М.Ю.Лермонтов энциклопедиясы Абай Құнанбаев есімімен ашылады. Академиялық энциклопедияның мәртебесі Абай тұлғасымен басталуы әліпбиге байланысты алфавиттік қалып дей салуға болмайды. Бұл конгениальды құбылыс, ұлылар үндестігі. Абайдың Лермонтовтан 30-дан астам өлең аударғанынан бөлек мистериялық, мистикалық түспал. Келешекте руханиятты өгейсітуді жек көретін ойлы жүргіттар Абайды түпнұсқадан оку үшін күн сәулелі, құдіретті казақ тілін жастанып үйренетін күн туары сенемін.

Ең әуелі Абай махаббат адам жаратылысына тән сезім екені анық жазды:

Адамзатқа не керек:

Сүймек, сезбек, кейімек,

Харекет қылмақ, жусағірмек,

Ақылмен ойлат сойлемек.

Адам тіршілігі сезім шарпуы, жұптасу жұмбағы, сую шапағатынан, жүрек мәртебесінен басталады. 13 жасар шәкірт Абай шығыстың атақты жеті шайырына еліктеп өлең жазуы баталы құл арымас деген қазақ дүниетанымын айғақтайды.

Фзули, Шәмси, Сәйхали,

Науаи, Сағди, Фирдауси,

Хожса Хафиз – бу һәммәси

Мәдем бер я шағири фәрияд.

Жыр пірлеріне мұншалық сыйына табынудың көлдегі балғын құрақтай жасөрім ақынға еш сөкеттігі жоқ, бұл дүмше молда айыптар құпірлік емес, мұнысы асқақ талғам, эйфория, салтанат, бекзаттық тылсым хал тудырған құлай сүюндің ишарасы.

Сонымен қатар өлеңде теңдесі жоқ, қас асылдарды тану өз жолын таңдаудың шамшырағынан айнымайды. Парсы тілінде жазған алты ақыннан бөлек, ең алғаш дәстүрді бұзып, сара жол салған, түркі тілінде бес дастан-хамса жазған тұрандық, өзбек Әлішер Науайды Абай дара атайды. Араб, үнді поэзиясынан ешкімді атамайды. Төрттағандагы Шәмси деп жас Абай Джалелледдин Румиды атаганын шығыстанушы ғалым Өтеген Күмісбаев жазады.

Қазакта шығыс классикалық әдебиеті классикалық жанрындағы – бес дастан жазуды бертінде Абайдан үлгі-өнеге алған немере інісі Шәкерім Құдайбердіұлы, Абайдан соңғы ақындарда жыр падишахы десе артығы жоқ Илияс Жансүгіров, эпикалық дәстүрдің соңғы могиканы Шәкір Әбенов жалғады. Хамса жазудың қас үлгісі үнді эпосы Панчатаңтрадан басталған. Таңғажайып даналық кітабы Панчатаңтраны қазақшага Сейділ Талжанов «Кәлила мен Димнә» деп аударды. Әліпті таяқ деп таныған балалық шағымда бұлар кісі екен деп ойласам, философиялық әдебиет сүйетін аллегориялық қалыпқа сай даналық дарыған көс қасқырдың аты екен.

2.Көшпелі стихия.

Орта ғасырлардағы араб әдебиеті осал болған жоқ. Классик ақын Абу-ль-Аля-аль-Маарри (973-1057) жырлары неге тұрады! Роман-эпопея «Мың бір тұн» ертегілері «әңгіме ішіндегі әңгіме» жанрының теңдессіз қас үлгісі кейінгі дәуір прозасы өркендердеп дамуына, небір таңдаулы жазушылардың жүлдізы онынан тууына айрықша үлес қосты. Бұл ақиқатты проза жанрында ең күшті авторлардан көреміз: Боккаччо мен Сервантес, кейінректегі Дефо.

Аңыз-жыр қағбасындағы «Ләйлі-Мәжнүн», Физулиден еркін аударған Шәкерім оның киесін қазақ санасына сінірді. Андалусиялық испан арабтары арқылы араб әдебиетінің құдірет-куші еуропалық әдебиеттің көркеюіне

зор ықпал етті. Мұны қазіргі евроцентристік меммен көз-қарас ұстанатын зерттеушілер мойындаған қойды.

Меккеде туып өсken Омар ибн Аби Рабиа (644-712) араб әдебиетіндегі махабbat лирикасының қас шебері саналады. Тенеуге құштар еуропалықтар ибн Аби Рабианы «Арабстан мен Шығыстың Овидий» деп атайды. Ежелгі Рим ақыны Овидий сүйіспеншіліктің бал татыған сезімін сан қылы ракурста, адамзатқа не тән: асқақтық пен астамшылық, тақуалық пен күпірлік, құдаймен алысу, ортодокс діндерге дейінгі көпқұдайлыш, эротикалық құштарлық, табиғатқа жан салатын пантеистік сарында, метаморфозалық-мифтік құдіретпен құбылта, төгілте жырлауымен, трагедиялық тылсым, керемет өмірсүйіш пафоспен сипаттауымен классиканың құс жолына тартты.

Абай өзінен он екі ғасыр бұрын өмір кешкен араб ақының жырларын атымен білмесе керек.

Ақындардың жүргегі — тәнірі қазынасы. Ақын атаулы бір нәсіл, бір текten тарағандай жан туыстығымен баурайды. Омар Ибн Аби Рабиа мен Абай өлеңдерінен ерен үндестік табылуы тосын құбылыш емес. Өуелі екеуінің тақырып аясы бір, көкірек көзі өзгеше көргенде ақындар бір көзben көрмегі жасырын болмасы хақ. Қос ақынның махабbat лирикасындағы кейбір ұқсастығының әлеуметтік-қоғамдық сипаты мышау: екеуі де көшпелілер мәдениетінің төл өкілі. Кен сахара дала, мал баққан халық, жыл мезгілдері алмасқанда көшіп-қонып, тұмақ пен өлмек өмір өткінші екенін ұғышу олардың жүргегін бір ырғаққа салуында мән бар. Оның үстіне, ең негізгі себеп, екі ақын да мұсылманшылықты ұстанады, бір Аллага сыйынады.

Алайда діндеңігі тақуашылдықтан, жер бетіндегі өмірдің рахат-қызығынан, тыйым салынудан кезі келгенде екеуі де айнып шыға келетін тарпаң сәттері баршылық, бұл сиқыр, әсіресе, махабbat лирикасында мейлінше көрініс табады. Өйткені Абай махаббаттың «безгек ауру сықылданып жүдегетін» қасиетін дөп баспаушы ма еді, жүрекке өмір жүрмейді. Құранда негізінде сүйіспеншілік ұғымы көбінесе Аллатагалаға байланысты айтылады.

«Алла оларды жақсы көреді және олар да Алланы жақсы

көреді» (5:54). Алла мен адамзаттың арасын жалғайтын сүйіспеншілік. «Махаббатпен жаратқан адамзатты, / Сен де сүй ол Алланы жаңнан тәтті», – дейді Абай. Тұп негізінде махаббаттың өзі иманға қатысы бар бақыт екен, оған күе «Күдіксіз иман келтіріп, түзу іс істегендерге: Алла сүйіспеншілік береді» (19:96). Отбасн Құранда сүйіспеншілік һем бейбітшілік ұясы деп дәл атайды, себебі тәні топырақтан жаралған адам махаббатпен өсіп-өнеді: «Сендерге, оған тұрактаулырың үшін өз жыныстарыңнан жұбайлар жаратып, араларыңа сүйіспеншілік, мейірімділік пайда қылғандығы да оның белгілерінен. Сөз жоқ, осыларда ойланған елге белгілер бар» (30:21). Ислам діні махаббатқа тыйым салмайды, тек оның кеселді, азғыруыш шайтанға ілесіп адаспауын қадағалайды, некеге қатысты нақты нұсқауларды адамшылық турғыдан айқындал береді.

3. Сүйіспеншілік құлдығы.

Абай жырларынада махаббат адам баласын асырады, оның қадірін қашыратындаи нәпсінің құлдығы жоқ. Жан сарайының нұрлы қалтарыстарын, жан сұлулығы мен тән рахатын ізетпен, әдептен озбай сүйкімді айта білудің қасиеті шексіз. Омар ибн Аби Рабия:

Я живь отда стыдливой красоте.

Мне знатная, живущая в палате

Красавица приятнее, чем те,

К которым ночью крадутся, как матери.

(Орыс тіліне аударған С. Шервинский).

Ибн Рабия жырлары қазақ тіліне аударылмаған. Кейінгіде дәл осы сарынмен Қожа Хафиз қас сұлудың менін әспеттеді, махаббат бүйрекшінә құл болды.

Абай ойын ұрлап, жүргегін тербеген сұлу қызға құштарлықты сабырмен толғайды:

Жүректен қозгайын,

Әдептен озбайын.

«Көзімнің карасы».

Әдебиетте сюжет қарыздану бар құбылыс. Бұл көбіне-көп прозада жиі кездеседі. Өлеңде оның циклді, баллада, сонет тәрізді жанры бір болмаса даяр қалыптың түкке қажеті жоқ. Назирашылдық дәстүрдің жөні бөлек. Поэзия сюжет, тақырып, үлгіні қарызға алса жабыдай

қарадүрсін күйге құлайды. Көктен құйылатын нағыз өлең қарызға алуға ділгір емес, ол мүмкін емес. Бір құбылыстысуреттегенде үқассаттердің табуырасында көркемдіктің әсері.

Ақынның қекірек көзі жетіп жатыр. Ақындық шабыт жүректі баураганда, қоңіл құсы самғап, жан дүние теңіздей тасығанда шын сөздің асылы толқыннан туған қас сұлу Афродитадай бұлықсып туады.

Дүниежүзілік әдебиетіндегі дәстүр бойынша өз ақын өз тұлғасын жырында әспеттеуі керек. Ибн Аби Рабиа жұлдызы жануын байлай таниды:

*Меня знают и в Марибе все племена и в Дурубе,
Там, где резвые кони, где лука туга тетива.*

Абай тұлғалық «менін» рулық санамен өмір кешкен қазақ тұрмысынан алып айтты:

*Арғын, Найман жиылса,
Таңырқаған сөзіме.*

Ұлы ақындар өз бағасын білуі туған халқымен арасын жалғайтын мәңгілік маҳаббат кепілі. Көне римдік ақын Горацийдің «Exegi monumentum» өлеңі, одан Пушкин үлгі алғаны аян, («Памятник»), Абай айтқан таусыншақ күн-корқытшыл сарынды жыр құдіретімен аластау деп қабылдауға болар.

Ақын халықтікі, ол халық үшін туады. Ақын өз ұлтының даму дәрежесін, рухани қуатын, жарқын бейнесін, кемеліне келгенін немесе мешел қалғанын айғақтайдын барометр сияқты.

Араб ақыны мен қазақ ақыны дүниетанымы ұқсас. Далада туған көшпелі қауымның менталитеті. Екеуі бір стихия. Араб түйе мінген, қазақ жылқы мінген. Олардың кәсібі, жан дүние ыргақтары, дүниені көруі бір-бірінен алшақ емес. Далалық зерде – сөз құдіретіне бас иіп, көркемдік қуатын, рух ұлықтау. Қос ақын данқ мәселеңесін тілге тиек еткенде өз тайпаластарын сүйсініп айтады, өзі шыққан рудың игі қасиетін айтса ризашылықтары тасып төгіледі, жаманатын айтса өлгенше қорланады.

Араб ақыны ғашығының көз жасын жасырмақ түгілі, оны көлдете, әсірелей көрсететіні поэтикаға еш артық етпейді, гипербола өлеңнің құнын арттыра түседі. Сүйіктісінін асқан көркіне бағынған, оның әсемдігі жаңын оттай жандырган

құлышекенін дәстурлі шайырлар жасырган емес.

Сказал я — и слезы струились из глаз,

Aх, слез моих не был исчерпан родник.

Глаза мои, слеза мои, что вода из ведра!

(С. Шервинский аударған).

Лирикада бас кейіпкер қашанда ақынның өзі.

Жылайын, жырлайын,

Ағызың көз майын.

«Көзімнің қарасы».

Ақын пейілі сырбаздығы, эстетикалық әсемдігі айқын. Сүйіспеншілік көз жасы бұл фәнидегі ең керемет гауһар тасынан құндырақ.

Араб шайыры өзі сүйген аруларын ардактап, атымен атайды: Зейнеп, Әсмә, Атика, Рабаб, Хинд, Сельма. Мұнысы жастықтың алабұртқан бұла күшіне тағзым, өмір сүйгіш экстаз күйі, көрсекізарлық, женілтектік деп біржақты ұғу жаңсақ. Ибн Аби Рабиа тәрізді ұлы ақындардың жырында маҳабbat тәніріндей есімі қалған, Ләйлім шырактай сұлулар неткен бақытты!

Поэтикалық шығармашылықта бұл нәзік, қанық берілсе ақтап алатын нәрсе. Өлеңде Абай құлай сүйген көрікті әйелдер есімі жұмбақ, деректі дүние, Мұхтар Әуезовтың ұлы романынан белгілі.

Қыз бен жігіт сүйіспеншілігі ақын үшін өмір өзегі. Шындығында әрбір ақын ұқсас бола тұрып бөлек, бөлек бола тұра ұқсас. Өйткені адамзат негізі бір, Адам ата-Хаяу анадан тарайды.

Араб ақыны жар сүюндің бағын былай асырды:

Одно я знаю — только в ней

Мой свет, и жизнь, и дух.

Она нужна душа моей,

Как зрение и слух.

(М. Курганцев аудармасы).

Абай ғашығының нұрлы бейнесінен өз сезімін бөле жармайды.

Көзімнің қарасы,

Көңілімнің санасы,

Бітпейді ішімде,

Ғашықтың жарасы.

«Көзімнің қарасы ».

Екеуі де сүйген жарын «көзімнің қарасы» деп бірдей ұлықтауы ғажап үндестік; дүниенің өз бояуы, ақиқат тенеуі.

Омар ибн Аби Рабиада ару бейнелерінде, Абай суреттеген қызы кейіптерінде көшпенділердің ең сүйікті образдары, далалық әпитеттер молынан ұшырасады.

Гашықтық, құмарлықпен – ол екі жол,

Құмарлық бір нәпсі үшін болады сол.

Абай шындықтан ауытқып әуре болмайды. Нәпсі астарлы, мағынасы үлкен. Құранда нәпсі иманға антоним ретінде көбірек қолданылатын сияқты. «Расында нәпсіні тазартқан кісі құтылды да. Әлде кім оны кірлетсе қор болды». (91:9-10). Нәпсіні шын махабbat тазалығы женбек.

Сенен артық жсан жсоқ деп гашық болдым,

Мен не болсам болайын, сен аман бол.

Осы өленде Абай нәпсіден толық бас тартып тұрса, ол сүйе білер, көне білер адамшылық касиет.

Көңілімнің рахаты сен болған соң,

Жасырынба, нұрынча жсан қуансын.

Андалай қалмауга болмайтын бір мезет – Абай сүйіспеншілік сезімін діни ұғымдармен зерделейді. Рахат – жұмақ сезінің синонимі, нұр дүние сипаты, Жаратушы Аллатагала шапағаты. Тәнді сүйіп тұрып жанды аңсау, рухты сезіну адамзатқа лайық. Жан мен тән біртұтас болса, Абай үшін тән жанның құзырында. Бұл деректі бола тұра абстрактілі өлең деуге сыйып кетеді. Қос ақын да әйел образы тым тылсым екенін, оның осалдығы мен дәті беріктігі, сүйдім деуі жалғандығы, махаббаты күмәнді болмағын әбден түйсінген, бірақ сүйікті санайтын жаннан олар жері алмаған.

Омар ибн Аби Рабиада сүйгені ақынды сиқыршыдай арбайды. Сиқыршылық мыстан кемпірге, сайқал әйелге лайық, әзәзілдік.

... И лукавишь, как всегда.

Ты меня заворожила, оплела, заколдовала...

(М. Курганцев аудармасы).

Бүгілді белім,

Жар тайған соң др серттен.

«Қор болды жаным» деп аh ұра күніренсе, Абай жаны сүйіспеншілікке құл болудан құса шекті, күшті ердің

әлсіз әйелден женілуін көнеден жырлау ұлы суреткерлер дәстүрінде тұнып тұр.

Ақындар «Қор болды жаным» — махаббаттағы біржақтылықты, сүйген жардың опасыздығын, суықтығын үлкен күйзеліспен жырлайды. Сөйті тұра өздері ғашығынан бас тартуга дәрменсіз екені айтпаса да түсінікті. Әйел көркі тылсым тор іспетті, ешбір ақын жүргегін бұлтартпайды.

Любимая так хороша!

Лицо светлей луны,

Что в полнолуние взошла

И смотрит с вышины.

И провели мы ночь с ней – когда б ей не было конца!

За часом час втивал я свет луноподобного лица.

(М. Курганцев аудармасы).

Араб лиригі қыз жүзін айға теңейді, бұл метафора өлең-жырда дүние жаралғаннан ақырзаманға дейін толастауы мүмкін емес. Қазақ ақынында көркем қыз сипатын суреттегендеге ай нұры ғана емес, оның әр қылы атрибуттары, құбылған бейнесі табылады.

Қақтаган ақ күмістей кең маңдаілы,

Аласы аз қара көзі нұр жайтайды.

Жіңішке қара қасы сыйыт қойған,

Бір жаңа үқсатамын тұған айды.

Өлеңде тұнгі аспан падишахы Ай элементтері бірнеше: құміс, нұр сәуле жаңа туған айдың өзі. Көрікті!

Піскен алма секілді тәтті қызды

Боламын да тұрамын көргендей-ак,

«Білектей арқасында өрген бұрым».

Алма айға ұқсамай ма, толған ай мен піскен алманың силуэттік кескіні бір.

Жар, сенің көңілің тоқ,

Ақ етіңді.

Нұр бетіңді.

Менишікті

Қылмаған соң

Алла,

Өзі сорлы етсе, амал жақ,

(«Қор болды жаным»).

Абай көnlі өларадай құлазиды. «Адамда бір іс бар жабығу деген» ақынның тағы өзі.

*Вновь из мертвых восстали забытые муки любви,
Обновились печали, и жар поселился в крови.*

Ибн Рабиа қор болғанын, күйікті халың жапсырмайды.
Я весь исстрадался, душа еле держится в теле.

Солай бола тұр екі ақын сүйіспеншілікке өле мас, сүйген жарға адад, тәндердегі табынады. Махаббатта қашанда бірі өктем, үстем, бірі пәс, бағынады. Тен сүйетіндер сирек болғандықтан адамзат олардың есімін анызға шығарды. Ләйлі-Мәжнүн, Қозы Көрпеш-Баян сұлу жыр-аңызы фольклорлық, лиро-эпостық поэтикаға айналды.

*Если женщины верной иль даже неверной я раб,
Мне и та другая всего лишь замена Рабаб.*

(С. Шервинский аудармасы).

Араб ақыны мәрттігіне сүйсінбеске болмас, сүймесе де сүйгеннен кем түспейді.

*Жарқ етпес қара қоңілім не қылса да,
Аспанда сій менен күн шағылса да,
Дүниеде, сірә, сендей маган жар жоқ,
Саган жар менен артық табылса да.*

Махаббат, трагедиялық сипат, космос, ұлы кеңістік, тұңілістің жарық сәулесі, Абай лирикасының қуатын сезіну касіретті һәм мәртебелі.

Сезім дуниесінің жойын жаратылысын Абай қазаққа өлең арқылы ашып берді. Рас, Абайға дейін қазақта сүйіспеншілік лирикасының жүрек қылын тербер өдемі үлгісі табылатын.

«Сырғаңды қайық қылып өткіз мені « – тендеңсіз көркем наз. Сезім байлығын толық суреттеуге реалистік суретпен қатар мистика, абстракция тарлық етпейді.

*Перестань убивать меня этой жестокою мукой
Ведь Аллаху известно, чье сердце блуждает далеко.
Когда же наконец без обмана свиданье назначишь?
Девичьи обманы отвратней нашептанных зелий.*

(С. Шервинский аудармасы).

Араб ақыны жүрегі таза, пейілі ақ екенін айтқанда Аллаға жүгінеді. Қазақ поэзиясында тап осындай ойдың ұшығы Абайда орасан күшті берілген.

*Кор болды жсаным,
Сенсізде менің күнім.
Бек бітті халім,
Тағдырдан келген зұлым.*

*Тағдыр етсе Алла,
Не көрмейді пәндер?*

Бірақ сую қоршылық емес, бақыт екенін олар бәрібір түйсінгітті.
Мұны әлем әдебиетінің үздік лирикасынан айқын көру
күнә емес. Алайда араб ақынына өз сүйіктісі астарлы үн
қататыны әйел болмысын терең аша түседі:

(С. Шервинский аудармасы).

Омар ибн Аби Рабианың жырлары жалғанabyзыдықтанада.
Япырмау, адам жаратылысы тап осында болмағын қазаққа
Абай таңбаламап па еді: «Айттым сәлем, қалам қас» дег тап
осылай үздікпеуші ме еді?!

*Көзім жетқа қарамас,
Жат та маган жарамас.
Тар төсекте төсіңді
Ііскер ме едім жалаңаш?*

Бағзыда араб сахараасында тап осы найзағай сезімнен жаны
жарқырап бір ақын өмір кешті.

*Всевышний даровал мне милость
С тобою встретиться, с ревнивой.
А ты желанна мне, как ливень,
Как по весне поток бурливый!
Зачем так жажду я свиданья!
И убиваюсь и тоскую...*

(С. Шервинский аудармасы).

Көне дәүірде тірлік кешіп, адам психологиясының
ешқашан өзгермейтінің үлкен әдебиетте жеріне жеткізе
айтып кеткен арабтың ұлы ақынының тап осы мұнына араға
12 жүзжылдықтар керуенін өткізіп біздің Абай тілдескен
тәрізді :

*Махаббат, қызық кім көрер,
Оның да дәмін татпаса?
Біржола басты кім берер,
Жаңыңа қайзы батпаса.*

(«Жастықтың оты, қайдасын?»)

Шынайы гармония! Сөздің құпия жаратылысы – өлімге бас
ұрмайтыны орасан рақымды жазмыш. Өлеңнің ермек үшін
жазылмайтынын кенет ұққандай, арқаға қанат біткендей
ризашылық кернейді жүректі. Тәубә!

25.08. 2004.

АЙТУЛЫ ЕР ИМАНЖҮСІП

ессе

1. Тұлғалық «мен».

2013 жылдың 30 сәуірінде ҚР Ұлттық академиялық кітапханасында Иманжүсіп Құтпанұлының 150 жылдығына арналған «Дәурен сүрдім бір кезде құстай ұшып» атты жыр көші өтті.

Иманжүсіп атын естісе, елең етпейтін қазақ жоқ. Тек тілін, тек-тамырын, құнарынұмытқандарғана селт ете қоймас. Алаштың ақжүрек ақыны Серік Тұрғынбекұлы Ақан серінің романтикалық курескер өмірін роман-дилогияға өсіет қылышп, артқы ұрпаққа аманаттап кеткен жазушы Сәкен Жұнісовтіңжүрт алдында «Ерейментау» әнін ұдайы жүргімен шабыт кернеп, шырқап салатынын әңгімеледі.

Қазақтан қайран қазақтық алыстаған сайын Иманжүсіпке нағыз алаш баласының сағынышы бір басылмайды. Түбі шикі болмаса қазак оған бей-жай қарай алмас. Иманжүсіптің әнін кезінде академик Қаныш Сәтпаев сүйіп салғаны естеліктерде бар. Қазақтың ең таңдаулы адамдары бұл әнге шын құмартуынын сыры неде?

Өйткені «Ерейментауда» – Иманжүсіптің таңғажайып портреттік бейнесі тұнып тұр. Табиғи құнары қүшті, сұлу, бекзат, нұрлы бейне. Ол жеке адамның образы бола тұрса да, қазак деген қайсар халықтың асыл ұлдарының ұлттық мінез-құлқын даралайды. Халықтың дегдар рухынан, тектік жаратылышынан жаралған. Тек қуалаған даралық, ата текке тартқан өршілдік. Онда адалдық пен азаттық сүйгіш ұлы қасиет айқын білінеді.

«Ерейментау» – Иманжүсіптің айдауда жүргенде, ел мен жерді, өзі кіндігімен байланған тұрмыс-салтты ерен сағынғанда шығарған құса өлеңі, жасымас өр рух пен сағыныштың улесі басым.

Иманжүсіп бұл өлеңде лирикалық кейіпкер – «мен» арқылы исі қазақтың тағдырында бар, арқасына батқан кесапттың сырын ашады.

«Ерейментау» – өр түрлі нұсқасы бар өлең. Өуелгі нұсқасында 9 шумақ. Ал «Бес ғасыр жырлайды» атты кітапқа енгені Иманжүсіптің біраз өлеңдерінің басын қосып,

бір атаумен бере салғаны білінеді.

Шідердің үш балығын атқа салды,

Иманжусіп атымды хатқа жазды.

Ата-бабам дәулеті арқасында,

Жұдырықтай басымды отқа салды.

Иман – дін үшін ең қасиетті үфым. «Иманжұзді» – инабатты, жүзі жылы. «Иманы жок» – ұяты, адалдығы жоқ. Жексүрын, сұмырай, онбаған адамда иман болмайды. Ол шығыс шайырларынша, өз есімін өлеңде таңбалайды. Мұны грекше «сфрагида» («мөр») дейді, кейінгіде Қасым Аманжолов жиі қолданған әдеби тәсіл. Шортанбай Қанайұлы:

Иманы бардың белгісі –

Тілінен тамар шырасы.

Қазақ адам баласының имандылығына аса мән берген, оны ерекше бағалайтын халық.

Мен елімде жүргенде жүрттан астым,

Менменсіген талайдың көnlін бастым.


Жаныма ерген жігітке олжа салып,

Бір тұнде сегіз қызды алып қаштым.

Иманжусіп – өлгеннен соң да ғашық қыларлықтай нартұлға. «Жігіттер қолдан келсе, маған ұқса» – дейтіннің өзі. Иманжусіп серілік құрған дәүірдің үшін жана низамфа ілігіп сор тартты. Иманжусіпте айтулы ерге қыз теріс қарамайды. Сал-серілер ел еркесі болғанын бәрі біледі. Біржан сал «Сұлулардың қасына көп жантайдық» мұны ашық айтады. Ақан серінің «Сырымбеті» – қайта оралмас жастық шағын, сұлу біткенге сүйкімді қалыбын аңсан, өмір соны қайғы екенін біліп, араздастып, шер тарқатуы.

Көне Гораций үлгісімен Пушкин өз «менін» поэзия көкжиегіне темірқазық қылды. Өйткені ол жай бір сандалма, еріккен көп «мен» емес, еңасылзатты таңдалқонар, құдайдан берілер сый – ел бағына туатын тұлғалық «мен». Ұлы ақындар, данышпандар елі мен жерін, рухын қорғау үшін, әулиелік сезбен бағын өсіру үшін туады. Тұлғалық «меннін» кедімгі пендеге тән «меннен» айырмашылығы сонда. Ал ұлы тұлғалары жоқ, немесе тым жұпыны, суреткерлерінің саны аз халық санатқа ілікпей қор болады. Ол халықтан ғері қара тобырға тартады.

Ердің өзін айқын білуі, жорта көлгірсімей тануы Иманжусіпте ерекше қуатпен берілген.



Сусыз жерге ауылым қона алмайды,
Кері кеткен тірлігін оңалмайды.
Жұз қатыны қазақтың ұл туса да,
Бәрібір Иманжүсіп бола алмайды!

Кейде «Қыпшақтың жұз қатыны ұл туса да» болып келетін бұл ойдың түп қазығы – Иманжүсіп нағыз дара, айтулы ердің өзі. Бір қарағанда өркөкірек меммендік, асылық тәрізді сезілері анық. Бірақ Иманжүсіп иненің жасуында жалған сөйлеп тұрмағаны тағы айқын. Оны Иманжүсіптің сөнбейтін жарқыраған жүлдізы айғактайды. Харизма. Құдайға жазған құл-адасқан періштенің кекиген тәкәппар басына лағнет қамыт киілген, содан қарғыс атқан соң ол әзәзілге айналған. Мынау мадақ Қазтуған жырау рух шақырған – «Бұл болып айды ашқан, / Мұнар болып құнді ашқан», «Бұлдырайған екі шекелі» – Ерді сыйлайтын халықтың төл дүниетанымы, сондықтан күпілдек құр мактаннын ада. Ердің әруағын сыйлау, қас жақсының құнын білу қазаққа тән қасиет. «Ұл туғанға құн туады» деген қазақ. Ержүрек ұл өссе, елін қорғайтын ерге айналар.

Ал қазір Иманжүсіп текстес жұз ұл туса да орны толмас дейтін ер жігіттер қайда? Ерлердің көбі неге ұсақталып, төмен етекті әйелдің рөліне еніп кетті?! «Қатынбасша» – жігерсіз, сүмелек ерек неге бүгінде сүмдық молайды? Тумай тұа шөккен талай жарығы, жазығы жоқ нәрестенің обалы мен қаны ақымақ, имансыз қыздың ғана емес, арсыз, тексіз, корсыз жігітсұмактардың да мойнында. Азаматтық, адамшылық сонша неге құлдилады? Мұның тылсым себебі, асыл ерлерді, қас үлгі тұтарлық бес лайық азаматтарды тарих кезеңдерінде талай мәрте отап, қынадай қырғанында болуы ғажап емес. Жамандар көбірек жан сақтады. Ерлерден ірілік, өрлік кетті. Ұсақталғандары соншалық, олар күні ертең өлерін, құдайға есеп берерін ойламай, мемлекеттің ірге тасын құлататын сыйбайлас жемқорлық, араны ашылған сүмдық дүниеқоныздықтын арсыз құлына айналды.

Үлкен парасат иесі, нағыз зиялды, сыншы Зейнолла Серікқалиев айтқандай, қазіргілер адад адамды Мырқымбай деп ұгады. Адалдықты бәрі жабыла тепкілең өлтіріп, көрге тығып құтылғысы бар. Аллатагаланың бір ататы адалдық болса, ендеше адалдық өлмейді. Ер қадірін білмей, алтын басын төмендетуге қазіргі қазақ қоғамы мейлінше ұрынғанын

аңдаған сайын Иманжусіп тәрізді біртуар ерлердің дегдар бейнесі сағынтай қоймайды.

Ерлерді әдейі құлдилату, ерлерді кемсіту бір халықтың құруына бастайтын кесел. Қазіргі әлем-жәлем әлем мұны гендерлік саясат деген атаумен бастап кетті.

Тектілік қасақана құртылған сайын қазактың санасы мәнгүртene түсті. Репрессия жылдарында Иманжусіптең нағыз ерлерді панасыз тағыдай қылып, бір сайда атып тастаған сайын қазақтан иман мен береке кетті. Мұның бір кесаптты салдарын Серік Аксұнқарұлы былай таңбалайды:

Ана тілім, Алашымның көзі едің,

Өртенеді өзегім...

Үндемейді бесік жырын айт десем,

Өгей шеше – өз елім?!

Қазақтың ежелден тамыр тартқан төл әдебиетінде атадан артық туган ерлерді ерекше сую, бағасын білу бар.

Халел Досмұхамедұлы «Аламан» атты құнды жинағында «Қарасай-Қази» жыры туралы жазды: «Сонда бір аяғы ақсақ, бір көзі сокыр Орактың катыны сөйлейді:

Құландағы қақтан қайырған,

Хандарды тақтан тайдырған

Кешегі менің Орағым.

Болып өткен ер еді

Айтулы ердің бірі еді!».

Қазіргі қазақ поэзиясы бабаларға тән үрдістен жаңылған жоқ. Манқыстауда туған Светқали Нұржанов «Адай Сүйінқараның таз Төремұратқа мола салдырғаны жайлышқа» атты балладасында ата дәстүрдегі осы айтулы ерге шынайы күрмет дәріптелуі заңды:

Әлі есте қан-қамауда айтқан сөзі,

Баяғы Аллақұлдың қырғынында.

«Мен өлсем – алты Алаштың белі сынар,

Сен өлсөң – бір қатын ұл тудад!» – деген.


«Ерейментаяу» жырының мәтіне оның «Бұғылы-Тағылы» атты өлеңінің 5 шумағы еніп кетсе керек. Бұл өлеңді ол айдауға бара жатқанда жазған.

Қысырақтың үйірі жирен ала,

Орыс, қазақ байлары жапты жала.

Сүйіндікке бет алып шыққанымда,

Көрінуші ең алдымен Ботақара.



«Қазтуғанның қонысымен қоштасуы», «Қозы Көрпеш-Баян сұлу» лиро-эпостық жырындағы Ай, Тансықтың туган жермен қоштасуы қазақтың ұлттық санасында архетип, тамыры.

Бұғылы мен Тағылы бүркіт салған,
Ұйпалақтап қып-қызыл тулкіні алған.
Атамекен жерлерім – кәрі қойтас,
Көзімнен бұл-бұл ұштың дүние жалған.

Бұғылы-Тағылы. Қазақтың ешбір халықта жоқ асқан жершілдігіне дүние жүзінде ештеңе жетпейді. Аң мен құс, төрт тулік аттары кілең топонимдер болып келеді. Антропонимдер қазақ дәстүрінде бұған қарағанда сиректеу. Жамбыл «Өтеген батыр» атты жырында: «Бұл жырды мен естігем / Тағы құлжа үнінен» деп жырламаушы ма еді. Құланда, Құланда даласы, Жыланда таулары бар. Жабайы иен табиғатта бұла өскен халық ғарыштық аспан денелеріне, жер сұлұлығына қарап, көркем ойлауға әбден дағыланған, мұны космостық көру деп атайды. Сондықтан болар, Ұлықбек Есдәulet қазақ тілін «құдайдың тілі демейін тегі / табиғаттың өз тілісің! » деп арнау жазады.

Ауылым Қүйгенжарға қона алмайды,
Өткен күн қайта айналып оралмайды.
Толғатып тоқсан қатын ұл тапса да,
Бәрібір Иманжусіп бола алмайды.

Адамзат баласы анадан жалғыз туады, жалғыз өледі. Бір адамды бір адам түк қайталамайды. Бір Аллатагаланың құдіретімен солай. Атадан асып туатын ерекше ерлерді ел дәріптейді, ғасырлар өтсе де олардың аты өшпейді.

Мамай батыр өлгенде тоқсандағы шешесі Қарағлектің жоқтап айтқаны:

Артында қалған жас бала
Қашан сендей болады?!
Қырық ұл туса бір күнде,
Орның қалай толады?!

Жұртынды дұспан ториды,
Кім мініп атқа, қориды?!

Ахмет Байтұрсынов Мәскеуден 1926 жылы қазақтың жоқтау жанрындағы жырларын жинап, бастырган.

Өлдің, мамай, кор болдың,
Тірлігінде зор болдың...

Дұспанға құрған тор болдың.
Иманжүсіп бейнесін казіргі қазақ өлеңінде Фалым
Жайлайбай жырға қосты:
Толғауымен тірліктің тоналды ай, жыл,
Бота болып боздады Боралдай – жыр,
Ақку-қазым айдынға оралмай жүр.
«Талай қатын қазакта ұл туғанмен –
Бәрібір Иманжүсіп бола алмай жүр».
Өткен күннен атады өлең дерек,
Өлең барда ойламан өлем бе деп,
Иман аға,
біз қашан төмөндеп ек?
Көкмойынға үкілі көз сап тұрмын –
Мойныңдағы тұмарын көрем бе деп...
Бұл ата дәстүріне адалдық. Елі үшін жанын қиган ерлерден
өткен ардақты адам болмайды. Шернияз Жарылғасұлы
(1807-1867):

Па, шіркін Исатайдай сабаз тумас.
Ер тумас ел бағына ондай жайлы.
Карадан халқы сүйіп ханым деген
Жігіт ед төрт тұрманы түгел сайлы.
Ел жүрегі ел қамын жеген ерлерге елжірейді. Махамбет
Исатайды былай жоктайды:
Таудан мұнартып ұшқан тарланым!
Саған ұсынсам – қолым жетер ме,
Атқан оғы Еділ – Жайық тең өткен,
Арыстан еді-ау Исатай!
Бұл фәнидің жүзінде
Арыстан одан кім өткен?!

«Ұсынсам қолым жетер ме?» – бұл аса жоғары құрмет, нағыз мәртебесі асқан жандарға газиз жүректен айтылар жанды сөз, яғни тұлғалық «менді» сүйіп дәріптеу. Исатайдан айрылған Махамбет бұл жерде оның қайғылы қазасынан бөлеқ, дегдарлығын, асқан ерлігін, елге тұтқалығын қоса ұлықтағаны айдан анық. Небір билеушіге де арнала бермес әрі мадақ, әрі реквием. Құдайға ғана адамның ұсынса қолы жетпейді.

Сөз астарын түсінбес, жұмбағын білмейтін адамдар үшін тұрленіп айтыла беретін «Қыпшақтың қырық қатыны ұл туса да, / Бәрібір Иманжүсіп бола алмайды!» деп ақынның

өзі кесіп, үкім айтқандай құлаққа тосын естілетін жолдар құр мактап, өркөкіректікке еш жанаспайды. Бұл тұлғалық «мен», үкім емес, шындық сәулесі түскен иғлік нышан.

Ең әуелі Иманжүсіп аты – қос есімнен құралған. Оның Жүсібі – көне дәуірдегі пайғамбар аты. Таурагта бірнеше Иосиф бар. Соның бірі Иаковтың (Жақып) үлкен ұлы Иосиф. Ол бағы жанып, елден асарын түсінде көреді. Түсінде оған күн мен ай, 11 жүлдyz басын ііп, тағым етеді. Ағалары оны қызығанып, өлтіргісі кеп, бірақ 20 күміс ақшага құлдыққа, шетке сатып жібереді. Ақыры Мысыр патшасының ең сенімді адамы болған Иосиф аштыққа ұшыраған, жасында өзіне опасызыңык жасаған аға-бауырларына кешірім жасап, асырап, зор қайыр қылады. Бұл әпсананың түп астарында еврей халқын сақтап, өсіп-өркендеуге бастар тұлғалық таным – ұлттық идея жатыр.

Мой стих – Иосиф прекрасный, я пленник его красоты.

Мой стих – соловьиная песня, к нему приковал меня рок.

Жүсіп есімін жырға символ қылып жырлаған бұл Рудаки, парсы-тәжіктің ұлы ақыны.

Анызда «Иосиф прекрасный», сұлу Жүсіп, ол «Жүсіп-Зылика» жырына арқау болған. Көрікті Жүсіп кіріп келсе, ас әзірлеп отырған әйел, қыз атаулы оған еліте қараймын деп саусақтарын кесіп алатын болған дейді. Қазақтың Иманжүсібі осал болмаған:

Қараөткелдің кіргенде көшесіне,
Маржалары көрем деп қамалаған.

Ғасыр бүрін орыс келіншектерін қазақ «Маржа» деп атаған, «Мария» деген жиі кездесетін ат қазақыланып, бұрмаланған түрі. Олар қазақты ғұратана деп менсінбес еді. Иманжүсіп қызы, келіншекке сүйкімі күшті болғанын айтпай неге кетсін:

Екі жағы дарияның қалың шұбар,
Көкмойынға үкілеп тақтым тұмар.
Бір түстеніп аттанған ауылымның
Қыздары болушы еді маған құмар.

Көрген кіслердің айтуынша, Иманжүсіп бір ауылдан атымен аттанып бара жатқанда, некелі әйелдер көздері сүзіліп, сонынан қимай қарап қалады екен. Айтулы ердің бір касиеті – жар сезімін, сүйіспеншілікті ояту екені тағы айқын.

Әкем Құтпан болғанда, ағам – Шонай,
Адамзатта ұл тумас мендей күмай.
Болыстың поштабайын сабап едім,
Төрт аяғы байлаулы қойдан оңай.

«Мен – құсттан туған құмаймын» дейді Махамбет. Біржан салдың кегін болыстың поштабайын сабап Иманжұсіп қайтарғандай әсері бар. «Ерейментау» атты өлеңде айдауда таршылық басына түскен ақын тағы екі ағайыны – Тұрсынбай мен Дәулетханды еске алады.

«Оның қыздары Үлбі мен Құлзагипа әкесін тәте деп атаған. Иманжұсіптің үлкен ағасы Шонай сол Қарасуда (Ақмола) өмірінің сәтіне дейін өмір сүрді. Бабамыз Тұрганбайдың кіші інісі – Басықара. Малбике бейшара құмды шөлден өзінің туған баласы Баймырзаны тастанап, осы Басықараны аман алып шыққан екен», – деп жазады атасына арнаған «Тұлпардың ізімен» атты кітабында Иманжұсіптің туған немересі Раушан Нұрханқызы Көшенова.

Асырап алған әкесі баланы Құтпан атаған. Иманжұсіптің әкесі Құтпанның шын аты – Баймырза екен. Ол Кенесары жасасында 10 жыл жүрген. Азаттық идеясы Иманжұсіптің қанына Қоқан, Хиуамен күрескен атасы Тұрганбай датқадан берілгенін тарих біледі. Датқа, онтүстік өнірлерде аға сұлтан дегенді білдіретін Сүйінбай Аронұлының өлеңінде бар.

Тобықты Қеңірбай би өз туысина: «Атыңнан айналайын, Қараменде, / Ұл тумас сірә, сендей кейінгі елге. / Керегедей Шыңғысты қия алмадым, / Не де болса қаламын осы жерде», – депті. Майлықожа ақында «Ілгері өткен жақсылар» деген ой бар. Айтулы ерді жұрты қайталанбас тұлғасы арқылы ажыратса керек.

2. Сарыарқа.

Менде дүшпан көп еді қамалаған,
Иттей болып барлығыабалаған.
Кіргенде Қараөткелдің базарына,
Қызық көріп қазақ, орыс жағалаған.

Иманжұсіптің өз өмірінің деректері. Орыс классикалық әдебиеті, Иван Крыловтан бір мысал бар: «Пілге үрген кәндөн», адамзат жарагалы солай. Жақсыны жамандар қосыла итше талау тыылмайды. Өйткені жамандар кас жақсыны көргенде өз қораштығына, күйкі дарынсыздығына

өлердей арланып, соны кек тұтады. Абай бекер жазбаған:

Жаны аяулы жақсыға қосамын деп,

Әркім бір ит сақтап жүр ырылдатып.

Адамзаттың әлсіз жаралғанын дін растайды. Жан дүниенің тазалығы, ізгілікке ұмтылу көкірек көзі ашылған соң болар шапагат.

Ішім өлген, дүние-ай, құр сыртым сау,

Маган десен, көз жасым, жаңбыр боп жау.

Бүркіт салып басыңа шығар ма едім,

Бір көрінші көзіме, Ерейментау.

«Бір қызық ісім екен сұм жалғанда» деп «Қансонарда бүркітші шығады анға» –құсбегілікті Абай ерекше көркем жырлауымен қазақ өлеңін байытты. Иманжүсіп айдауда жүргенде Ерейментауды сағына есіне алуы бүркітшілігімен тікелей байланысты ойға құрылады.

Сарыарқаның құдіретін талай ақын жырға қосқан. Дулат Бабатайұлы:

О, Сарыарқа, Сарыарқа!

Самалың салқын жон едің.

Сырдан ауып келгенде,

Жапырылмай шалғының,

Балауса балдыр балғының

Тимеген ірге соны едін.

Ал Мәшіүр-Жүсіптің шығармалары 5 том, 37 бетінде «Қалмақтың Сарыарқаны жоқтап жылаған зары» бар:

Кете бардым зар жылап,

Сендей жерді жалғанда,

Іздеп қайдан табармыз?!

Қазақ пен қалмақ 200 жылдай шабысқан. Арқадан қазақ ауа қашып, қайта оралғанша қалмақтан Арқада Зұрпақ өсіп өнген.

Кемеліне келген соң,

Арқаны қазақ көкседі,

Арасынан қалмақтың

Бәленің оты өшпеді.

Дулат Бабатайұлы «Ой, Сандықтас, Сандықтас – Атамның қонған жайлауы!» деп небір молшылық, ырыс-несібе Арқа төсі туған жердің арқасы деп дөп танитын жыраудың «Ата қоңыс Арқадан» атты өлеңінде мұны айғақтайды.

Нарманбет Орманбетұлы, зарзаманның артқы ақынында

«Сарыарқа» – жоқтау:

Сарыарқа, сарқыраған сүнәң қайда,
Тұнде шық, күндіз мұнар, буың қайда.
Найзағай жарқ-жүрк етіп нөсер құйған,
Көк жасыл, кемпірқосақ туың қайда...

«Ер Мамайдың алдында шаһид кештім, өкінбен!», – деп жырлаған XVI ғасырда өмір сүрген – Аймадет Доспамбет жырау. Ол туралы академик Сейіт Қасқабасов былай деп жазады: «Доспамбет жалындаш жанады, үміттенеді, қайраттанады. Өмірден ерте кеттім деп өкінбейді. Керісінше, өзіне лайықты, жақсы өмір сүрдім деп есептейді, өйткені оның идеалы – Сарыарқа үшін щайқаста шәйіт болған жауынгер. Доспамбеттің ойынша, ең бақытты адам – арғымақ мінген, көбе киген, жұлпар аруды құшқан, той тойлап, армансыз қымыз ішкен, жау келсе, қарсы шапқан жаужүрек жігіт. Міне, Доспамбет өзін осындағ өмір сүрген кісі ретінде көрсетеді. Ол өз дәүірінің қоғамына, болмысына, тіршілігіне дән риза. Оны жалған дүниедей, қайта дәріптей жырлайды. Оған құштарлық танытады. Өмірден түнілу атымен жок».

«Доспамбет жырау бірінші жақтан сөйлейді, жырау өзі туралы айтады, өзін қалың жаудан қайтпайтын жырау, нағыз қаһарман етіп сипаттайды:

Достым менен дұспаным,
«Апырым, ер Доспамбет!» – дегей ме?».

(Сейіт Қасқабасов. 1 том. Жаназық. 504 бет).

Батырлық пен жыраулық қанға сіңген– ногайлы заманынан үзілмеген қасиет Иманжүсіп Қазтуған, Шәлгез, Доспамбет, Ақтанберді, Жиembет, Махамбет – кілең ерлердің тұяғы.

Сарыарқа – қазақтың жұлын омыртқасындағы. «Еділ үшін егескен», «Жайық үшін жандасқан» (Махамбет) – туған жер үшін айнала қаптаған дұшпандармен соғысып өткен ерлер ұрпағын корғады.

«Ерейментауга» кейіннен қосылып кеткен басқа бір нұсқасында жыр басы былай басталады:

Абылай аспас Арқаның сары-ай белі,
Куандық пен Сүйіндік жайлайды елі.
Қырық мың жылқы су ішсе лайланбас –
Нияздың Аюлы мен Қара көлі-ай.

Бұл екінші нұскада Арқа өнірінің географиялық деректері бар. Шежірелік деректерден қыпшақпен қоса

арғын тайпасының кіші екі атасы, Қуандық пен Сүйіндік қатар аталады. Рұсыз сөз сөйлеу ескі қазакта болмаған. Ақын өзінің қыпшақ руынан екенін – «Қыпшақтың баласымын Иманжұсіп» деп айтуы заңды. Иманжұсіп өлеңі құдіретінен сол көлді жайларған Нияз деген байдың есімі хатталып, үрпақ жадында қалды. Әрі бұл әнімен шырқалар өлең болғандықтан қазақ үшін темірқазықтай жарық. Иманжұсіптің композиторлығы өз алдына.

Жылқының таңдалап кілен саңлағын,

Туган даламды түгел шарладым.

Бұл Дәүлеткереи Кәпұлы, кейінгі қазақтың түйе қомында өскен, көшпелі өмір қызығын көрген саусақпен санаарлық азғана баласының бірі.

Ал жерінің көндігі мен сұнының молдығын қазақ қашанда «Қырықмың жылқы су ішсе лайланбас» – жылқымен өлшейді. «Тағы да бас қосқаным Жағалбайлы, / Жылқысын көптігінен баға алмайды». Ер Төстік тумай тұрып, Ерназардың 8 ұлы, Баян сұлудың әкесі Қараабай, қазаққа біткен бай атаулы тегіс жер қайысқан қалың жылқы қамымен ата қоныстан шығандап кете береді. Бақытжан Раисова, өскемендік ақын, дала мен көшпелі өмір салтының біртұтас құбылыс екеніне дәл мегзейді:

Дала, дала, көшпендінің ең соны,

Күн астында Күнекейім дер сені.

Мәшіүр-Жұсіптің «Бауыры Ерейменнің айдала еді. / Жер екен дуасы жок Ерейментау / Жігіті болады екен молдамен жау» деп сынайтыны тағы бар. Иманжұсіп жер аттарын жырында қадай атайды. Соның ішінде «Көктің көлі» туралы бір қызық дерек – Мәшіүр-Жұсіптің «Шон бидің Қуандық еліндегі асқа баруы» атты жазуында бар. Елдің бәрінен бійк боламын деп 100 жылқы құнына сәүкеле жасатып киген, асқа түйе мініп келген Көктің көліндегі Инем баласынан шыққан Өтебай сал, қымбат сәүкелесін бір тақиядай көріп, ұзатқанда кисін деп Шон бидің қызына бір сақау арқылы бере салады. Мәшіүр-Жұсіп мұны «Бұрынғылардың бәрі әулие екендігі осындаидан білінеді» деп түйіндейді.

Қатар-қатар салынған тастарың-ай,

Мұнарланып көрінген бастарың-ай.

Еске түссен, қайтейін, Ерейментау,

Тыя алмадым көзімнің жастарын-ай.

Иманжүсіп айдауда жүргенде туған жердің баға жетпес қасиетін жырға қосып, жүрегіне толған шерді актарды:

Актау, Ортау, Қаратай, Қөктің көлі,
Жаз болғанда жайлаушы ед көшіп елім.
Сағынгандың көзімнен бұл-бұл үшты
Ақ туын ата-бабам тіккен жері.
Несібемді жазған екен менің түзден,
Қойыптың күдер үзіп ел-жұрт бізден.
Қайран ел, оқта-текте еске түссен,
Жасымды тия алмаймын екі көзден.

Алаш арысы Ахмет Байтұрсынов айқын айтқандай, «Қазақ жерін алу тұрасындағы низам» Сарыарқаның иен даласын өз ұлдарынан тазалауды бастады. Айтулы ерлерді құрту басталды. Иманжүсіп сол құрбанның біріне айналды.

Құнсыз болып еріміз,
Жесір болып жеріміз,
«Жан менікі» дей алмай,
«Мал менікі» дей алмай,
Ит пен құсқа азық ек.

Ахмет Байтұрсынов «Тілек батам» атты өлеңінде осылай құніренді. Өйткені үкімет-орыспен қоса биліктегі қазактың болысы мен парапор ұлығы анқау елді жабыла қанады. Сүйінбай ақын қазактың қоршылығы жаңа низаммен бекігенін жырға қости:

Қайран қазақ қор болды-ау,
Құр бекерге далақтап.

Қазактың генетикалық қорын құрту қазіргі ұлт мәселесінде текке кеткен жок. Өз тілінен өлсе айрылмайтын өзбек пен тәжікпен салыстырғанда, қазақ туған тіліне сұмдық обал жасады, сондай-ақ, қақ жарымынан астамы ана тілінен макрұмдығына әсте қайғырмайды. Өз тілін қорашынады. Қазақ болуға намыс көреді. Оның шын мұскіндік, сорлылық екенін ұқпайтын миғұла.

Намысина қазактың
Мың жерден көр қазылды.
Аза тұтқан аз ұлдың,
Есімдері тасқа емес,
Көкіреккө жазылды.

Алтайдың ақ өлеңмен жазатын мықты ақын қызы Бақытжан Раисова қазаққа арысы жонғар, берісі совет

үкіметін жамылған зұлымдардан болған геноцид астарын өлеңде астарлайды. Бұл кәдімгі көр емес, елдік намысты өлтіруге қазылған мың көр. Намыссыз халық – өлген халық.

Қазақ баласының туған жерге сағынышы әлі сол қалпында, әлбетте, мәңгүрттенген, шіріген жұмыртқа тәрізді өзін-өзі өгей қылған адасқан ұрпақты қоспағанда. Жас ақын Ербол Бейілхан былай жырлайды:

Сарыжайлау, сағынышым мәңгілік!..

Жүк артушы ек, сарыатанға қом қылып.

Бозторғай –таң шырылдамай аттанып,

Сары жонға қөш жетуші еді болдырып.

Иманжүсіптің «Ерейментауы» – азаттық идеясын ұлықтауымен елім деген әр қазақтың көкірегінде жазылып қалары айқын. Түркістан-Тұран елін сую идеясы жолында өмірін күреске арнап, жанын берген Мұстафа Шоқай Иманжүсіп шыққан қыпшақ руының шашты атасынан болатын. Мұстафа Шоқай рухын жаңа заманда жаңғыртып, зерттеуге ерекше қажыр-қайрат жұмсаған алаштың ақыны Қасымхан Бегманов жырга қосқан:

Түркістан ием, біз үшін, Тәңірмен бірдей есімін,

Алаштың алтын бесігі-ай, мұндасы жетім-жесірдің.

Азаттық, теңдік – барлық халықтың арманы. Ақын сөзі өулиенің батасына татиды. Шайырдың дуалы сөзі 300 жыл өтсе де орындалары бек анық. «Сөйлер тілі түркменнің» – Мақтымқұлы Пырағы елі мен жерінің бағы үшін үнемі бірлік пен ізгілікке сенім арта жыр жырлауы бүгінгі Түркменстан мемлекетінің бейнесін ғасырлар бұрын сүйіп, болашаққа аманат қылып, бедерлеп айтқанының арқасы деп ұғамын. 1733 жылы туған классик ақын Мақтымқұлын сол үшін ерен сүйіп, қастерлеймін.

Теке, жәуміт, язырға

ғөклен, ахал қосылса,

Мүмкін емес

түркменнің гүлзарлары солмағы.

Мүмкін емес

түркменнің біреуге құл болмағы.

(Түркмен тілінен аударған Дүйсенбек Қанатбаев).

«Ерейментау» – тұлғаны, тұлға арқылы ұлттық болмысты танытатын өте биік, текті өлең. Қап тауларынан алтынды Алтайға созылған кең алқапты жайланаған көкбөрінің ұрпағы

исі қазақ баласы үшін азаттықтан асқан құдірет бұл әлемде болмаған әрі болмайды да.

Аманхан Әлімұлы «жақсы сөз – жарым ырысқа» татитын ұран сөзді өтірік жыламай, құса-мұнға құламай айқын қылып айтуы нағыз құдайшылық:

Бақытты сезбесен сол қайғы,
Жасасын, жасасын азат күн, –
Азаптың жыршысы болмайды,
Ақыны қазақтың.

Илайым, қазақтың бағы өшпесін, қазақтықтың күні сөнбесін! Өрлікті ту қылып өткен бабалар жолы қайта жаңғыруға жазсын!

1.05. / 5.05.2013.

ӘЛКЕЙ МАРҒҰЛАННЫҢ «ҚАЗАҚ ӘЛЕМІ» ХАҚЫНДА

Қазақтың біртуар ғұлама ғалымы, академик Әлкей Марғұланның «Қазақ әлемі» кітабында туған ел мен жердің тарихи, мәдени, этнографиялық асыл мұралары зердеден өткізілген. Бұл рухани әлемнің тек бір ұлтқа тән эстетикалық, әлеуметтік, тайпалық, дүниетанымдық айшықтары. Академиктің көлемді ғылыми монографиялық еңбегі «Бегазы-Дандыбай мәдениетінің ескерткіштері» атты кітабында да ұлы кеңістік, евразиялық кең алқап суреттелген. Каспий тенізінен Алтай тауына дейін қалқыған Қыпшақ даласы, көшпелі құбылыстың тал бесігі болатын.

«Қазақ әлемінің» алғашқы белімі «Бөрі тотемді петроглифтер. Шапырашты руының тотемі» деп аталағанда. Өнердің шығу тегі туралы концепцияның біреуі еліктеушілікке негізделген. Әуелгі жабайы адам айналасындағы мол табиғат құбылыстарынан, жаратылыстың тылсым құпиясынан сескеніп, аң мен құска, жан-жануардың тіршілік ырғағына еліктеген. Адам жаратушы Құдайын іздеген, тұттай жалаңаш, балғын шағында құдайына құлшылық қылуды түйсінген. Ғылымнан дін емес, діннен ғылым шыққан қайырлы құбылыс. Адам бар жерде өнер шықты. Өнердің ең көне ескерткіштеріне ең алдымен жартасқа салынған суреттер мен тасқа қашалған

сызба-нобайлар жатса керек. Әлкей Марғұлан кітабының алғашқы һарпін осы мағлұмматтан бастайды.

Петроглиф – ғылыми термин, археологтардың еншісіне тиғен. Петро (petra) грекше тас деген сөз, glyphe – ою, ойма, бедер. Адам ежелден тасқа құмар. Көзін таспен ашқан, тас оның күнкөрісіндегі ең қажет құралы болды. Әркениеттің қат-қабат, қатпар-қатпар қойнауларында, археологиялық қазба деректерінде мол ұшырысатын айғақ бұл. Әр тастың құны мен қасиеті жекедара, кәдімгі қымбат бағалы тастар көздің құртығана емес, қоғам жылнамасы, мәдениеті, дамуының көрінісі.

Жартасты кез келген каракшы, олжа алғыш қанша сұқтанса да көтеріп әкете алмайды. Оның баға жетпес осы қасиетін әуелгі суретшілер сүйіп таңдағаны шүбә тудырмайды. Петроглифтер – тасқа тіл бітіру. Тас сөйтіп адамзат үшін көркемдік, беріктік белгісі болып көрінді. Таста тамыр жок, бірақ оған өнер араласса ұзақ ғұмыр бар. Табиғи мұражай, аспан астындағы галерея. Құдайдың құдіретімен бөлшектен бүтін құралғандықтан өлген соң сүйектері үгіліп, топырақ болып кеткен, тұқымы сакталмаған ежелгі аңдардың тірі бейнесі таста сакталған. Таң та су сияқты ақпарат сақтаушы.

Шың, құз, жартастағы суреттер, петроглифтер үдерек көшкен тұрлаусыз ғасырлар керуен көшінен, жаратылыстың үркөр шоғырындағы ауған аумалы-төкпелі мәңгі ағымынан, көктегі бұлттардай кезбе дәуірлер мен уақыт атты философиялық дерексіз дүниені деректі хроникаға айналдырган құдіреттің тегеуірініне төтеп бере алар өнердің бір түрі. Ғалым сол суреттерден өз халқының өткенін көргісі бар, жұмбағын шешуге талпынады. Ол тек ғылыми тұрғыдан саралап көругеғана ұмтылмайды, өз зерттеуінен орасан зор ләzzат алады. Бұл сүйініш кітаптың алғашқы бетінен-ақ айқын сезілгендейтін оқырманың баурап алады.

Романтикалық дуниетанудың бастауында осы бір мәнгілік суреткерлік түр. Сонымен ежелгі суретшілердің қазіргі техникалық замандағы суретшілерден басты айырмашылығы әрі артықшылығы соңда, олар ашық аспан астында сурет салды, ұлы табиғат ана бесігінде тербелді. Тәңіріге бұрынғылар бір табан жақын болды. Бағзы шеберлердің шеберханасы, мольберті, түрлі-түсті бояуы, қылқаламы болған жок. Олардың кескіндеген суреттері көбінесе флора емес, фаунаға қатысты.

Жартасқа таңба салуда гравюраны қолданды. Гравюра – орыс тіліне берік орнаған сөз, француз тілінен енген. Бірнеше мағынаны береді, негізгісі графиканың бір түрі, оюлау, бедерлеу, қашау, өрнектеу арқылы жүзеге асырылады. Ол ежелгі дәуірлерде ағаш қабығы, жақпар тас, жартас бетіне ойылған сурет.

Алғашқы қауымдық құрылышта аңшылық асырады. Жер бетіндегі тірі организмдер дамуының ең жоғары сатысына көтерілген, еңбек құралдарын жасап оны қажетіне жарата білген адамзат қоғамы үшін тарихи және эволюциялық дамудың өзегінде аңшылық жатыр. Аңшылық пен аңдау деген екі сөздің түбірі бір, омоним. Аңдау – адамзаттың объективтік дүниені тану жүйесі, айналасындағы нақты құбылысты дөп қабылдай алу.

Көк күмбез астында, күн райының ыстық-суығында, жел-жаңбырға қалқан жоқ, ай мен күн нұрына шомылып, кеудесін шығармашылық қуат кернеген, адами биік рух шеберлендірген тұңғыш суретшілердің күшті қолымен жартас беттері қашалды. Мұның касында үнгірдегі суреттерді көркем шеберханаға лайықтай салуға әбден болар ма еді. Авторды тебіренткен, зерттеушілік ісіне сәуле құйған, қиял-ғажайып дүниесін сөндірмейтін бір көркем қасиет – өмір оза береді, ұрпақ жалғасып ауыса береді, ал жартастағы петроглифтер акырзаманға дейін мәнгілікке таласқандай мызғымай тұра береді.

В дальних северных туманах

Есть угрюмая скала.

На безбрежных океанах

Чудный лик свой вознесла.

Александр Блоктың «Черная дева» атты өлеңіндегі тылсым жартас бейнесін ең алғаш жабайы аң терісін жамылған суретшілер андай білгені күмәнсіз.

Әлкей Ҳақанұлы Марғұлан жартастағы суреттер қазақ халқына ғана тән құбылыс емес, бүкіл әлеми құбылыс екенін айта келе, петроглифтер Қазақстанның құллі мекендерінде жиі ұшыраса беретініне мән береді. Олардың баршасында дерлік жануарлардың бейнесі жиі бедерленген. Аң аулау көріністері, сүт қоректі андарды аулау мол, ал жыртқыш андарды аулау тым сирек кездеседі екен.

Аю мен үнгір арыстанын аулауға ежелгі аңшылардың

құлқы соқпаған, ал күштіден ығысқан. Олар негізінен бизон, бұқаның тағы түрі, жабайы жылқылар, аша тұяқты андар, құландар..

Автор желмая туралы аңыздар, мифологиялық сюжеттерге құрылған өрнектер, өсіресе, жануарлар дүниесінің көптігін ерекше атап өтеді. Зерттеушілердің көпшілігі жартастағы бейнелер сиқырлы, керемет, діни ғұрып, магиялық соқыр нағымға негізделген деп есептейді. Суреттер ерекше маңызы болған, бұл құбылыс палеолит (сүйекті) дәуірінен ортағасырларға шейін жалғасқан. Петроглифтер – белгілер мен нышандар, аяндар мен баталар, өмір мен өлімнің ашық кітaby, тастағы жыр, күн астындағы дархан, сұмдық жойқын құшті кітaby. Петроглифтер бейнелеу өнерінің шығу тегі, негізі.

Әлкей Марғұлан мұның қунғе табынған, пұтқа табынған, табигат құбылыстарын баққан еркін, азат, ежелгі алыптардай құшті, бейәлім суретшілердің таңғажайып колтанбасы екенін дарарап көрсетеді. Мұның астарында өмірді тоłyқ сезіну, экологиялық апаттардан ада мынау әппақ дүниені ұlyқтау, өз көкірегіне ойды тау-тасқа көшіріп бедерлеу, рухани кеңістікке гарыштық қуатпен атойлай аттанған метафизикалық стихиялық құбылыстың ұшығы жатыр. Жартас бетіндегі тылсым таңбаларда мифология мен живопись біртұтас құйылады.

Дәл осы құбылыс жарық дүниеге жаңа туған әрбір жас нәрестенің бойында бар. Адамзат қанында бар қасиет: кез келген сәби бейсанана түрде әлгі ежелгі ата-бабасы жартас бетіне салған бейнелерден аумайтын сурет сала береді және сала бермек. Жас баланың беймағлұм шимайларынан сонау асыл мұраның нобайы түзіліп тұратындағы байқалады, адам баласының жұмыр басы қоқтегі қундей дәп-дәңгелек, қоздері жұлдыздай, аяқтары өзен жағасына өскен сәмбі талдың бұтағы сияқты, сәби көкірегінде көк пен жер атрибуттары тегіс. Петроглифтердің маңызы сонда, өркениеттің шаһары әлі алыс, бірақ қозғалыс, әлемдік баян, ұлы әдебиет сол жартаска түсken құландар мен турлар, аңшылар, бақсылардың бейнесінен басталса керек.

Сол себептен бе, Әлкей Марғұланның есімі жадта атымен жоқ көне дүние суретшілеріне деген құрметі мен тағзымы ерекше. Атсыз деген бүркеншік ат алған түрік жазушысы

бар. Кей-кейде тұспалшыл суреткерлік жұмбақ қисынды сүйеді.

Ал палеолит дәуірінің тамаша суретшілерін шетінен Атсыз десе артық емес. Өнердің бір киелі қасиеті, ол иесін жоғалса да мазмұны мен мәнін, философиялық құнарын ешқашан жоғалтпақ емес. Академик Марғұлан атсыз суреткерлердің тау жыныстарының ерекшеліктерін өте жақсы білгенін мәлімдей келе, ғылыми тұжырым жасайды. Гравюра салынған материалдар мәрмәр тас (гранит), тақтас тас, құмдақ, диорит, жылтырақ филлит тәрізді тау жыныстары екен. Және салу әдісі үш түрлі: таңбалы, яғни нұктелерді қуалай соғып істеу, сзып алу, жартастағы кескіндеме. Әлкей Марғұлан XX ғ. 40 жылдарынан бастап археологиялық зерттеу жұмыстарының осы саласын менгерген. Қазақстанның күллі аймағынан дерлік табылған жартастағы бейнелерді ол ұлы қазынага балайды, оның сюжеттік құндылығының теңдесі жоқ. Күнге табынушылық салты, бақсылық, құрбандық шалу, аңшылық, аң аулау сәті, астральды мифтер, жезстырнақ, т.б. бейне тастан табылады. Сондай-ақ, көне грек мифтерінен әлемге әйгілі кентавр бейнесі ең алғаш түркілерден шыққанын дәлелдейтін бір жайты Әлкей Марғұлан келтірген. Орталық Қазақстаниң табылған дөңгелек медальонның бір жақ бетінде көк бөрі, екінші бетінде адам-жылқы кентаврдың садақ тартқан мүсіні бейнеленген. Бұл көне қыпшақтардың VI-IX ғғ. қолтанбасы көрінеді. «Оғызнамада» бөрі бастаушы, бөріні түркілер кие санайды. Жазушы Марат Қабанбаевтың «Кентавр» атты роман жазып, ерен поэтикалық образға құмартқаны аян. Кентавр далалық стихия, қанда бар нәрсе құрымайды, рухымен баурайды. Ежелгі орыс аңыздарында құдайы көршісі далалықтардан қарызға алынған Китоврас (гректің «Кентавр» сөзінің бұрмаланған түрі) және Полкан есімді батыр кентаврлар бар.

Жаңа дүние тарихы еуразиялық салтаттылардың батыска жорығы, доңғалақты ат-арба қолданысқа енуі, атқа темірден ауыздық салынып, узенгі тағылуынан басталған деп мәлімдейді ғылым. Түркілік дүниетанымда сол қозғалыс, сол белгі жартас арқылы мәнгігे қалған.

Тастар көркем сөйлейді. Орыс ақыны В.Г.Бенедиктов «Искра» атты өлеңде жазады: «Дикий камень при дороге /

Дремлет глыбою немой». Бейне түспеген мылқау, тілсіз тас.
Тасты космогониялық мифтерге тән адам денесіне ұқсатуды
төмендегі қос ақынның өлеңдері растайды.

И камни, гряз спины,
На жарком солнце спали под горой.
(И.А.Бунин. «Бог полудня»).
...По ребрам вымытых камней!

(И.Аксаков. «Дождь»).

А.С.Пушкин болса «К морю» атты өлеңіндегі құз, жартасты
«гробница славы» деп атайды: Одна скала, гробница славы...

Абай жартасты метафоралық мағынада қолданды, бағы
тайған, ұсақталған ұлттық мінезді күйіншпен астарлады:

Баяғы жартас – бір жартас,
Қанқ етер, түкті байқамас.

Әлкей Марғұланның «Қазақ әлемі» атты кітабының ерекше
құнды тұсы – топонимикалық атаулар. Жер-су аттарының
бүтін бір жүйесі, ұлттық дүниетаным сипаты, өзіндік төл
сөздердің тұтас бір қоры болғандықтан бір асыл қазына
тәрізді: Ұлытау, Қаратай, Хантау, Бетпақдала, Бұланды,
Білеулі, Сарысу, Баянауыл, Қарқаралы, Балқаш, Шыңғыстау,
Алтай, Тарбағатай, Манғышлақ.

Біздің байтақ жеріміз, елдік қазынамыз, ата-бабадан
қалған тіршілік ортамыз. Автор рухани құндылықтарды
ұлықтайды. Әсіресе, кола дәүірінің жартастағы бейнелері
көбірек тараған. Құз-жартасқа өрнек салу көркемдік
көкжиегі есте жоқ ескі замандар салтанатын көзге елестетеді,
ал үрпақ үшін мұның орасан зор маңызы бар. Ғұлама
ғалым жартастағы көркем бейнелердің маңызы адам өзін
табиғатпен біртұтас сезінуінде жатыр деп тұжырымдайды.
Бұл ойлаудың тотемдік стилі, архитип. Әуелгісі мифтік
сана, эпос кейінірек туды. Соңдықтан адамзат эпоста өзін
табиғаттан бөле жарып алады.

Тайпалық өмірдегі ең басты атрибуттарды тарихтың
кейінгі кезеңдерінде де ежелгі бабалар бейнелей білген.
Ұлы жұз шапырашты руының тотемі – көк бөрі. «Тотем»
сөзі оджибве тілінде «оның руы» деген ұғым. Адамның
шығу тегінде зоантропоморфтық тотемнің елеулі рөлі
бар. Мұны көптеген халықтардың нағымдары айғақтайды.
Қыргыздардың Бұғы-Ана, Мүйізді ене дегендегі бұғы тотемі.
Көк бөрі монгол-туркі халықтарында ғана кездеспейді.

Этногенетикалық миф Рим қаласының негізін салған Ромул мен Рем атты ағайынды екі жігітті сүтімен асырап сактаған қасқыр ана туралы мифінен табылады.

Түркі қағанаты туларында көк бөрі бар, көк бөріге байланысты наным қазақтар арасында сақталған. Галым тарихи еңбектерден кездесетін деректерді өз жинағында келтіріп отырады. Ғұндар заманындағы найзалы атты жауынгерлер туларында көк бөрі басы бедерленген. Тотемге байланысты мәліметтерді автор ақындардың әйгілі өлең-жырларымен көркейтіп, зорайтып, сүйіп жазған. Жусан мен қымыздық исі аңқыған ұшы-қыры қөрінбейтін, шауып келе жатқан салтатты алыстан бұлдырап кентавр болып елес беретін көркем, құдай берген кең даламызыдағы сармат-скиф-сақ қорғандары әлемдік археология үшін теңдесі жоқ құндылықтар қатарына жатады. Мұның тарихи маңызы мен романтикасын әйгілі түркітанушы ғалым Л.Н.Гумилевтен бастап «Жартастағы өрнектер», «Қазақстанның палеолит дәүірінің геохронологиясы» атты зерттеу кітаптарын жазған Алан Медоевке дейін лайықты бағалаған еді. Әлкей Марғұлан осы бір сирек, соны тақырыпты нақты, қысқа түйіндей келе ежелгі адамзаттың өзін анға туыс тартуы, әрі хайуанаттардың белгілі бір түрін кие деп санауды табиғаттан бөлінбей, біртұтас жаратылуынан дейді. Мұндай көзқарас негізінде шынайы гуманизм мен асқан күшті рухани сүйіспеншілік жатыр. Таңбалы тастарды мұраға қалдырған тотемдік сананың адамдары сол бір аныай қалпында-ақ қазіргі техногендік заман адамдарынан ғері тәніршілдікке қозықөш жер тақау тұрғаны күмәнсіз.

Жинактың екінші тарауы – «Бетпақдала шөлі арқылы өткен ежелгі керуен жолдары» деп аталағы.

«Жол мақсаты – жету» деп макалдаған қазақ «Жолың болсын!» деп бата берер еді. Өйткені біздің ұлтқа тән дүниетанымда жол бақытқа парапар ұғым. Бақ пен жол функциясы ұксас, түптеп келсе тіршілік өзі қозғалыс.

«Іркіт шапқан бай», «Барап жерің Балқан тау, ол да біздің барған тау», «Қазығұрттың басында кеме қалған, ол әулие болмаса неге қалған», «Ұлын Ұрымға, қызық Қырымға» деген нақыл сөздер дүниенің кеңдігі әуелден қазақ қанына сіңгенін, талай айшылық алыс жерлерді ата-бабасының табаны басқанын ұлықтап, ұлағаттап кеткенін білдіреді.

Бұл тараудың басты бір ерекшелігі, топонимдік атаулар тым жиі ұшырасады. Әлкей Хаканұлының бұл жазбаларын өте мүқият жасалған жол сапар картасы, яғни картографиялық мәліметтер қоры деуге әбден болады. Көне Троя қазбаларын археолог Шлиман Гомердің эпосында суреттелген маршрут арқылы іздеپ тапқан. Дәл осы Бетпақдала картасына сүйеніп, ертедегі керуен жолдарын қайта жаңғыртып жүріп өтуге мүмкін. Аса дәп, нақты, тиянакты түрде жер-су аттарын тегіс жазып отырған ғалымның еңбегінен сол дәуірдің бет-бедері көз алдыңызда ойнап шығады. Өзге халықты кім білсін, ал жер аттарын қоюға келгенде жер жүзінде қазаққа жетер зерек халық жоқтын қасы.

Кітаптағы жер аттары мен ертегі қабысып, біте қайнасып, бір қауыздан жарылып, бір арнада тоғысып, құлаққа жырдай тәтті әуезben шалынады. Қунбасыс пен күншығысты жалғаған ұлы Жібек жолының сөзбен салынған картасы бұл. Маң далада шөккен түйелердей артта қалған жүзжылдықтарда бұл жолдармен сансыз керуендер өткен. Соның ішінде Қарқаралы жолы Бетпақдаланы қып өтетін ең ұзак жол, Сарыарқа мен Ертіс аңғарын оңтүстіктерін көнттермен, Жетісү өлкесімен жалғаған жалғыз күретамыр іспетті. Малшы, мал бақкан казақтардың ұзак жылғы тәжірибесінен қалтқысыз дәп тапталған сүрлеу ұлы жолға айналған. Мұның ең кереметі тақыр, шөлді ұлы далада адаспай, тұра бағдар таба алған көрегендік пен зердеде, ептілікте жатыр. Өйткені әрбір 25-30 шақырым сайын жер астындағы сулардың көзі табылып отырған. Бетпақ атала да, қазақ халқын жонғар басқыншылығы үдеген сайын, ақтабан шұбырынды, алакөл сұламада кен дала калтарыстары сақтап қалып отырған. Қуғыннан, соғыстан құмға тығылып, жер жадын біліп жылыштап, ел жан сақтаған.

Сонымен қатар автордың назарынан тайпалық жер сыйығы қалыс қалмай, айқын сыйылады. Бұл ата тек, көшпелілік шамшырағы.

Қазақ жер-су атаулары Сорбұлақ сортаны мен Жиделі құдық шатқалы дегенде ғұлама ғалымның фольклорды терең білген жадынан, жазу стилінен ертегілік сарын таңғы самалдай есіп қоя береді. «Сорқұдықтың басына сорға бола қонды әкем» деп зарлаган жыр үзігі оралып, қазақ санасына сүтпен сіңген әлем қалқып шығады. Сөйтіп, шөл кезген

ғұлама, Әлкей аға «Ертөстіктегі» жоғалған 8 ағасын іздең кеңже ұл тәрізді рухани жокшы, жол бастаушыға айналады, тұлғасы зорайып өседі.

Жиделі атауы Алпамысты, эпос қуатын еске салары анық. Топонимдерден Затаевичтің «Қазақ даласы ән салып тұрғанда» деген поэтикалық символикасын табар едік. Қазактың ақындық қасиеті әр атаудан көрінеді. Жер мен көктегі бедер-белгіні жырдай көріп, өлең анқыған әсем бейнеге айналдырып жібере алар сөзінің құдіретінде. Құланөтпес – өзен атауы. Барсакелмес аралы, тұнған мистика, болымсыз етістіктен зат есімді балқытып құйып шығарған қазактың мифтік, эпостық соны жады.

Әлкей Марғұлан қаламы осының бәрін қағыс қалдырмай баяндайды, Қыдыр баба, Қорқыт баба, Асан Қайғыдай, шежірешіл шалдай күш кешеді, қызғыштай қориды. Жолай жүлдіздар арқылы, Жетікарақшыны мегзеп, шөл дала үшін көздің қарашиғындағы құдықтар мен бастау-бұлқартар арқылы жүріп өткен сан керуен Құмтөбелер, шұңқырлардан асып, жазыққа құлайды, жер шұрайы Жетісуға табан тірейді. Сонымен автор қазақ даласын көктей өткен керуен жолдарын суреттеген қысқаша шолуы географиялық құндылық болып табылады. Онда қазақ тарихына, өлке тануға қатысты біраз деректер де бар. Осы текстес мұқият картография Қаныш Сәтпаев сынды әлемдік дәрежедегі ұлы ғалымның кен-зерттеу ғылымиңда да болғанын айтпай-ақ білеміз.

Әлкей Марғұлан жазбаларының тілі женіл, тұманды, бұлдыр ештеңесі жоқ. Сонымен қатар ғалым этнографиялық салт-дәстүрге байланысты көп жайттарға ерекше үніледі. Мысалы, көшпелі қазактарға тән жол жүру ережесінің бірі үдерे көшу деп аталады еken. Бұл евразиялық қоңыржай ендіктегі мол даланың ауа райына, табигат сырлары мен күннің ыстық-сұғына сай ең ұтымды жақтарын есепке алып барып істейді. Қиямет шөлді аман-есен кесіп өту тендессіз ерлік. Өзін ең тандаулы халықпаз деп жаһанға жар салған жебірелер Мысырдан, перғауын құлдығынан қашқанда шөлден шыға алмай қырық жыл адасып жүрді деп әпсана жасауы бекер емес.

Ғалым айтуынша, Бетпақдаланың ең ауыр жері Шолақкеспеден Кендірлікке дейін маршрут еken. Сарысу сағасынан Балқаш көліне дейін 75 мың шақырымды орайтын

зор кеңістік неге бетпак аталған? Көктемде арнасы суға толып, жазда құрғап қалатын өзендері мен тұзды көлдерді бар, жазы құрғақ. Оның ойлы-қырлы, адырлы тұстарында жердің жарығынан шығып жатқан бұлақтары көп емес пе еді. Қазақтың жады көркемдігіне тіл жетпейді, Мырзашел деген оксюморон атау өзге кай халықтың лексикасынан кездесе қояр дейсіз.

Бұл бөлімде автор тарихи деректерден ғөрі, этнография, менталиттеге лайық ұғымдарды ерекше ден қоя суреттеуі күшті.

Ушінші бөлім – «Қазақстанның эпиграфиялық ескерткіштерінің маңызы туралы» деп аталады. Сырдария өзенінің көне атауы «Ұлық ене» еken. Қазақ руларының ертеде егіншілікті тәп-тәуір игергені нақты көрсетіледі. Бұл өлкеде жер суғаратын каналдар болғаны туралы автор батыл мәлімдеп, ежелгі казак тек мал шаруашылығымен айналысқан деген евроцентристік көзқарасты бұзады.

Ал көне ескерткіштегі құлпытастардағы жазулар орхон жазуларымен қашалған. Аныздар, жазбаша, ауызша жеткен мәтіннен бөлек қазактардың ежелгі тарихын қабір басындағы жазулар арқылы қалпына келтіруге болады деп мәлімдейді автор. Мұнда қазаққа тән әруақ күлті мен жеті атасын санау ғұрпы бар.

Моласы жас шоқының қорымында,
Бел асар жүргіншінің жолы мұнда.
Көк тасқа басындағы айшықталған,
Жетпейтін сөз жазылған жолы онға.

Бейімбет Майлин прозасында осылай жазды. Ескерткіштер Құлпытас, Қөктас аталған. Жарасқан Әбдірашев жыр жинағын «Құлпытас» атады. Бұл бөлімде қазақ ұлты Қазан төңкөрісіне дейін хат танымаған, саутасыз күн кешкен тәрізді үстем, кемсітушілік көзқарастарды Әлкей Марғұлан жокқа шығарады. Ол көзімен көрген 800-ге тарта ескі қолжазбаның ең көнесі XVI ғ. туған, ал құлпытастарда өлген адамның шолақ өмірбаяны, жеті атасы, рулық таңбасы болады. Мұндағы топонимика да мән берерлік. Жер тарихы –ел тарихы. Жонғарлармен соғыс көрінісі – Найманқашқан атты тау сілемі. Еңірекей (еніреп жылаған жер) 12-13 ғғ. монгол шапқыншылығының белгісі. Тәуелсіздікті аңсар ұғымдар. Сарысу жағасындағы Тамғалы тас деген жер

казақ этносының біріккен, топтасқан жері. Эпиграфиялық ескерткіштердің мәні зор. Ол империялық піғылдардан қорғайды. Ол халқымыздың мәдени асыл мұрасы. Оның астарында ғаламат бір түспал мен құдірет-күш тұнып жатыр.

Ә.Марғұлан жинағының соңғы екі тарауы – «Қаңлы тайпасының шығу тегі», «Қазақтың киіз үйі және оның жабдық-жасаулары». Автор «қаңлы» сөзінің төркіні «арба» деген сөз дейді. Бұқар жырау: «Донғалақ арба жүре алмас./ Кос арысы сынған соң».

Ежелгі петроглифтерден табылған донғалақты арба мен рессорсызарба көшіп-қону мен жорыққа арналған. Варварлар атанған ғұндар күшейгені жорыққа бейім ат-арбасынан екені мәлім. Автор ру атына байланысты мақалдар арқылы қаңлы-үйсін тайпаларының маңыз, қасиетін түйіндейді. Ол көшпелі тайпалардың өткенін, елдігін академиктер Бартольд, Йакинф, Бронников, Голубовский, профессор Толстов сияқты оқымыстылар зерттегенін тегін көлтірмейді. Оны өзгелер мойындаған артықшылықтар мен мәдениетті ұлықташ көлтіргені анық. Ал киіз үйге байланысты этнографиялық мағлұматтар 1970-1990 жылдары талай белгілі этнограф жазушылардың сүйікті тақырыбына негіз ғана емес, тұртқи болған дүние екенін айтпаса да болар еді.

ГЕОРГИЙ ГРЕБЕНЩИКОВ ӘҢГІМЕСІНДЕГІ КӨКБӨРІ

1. Қайта оралған классик.

Әдебиет – жер шарын шаранадай ораган көк мұхит түбіндегі зерттелмеген тұстары, алты құрылыштағы ашылмаган аралдары мол сиқырлы әлем. Адамзат алға озған сайын оның құпия қазыналары қордалана, молая береді. Оған бекзаттық пен мұскіндік, таңдамалылық пен графомандық қоса талас қылады, кейде онысы шыбын жанға талас қылғандай сұмдық бақталас ымырасызықта өтеді. Қас таланттың бағы мен соры тен.

Кітап патшалығын тұтас бағындыруға бұл фәниден өткен небір жер тітіреткен билеуші императорлар, шахтар мен хандар, патшалардың үкімі жүрмес еді. «Шахнамені» Дакикиге бастатып, ол жас өлген соң, Фирдаусиге жаздырған парсы шахы өлеңнің ұлы бағын мәпелеп өсірткізді, туған

елін жат жерлік рухани ықпалдан арашалап, ана тілін ұлыктатты. Мұның түбі, ұлық Сөздін қасиеті мемлекеттің зорауына бастады.

Телегей теңіз лықсыған әдебиеттің нағызы аңсары нағызы талантты жазушылардың айдай есімдерін жадтан өшірмеу болып табылады. Арага жүздеген жылдар мен тұтас дәүірлер салып кейбір мықты жазушылардың аттары жария болып, анасынан қайта туғандай, жөргектеліп, әдеби айналымға оралып жатады. Бұндай игілікті қазынаны енді мәртебелі әдебиет ешқашан қайыра жоғалтпайды.

Амброз Бирс, Герман Мелвилл сияқты таңғажайып жазушылар ұмытылып барып, үйріге қайта оралған қас шеберлердің өзі.

Кейіннен қайта табылғандай, шырағы маздаған классиктердің қатарына орыс жазушысы Георгий Гребенщиковты (1884 – 1964) бекем қосуға болады.

Әдебиетші қауым біле бермейтін бұл жазушының есімін алғаш рет алқалы жиында, 16 мамырда КР Ұлттық академиялық кітапханасында «Шығыс Қазақстанның музикалық мұрасы» атты аудиожинақтың тұсаукесерін өткізгенде, белгілі жазушы Әлібек Асқар Алтайдың руханият байлығын айтқанда ерекше екпін түсіріп айтты: «Бүгін Мәскеуде бұл жазушының туганына 130 жыл құрметіне орай үлкен кеш өтпекші. Ол 1933 жылы Иван Бунинмен қатар әдебиет бойынша Нобель сыйлығына ұсынылып, Бунинге өз еркімен жолын берген аса көрнекті орыс жазушысы – Георгий Гребенщиков. Шыққан тегі жағынан біздің туысымыз. Қазақ ханының тұқымы».

Осыны тыңдал тұрған бәріміз елең етпей қалмадық. «Нобель сыйлығына» лайық тегеурін мен қандас туыстық қасиеті қатар айтылған соң, мұның әсері күшті шықты.

15 мамыр күні «Казахстанская правда» газетінің №164-165 нөміріне белгілі зерттеуші, әдебиеттанушы Сауытбек Абдрахмановтың «Ұмытылған есімдер» айдарымен орыс тілінде «Ханство Гребенщикова» атты танымдық мақаласы жарияланған екен.

Мақалада Георгий Гребенщиковтың жазушы болғанда әлемдік даңққа лайық тұлға екені жан-жақты қамтылып, өмір дерегі мен шығармашылық қырлары айтылған. Георгий Гребенщиков туралы алғашқы мәлімет осылай табылды.

Оқулыққа енген нақты очерк тәрізді өзім үшін Гребенщиков әліппесін бастауға себеп болды: «Гребенщиковтың өзі «Гонец. Письма с Помперага» атты кітабында» өз әкесі туралы жазады: «Оны балалық шағынан құдалады, ұрып-сокты, діні басқа, христиан емес деп атады. Бағзыда оның арғы атасы Алтай хандарының бірі болған дейді, ал оның атасын бала кезінде орыстар жылқы үйрлерімен қоса ұрлап әкетіп, қаршадайынан құлдыққа алынған. Міне, сондықтан да әкем ешқашан мұқтаждықтан, шахтердің құлдық қамыттынан босамай қойды».

Қазақ түгілі, кейінгі орыс әдебиеті үшін Г.Гребенщиков прозасы жұмбак жер тәрізді, өйткені әрбір төл таланты бар ірі жазушыны үлкен құрылышқа балауға татиды.

Мәскеудегі М.Горький атындағы Әдебиет институтында «Русское зарубежье» – «Шетелдегі орыс әдебиеті» пәні айрықша энтузиазм, революция қанды қырғынымен орыс рухы жоғалтқан қазынасын қайта иеленген эйфориямен оқытылған еді. Бес жылдық оқуда орыс тілінде жазған ірлі-ұсақ ақын-жазушыларын түгін қалдырмай оқытты. Кәсібіліктің жоғары деңгейі сынға аса сирек ұшырайтын орыс әдебиетінің елдік мұраттары дүниежүзілік тұғырға лайық мәдениеттегі үстемдіктің артықшылықтарын анық танып, аскан біліктілікпен, шынайы сүйіспеншілікпен сөз өнері – әдебиеті арқылы ұлықталатын. Һаріптің күші зор екенін «Буква убивает» деген бір афоризмге сыйдырған діни зердеге ұштасып, әдебиет әлемін ғарыштық кеңістіктеге шолумен қатар өз тақырыбын микроскоппен тануды мақсат еткен зерттеуші қауым өмір күші де һаріпте екенін айқын билетін. Сондықтан жаңғырған әдеби есімдер аз болмайтын.

Александр Солженицынді мейлінше пір тұтқан 1990 жылдардың бас шені, оның 6 томдығы метрода сатылды, «Архепелаг ГУЛАГ» ең оқылатын деректі әдебиет көшін бастап тұрды. Әдебиетпен бірге орыстың елдік рухы жаңғырды. Орыс эмиграциясының аласапыран 1918 жылдардағы алғашқы толқыны Иван Буниннен – оның 1970-1980 жылдардағы үшінші буыны Сергей Давлатовқа дейінгі аралықта әдеби туындылар М.Горький атындағы Әдебиет институтындағы емтиханға кірді. Тізім тым қомақты әрі сапалы еді, солардың арасында Георгий Гребенщиков есімі болғаны қазір есімде жоқ. Өйткені кейір

ақын-жазушылардың қалың кітаптарын студенттер жылы жауып қалдырып кететін, оқып үлгемейтін.

Ештең кеш жақсы десе, әдебиет үшін бұл сөздің құдіреті орасан. Тірісінде дәуірлеп, өлгенде рухани елкен уақыт құрдымға кетіп қалатын текке өткен қайран жазушылық ғұмырды итке берсін. «Өлді деуге сия ма, ойландаршы, / Өлмейтүғын артына сез қалдырган» деп хакім Абай әуелде өзін танып айтқан шындықтың құдіретіне жарық дүниеде ештене жетпейді.

Шығыстық тегі көркем шығармаларында тасқа басқандай таңбаланып тұратын Георгий Дмитревич Гребенщиковтың тарихи отаны алтынды тау Алтай. Ол Шығыс Қазақстан облысы Шемонаиха ауданында туған. Зерттеушілер оның қазақ тақырыбына мол барғанын, бабасының тілін білгенін айтады. Оның Алексей Николаевич Белостводовпен жақын дос болғаны Сауытбек Абрахмановтың мақаласында жазылған. Белостводов – Абай мен оның әuletін суретке түсірген атақты фотограф. Қазақтар туралы алғашқы пьеса жазған Гребенщиков болып шықты. Сонымен қатар, мақала авторы Серік Байхоновтың Гребенщиков туралы көлемді эссе жазғанын, «Аударма» баспасы жазушының 130 жылдығына арнап, қазақ тілінде кітabyн шығарғалы жатқанын мәлімдейді.

Алтайлық болу этностық тұрғыдан кен ұғым. Алтай, көне түркілердің тал бесігі – бір қойнауын қазақ, бір беткейін жонғар-қалмақ жайлап, кейде бейбіт, соңыра қанды қырғын қылған ұлы тау. Алтай – Николай Рерих Шамбала деп Мұстаудан жер ұйығын іздеген, адамзат Тәнірмен тілдесуді ансаған рух мекені. Уш мемлекет шекарасы киылышқан, таңғажайып сұлулығын суреттеуге тіл жетпес асқан көне түркінің тал бесігі.

Тегі қазақ екенін Георгий Гребенщиков артына қалдырган мол мұрасын таныған адамға жасырмай айғақтайды. Бұл сірә, туған әкесін балалық шағынан «нехристъ» – діні бөтен деп атап, кірмелігін бетіне баса беретін нағашы жұрты шеттеткен жатбауырлық өз тегін сүюге, түп нәсіліне тартып, бауырмалдық танытуға сеп болары анық. Расында қазақ қаны тек арғы бабасындаған бар, одан соңғы ұлттық басымдылық орыс қаны болып кеткен жазушыға қазақ тақырыбын талмай жаза бергені үшін ерен риза боласын.


Көшпелі нәсілдің Оксфордтан бірақ шыққан қайран нәсілі, мөгиканның соңғы тұяғындағы беймаза күй кешпеген. Көзі тірісінде Сібір әдебиетінің көш басында тұрган Георгий Гребенщиковтың дара, төлтума таланттың Куприн сияқты тұстастары таныған, сүйініш мадақ сөз айтқан. Ал оның Алтайын жан-тәнімен сүйген жазушылық тілі неткен шұрайлы.

2. Бөрі хикаясы.

Әлқисса, теңіздің дәмі тамшыдан, Г.Д.Гребенщиковтың «Қасқыр ғұмыры» («Волчья жизнь») атты әңгімесі туралы сөз. Бұл әңгіме алғаш рет «Современник» журналында 1913 жылы, №11 санында жарияланған. 100 жыл бұрын. Демек, араға бір ғасыр салып, жазушы шығармалары өз жұртына жетіп отыр. Шебер Аллатагала қалауын солай келтірді десе еш артығы жоқ. Ұмытылу кезеңі етті. Шәкерім қажы өзінің зорлық өлімге душар болып, сүйегі құдық тубінде 30 жыл жатарын әулиелікпен сезгендей, ғаділ жаны қинала айтпақшы, «Мұтылғанның өмірі», ол символдық ұғым. Шынында дарыны ұмытылмайтын адамдар қап тубіне жатпайтын алмас пышақтай уақыттың мылқау тысын жарып шығады.

«Қасқыр ғұмырда» – тұз тағысы қасқыр өмірі суреттеледі. Әңгімегі ашана бөрі – кең полотноның жайлауы, құс қанаты жеткізбейтін жер тубіндегі арқауы тәрізді. Жазушының негізгі айтпағы бұл емес. Қанышқ қасқырдың тағдыры тандалғанмен, бұл әңгімеде орыс пен қазақтың типтік бейнелері және тағдыр-талайлары астарлы суреттелген. Жазушының ұлы гуманизмі айқын берілген, ол халықтарды бөле-жармай тен қарайды, адам баласын мейірім тұнған үлкен жүргегімен сүйеді. Шеке мен Митъканың бейнесін орыс жазушысы қатар сүйіп суреттейді, олардың осалдығы мен өкінішіне налып, жан ізгілігі білінсе-ақ шаттанады.

Бөрі – әлмисақтан, фольклор, мифтік санадан бері әдеби колоритті кейіпкер. Бөрі мекен – барған сайын Бальзактың философиялық романындағы былғары терідей күсырыла түскен кең қоныс, құла тұз. Георгий Гребенщиковтың реалистік бояуы айрықша қанышқ, көркемдігі классика деңгейіндегі әңгімесінде қанышқ қасқырдың апанын адам көр қазғандай қазып, қос бөлтірігін тірідей олжалағысы



келген әрекеті отырықшылық тұрмыстың көшпелі тұрмысқа жасаған қысымы, таршылыққа қамауы.

Бұл мәңгілік тақырыпты әлемдік әдебиетте Уильям Фолкнер «Аю» атты қас үлгі повесінде, Мұхтар Әуезов «Көксерек» атты шедевр әңгімесінде стихиялық көркемдік қуатпен суреттеді.

Бас кейіпкер үшеу – мал бағудан ажыраған қазақ Шеке, орыс мұжығы, олақ аңшы болып, жер көкті кезіп журуге жаман үйренген, жалқау, шаруаға қырсыз Митька және ақсұр, арық, көрі аналық қасқыр. Ата кәсібінен ажыраған Митька мен Шекенің тұрмысы мен мінездерінде бір ұқастық бар, орыс аңшының бойынан балалық әумесерлік арылмаған, қазаққа таңсық орманшы болуға мәжбүр, мал баққан жұрттың нәсілінде балалық жан тазалығы, мейірім, анқаулық басым. Шеке барға қанағат қылса, ол мінез, кедейшіліктен жиренбеу Митькаға да тән. Екеуінің жас шамасы бір.

Алтай Сібірге ұласады, әкесінің бар малы жұттан қырылғаннан кейін орманшы батрақ болып жұмысқа орналасқан Шекені автор сол уақытқа сәйкес дағдымен «киргиз», қырғыз атайды. «Қазак» этнонимі Қазан революциясынан кейін, Сәкен Сейфуллин сияқты алаш арыстары күш салуының арқасында қайтарылған үлт атауы.

«Алайда Шеке – қырғыз, оны бес Митька ер тоқымнан жұлып ала алмайды, сондықтан да Митьканың қолында ескі бешпенттің қырығы қалды». Қасқырды тап дегенде айтқанына көнбекен қазаққа орыс тамыры сөйтіп күш көрсетеді. Жазушы көшпелі нәсілдің тақымы атқа мықты екендігін ғана суреттеп тұрған жоқ, оны сүйінішпен айғақтап тұр, басқаша айтқанда, бес мұжықтың әлі ат үстіндегі бір қазаққа келмейді деген мойындау сөз.

Шеке мен ақшулан, адам мен аңды жазушы атамекенінде, құдайы көрші құқығын бұзбай, үйлесіммен тіршілік етіп келе жатқанын баса айтады. «Қасқыр орманшымен бұрын талай жолыққан, неге екені белгісіз, адам көзі оны ылғи қоркытатын, ал кенет шаңқылдаған аңы даусы ықтиярынан айырды ».

Шеке сұр бие мініп, артына оның құлының ертіп журеді, ат үстінде ыңылдан ән салады. Этнографиялық дерек, атқа мінсе көнілі тоқ қазаққа тән ұлттық сипат. Ақшулан кейде

көріліктен көр тышқан аулауга жарамай, аштан бұратылып жүрсе де, көз алдында көлбендең, жолыға беретін түгі жылтыраган, жал-құйрығы желбіреген кеш туған құлынға, бұзаулы екі сиыр, үш жылқы, біраз ешкісі бар, Шекенің малына түк тиіспейді. Өйткені қазақ пен бөрі мінезі ұқсас, қазақ бөріден үйренген сірә, жақын маңға жоламай, барымта жасайды, үйрлеп алыстан алады, бөрі де қасындағы елдің малына қанды аузыны салмайды, қорегі үшін аулаққа жортады.

Георгий Гребенщиков Шекенің малын суреттегендеге, малсақ қазақтың көзімен сүйіп бейнелейді. Кәрі ақшуланды бейнелегендеге автор оның көрмегені жоқ екенін айта келе, анды адам тәрізді көлтіретіні қызық.

Тұпнұсқада бұл тұс бывай берілген: «А тут на мартовских гулянках достается всегда. Муженьки-то не больно ласковы. Другой грызет-грызет, мучает-мучает. Изверги».

Ол қос сөзді сүйеді, қанындағы қазақтығы қосарланудан, оға зерек, сөзге шебер шешендігінен анық білінеді.

Митъка аңшылықты кәсіп қыламын деп шаруашылығын қожыратып алған еріншек, бейқам, аланғасар мұжық. Оның үй-жайын, шекпен жамылып ұйықтап жатқан жас балаларын, түн ауа үйіне шаршап жеткенде әйелі Арина алдына қойған борсыған үйрек көжесін кеспірсіз, қиқы-жиқы дақ түскен тозған үлкен ағаш қасықпен ішкенін, шекпеннің жыртығынан иконаға қарап, қасығының қабыргага түскен көленкесі Шекенің домалак такыр басы ұзын найзаға шаншулы тұрғандай елестетін тұсын суреттеуі жазушының тұрмыстық салт пен психологияны дәл беруде ерекше шеберлігін танытады. Бұл кедейшілік образы, әрі өлім символикасы, ай мен күн аманында кесік бас көзіне елестегені, тулен тұртіп, қасқырдың апанына өзі барып ұрынуы Митъканың қара басына көрінеді. Сөйтіп, ол шиеттей екі баласы мен әйелін асыраушысыз қалдырып, есерлігі мен қасқыр саудалап, ақша тапқысы келген ашкөз пайдакунемдігінің құрбаны болады.

Георгий Гребенщиковтың осынау детальды суреттеудегі юморы керемет: «Голова беззвучно прыгала по стене, ломалась в углу и лизала Богородицу». Митъка дәү қасықты аузына тыққыштап, қызып кеткен үйрек сорпасын ішіп отыргандықтан, жұмыр қасық кескіні адам басына келеді.

«Адамның басы – Алланың добы» деген қазақ ұлтына тән мұсылманшылдық жазмыш идеясын Георгий Гребенников айтқысы келетін тәрізденеді.

Жеті жыл орманға бауыр баскан Шеке қарауыл болғаны үшін 12 сом ақша алады. Бірақ бұл өте қауіпті жұмыс. I Петр патша орманшылықты «ұры кәсіп» деп бағалап, жалақыны өте төмен тағайындаған. «Михалка Иванович сам в избушку привозит. Чеке только рукой тамгу – кружок с хвостиком – на бумаге выведет». Орман бастығы кожайыны не берсе, соған риза кіріптар, сауатсыз Шеке шимайлап, таңба салуды біледі, солай жалақысын алады. Бұл деталь типтік бейнелерді сомдаудың қас шебері Н.В.Гогольдың Петрушкасын еске салады. Сонымен қоса жазушы қазақтың баяғы көшпелі тұрмыс салты өзгергенін, жалданып жұмысқа жегілетін капиталистік құрылыш айнала орнай бастағанын көрсетеді.

Орман ұрлайтын мұжықтар қасқырдан жаман деген ой – Шекенің ойы. Ұрылар Шекені талай елтіре сабап, жазым қыла жаздаған. Баладай пейілі таза Шекеге автордың ықыласы ауып отырады, түн сайын ұрлана ағаш кесетін зұлым мұжықтарды атып тастауға Шеке аяйды. Кесілген ағаш түбірлері ұдайы жайрап жатады.

Шеке өзі құдайы көрші көретін ақшулан қасқырга аяныш, құрмет сезіммен қарайды. Жеті жыл қатар қазақ пен қасқыр бейбіттүрәді. Сондықтан ол өзі іштартып, достық білдіретін Митька аңшы әдейі қасқыр аулауға келгенде, ақшуланның апанын көрсеткісі келмей, ізден көп адастырады. Жазушы әңгімеде «қасқыр», «ой-бой» деген сөзді қазақша қолданады.

Екеуара әңгімеде мысық мұрт Митька Шекені шоқындырумен келеке қылатыны да дөп деталь. Ешкі құмалағы шай түбінен шыққанын, қатының салак дегенді орыс тамыры Шекенің бетіне зілсіз басады. Іс насыраға шабатын тұсы – Митька Степаныч қасқырдың апанын көрсет дег Шекені қинайтын тұсы. «Сен неге мені алдайсың!.. Олар саған туыс па, сонда не? Неге оларды сен жасырасың! Айт, иттің баласы!» – деп ұрсады орыс мұжық қазақка.

Жанды әңгіме сарыны арқылы орыс жазушысы көк бөрінің киесін астыртын андатады. Бөріні тотем санайтын, түркілер бөрі анадан тараған деген анызға ұйыған қазақ баласы сайтандай азғыруға көнбей, ақшуланның апанын көрсетпей ұзақ бұлталактайды. Ол Митька өзіне мылтық кезеп, қоярда

қоймай зорлық қылғанда барып, амалы таусылып, апанды көрсетуге мәжбүр болады. Артына Митъканы мінгестіріп алған Шеке орманды айналып жүріп алады. Бірақ аңдыған жау алмай қоймайды, Митъка аңшылық құмарлығы қозып, жын иектегендегі құтырып, ымыраға келмей, ақыры тоғай шетіндегі апанды Шекеге тапқызады. Ырымшыл үрей бұған Шеке бір пәленің басталарын іші сезеді. «Орыс ойна келгенін істейді» дегенді қазақ тұніліп айтса керек. Өйткені дүниетанымы бөлек халық өкілі кейде қазақ қастерлейтін обал мен сауап, киені ойламай, жандыны қор қылады.

Аң ініне келгенде Митъка одан көрдей ііс шығып тұрганын аңдаса да, бұл нышанды есте қарперге алмайды. Ақыры ол апанды қазып, бір бөлтірікті Шекенің үйіне арқанмен сүйреп келеді. Шеке мына сұмдықтан аузын жиып алмайды, қас пен көздің арасында сұр биенің құлынына ақшулан ауыз салады. Қанға – қан, кекке – кек.

Георгий Гребенщиков шағын әңгімеде дала заңын бұлжытпай береді. Өзіне оқ атқан Митъканы кекті аң атылып кеп, тамағын жұлып алады. Жаралы қасқырдың жан тәсілім берер ақтық сәтін жазушы реалистік анық кейіпте береді. Кекбөрі Тәнірігө шағым айтқандай, көкке қарап ұлиды. Адам қазып астан-кестенін шығарған ұсына ол өзін тірідей көмеді, демі сонда бітеді.

Бұл реалистік-тұрмыстық бейнелеуі айқын әңгімеде бір түйір жалған суреттеу, әсірелеу, асыра сілтеу жоқ. Адамдардың психологиялық портреті дөп, дәүірге тән тұрмыстық атрибуттар анық, адам мен табиғаттың қайшылығын тұңғығынан тартып, табиғи беру тәсілі кайран қалдырады.

Орыс класикасында аты алтынмен жазылуға бек лайық жазушының бірегейі – Георгий Дмитревич Гребенщиков екені бір әңгімесі арқылы-ақ еш күмән тудырмайды. Артына мол әдеби мұра қалдырған жазушы кітаптарын оку арқылы қазақ халқы өзінің жанды портретін, образдар галереясын жіңі тауып алары айқын.

Алтай кенге және табиғи таланттарға бай өлкे. Павел Николаевич Васильев (1919-1937) Шығыс Қазақстан өнірі, Зайсан, қазақ топырағында туған орыстың біртуар ақыны, Илияс Жансүгіровтың «Дала» атты поэмасының бір тарауын қазақшадан орыс тіліне аударған.

Бөрі бейне классикалық әдебиетте сарқылмас қазыналы: бұрынғыларды айтпағанда, бертінгі Джек Лондон, Сетон-Томпсон, Мұхтар Әуезов, Шыңғыс Айтматов – мықты жазушылар шоғыры оның магиялық құдіретінен айналып кеткен жоқ. Алайда Георгий Гребенщикотовтың шағын прозасындағы «Бөрінің өмірі» – бұл адам ғұмырына телуге болар философиялық сарын-куаты зор зерлі дүние.

Георгий Гребенщикотовтың құнарлы прозасына бастар соқпак мен үшін бөріден басталды.

13-14.06.2013.

МАРИНА ЦВЕТАЕВА

Эссе

1. Марина Цветаева аударма жанрында.

Марина Цветаевабасқа ақын-жазушыларды жан-жүргегімен сүйіп, қастер тұтып, сүйінішін жырмен жариялад өткен ақын. Ол құдайдың сүйікті құлдары, халық ардақтыларын – «Мениң Пушкинім», «Блоктың киелі жүргегі» – «Святое сердце Александра Блока» деп көкке көтеріп, жаңына меншіктеудің ғаламдық шығандауын әдебиетке үлгі етіп кетті.

Қазақ әдебиетіне Цветаева жырларын Гүлнэр Салықбаева әкелуі тегін нышан емес. Пушкин, Пабло Неруда, Блок жырларын қазақша сейлеткен Фариза Онғарсынова өлең патшалығының көркемдік тылсымында тұнған ырғақ-қүйін аумай-төкпей әкелді. «И звезда с звездою говорит» (Лермонтов), ақындық өнерде терезесі теңесу аударма үшін аса маңызды.

Жаралы жүректің ғажайып жоқтауы,
Сен бе едің әк түннің адасқан баласы!
Қап-қара бораның Руське соққалы
Өксігің қанжардай қадалды, қараши.

«Я научила женщин говорить» деп тасқа таңба басқандай абыздық қасиетін танытқан, құдай қаласа әйелден зор тұлға туарын әдебиеттегі менмен ерлерге мойыннатқан Анна Ахматоваға Цветаева елжірей жыр арнаган. Фариза Онғарсынова Сара Тастанбекқызының ақындық мұрасынан қуаттанса, Ақұштап Бақтыгерееева Мариям Хакімжановаға өлең арнап: «Жыр көшін өзің батыл бастамасаң, / Мүмкін

біз бұл өнерден жасқанар ек», – дейтіні текке емес.

«Адастырган Алламызға мың алғыс» дейтін, «Күн астындағы Күнекей едім» – қазақтың маңдайына біткен ақын қызы Гүлнэр Марина Цветаеваның тұпнұсқадағы «Моим стихам, как драгоценным винам,/ Настанет свой черед» деген тұлғалық «менін» – «Жырларымның – жазған бала жасымнан, / Байлығымның бағалы, / жырларымның – / шаң қабаты жасырган / ашылады бағы әлі...» деп аударды. Шарап ұғымы қазақы түйсіктे «бағы ашылумен» ауыстырылуы артық етпейді.

Бере қоймас жүргегінің жүз кілтін –

Біздейлерді кім есіне алыпты.

Цветаевадан таңдал, ірікеп аударған Гүлнэр өз жанына қонатын жырларын алуы он. Цветаева поэзиясында А.С.Пушкин ықпалы орасан. Оның «Плач Ярославны» атты жоқтау өлеңі Пушкиннің «Ворон к ворону летит...» атты шотланд халық балладасынан еркін аудармасына стильдік жағынан туыс. «Тырс-тырс етіп жаңбыр жауса..», «Сыған тойы», т.б. өлеңдерінде Пушкин әсері нак сезіледі.

«Цветаева Пушкин сияқты жер жаһанның мәдениетінен қорек алып өсті», – деп жазды оның өмірі мен шығармашылығының аттай 12 жылын зерттеген Анна Саакянц. Марина Цветаева Пушкин, Блок сияқты биік стиль элементтеріне құмартты, таурааттық сөз тіркестерін, афоризмдерді жырына енгізді. Афродита, Федра, Иштар, Манон Леско, көркем әдебиеттің дүниежүзілік мұхитында балықтай жүзетін алтын шашты Цветаева («Адам емес, мен теңіздің /Құрсағында жарапғам. / Су перісі, көк теңіздің құрсағында жарапған», ауд. Г.С.) символдық образдардың баршасына үзіліп жыр арнады. Өзіне тән кестелі, айқын, бейнелі, мәнерлі тілімен. Мәскеу, Кузнецкідегі Вольф кітап дүкенінде 17 жасар Марина Брюсовты кездестіреді, оның біреуге айтқан «Мен Ростанға табынбаймын» деген сезін естіп толқып, оған өзі пір тұтқан француз ақынын ақтап хат жазады. «Жүректе жылайды өлеңі Ростанның, / Москвадағыдай тағы ұлып. / Ростанның ғажайып, тұнғирық сөздері» – ол «Парижде» атты өлеңінде жасөрім шақтағы сүйікті ақынына адал қалады.

Марина «Не самозванка я...» дейтіні, өлең – сөз патшасына бетендігі жоқ, кіндігі бір екенін айтқаны. Гүлнэр бұл өлеңді

«Бетпердем жок, өз үйіме келдім мен, / Күн болардай
нан сұрадым мен кімнен, / Іңкәрімін, жексенбінмін мен
сениң – / Арманыңның аяулы бір бөлшегі», – деп аударған.
Цветаеваның «Менен кейінгі әйелге» аталған өлеңі
Пушкиннің «Я вас любил: любовь еще, быть может» атты
тұнғызық лирикасымен ұндес.

Әулиемісің, сен әлде күнәшармысың күйе емі –
Қадамың ба бұл алғашқы құралып па едің сан күйреп –
Әйтеуір есін кеткенше елжіреп, күйіп, сүй оны –
Жас сәбідей аялап, кеудене қысып, әлдилеп.
Құшағыңмен қажытып, үйқысын бұзба киелі –
Тынығуы керек ол, оятканша таң билеп.

М. Цветаеваны Белла Ахмадулина пір тұтты. Ахматова мен
Цветаеваның дәстүрін Юнна Мориц жалғады.

Цветаева туралы жазу эпикалық құлашты қалайды,
Төлегеннің сахараға қалындық іздел шыққаны сияқты, «Көш
алдына қараса бір қыз кетіп барады» тәрізді ұзақ жол сапар.
Керуенниң бір теңін ашсақ ше. Оның алтын көпір аударма
жанрындағы колтанбасы орыс поэзиясына құнар бітірді.

Шекспир, Гете, Райнер Мария Рильке, неміс халық
поэзиясының жырлары, ағылшын халық балладалары,
бретон халық жырлары, Федерико Гарсия Лорка, Шарль
Бодлер, болгар Елисавета Багряна, Никола Ланков, Людмил
Стоянов, поляк Юлиан Пшибось, Люциан Шенвальд, Адам
Важик, чех Ондра Лысогорский, еврей Герш Вевер, Ф. Корн,
беларусь еврей ақындары, есімі белгісіз ақындар, украин
Иван Франконы Марина Цветаева орыс тіліне жақыттай
жарқырата аударды. Неміс, француз, ағылшын тілдерінен
тіке тәржіма. Грузин ақыны Важа Пшавеланың қөлемді бір
балладасы мен «Этери» атты поэмасын Цветаева қайтыс
боларынан бір жыл бұрын жағдайсыз күйінде аударған.
Пушкин мен Лермонтов өлеңдерін французша аударды.
Неткен биік азаматтық рух! Марина Цветаева бұл жанрдың
қас шебері екеніне Важа Пшавеладан жасаған классикалық
аудармасы айқын дәлел. Грузин әдебиеті десе Шота
Руставелидің есімін оқымай-ақ айта саламыз. Цветаевадан
соң Пшавела жырлары маған жанартау атқылағанда табылған
алмаз кеништей әсер еткенін, ерек көркем, құнды сезілгенін
жасырмаймын. Үңтызар оқырманың сондай сиқырға бөлеу
ұлы ақын-жазушылардың еншісінде.

2.Пешене.

Марина Цветаеваның өмірі мен өлімі – тылсым нысаналы. Өзі өлтгенмен аты өшпейтін, тірі сөзі өлмейтін классикалық әдебиет шоғырына барып қосылған жарық жүлдyz – Марина Цветаева.

Қадыр Мырза Әли 2004 жылы «Атамұра» баспасынан шыққан кітабын «Жазмыш» деп атады. «Жазмыш. Қасірет кітабы» – дүниежүзілік әдебиеттегі ақын-жазушылардың жазмыштан озмыш жоқ ешкімге үқсамайтын қайғылы тағдырын таңбалайды. Ақын-жазушылықты, тегі өнерді еріккеннің өрмегі, онай жол санайтын адасқақ жұрт айнала жоқ емес.

«Дүние жүзіндегі ең бақытсызызәйелдердің біріне есептеле тін Надежда Мандельштам – ақын Осип Мандельштамның жесірі Марина Цветаева туралы: «Марина Цветаеваның тағдырынан аскан сүмдық тағдыр көрген жоқпын», – деп жазған еді. Шынында жоқтықтан, қайғы-қасіреттен жалпы бас көтермеген ақын. Ол өзі өмірінде екі қыз, бір ұл тапқан ана. Екі қыздың бірі ана сүтіне жарымай, аштан өле ді. Енді бір қызы Ариадна бүкіл жастығын түрмеде өткізеді. Жалғыз ұлы Отан соғысы кезінде опат болады. Күйеуі Сергей Эфронды Совет үкіметі ату жазасына кеседі. Надежда Мандельштам айтса айтқандай.

1931 жылы әдеби сыншы Марк Слонимнің жазуына қарағанда, Марина Цветаеваның халі тіптен нашарлап кеткенге үқсайды. Тойып тамақ жемегеннен қаны сұйылып, басы айналатын жағдайға жетеді. Қартаймай жатып шашы түсे бастайды. Кей күндері кішкене Ариаднаның тоқып сатқан бас киімі, яки содан түсken бес франктың арқасында өзек жалғап жүреді.

Міне, осындағы аудио кезеңдердің бірінде Марина Цветаева Прагадағы құрбасы Анна Тесковаға: «Қарапайым оқырмандардың алдына ұлмай киіп шығатын бір көйлек керек, бір ғана кешке», – деп хат жазады». (Қадыр Мырза Әли. «Жазмыш», 51-52 бет). «Марина Цветаева да көріпкелдіктен құралақан емес. Ол өмір бойы картамен бал ашып өткен. Қөттеген болжамдары бұлжымай орындалған. Ол Осип Мандельштам, Сергей Эфрон, тіпті өзінің өлімі туралы да көрегендікпен сезе білген». («Жазмыш», 17 бет).

«Өмір жолы – тар соқпақ, бір иген жақ, / Иілтіп екі басын



ұстаған хақ. / Имек жолда тыянақ, тегістік жоқ, / Құлап кетпе, тура шық, көзіне бақ». Абай «Лай суға май бітпес қой өткенге» атты діні сенімін, бір Жаратушыны ойынан шығармас асыл қалыбын танытар дегдар өлеңінде жарық дүниені құдайдың қолындағы жақ, садаққа тенәйді. Бұл мифтегі батыр Геракл, Одиссей, Алпамыстың аңыздагы садағы емес, құллі ғарыштың ғұрзісіндей, космос сипаты. Көкжиеңкеғанда емес, санаға сыймайтын құдірет. Адамнан сүйеніші жоқ жалған дүниеде қыныншылыққа тап болған сайын адаспауды өмір талап етеді.

Поэтом путь: жжая, а не согревая,
Рвя, а не взращивая – взрыв и взлом –
Твоя стезя, гривастая кривая,
Не предугадана календарем!

Шығармашылықты, ак өлеңді маҳаббаттан бөле жармаган Марина Цветаеваның «Анадан ерке туғанмен, / Өмірге қын өркелеу» (Ақұштал) қылы тағдырына тарихтың төңкерістер, репрессия, екі дүниежүзілік соғыс аралығындағы қасіретін арқалауға үкім етілген бүкірейген шағында, сұмдық бұлғағында өмір сүріп, азат жаңы бекзат туса да жоқшылық пен қорлық, қаза мен жоғалтудың небір қүйзелісіне шыдау; ақыры қор болған мұнлық-зарлық ғазиз жаңы әбден әлсірегендеге өгей шешеден бетер өксіткен бетпак өмірден өз еркімен жеру жазылған екен. Өлерінен 5 күн бұрын Цветаева «Литфонд кеңесіне. Мені Өдеби қордың ашылған асханасына ыдыс жуушы қылып алсаныздар екен» деп хат жазды. Бұл XX ғасырдағы орыс поэзиясының ұлы қосынына енген, орыс әдебиетін керемет байытқан, анық олжа салған қас асыл, адал, таза, нағыз ақынның кайыршылыққа ұшыраған азасы кісіні мойыттай ма?! Жан азасын оқыған сэтте көзге жас үйрілмей ме?!

«Сөзді ұғар осы күнде кісі бар ма?», – дей келе, «Ит маржанды не қылсын» деген сөз бар, / Сәулесі бар жігіттер бір ойланар» – дегенде Абай адамзатта таңдаулы болудың бағынан соры басым екенін жырлайды.

Марина Цветаева 18 жасында әлем әдебиетінің тұнғиығын таныды. Кіл классиктерді таңдап оқыды. Ол әлемді біртұтас қабылдайды, мифтік уақыт жанғырығы санасында сағымдай толқып тұрады. «Живите в доме – и не рухнет дом. / Я вызову любое из столетий, / Войду в него и дом построю в

нем» деп жырлаған Арсений Тарковский кітапқұмарлық пен ақын-жазушының тиҳиясын түспалдайды. Биік мұрат, ақындық рухани жаратылсын, сезімтал, сұлулық аңсаған нәзік жаны, кейде құпіршілікке құлап түсіп, құдаймен алысатын Марина Цветаева асығы, жары Жаратушы Ие құдайға мереіллене тіл қатқандай нұрлы жан сарайын былай деп жырлайды:

Не самозванка – я пришла домой,
И не служанка, – мне не надо хлеба.
Я – страсть твоя, воскресный отдых твой,
Твой день седьмой, твоё седьмое небо.
Там, на земле, мне подавали грош
И жерновов навешали на шею.
– Возлюбленный! Ужель не узнаешь?
Я ласточка твоя – Психея!

«– О, ғашығым, жылытышы енді түсінді, / Таныдың ба Психея құсынды?». Грек-рим мифологиясында адам жанының кейіптелуі – аскан сұлу Психея. Ендеше мынау эйфория мен суицидтің арасы жұмақ пен тозақтай. Психея туралы мифтің керемет поэтикалық нұқасын ежелгі рим классик жазушысы Апулей жазды, өмірден тек маҳаббат аңсайтын адам жанының оны іздел аласұруын бейнеледі.

Сені аткан тағдырдан жаралы болғандар
Өледі өлсе де мәнгіге тіріліп.

Ахматованың азасын Цветаева жүргімен сезді. Асылып өлуге ұлы ақынды итермелеген нендей құса екенін айтудан еш пайда жоқ. Сайтанша иектеп алған жаманшылықта Маринаның дегдар рухы төзбей кетті. «Сен өлде қиналар ма екенсің / Анаңдай сығымдап басынды» – деп ол, қиналған ана, қызы Ариаднаға құсалы жыр арнады. Қайран ақын сплин, түнліс, дағдарған, дұғасы қабыл болмаған екіталај психологиялық сұрапыл мезеттің құрбаны болды. Марина Ивановна Совет одағы аксүйек, ауқатты, тектін тентіретіп, аз ұлттың таңдаулысын құғын-сүргінге айдалап, атып-асып, тірі қалғанын лагерь мен жоқшылық құлдыққа байладап койған құдайдан безген бейmezгіліне дөп түсті.

Недотыкомка серая
Все вокруг меня бьется да вертится, –
То не Лихо ль со мною очертится
Во единий погибельный круг?
Орыс поэзиясының құміс ғасырының бір мықтысы Федор

Сологуб сол дәуірді торлаған зұлымдықтан тараған түнілісті, депрессия сарынын бейнелеу үшін «недотыкомка серая», фольклордағы домовой сияқты мистикалық жұмбақ кескін, ойдың жегідей жеуін, жүйкенің бұзылуын тұспалдайтын, жаңы ауырған күйзелісін көрген түстей нанымсыз бір құбылысты суреттейді. Дүние төңкерілгенде осы текстес құлазу-аласұрлардан Брюсов, Бальмонт, Бунин, Белый, Блок, Гумилев, Ахматова, Ходасевич, Есенин, Клюев, Мандельштам, Пастернак, Г.Иванов, В.Иванов, Цветаева тегіс сау болмағаны хак.

Эмиграцияның «бірінші толқынынан» А.Толстой, А.Куприн сияқты туған отанына оралған Марина Цветаева 49 мүшелінде опат болды. «Отчаетесь! Поэты затменья / Не предугаданы календарем». Бірақ, арылу үшін ажалға жүгіну, болмыс құрсауына шыдас бермей морт сыну жоқшылық пен қорлықтан бөлек, тоқшылық бар жерде де боларын ағылшын жазушысы Вирджиния Вулфтың жазмышы айғақтайды. Ол Цветаеваментүй құрдас, екеуі де 1882 жылы туып, 1941 жылы өлген. Цветаеваның әкесі Иван Владимирович Москва университетінің (әйгілі Бейнелеу мұражайының негізін салушы) профессоры болса, Лондонның мәдениет, интеллектуалды элитасына жататын, Вирджиния Вулф тарихшы, әдебиеттанушы Лесли Стивеннің қызы. Алапат сүм соғыстың басталуын жан-дүниесімен сезінү қос жақсыны мерт қылды.

Заповедей не блюла, не ходила к причастью.

Видно, пока надо мной не пропоют литию,

Буду грешить – как грешу – как грешила: со страстью!

Господом данными мне чувствами – всеми пятью!

Цветаеваның дінге көзқарасы қайшылықты, өмір сырын күнәдан актап алғысы жоқтығы мүнәфиқтық, жалған сопылық жат жаңы тазалығынан. «Қызғаныш» атты өлеңі ерен. «Махаббаты қашқан жерді қаңырап, / Ажалғана арман етер, жерінбес». Марина Цветаева өмірді елжірей сүйген, жаңы нұрлы бұла ақын болып миллиондардың көкейінде шамшырақтай тұрады.

Тасқа жаздым есімінді,

Тақтайға да тырналап.

Құмға да атың көшірілді,

Мұзға сыйздым сырғанап.

22.02. – 3. 03. 2014.

ҚАСЫМ ЖЫРЫНДАҒЫ АВТОРЛЫҚ МӨР

Арқа сауырындағы Қарқаралы-Қазылық тауы баурайында Қасым ақын туғалы жұз жыл өтті. Ақын туған жерінің көшірмесіндегі боларын Қасым Аманжоловтың отты жырлары білдірді.

Неткен байтақ, неткен ұлы жер едің!

Нендей күйге жүргегімді бөледің?

Сенде тудым, сенде өстім мен, сенде өлсем, –

Арманым жоқ бұл дүниеде, – дер едім;

Мен де өзіндей байтақ едім, кен едім; («Туған жер»).


Адам туған жерінің топырағынан жарапатыны аксиома. Ақынның нұрлы дүниедегі орны елінің мәртебесімен өлшенеді: «Бір сен үшін туған едім,/Бір сен үшін жасаймын мен!».

Туған елі өлеңнен құя салған,

Алдыңызда отырған мынау Қасым. («Ілияс Омаровқа»).

«Ішімде жанар таудай жатыр жырым» («Сәбитке») деп өзінің поэтикалық потенциалын анық білген Қасым жұптыны тірлікке тұтылса да, өзін ақындық қуатпен суюі мен тануы кемшін болған жоқ. Дарынға тән сипат нарциссизм шығармашылық құбылыстың бөгде сыры, өнердің қалыбы, жатын орны тәрізді; жекедара «мennen» туған соң солай, бірақ ол Абай сынайтын, он дүниеге шәргез кеп қытығатын, жөнді жөн демейтін ак көз наданның құдай атқан астамшылығынан анық ұстыны бөлек ұғым.

Өмірдің аңы шындығы сонда, нағыз құдай берген қасиет иесі дарынды тірі күнінде жүзден біреу ғана бағалап, сүйсе шын беріле сүйеді, риясыз қамқорлық жасайды. Ең жақсы үндіс – өлген үндіс дейтін жаңа құрылықты иеленгендердегі янкилердің арам пиғылы әдебиет пен өнерде жасырын салтанат құра бермек, «үндіс» сөзін «талант» деп ауыстыра салса жетер. Оның айналасын торыған қызғаншақ қызыл көз андуыл көп: «Өлеңге әркімнің-ақ бар таласы,/ Сонда да солардың бар тандамасы» деп Абай айтқан дарынсыз бақталастар бал шырын табиғи өнеріне шыбындай үймелейді, ұлмай жала жабуға құштар, жақсының түзу жерде сүрінгенін, қоғамнан аласталғанын, өнердегі бағы тайғанын аңсап іштей үздігеді. Себебі дарын табиғаты



қарағанның көзін қарықтыратын, өзімнен аспасын дегеннің мысын басатын жасын тектес. Бұл-дағы сұлу жаратылысты керемет сүюдің бір құпия, азған түрі, адам жаратылысының жұмбағы. Сүю мен жек көрудің арасы тым жұқа болатыны соның үшін. Ақын өлген соң рухы ментірі сөзі жарық дүниеде артқы ұрпақ жадына хатталып қалары жазмыш. Оның өмірде шеккен михнаты құдай дарытқан сол артықшылығы үшін таланттан кенде графомандарға төленетін салықтай дінрәм шығар. Дарынсызға ол да бір жұбаныш.

Мен едім от жүректі Қасым ағаң.

Расында нағыз Қасым мұнайған, жүргегі жылаған сәттегі Қасым емес, ақындық рухы буырқанған, Тәнірдің сәулесі түскен шынақынекенін мойындаған шағындағы жанартаудай тасыған өр ақын. Қазақ өлеңінде көктегі қырандай биік самғайтын Рақымжаның Қасымы таңғажайып үрдісті, жұлдызы жарық классикалық дәстүрді жаңғыртты. Ол Шота Руставели, Сүлеймен Стальский, Сұлтанмахмұтқа жыр арнаса рухани сабактастықты терен сезінді. Ортағасыр ірі парсы шайырлары авторлық құқығын жалғаны көп өткінші әлемде әдей таңбалап, ен салды, шығармасын бөгде иеленіп кетпестей қылып, бәйіттің соңғы шумағында өз есімін атап, мөр салып бекітті. Әдеби термин бұл құбылысты «сфрагида» (грекше «мер») деп атайды. Бастауы антикалық жырда, эпиграммашыл, данққұмар грек Фокиlidтен із тартып, Рудаки, Нәзір Хосрау, Омар Хайям, Қожа Ахмет Ясауи, Низами, Қожа Хафиз, Жәми, Науайден жалғасады. 16 ғасырда неміс халық ақыны Ганс Сакс өлең сонына ылғи есімін қоса жазуды дағды қылды. «Мактымқұлы сөйлер тілі түркменнің» дейді Мактұмқұлы жыры, көзге жас үйірдей не құдіреті бар қастерлі сөзінің?! Тілі өлген халық қоса өлерін ақын білген! Ғадетте өз атын көкек шақырады. Көкек үні өлмеген құлға жаз келгенін айғақтайтын тылсым құдіреттей әсем көрікке малынған. Жандыдан өз есімін ақын қадап айтса егер, ол сөз өнерінде қас үлгідей баурайды. Көкірегі сұлу жанның сырлы сөзі жаһұттай шашылған соң сөйтпегенде қайтсін. Мұның астарында ақынның өлмес рухы жасырулы. «Көкірекке құйыл, нұр / Өлең керек өмірге, / Өлеңсіз құн көнілсіз» деп Қасым кара өлеңнің өшпес қасиетін мойындаиды.

Ежелден ерке бұлан Қасым едім,
Бұлқына тасып едім, басып едім.

Жүзім – жаз, көнілім – көктем кең пейілді,
Жақсының жүргегіне ғашық едім.

Бұл оның атакты толғауы – «Өзім туралы». Гораций, Пушкиннің өзіне өлеңмен қойған асқақ ескерткішінен несі кем?! Толықсыған тазалық бар, тебіренгені қара тасты жібітердей, адамға тән мұраты асыл аспан текті өлеңді XX жүзжылдықта Қасымнан асырып басқа кай ақын жазды?! Мұны айтқан тағы «Баяғы Қасым, бір Қасым».

Асан қайғы емеспін, Қасыммын мен,
Қобызымен сырласып күніренген.

Іздеймін деп «Жердійкі» көр басында, –

(«Атамекен») десе де, расында «Жалын жүрек, жасын тіл»
өлеңіне ақырзаманға шейін жалбарынып өмір тілеп тұрған
жоқ па:

Дүниеге келер әлі талай Қасым,
Олар да бұл Қасымды бір байқасын.

Әртке тиген дауылдай өлеңімді
Қасымның өзі емес деп кім айтасын!

«Аманжол – Рақымжанның Қасыммының», «Аяған жүрегім
жоқ жолдасымнан, / Сый көрді не бір сараң мол Қасымнан»,
«Боламын ақын Қасым әлі де мен, / Өлеңін бөбегіндей
әлдилеген» – үздіксіз дұғадай қайырып, нөсерлеткен жыр
әлеміне Жаратқан Иеден бата тілеп тұрғаны айдай анық.
Ақын атаулы солай жаратылған. Мұның түп мағынасы,
қасиетті Құрандағы кейбір қаріптің мәні тәрізді тек бір
Аллатагалаға аян.

Енді сірә, дүние,
Танисың ғой мені сен.
Текәппар ұлы дүние!
Қазақ деген мен деймін.

Қасым бұл жерде өз есімін айтып тұрған жоқ, қазақпын
дейді.

Абай – Қасымның пірі. Абай есімін ол өлеңдерінде жиі
атайды.

Өлең мен күйден жараптап
Мен де бір адам ғажайып.
Абайдың жұмбақтығына сүйініп, ұқсап бағуға бейіл.

«Абайға айтарым» атты өлеңінде хакімді дөп таниды: «Бір өзің бұқіл халықсың, / Қалдырмай бәрін жигансың».

Қасым Аманжоловтың өзімен-өзі тілдесетін сыршыл шақтары Абайға тете. Мұндай кеп Бернияз, Мағжан мен Мұқағали сынды жалғыздығына күйіп, «Ұшырдым ұясынан балапан қаз» – қанатты өлеңге қосқан ақындардың қанында бар көркем міnez.

Ей, Қасым, адасуға хақын бар ма?

Адасу закон ба еken ақындарға...

Қасымның тауда тұрғандай күбірлеп, өзімен ұдайы тілдескені енді келер ұрпағымен тілдесуге ұласты. Мұқағали Қасымның суреткерлік бағасын анық берді:

Дейсіндер-ау, Қасымның несі басым?!

Қасым солай болмаса несі Қасым.

«Ақынмын» деп қопаңдал жүргендердің

Әммесінен Қасымның десі басым.

Ақынның тірі сөзі қазақ халықының тілдік қорын бұзбай сақтап, асқақ рухы ұлт жанын байыта береріне бір Алла жазсын!

ҒАБИТ МҮСІРЕПОВ. «ҰЛПАН»

1. Ел анасы.

Қазақ әдебиетінің классик жазушысы Ғабит Мұсірепов «Ұлпан» атты романында қазақ әйелінің әншайін киялдан тумаған, жалған дәріптелмеген, өмірде нақты прототипі бар көркем бейнесін жасады.

Матриархат өте көне заманның қалдығы, ал біздің дәуірімізден бері адамзат қоғамы негізінен патриархат заңына бағынады. Қыз баланы кемсіту, әйел затын төмен санау менталитеті өзгеріске аса ұшырай қоймайтын, томага-тұйықтау Шығыс түгілі өзін өркениетті, күншығыс елдерінен озық санайтын Батыс елдеріне айрықша тән болды. Сондықтан бұл кереғарлық – бумерангтың бір ұшы бұл елдерде феминистік қозғалыс сияқты ұшқары идеяға әкеп соқты. Отбасы институты, ер мен әйелдің арасындағы табиғи үйлесім бұзылуы салдарынан Батыс қазір ерекше зардап шегіп отыр.

Орыс топырағында некебұзарлық, ажырасу, өз күйеуінен жерініп, өзге ерді пір тұту, ашыналық құбылыс орыс

қоғамына алғаш ене бастаған қасіретін орыс ойының данышпаны, классик жазушы Лев Толстой «Анна Каренина» атты қос томдық романында терең ашып көрсетті.

Ғабит Мұсірепов «Ұлпан» атты жинақы романында алдына мұндай мақсатты қойған жоқ. Ұлпан ерден безген, сүйіспеншіліктің отынан күйіп, басқа ерді сүйтгенді үшін қарекет қылған, ұябұзар әйел емес. Керісінше, «Ерді кебенек ішінде таны» дейтін халық даналығынан туған дархан мінез, нағыз ерді ардақтау арқылы елдіктің іргесін бекіткен, халқының ризық-берекесін қарақан басының бақытынан артық санаған өте ақылды, дана, дегдар әйел болуымен баурайды. «Алтын басты әйелден бақыр басты ерек артық», «Байтал шауып бәйге алмас» деп қарайтын елде Ұлпан сияқты қайратты жанның болмысы бағалана бермейді.

Ғабен бұл романында өз елінде өмір кешкен, ел билеген деректі адамдардың тіршілігін суреттеп берді. Бұл кейіпкерлерді көзі қарақты оқырман Сәбит Мұқановтың кітаптарынан да білері анық.

Сондай-ақ, XVIII ғасырда жонғарға карсы соғыста ерлігімен танылған батырларды мадақтағанда Тәтіқара ақын былай жырлайды:

Найзасының ұшына жау мінгізген,
Еменәлі Керейде ер Жабайды айт.

Жабай батыр романдағы бас кейіпкерлердің бабасы болуы мүмкін, өйткені керей руынан шықкан Есеней, Еменәлі оның бір туған інісі.

Керей ішінде Сибан руының бас көтерер адамы, би Есенейге Ұлпан қызы қапалақтаған қар астында ұшырасады. Есеней ерекшора киңген, батыл сөйлескен Ұлпанның қызы екенін байқамай қалады. Оның қызызекенін Есенейге дереу айта қалып, жүргегіне шоқ түсіріп жіберген «туркпен» Мұсіреп: «Ие, қызы!.. «Міне, айыбым!» дегенде көз құйрығымен өзінді бір шарпып өткенде неғып байқамадың?» дейді. Жазушы «шарпып» деген сөзді текке қолданып тұрған жоқ. Махаббат оты демде тұтанғанының тұспалы. Романның дилеммасы мен драмасы осы эпизодта бірден жарқ етеді.

Қазақ әдебиетінің драма жанры мен кино өнеріне өшпес олжа салып, «Қызы Жібек», «Ақан сері – Ақтоқты» сынды шедевр дүниелер тудырған Ғабенің қаламы жазуда әбден ұшталған, стилі мықты, ку сөзге әсте жоқ. Қысқа да нұсқа.

Осы эпизод жадқа қазақ эпосының шоқтығы биік – «Ер Тарғын» атты жырын түсірді. Конфликт – кәрі мен жастың үйлесімсіздігі. Сюжеттегі ұқсастық мынау – екі шығармада да сұлу қыз балғын жас, оған көнілі құлаған егде жастағы ердің еңкейе бастаған шағы. Жүрекке әмір жүрмейді, сұлулық пен жастық адамзаттың еркін бағындырмай, елітпей, тартпай тұрмайды.

Ақшаханның қызы Ақжұніс, аппақ жузі «Қара жерге жауған қартамар, қар үстіне қантамар» қас сұлу, өжет қыз, сондарынан қуа жеткен Қожақ батырға тайсалмай былай дейді:

Алайын деп тұрмысын,
Мені көріп қуанып?
Өлтірсөң де тимеймін,
Теңдік берсөң сүймеймін,
Бұрын батыр болсан да,
Сенің басың бұл күнде
Жерде жатқан қу тезек.

Дүниежүзі халықтарының классикалық әдебиетінде мынау жарқыраған өткір сурет, табиғи өршіл рухпен шендес түсетін қас улті жоқ.

Дәстүрлі қазақ қоғамында шындық бәрінен биік тұрғаны, өйел заты күңеместігі, ата-анасты бетінен қакпай, далада еркін өскен қазақ қыздарының бостандығын артық санайтыны айқын. «Сонда Қожақ ойлады: «Асылзада патшаның баласы гой. Мұны мен алсам обалына қалады екенмін. Мұны өзінің сүйгеніне қосайын», – деді де, Тарғын батырға қости да қоя берді. Барыңыз, менен озған дәурен екеуінізге құтты болсын деді. Тарғын ол қызды алып, сол кеткеннен кетіп, Еділдегі Орманбеттің он сан ногайына барды». Бұл қазақтың эпостық дүниетанымы ғана емес, ұлттық санасты.

Есенейдің ағайыны «туркпен» Мұсірепті елші қылып, өзіне сөз салғанын естігенде Ұлпан дәл осы шамырқану, жаны тосырқау, жатсынуды сезінеді. Бұл жазмыш сөзді естіген сәті жас қыздың жүргегіне қанжардай қадалды. Әкесі Артықбай батыр қатарлы, өзінен кем дегенде қырық жас үлкен Есеней, ел ағасы, көсем, патриарх. «Ағашқа асылып өлмесөң құтыла алмайсың. Есенейден арашалап алып қалар адам жоқ. Айтты – болды. Басың болса ие бер, тізен болса бүте бер». «Ұлпан бір түсініксіз күлкімен күле бастады. Жынданып кеткендей атынан ауып, ар жағына қарай құлап барады».

Жазушының тілі қырнаулы, стилі анық, зергердің қолынан шыққан өрнектей, сөйлемдерінің артық-кемі жоқ. Ғабен қазақы мақамға жиі түсіп кетер абын ішектей шұбалыңқылықты, прозадағы көк езу бәдіктікті сүймейтіні нақыш салғандай шебер қилюласатын тілінен көрінеді.

Ұлпанның жас өмірін қимайтын, үлкен кісіге қүйеуге барғысы жок балғын көнілін жазушы шебер психологиялық іірімдерімен бере алған. Мұхтар Әуезовтың «Ескіліктің көлеңкесінде» атты реалистік тұнғығымен тартатын әңгімесінде бұл мотив қайталанады. Ескішіл әже билігіне көніп, апасы өлген соң, көрі жездесіне сүймей барған қыздың трагедиясын ашады.

Абай «Бір сұлу қыз тұрыпты хан қолында» атты классикалық өлеңінде бағының малға сатылып жылап кете барған қыздарының құсасын бас шенін ақызыға айналдырып, арғы жағын қазақ шындығын жүргегі күйіп, асқан жана шырылқпен тебірене жырға қосты. «Етімді шал сыйнаған құрт жесін деп, / Жартастан қыз құлапты терең суға». Бұл сатирадан ғөрі лирикалық қайғы тұнған, Абайдың адам баласын бәрін сүйетін адамшылық қалыбы көрінген жанды өлең. Әлеуметтік теңсіздікті, әйел затының құқықтан жүрдай төменшіктігін, қырық жетіге маталып, кор болып кете баратын күйік зарын Абай «Мал өмірді жанғыртпас, құдай ұрғыр», «Екі көніл арасы – жылшылық жер» деп жан дүниесі егіле жырлайды.

Есеней Ұлпан үшін кемітетін ер емес, ердің ері, («Шіркін-ай, бұдан қырық жыл бұрын қандай болды еken? Бұған кездеспегенде кімге кездесер едім? Сөз жоқ, бір жасқа кездесер едім. Сол жасым Есенейдің оннан біріне тұрар ма еді? Кім білсін...жоқ, тұрмас еді!») әттең, жасы ғана жасына сәйкес келмейді. Ұлпанның мықтылығы сонда, ол әзелде жаны қаламаса да Есенейге қүйеуге тиуді мұрат қылды. Ол елдік мұрат. Кез келген шөпжелке қыздың қолынан келмейтін, тіршілікті дүниемен өлшейтін кейбір ойы шолак, таяз әйел затының түсіне кірмейтін ұлы мұрат. Ұлпан жайнаған жастық дәуренін осы елдік мұрат жолына қиды. Есенейдің беделі мен билігін ол қарангырылқұрсаған елін алға жетелеу үшін пайдаланды.

Қазақ байлығы жылқысында. Есеней – исі Сибанның бай адамы, ел қорғаған бас батыры, биі. Оның ақ дегені алғыс, кара дегені қарғыс.

«Есенейдің құрығы мойныма түсे қалса, оны алып кететін күш біздің азғана ауыл кірме Құрлеуітте жоқ. Құдай салды – біз көндік. Бірақ, ағаңың есінде болсын – Ұлпан арзанға түспейтін қыз».

Ақжұніске тән өр мінез Ұлпанда анық тұр. Бірақ заман басқа, уақиғабөлек. Ол Есеней ордасының бәйбішесі болғысы келетінін, «Мен үлкен үйге кіремін де төрінде отырамын» деп кесімін алты қарыс азын айға білеген биге өз аузымен айтады. Үлкен үй – билік. Есенейдің көзі тірісінде-ақ, Ұлпан бес болыс Сибанның қамқор анасына айналды. Сейтіп, оның құрбандығы ақталды. Габит Мұсірепов осы бір адамдар арасындағы аса құрделі қарым-қатынасты диалог, оқиғалар арқылы табиғи суреттейді.

Ұлпан даму дәрежесі арта қалған жұпны елге қанатымен су сепкен қарлығаштай әрекет қылды. Монша, қыстық үй сияқты сол кездегі кедей тірлік, надандықтан езілген елге жақсылықтар нышандарын алып келді. Әйтпесе, қыс бойы киіз үйде отырган қазақ руласының жас баласы қыскы ызғарды көтере алмай, өкпесіне сұық тиіп, тез шетінеп кететін еді.

Сәбит Мұқанов «Халық мұрасы» атты жанры бай, стилінде небір әдеби тәсілдер тұнып тұрған қазыналы кітабында: «Біздің елде самауырды XIX ғасырдың алғашқы жартысында Ірбіт базарынан Есеней алдырған екен. Оны қайнатайын десе, суды қалай құйып, отты қалай жағуды елде ешкім білмейді. Содан көршілес казак-орыс станицасы Құтырлағанға (Екатеринировка) кісі жіберіп, біреуді алдырады да, самауырды қалай қайнатуды үйреткендігі үшін оған Есеней бір жылқы береді. Бірақ ырымшыл Есеней «шумегі төмен қарап тұр екен, елді төмен қаратпай қоймас» деп самауырдың шайын ішуден безген екен деседі».

Осыдан-ақ Есенейдің асыл тегі мықты, каракөктің тұқымы, қазақтықтың алтын қазығындей, өмір бойы ат үстінде күнелткен, есесін ешкімге жібермеген өр адам екені анғарылады. Қазақтық сана оның болмысында берік орнаған. Оның құдай маған қарыз болмаса, мен құдайға қарыз емеспін дейтін Жаратушы Иемен алысатын күпір сөзі бар. Жазушы оның намаз оқығанын бейнелі суреттейді, Есеней Кенжетай күбірлеп айтатын дұға сөздерін қайталайды. Мұның өзі оның жаугершілікте, рулық қоғамда ел қорыған көкжал бөрлігін, ел шеті, жел өтінде, үйдің емес, түздің

адамы екенін анықтайды. Мұнәфиқтық мінез, көлгірлік оның табиғатында жоқ.

Тектік, ұлттық ойлау жүйесі күшті халықтар замана ығына құламай елін кесапттан қорғап қалатын рухани күшті жасымайтын болаттай ерлері арқылы бойында сақтайды. Ол иммунитет күшеген сайын ұрпақтан ұрпаққа жаңылмай беріледі. Әлемдегі тегеуріні күшті ірі халық атаулы ата дәстүрінен айнаған емес.

Ұлпанның ел анасына айналған тұсы Есенейдің қалың жылқысын қарауындағы елге бөліп беретін, кісі ақысын жеуді ар санайтын бекзат адалдығы. Бұл мырзалық деуден ғөрі имандылық, тенденция белгісі.

Есеней өлген соң Ұлпан бекзаттығынан айрылған жоқ. Әттен, ол қыз емес, ұл болып туатын жан. «Ұлпан бұл кезде қара жамылған қаралы әйел. Он ауыл Сибанды Есенейдің қазаны мен қолына қарап телміріп отырудан біржола құтқарды. Қашаннан Есенейдікі болып келген кең жерді әр ауылға бөліп берді. Мұнысы жалғыз бұл ел емес, жалпы Сібір казактары үшін жаңа бір үлгі еді. Оның аты не екенін Ұлпан өзі білген емес. Кедейлік жанышып, ділгірлік сорына белден батып отырған жоқ-жітікке жаңы ашыды да, қолдан келерін істеді де берді. Қазір Есенейдің малы екі есе азайды, оның есесіне ел Сибанның малы он есе көбейді. Әр үй өз текесін, өз айғырын мақтасып отырады».

Ел аздап егін салады, шөп шабады. Бала-шаға дірдектеп қыс бойы киіз үйде отырмайды, жылы қыскы үйде отырады. әсіресе, осы қыскы үй үшін ел-жұрты Ұлпанға қатты риза».

Ұлпан өзін Есенейден жоғары қоймайды, артық сезінбейді, байлықты малданып, айналасына ызғарын шашып, бекер өктемдік қылмайды. Өйткені оның бойында «Қырық есекке жүк болатын» сайқалдық, күншілдік, ардан безу жоқ. «Жеті жылдан бері малымен болып кеткен адамның әділ би деген атағы көмескі тарта бастап еді. Ұлпанның атағымен бірге қайта көтерілді. Ұлпан олай ойлай қоймаса да, Есеней солай сезінді.

– Ақнарым, сен мені адам қыла бастадың, – деді аттанарда.
– Жоқ, Есеней, сен көленкен құндік жерге түсетін бәйтерексің. Мен сениң саянда шырылдаған бозторғаймын. Менің құдайдан бірінші тілегім сениң амандығын! – деді Ұлпан. – Сенсіз мен кім болар едім?.. ».

Расында солай. Қазақ әйелді ешқашан ерден асырмайды. Бұл оң көзқарас, жаугершілік ел қорғаған ерлер, мал табатын, отбасын асыраушы ерлер, нәсілді сактайтын ерлер болған соң тұған әділетті өмір зандылығы. Н.С.Лесковтың «Мцен уезінің Макбет ханымы» («Леди Макбет Мценского уезда») атты повесінде махаббат жолында адасып, қоңылдес ереккө бола ез ерін өлтірген әйелдің бейнесі еске оралады. Ұлпан ақ жүрек, Ұлпан адал, Ұлпан нағыз қазақ әйелі. Ол нәпсісі үшін кісі өлтірмек түгілі өзін қасақана ізделеп келіп, үйіне қона жатқан, жас десе жас, аксүйек десе төре тұқымы, орыс оқуын оқыған, көзі ашық, шен-лауазымы бір кісіден кемдігі жоқ Қази Үәлихановты некелі жары Есенейден артық санамайды. Күйеуінің көзіне шөп салып, жүртқа таба қылар ақылсыз әйел Ұлпан емес. Ол қазакы танымнан шығандап шықпайтын дәті берік, намысы күшті әйел.

Мемлекет басқаратын адамның бүкіл нышаны, қайраткерлігі, үлкен жүргегі, мейірім шуағы, имандылығы Ұлпанның бойында түгел бар. Оқымай қалғаны бөгет болмаса Ұлпан тәрізді әйел қазіргі заманда ең биіктен көрінер еді.

2.Есеней.

Есеней – тарихитұлға, атақты Сырымбатырдың жиеншары. «Сырымның кісесі Есеней үйінің бір қара сандығында жетпіс жылдай жатты. Есеней – ауыр сүйекті, балуан денелі адам. Бар өмірі ат үстінде етіп келе жатқандықтан, үсті-басы қол батпайтын білеудей-білеудей бұлшық ет, қарны шыққан емес».

Заманда болған ер Есенейдің әділдігі ә дегенмен айқын болды. Жас жігіт кейіпінде келген Ұлпан «Қаршығалы» шұбарын паналап қонып қалған үш ауыл кірме Құрлеуіттің арызын қыр шонжарына жасқанбай, тік айтқан аталы сөзіне дән риза болып тыңдайды. Қос ұлы тірі болғанда жігіт болып өсер еді-ау деп балаға зәру би іштей сүйсініп, қызыға қарайды. Оның қыз екенін білгенде қоңілі өзгеше құйқылжибы. Өзін өлімнен құтқарған Артықбай батырдың қызы Ұлпан. Нышан табылды, жүрек бұлқынды, енді өмір өрбиді. Автор тіршілікті, құс жолындағы, жер бетіндегі мәнгілік тартылысты, айналысты түйсік, ибамен береді.

«Есеней қазір діндар адам болғанымен бір кезде аса

адуын, озбыр би болатын. Орыс шекарасын паналай отыратын Нұралы деген момын елдің барлық жерін тартып алғып, даңаңды жайлауга айдал тастағаны бар-ды. Момын ел қарғап-сілеп кеткен екен – келер жылы Есенейдің екі ұлы қара шешектен бір күнде, бір сәттің ішінде бірге өліп кетті».

Ғабит Мұсіреповпен елдес, жерлес, заманы бір көрнекті жазушы – Сәбит Мұқанов. Сәбенің «Халық мұрасы» атты кітабында: «Біздің елде «бес мың жылқы болыпты» деген Есеней сабаны алты айғырдың терісінен тіктіріп, атын «Тай жүзген» қойған екен. Сол сабаны ысқа қойғанда, ауыз жағы қурап кетіп, бұған ашуланған Есеней ыс салған адамның үйірге түсіп тұрған айғырын сойғызып, терісін сабаның құрғаған аузына жаматқан» – дөлінген.

Билік иесі болу – зорлықшылдық. Сәбен мен Ғабен айтқан осы екі эпизод Есенейдің ақтап тұрған жоқ. Оның катігез, момынды ренжіткен озбырлығын танытады. Қазақұмында киелі мал болады. Бір елдің күнкөріс жерін тартып алу, үйірге түсер ата малды рәсүа қылу – күнәшар зорлық. Оның қарғысы болады. Бірақ сол кездегі қазак дәстүрлі қоғамында бұл үйреншікті қалып болған. Бұл катігез мінез аламандық, абадандық санаған. Мұхтар Әуезовтың «Абай жолы» атты роман-эпопеясындағы ру арасы түгілі, ру ішіндегі сұмдық тартыс, ағайын араздығы қашаннан қазақ әлеуметінде болып келеді. Өйткені ол өктемдік айдан түскен жоқ, тегіс адамзат қоғамына тән теңсіздік идеологиясы, зорлық-зомбылық.

Осы кітапта Есенейдің қазақтың ескі тұрмысында не қадірлі, соның бәріне қолы жеткен, үкілеп ұстаған, тұтынған, көгінде бар, бай адам екенин білдіретін детальдар барышылық. Самауыр қазақ тұрмысына енді ене бастаса, құсбегілік қазақтың қанында бар. Бүркітті байлар сән-салтанат үшін ұстаса, қарапайым аңшылар кәсіп қылған.

Ғабит Мұсіреповтың романында Есенейдің қасына ерген кісісінің бірі – аңшы Алдай Мұсіреп. Оның бейнесін автор шынайы, ұмытылmas қылып суреттейді. Көкірегінде зілі жоқ, анқылдаған ақкөніл, баладай анқау адам. Оның Есенейдің жанына тиетін сөзді байқамай айтуы, өзі ұстаған тұлкімен ұрысып отыратыны, тазыларына адамша сөйлейтіні қазақ мінезінде бар қасиет.

«Қартайған бүркіт еріншектеніп, ірі аңдарға түспей, ұсағына ұмтылады. «Бүркіт қартайса тышқаншы болады» деу

сондықтан. Тым қартайған бүркітті еркіне жіберу салты бар. Адамға үйренген бүркіт ел маңынан ұзамай ұшып-конады. Ондай бүркітті бүкіл ел болып сыйласп, әрдайым жем (шикі ет) тастайды, иттен, құстан қорғайды, тасаға паналатады. Біздің елде «Есенейдің танакөзі» дейтін бүркітті сөйткенін өз көзіммен көрдім», – деп жазады Сәбит Мұқанов «Халық мұрасында».

Есеней бейнесі романның өнегі бойы біртіндеп ашила береді. Қартайған сәтінде жолыққан Ұлпан – оның бақ құсы, әрі корғаушы періштесі.

Романда Есенейдің інісі Еменәлі образы жан-жақты ашылған. Ұлпан адуын сарықарын бәйбіше, жалғыз қайнысының әйелі, абысыны Айтолқынды ә дегеннен орнына қойып, мүйізден алады. Өйткені оның үлкен үйді өзі билеп-тестеп қалғанын біледі. Қазак салтында жап-жас Ұлпанның ересек Айтолқыннан жолы үлкен болып саналады. Мұны ол билік, байлық үшін істемейді. Ұлпанның статусы – ел анасына айналу: «Ұлпан Сибанның ең үлкен әйелі, ел бәйбішесі!».

«Жабағы сұрайды, қыл сұрайды, сұт сұрайды, ұн сұрайды, киіз сұрайды, шай сұрайды, бөрікке тыстық, көйлекке түйме сұрайды, жайлauғa көшетін көлік сұрайды...

Ұлпан ешкімнің қолын бос қайтармай бере берді. Мырза келін атанғысы келіп берген жоқ, әлденеге іштей наразы, әлденеге іштей намыстанып үлестірді.

Қандай әдемі қызы-келіншектер қайыршыдай жалаңаш, қайыршыдай сұраншаш. Шешелері әдейі ертіп әкелетін балалар өңкей мес қарын, ши борбай, ірің көз... бұларға өмір тілеу, бакыт тілеу мазақтау сияқты сезіледі».

Кедейлік, жігерсіздік, жоқтық шегіне жеткен зардабын Фабит Мұсірепов «Этнографиялық әңгіме» атты шынайы суреттеулерге толы әңгімесінде ашып көрсетті, сатираптық образ жасады. «Ұлпан» атты романындағы кедейлік басқаша сипатта. Елге жаңару керек. Заман лебі солай соғады. Ұлпан соны түсініп, Есенейдің бес мың жылқысын қол астындағы елге жартысын бөліп береді. Туган жұртының әл-ауқатын көтеруге ол жанын салады. Артынан тұрмысы түзелген, тоғайған ел Есенейден ештеңе дәметпейтін болып кенелді. Бұл Ұлпандай дана әйелдің арқасы екенін Фабен сүйсініп суреттейді.

«Бұл араның қазағына егін салдырды, шөп шаптырды, қыстау салғызды. Бұл елді қазір жартылай отырықшы дей аламыз», – дейді жазушы ұлық орыстын аузымен.

Ұлпанның қайраткерлігі кісі ақысын жемеу сияқты имани ұғымда тіпті жарқырап көрінді.

« –Есеней-ау, мына қараша ауылды сен неғып көрмей жүрсін? Өзіне үят қой! – деді.

– Осы қырық үй малшы-жалшылардың қырық жылдан бергі жалақылары сенің мойнында кете беріпті... обал ғой, – деді.

–Айналайын Ұлпанжан, соны маған ендігөрі айтпайтындей болып, өзің тындырши, екеумізге екі айғырдың үйірі жылқы қалдырасаң болды. Мениң ендігі байлығым жалғыз сен... асырарсын бірдене қылып...».

Ерлі-зайыпты екі адамның арасындағы осы диалогтан айқын, елге тұтқа Есеней мен оның сүйіп алған қосағы Ұлпанның жаны таза жан екендігі. «Еркексің ғой сен, еркексің, Есенейжан!» дейді ол әйеліне, билігін ғана емес, өзінің Есеней атын қоса қияды.

«Қатын қайраттанса қазан қайнатады» деп түсінген қазақ қоғамындағы стеротипті Ғабит Мұсірепов бұзып отыр. Сүйіспеншілік хисса-дастандарында дәріптелетін кыз-келіншекті мемлекттік ұғымына теліп, әлеуметтік биікке көтерді. Өйткені Ұлпан атамекенің елге сыйлы, аяулы адамы.

«Жас әйел Ұлпан асқан ақылды адам еді. Өз айтарын әуелі Есенейге айтқызып алыш, өз байламын әуелі Есенейге байлатып алыш жұр. Есеней де «мына қатын былай деп еді» деп Ұлпанның атын шығара сөйлейді».

Жазушы Есеней мен Ұлпан екеуінің арасындағы шынайы жарасымды дәл бейнелейді. Ол тіпті өз атасы «туркпен» Мұсіреп пен әжесі Шынардың алғаш шаңырақ көтерген кезін бейнелейтін тұстарында мол. Ұлпан Шынарға еркіндікті үағыздайды, бірақ ол лағып кету емес.

Ұлпан әйел бақытын сезіне алған жоқ. Ол басқа бір құдіретті сезінді. «Ерте тоқыраған аналық» дейді автор, бір қыз туған Ұлпан, сол жарығынан ерте айрылып, мерзімінен бұрын ажал тапты. Қара ниетті адамдардың көре алмаган, қызғаншақ кесірі тиген шығар, романда бұл сарын, сүйікті қызы Біжікеннің қаза болуының сыры ашық айтылмайды, астыртын беріледі.

3. Ұлпанның айналасы.

Еменалы ескілікті тұрмысқа әбден үйренген, кертартпа. «Ата-бабамыз киіз үйде тұған, сонда өлген» деп ол қасарып жалғыз отырады. Ұлпан оны елмен бірге көшіреді. Соған ақылы жетеді. Есенейдің інісі болған соң ол басында әйелі Айтолқын екеуі «ана жалаң бұт келген тоқал» деп бұйрығына шамданатын Ұлпанды жек көрді, бірақ беделі, мәртебесі зорая түсken жеңгесінің адамшылығын, ел қамын ойлаған даналығын мойындауға мәжбүр: «Сенемін, Ұлпан, сенемін. Сен бір әулиедей адал адамсың ғой. Бірақ, мен Есенейдің малын талап жатыр деген атаққа қалмаймын. Бір лағынды алмаймын. Өзім де сотқар едім, балаларым менен ұзап қайдан барсын».

Бұл кісілік, жөн білгендік емес пе! Еменәлі жаман адам болса, ең әуелі Есеней өлген соң артында қалған үйр-үйр малға талас қылар еді. Ол тіпті Ұлпан үш ұлдың еншісі деп бөліп берген тиесілі малды алмай кояды. Онысы бекер болды, Есенейден қалған тұяқ Біжікенді аман сақтай алмаған күшік күйеу, қайырсыз Торсанның игілігіне айналды. Еменәлі Абай өлеңдерінде шенеген малдан басқада ісі жоқ сасық бай емес. Иманы тұзу.

Еменалыны ықтырған Ұлпан тік айтқан шындық. Ұлпан қандай батыр, ірі сөйлейді! «Сибан сені Есенейдің алдында айыпты санайды. Айыпты екенің етірік пе? Тыжырынбай тұра тұр! Сен Есенейдің өліміне де ортақсың! Есенейге ең соңғы тиген қара шоқпар сенікі болатын содан кейін Есеней бір күн төсектен тұра алды ма? Тұра алған жоқ! Енді сен сол Есенейдің қатыны Ұлпанға әменгер болып есенейдің төсегіне жатқың келетін көрінеді. Есің бар болса, енді Есенейдің төсегіне ешкім жақында масын деп ағаның арағын қорғай жүрер едің-ау! Оны ойлаудың орнына өзін жатқың кепті. Әменгерлік хайуандықтың бір түрі емес пе? Ұялсаныш! Есенейдің жалғыз мұрагері менмін деп дауласқалы отыр екенсің. Өзіңе керегі мал ма? Қанша керек өзіңе? Күні ертең үш баланды ертіп кел де қанша мал керек болса, соншасын айдал жүре бер. Маған мал керегі жоғын неғып түсінбей жүрсің? Был Есенейге ас беремін депсің. Беріп көрші, бір Сибан қатынасар ма екен! Сонда қандай масқараға ұшырайтыныңды білемісің сен! Есенейдің асын был өз үйі берді, келер жылы сен бер. Ашпа аузынды, жықтыр үйінді! Көш жайлалауға!».

Сейтіп, Еменалыға Сибанның қалаған жерінен қоныс берген Ұлпан оның тонторыс қырыстығын жеңді. Ұлпанның небір ділмәр шешенге лайық атала сөзінде ескі қазақ тұрмысының бүкіл айқын белгілері тұр: рулық, әменгерлік, ағайын араздық, малға талас, жерге талас, ас беру, көш, мал ашуы, мораль мәселесі. Атала сөзге арсыз тоқтамайды. Еменалы Ұлпанның ақ сөзіне тоқтады.

Еменалы түгілі Есеней кеткен соң жесір әйелді талап алғысы келген болыс-бillerді ақылымен жеңген Ұлпан.

Әменгерлікті сөгу арқылы жазушы өз болмысы жаңа заманға бейімдегенін көрсетеді. Бәйбіше-тоқал, әменгерлік ұғымдарын сол кездегі қазақ жазушылары жатсынды. Жазушы ұлттың бұрынғы ғұрып-салтын жаңаға лайық көрмеуі социалистік дәуірдің әсерінен туған. Оның көбінесе он нәтежелі, кейде теріс салт екенін Ғабең бір кісідей біліп отыр.

Сәбең «Халық мұрасында» әкесі туралы: «Күрілдектің күтірінде жеген таяқтан кейін ауыр енбекке күші келмейтін болған Мұқан көшіп, Зәуре атты қызының ауылына келеді. Бұл ауылда біздің үй бір қыс болған деседі. Ол жылы мен алты жаста болсам керек.


Есенейдің інісі Еменалының кенже баласы – Сұлеймен. Зәурені ол тоқалдықта алған». Қарға тамырлы қазақ, Сұлеймен Сәбит Мұқановтың туған жездесі болып шыкты.

Романда этнографиялық деректер мол. «Балалар бай, кедей деп алаламай көш бойында кетіп бара жатқан барлық әйелдерден бәйге алады». Алтыбақан, бастаңғы, т.б.

Жазушы өз атасы Мұсірепті ерекше сүйіспеншілікпен суреттейді: сыбызғышы, қүйші, атқұмар, әдемі киімді ұнататын, сері. Автопортрет сияқты.

«Түрклен» Мұсіреп пен Шынардың ауылындағы сауық-сайранды суреттейтін тұстарында жазушы қазақ мінезін, үлкендерден ығысып, жастандың булығып тұратын сәтін шебер суреттейді. «Отау үйлерде жас келіншектерге бір тенденциялық қалады. Өз үйлерінің төріне шыға алмайтын жас келіндер төрге шығады. Еркектермен бірдей құрметтеледі. Қыз күнінде бар өнерлері, келін болып түсken соң құмығып қалатын өнерлері осындайда бұзып-жарып шыға келеді».

Романдағы Торсан Тілемісов бейнесі жаңа низаммен бірге қазақтың тұрмысында көп өзгеріс болғанын ашады. «Ел



биледі бір сымпьс» деп Абай осындағы типті жырлайды. Зар заман ақындары: Шортанбай, Дулат («Қазақтан шыққан кәпір») бұлардың образын өлеңмен таңбалап кетті.

Бұлар әуелі орысша оқып келеді, тілмәш, ауылнай, болыс болады. Сосын қара халықты ақ патша үкіметімен қосыла қанаудың, баюдың жолына түседі.

Торсан Тілемісов И.А.Гончаровтың «Обломов» атты романындағы Андрей Штольц образын еске салардай. Пысық. Әкесі Тілемістің Есенейде кеткен кегі бар. «Бұдан он жеті жыл бұрын Есеней Тілемістің әкесіне шошқа бақтың деп дүре соқтырган еді». Мұсылманшылықты ел ағасы басқаша қалай қорғайды?! Соны білер-білмес, бірақ Есенейге өштіктің уытын осы күйеу бала Торсан алады. Ол Есенейдің шаңырағын ортасына түсіріп, отын сөндіріп тынды.

«Талпақ танау» атты керемет әңгімесінде Габең қазақ жеріне шошқа әкелінген сәтін трагикомедияға айналдырып, сатира, юмормен көркем суреттейді. Сондықтан Есенейдің бір момын қазакқа шошқа бақтың деп дүре соқтырганы қорлық-зорлық емес, ашынудан туған әрекет деп жазушы ақтап тұрғаны айқын.

Керей-Уақ туыс ел. Құдалық сөйлескен Шайғөз-Уақ руының кісілерін тыңдал, Ұлпан Есенейден туған жалғыз қызы Біжікенді Торсанға қосуға қиды. Торсанды қызының теңі деп білді.

Торсан тектілік таныта алмады, ақыры қызы кенет қайтыс болған Ұлпанның сорына Есенейден қалған қара шаңыракты мал-мұлкімен, жерімен қоса иемденіп, Жәуке деген ұятсыз әйелі екеуі бұл әулеттің түбіне жетті.

Жәуке тұрмыста аз кездеспейтін шайпау әйел. Ақылы өзінен аспайтын нашар, әйтпесе, Жәуке де Құрлеуіттің қызы. Ұлпанды апалап сыйлас тұрса, байлық иесі Ұлпан екенін білсе, бүндай соракы сұмдықты жасамас еді. Ұлпан ана өз үйін өзінен қызғанып, құзғынша тартып алған Торсан мен Жәуkenің тексіздігін, жалғыз қызы Біжікеннің бейmezгіл ажалы салған күйікті көтере алмай мерт болады.

Романның басы мен аяғында кездесетін бір жаңылтпаш сөйлем арқылы Ғабит Мұсірепов «апама жездем сай», пейілі теріс Торсанға дәл табылған тоғышар, дүниеконыз, қатігез жартысы Жәуkenің характерін білдіретіндей:

«Ұлпанды кіші баласы Мырзашқа айттырып қойған Түлленнің әкесінің әкесі Тілепбайдың шешесінің сінлісі Ақбайпактан туған Қарабайдың Қайыркелдісінің жиені Игембердінің немере қызын алып отырган Үримбектің Жәүке деген қызы бар еді. Торсан соған үйленді.

Үримбек Ұлпанның жылқысын баға жүріп, бұл кезде байшікештеніп алған еді».

Алпамыс батыр жоқта елді билеген Ұлтан құл, оның сақау қатыны Бадамша еске түседі. Біреудің басындағы құдай берген бағын күндейтін адамдар жарық дүниеде аз емес. «Біреу өлмей біреуге күн жок» деу сондай қара ниетті адамдардың философиясы.

Торсанның сол елде ұзақ жыл бай, әкім болғанын Сәбен қөркем шығармаларында жазады.

Романда қазактың әлеуметтік өміріне үлкен өзгеріс ене бастағаны Ұлпан Есенейдің қырық жылқысын саттырып, сауда жасаған Тобыл базары, орыс, татар саудагерлері, жерге қатысты ұғымдар арқылы ашылады. Қабан мен Жетікөлдің арасында әйелдер монастыры салынғанын жазушы Тұрлыбек бидің аузына салады: «Сондағы екі жұз он тоғыз қыздың бәрі жесір қатын емес пе? Әйелді жарылқағаның осы ма? ». Бұл қазакы танымнан бөлек целибат, некесіздік ұғымы жат мұсылмандық ұғым.

«Шынына қалғанда Байдалы он бес десятина дегенинің қанша жер екенін дәл шамалай алмайтын адам еді. Тек өлшеп берілгендейккө қарсы. Ол өлшеуі жоқ жерге, өлшем-шегі жоқ, ата қуалаған билікке үйренген адам».

Жазушы дәл осы ойды қандай мақсатпен айттып отыр?! Шынтуайтында, ол Байдалы биді жақтап отыр. Өлшеуі жоқ кең далға ие болу бүкіл қазакқа тән сана. Ол ішпей-жемей көнілді тоқ қылатын кеңдік, азаттық. Гасырлар бойы сол кеңдікке әбден үйренген, жаудан зұлымдық келмесе құдай өлтірмейді деп дүние танитын таза ел. Оның қарадай тарылғанын қай қазактың жаны қалайды. Бұл өзі қанмен, текпен берілетін қасиет.

Романдағы колоритті образ – Қожық қарақшы. Қасқыр қуып, көлдегі жылымға ат-матымен құлап кеткен Есеней сүйк далада дерт жабыстырып оралды. Ақыры, сол апат оның түбіне жетті. Олар тунде бір жылқышы косына кездесіп, Қожықтың қосы екенін білген соң қонбай кетеді.



«Қожық ұры, атақты сотқар еді. Жүз жігіт баукеспе ұры ұстайды. Жолаушы тонайтын жолбасарлары да бар. Талай кедей ауылдарының жылқысын тал түste тартып әкетіп, теңдік берген емес». Ол Есенейдің қас дүшпаны. Қожық барымташылықты ұстанған, бұрынғы дәуірде әр елде, әр руда кездескен қанішер ұры. Қазіргіше мафиоза басшысы, «крестный отец». Аламандық адамзатта өзгермейтіні қайран қалдыратын құбылыс.

Роман кейіпкерлері Габенің рулас, аталас туыстары, шықкан ортасы. Габен өз ортасының шындығын жазып отыр. Психологиялық портрет жасауда деректі тұлғалар болған соң жазушы қаламына оңайға соқпасы анық.

Романдағы Шынғыстырған, Кенесары сұлтантұлғасына, оның ұлт-азаттық қозғалысына жазушы салқындық танытады, оны биліккүмарлық деп бағалайды. Төре тұқымынан кілең жағымсыз бейне жасайды. Қазактың елдігін бекіткен, басын қосып, жонғардан теңдік әперген, Бұқар жырау, Үмбетей жырау, Тәтіқара жырау артқы ұрпаққа аманат қылып, ұмытылмас бейнесін жырға қоскан ер Абылай ханның тұқымы Кенесарыны Мағжан сүйіп жырға қосқан, казактың талай ақындары дәріптеген. Советтік дәуірде өмір сүрген жазушы бұл ретте идеологияның әсерін бастан кешкен жоқ па, сол ісіне артынан өзі өкінген жоқ па? – деген күрделі сауал туындаиды.

Габен діни білімі жетік ғұлама Науан қазіретті Ақан серіге қарсы қылып суреттегенмен, өмірде бұл екі тұлға бір-біріне қарсы болмаған деседі. Шығармашылықта рухани қайшылықтар жүрмесе, жазушы қоғамды өз ырқымен бағаламаса, онда тіршіліктің жұмбағы оңай, қитұрқысы жоқ, бір клеткалы инфузория сияқты арзан болар еді.

Еліміз тәуелсіздік алған соң қазақ баспасөзінде Сәбит, Габит, Габиден сияқты ірі жазушыларды сынап, олар советтік социалистік әдебиетті жасады, күні өтті, енді олардың бізге керегі жоқ деп жар салып жүргендердікі теріс, әбестік, ұят қылық. «Өлі арыстаннан тірі тышқан артық» деген шала ес ұғым әдебиет пен өнерге мүлдем жүрмейді. Мұны айтып жүрген топ негізінен прозаға үмітті. Бұлай жер өртеп ат шығарудың қажеті қанша? Әдебиет кең әлем. Мықты болсаң жерде қалмайсын.

Мұхтар Әуезовтың «Өскен еркен» атты романын сыйнайды.

Япырмау, Мұхан деген «Абай жолы» роман-эпопеясы, шетінен классикалық әңгімелері, қазақ әдебиетінде тенденсі жоқ драматургиясы, том-том кітаптары, ғұламалығы айқын ғылыми мұрасы ғой! Басқасын айтпағанда, қазақ әдебиетіндегі қасқыр мен ит туралы әңгіме-повестердің баршасы түгел «Көксерек» ұясынан шықпап па еді?!

Қазақ филология ғылымы бұл тұлғаларсыз қараң қалмай ма?!

14. 08./ 25.08. / 27.08. / 28. 08. 2013.

ГЕРОЛЬД БЕЛЬГЕР. ТЕК ПЕН ЖАД

Біз, қазақ тек туралы бұрын жиі айтушы едік. Тектілік дәстүрлі қазақ қоғамы мен дүниетанымы үшін ең маңызды тетік болып табылды. Нағыз қазақ тектілікті барша дүние құндылығының басы санайтын. Қазір тектілік туралы танымға қарынбайлық дүниекорлық жегі түсті, кілең дәулеттіні текті санайтын адасу шан беріп қалады.

Мениңше, тектілік нышан адамшылықтың негізі – адалдық пен иман. Құдайдың бір аты – Адалдық, бір аты – Иман. Адалсыз иман жоқ, имансыз адалдық жоқ. Егер бір адамның бойынан осы екі асыл қасиет табылса, оның генетикалық кодында, көгінде аса бір кінәрат, тексіздік синдромы жоқ деп айтса қате болmas.

Герольд Карлович Бельгер. Герағанды халық шынайы құрметтейді, қадір тұтады.Оның қазақ әдебиеті мен руханиятына көп қазақтан артық еңбек сініргенін, ұлтқа адалдығын бек біледі. Қайраткер жазушының кісілік тұлғасы айнымай қалыптасуы – ата-ана қасиеті, қанмен беріліп, сүтпен сіңген шынайы тазалық несібесі.

Неміс ұлтына тән ірі өлшемдерді есте ұмытуға болmas. Құдай әр ұлтты тегіннен тегін әртүрлі қызып жаратпағаны айдан анық. Неміс халқының ерек мықтылығы кесектік, философиялық түпкі таным, өнер мен руханияттағы биік жетістіктерімен, экономикадағы патшадай орнымен өлшенеді.

Сансыз соғыстар қинап, әлсіреген, бытыраңқы Европаны 1648 жылы Вестфаль бейбітшілігіне негізделген, прогрессивті идеяны қолдау арқылы Европалық қауіпсіздік

жүйесін жасаған реформа. Ол Біріккен Европаны дүниеге келтіріп, Батыс әлемінің тұтас аман қалуына жол ашты. Вестфалия, солтүстік Германия, Рейн, Мюнстер готикалық шіркеуі. Діндер мұддесі мемлекеттер мұддесіне жол берді. «Дербестік» және «ұлттық мұдде» деген жана ұғымдарға негізделген Вестфаль көлісімі. Бұл құнды дерек Елбасы Н.Ә.Назарбаевтың «Сындарлы он жыл» атты кітабында бар.

ХХ ғасырдағы фашизм идеясын, қыргын соғыс құрбандарын мемлекетті тиран билегенмен тұтас бір халыққа таңа алмайсыз.

Неміс прозасы іргесін қалаған Мартин Лютер, 14 ғ. 1521-1534 жылдары, 13 жыл бойы оның әдеби қызыметі «Новый Завет», Инжілді неміс тіліне аударды деп жазды Ф.Энгельс. Гете ұлы ақын, ойшыл, жаратылыстанушы философ пұтқа табыну кезеңінің көркем құпиясын құлай сүйген, христиандық ілім туралы айта бермейді.

Неміс поэзиясы бастауында халық әндері, жыр. Ганс Сакс, Гете, Шиллер, Гельдерлин, Гофман, ағайынды Гримм, Гейне, Гаупман, Гессе, неміс классиктері есімін «Г» әрпі еншіледі.

Неміс қазақ дүниетанымына жақын келер рухани ерекшелігі, европалық халықтар арасынан қара үзіп шыққан ірі эпосы, дүние шырайын эпикалық көруі деуге әбден болады. «Нибелунгтар туралы жыр», И.В.Гете елеңі, поэмасындағы эпикалық аңыздық негіз, Гете-Лермонтов-Абай үндестігі бұған айғақ. Неміс елімен казақтың рухани байланысы ешкашан үзілмейді. Бұған мысалдар мол.

Герольд Бельгер әке бейнесін өлмейтін жанр – прозаға аманаттады. «Өкем туралы әңгімелер» атты кітабы (2009) казакы ұғымда жалғыз ұл –құдайдан тілеген перзент, оның асыл әкеге сүйіспеншлік құрметінің беллетристикалық үлгісі.

Карл Фридрих Бельгер (1909-2002) Еділ бойы немісі, ол туған Мангейм селосы, неміс автономиясы қазір жер бетінде жоқ. Тоталитарлық сталиндік тәртіп Совет Одағындағы көп халықты езіп-жаншыды, неміс, қазақ, орыс, Кавказ жұрты тұтылды. Әбілет басқан 1937 жылы «Халық жауы» деп қара таңба басқан тұқымның бір жалғасы менмін. Туған атам Кемелбай Насырханов құдайсыз дәуірдің миллиондаған саяси құрбанының бірі.

Жазушының әкесіне арнаған «Дом скитальца» аталған

романында (2003) Еділ-Волгадағы Энгельс қаласы маңындағы Мангейм туралы дерек ностальгия, этностиқ құса, трагедиялық сарын арқылы берілген. Жазушы әкесін Давид Эрлих есімімен бейнелейді. Ауыл дәрігері, фельдшер. Орысқа пейіл берген ағасы Давидпен салыстырғанда немістік қалыбын сақтаушы, тегін қорушы туған інісі Христьян көзі жасаурап: «Жоғалған отанның картасы...», – дейді тығулы картаны көргенде.

Романда неміс тілінде: «Менің үйім жоқ, менде енді отан жоқ. Мен еліме орала алмаймын, менде енді атамекен қайда?» делінген өлеңде роман лейтмотиві, көтерген жүгі, жүзжылдықтар аудықсан сайын тамыр жайған мекеннен аласталу идеясына, баянсыздық зауалға қыстығу сезімі түр. Атамекенді сағыну, оның ұшығын жер бетінен таппай қалу, шаруашылыққа аса мығым, іскер халық диуана тәрізді күн кешуіге мәжбүр болса, бұдан артық қандай қасірет болуы мүмкін?! Христьянның аузымен айтылар ақиқат бар, оның ерен патриот, ұлтшыл болуы есімінің этиологиясымен тығыз байланысты, әсте діни сипатсыз емес.

«Сірә, тарихи қалыптасу бұл. Немістерге өздерінің ергежейлі княздықтары таршылық етті. Ұдайы жойқын соғыстар, кедейшілік, жұқпалы дерт оба мен тырысқақ, жана қоныс іздеуге ділгірлік, бейбіт тіршілік кешуге құлышыныс... өзен маңы күтімі келіскең бақ, жасыл табиғат аясы, тоған су. Неміс рухының асыл мұраты осындей», – бұны айтқан Христьян.

«Олар жана жерлерді ерен көркейтіп, адал енбегімен гүлдендерді. Неміс паналаған мемлекет басына іс түссе-ак келімсектер деп айыптаپ, барша кінәні соларға жауып шыға келеді. Әміршілердің күнәсі үшін халық ауыр құн төлеуге ылғи мәжбүр болады. Еділ бойы немістерінің дәулеті мен берекесі жоғарғы биліктің жек көрушілігі мен күншілдігін оятканы қашан».

Асан Қайғы сияқты ұлт несібесін ойлад күйзелген Христьянның түйдек-түйдек шұбыртпалы толғаумен айтатын жан ашусы, жүрегін кемірген зіл қайғысы бұл.

«Біздің үйіміз – үйсіздік болғаны ғой. Бәріміз бұрынғыша үйді армандаимыз, ошақ басы, туған тұтінге тартыламыз. Бірақ біз жадты жоғалтқан сәттен бастап шанырақсыз боламыз. Қаңғыбастың үйі – жад. Ес-жадың өшпесе сен

тірісін. Қайда мекен етсең де. Қай жерге үй тұрғызысаң да. Жад – біздің үмітіміз. Оны бізден әрқашан тартып алуға, құртып-жойып жіберуге тырысып келді. Біздің ата-бабаларымыз орыс кеңістігіне аяқ басқан сәттен-ақ солай етті. Ал біз қарсы тұрамыз және жадымызды күзетіп, мықтап сақтаймыз. Бізді құтқаратын тек жадымыз...».

Бұл ретте немере ағасы Християн мен Герольд Бельгердің рухани туыстығы, ойлауы бірдейлігі айдай анық. Расында жазушы сол жадты өлтірмеу үшін туды.

«Тұйық су» сарыны осы жоқтау: Отаным қайда? «Ресейде туған, Қазақстанда тұрған, Германия азаматы – Эдмунд Ворм, оның отаны қайда?». Тарихи атамекені, герман жер-сусы Эдмунд Вормға отан болып кеткен жоқ, тұрғылықты жері болмаса. Өз қолымен салған патша сарайындай қос қабатты үйін бірге өскен қарындасты сияқты Әсимаға тастап кетті. Анасы Паулина алыста қара жұмыста жүргенде, қазақ әйелі Хадиша пана болып, неміс баласын асырап-сақтаған. Германиядан ол ауылнина он жылдан кейін оралып, үш күн аунап-кунаған.

Жер атаяуы «Тұйық су» болғаны, жігіт ағасы Эдмунд санасы тұйыққа тіреліп, жаны мынау өзгерістен өлердей құлазуын автор сөйтіп тұспалдайды. Тұйық атау-кисық тағдыр. Риторикалық сауал, басы ашық, жауп таппаған жан күйігі, тамырын теренге жібере алмай өкік шалған өгейлік, Совет өкіметі геноцидкө ұшыратқан күйік жазушының бірер кітабының эпилогын құрайды.

Неміс елі, бабалар жері Эдмунд Вормның немерелеріне нағыз отан болары даусыз. Таурагтағы тәмсіл, адасқан ұлдың оралуы сарыны ескірмейді, дәуірлер озған сайын ол жаңа мазмұнмен ылғи қайталана бермек. Адамзат жаппай тұтылар адасу. Қазір қазақ жеріне небір шетелдіктер, африкалық нәсіл тұрақтап қалуға келе бастады. Кейбір қазақ Американы, Европаны сағалап, елден безіп, көшіп кетті. Ассимиляция, жатты малдану соны.

Адам баласы ұя басқан мекенінен мерзімі келіп, кенеттен кетуге, өзге елге қанбақша көшуге мәжбүр болса, әзиз жаны қиналмай тұрмайды. Герағаның үш бірдей романында бұл елдік құса тұнып тұруы тегін емес. Қаны мен рухы неміс, бойына қонған мәдениеті тевтон-славян-түркі, тілі неміс-қазақ-орыс. Мұның қаншалық артықшылығы мен

астары, куаныш пен шері барын бір білсе, тек Фераған білер.

«Қанғыбастың үйі» атты романда автор немістердің Ресейге алғаш қоныс тепкен уақытын дәл атайды: 14 шілде 1764 жыл. Патша қатын Ұлы Екатерина қалауымен, кайзерин манифесті бойынша Еділ бойына Европадан қалың ел келді. Топырағына тартып, жазира даласында кең қазақ «Елге ел қосылса күт», – дейді. Берекелі, өнертапқыш, енбеккор, мұқият, тазалыққа жаңы құштар неміс халқынан, жасыратын түгі жок, ормандай орыс, бертінде қазақтың үйренгені, алған казынасы көп болды.


Тевтон нәсілі Европадан Еділге ауып келгеніне нақ 250 жыл болған екен. Ғұн, сақ тайпалары мен тевтон, кельт тайпалары. Есте жоқ ескі замандарда өзара қарым-қатынасы болғанын кельт, неміс фольклоры, халық балладалары айқындастын сияқты. Жер бетін мекендейтін барлық халықтарға тән теңіз тасуындаи буырқану, алыс-беріс, келіс-кетіс, өзара шапқышылық, Абыл мен Қабыл тарихы – соғыс пен бейбітшілік бұларды айналып өткен жоқ.

Бұл романда Еділ бойы қазақ қазақ шықпай тұрғанда арғы тегінің атамекені болғаны туралы деректер бар. Жер атаулары тұнған түркі тарихы.

«Қайран мениң Еділім, / Мен салмадым, сен салдың, / Қайырлы болсын сіздерге / Менен қалған мынау Еділ жұрт!..
» – деп XV ғасырда жырлаған Қазтуған жыраудың алан жұрты бұл Еділ.

Жазушының «Тұйық су», «Қанғыбастың үйі», «Разлад» атты үш романында далалық неміс бауыр басқан, кіндік каны тамған туған жері мен тарихи отаны арасындағы екіге айрылған санаы суреттеледі. Қазақ халқына ерекше тән дүние жалған, дүние шолак, бес күндік тіршілікке адам қонақ дейтін философия содан шығады.

Соғыс басталған 1941 жылы күзде бұл отбасы солтүстік Қазақстанға, Есіл жағасындағы Қабай-Тұяқ аталған ауылға жер аударылды. 1941 жылғы шілде айы ортасы, Совет үкіметі Жоғарғы Кенесінің Жарлығы, Калинин қол қойған Немістер депортацияға ұшырап, Еділ өзені бойынан кетірілді, жаңа жерлерге мәжбүрлеп көшірілді. Бұл азалы жогалтулар, бір тектен тараған тұқым тарыдай шашылуына бастады. Жазмыштың осы бір көтерлі межесін орыс немістері ешқашан ұмыта алмайды.



Қазақ жерінде Карл Бельгер тұрактап, 30 жыл өмір сүрді, казақ тілін білді, зейнетке шықса да, күн-тұн демей, шақырылған жерден табылып, зәру елді емдеді. «Халықпен тірлік кешсөн, қайғы жоқ. Халық – күш. Халық – теніз», – деп ол ұлына 28.01.1999 ж. жазған хатындағы ойынан айнымай өтті. Еңбекқорлық пен елгезектік адамның негізгі ұлы қасиеті болса, ол бақытты жан. Жалқаулық пен кесірлік бақсыз сорлыға біtedі.

Автор тек әкесін суреттеп жазбайды, бала кезі, бала Гера бар, автопортреттік штрихтармен қоса, туған халқының басына түскен ауыр қасіретті адам тағдыры арқылы; «алтын иек, сары-ала қызы» (Абай)қиял-қоспасызы, табиғи бейнелейді.

Карл Федорович, әкесінің Фридрих есімін военкомат орыс тіліне икемдесе де, тұла бойы тегіс неміс ұлтына тән ізгі қасиеті бар жан. Сүйген жары Анна Давыдовнамен екеуі жарты ғасырдан аса тату-тәтті өмір кешіп, үрпақ өсірді; жер бетінде 95 жыл мәнді өмір кешті, құдайдың ақ өлімімен фәниден бақыға көшті. Адалдықтың арқаны ұзын деп астарлай айтқанда, қазекен адаптадамын жер бетіндегі несібесін айтқан. Өз төсегінде, ақ өліммен аттану – адалдықтың бір сыйы. Мен мұны ерекше адалдық дарыған, ғұмыры біреудің ала жібін аттамай, кісіге кесірі тимей, тынымсыз еңбекпен өткен нағашы атам Оразхан 82 жасында өмірден озғанда айқын үққанмын. Бұл адаптаду, діни ғұымда ерен маңызды ғұым, екі дүниеге лайық болу.

Софыстың басы. Қорғаныс қорына көмек жинауды Карл Федоровичке компартия тапсыратын тұсы бар. Ұран: «Бәрі де майдан үшін!». Жер аударылған неміс, мына маған қалай сеніп тапсырады?! – деп ол әйеліне сыр шертеді. Қайыршылық кешіп, жүдеп-жадап отырған айнала елден салық алу. Әкесі жалақысының жартысын берсе, анасы жүннен қолғап, нәски токиды, ал кішкентай Гера жәрдем беруден күр қалғысы келмей, асық қапшығын бергісі келетін тұсы бар.

Қазақ болмысы мен мәдениетін жанымен сүйіп, қабылдап алған азамат, шығармашылық жолда қазақ қоғамының қайраткер тұлғасына айналып, шындық пен ізгілік мерейі үстем болсын деп күн кешкен Герольд Карлович; күллі саналы ғұмырын қазақ әдебиетінің мәртебесін асыруға арнаған, аса қыын, инемен құдық қазатын аударма жанр

жүгін мифтік дәудей арқасына салып алған бейнетқор Гераған бұл шағын кітабында көкейінен кетпес жан жарасы, туған ел-жұрты, Еділ бойы неміс басына түскен сұрапыл қасіретті баланың көзімен суреттейді.

Ағайын-туыс уақытты тұтқан құса-шерге тегіс тұтылды, қанды зұлмат, кара жұмыс, айдаудан ерлер қайтпады, ауру-сырқау, корлықтан өлді. Бұл қаралы кезең еуразиялық халықтардың баршасын қинаған нәубет тұс болғандықтан қанды соғыс тұтінін өшіріп, тұқымын құртқан, асыраушы ер азаматсыз сорлап қалған жетім-жесір тағдырлар миллиондан саналды. Фашизм мен коммунизм бұл ретте, жендеттікте бір-бірінен еш қалыспағаны ақиқат. Биік идеялар мен асқақ ұрандар жамылып, ажад үстемдік құрды. Көсемдер мен құрбанықтар. Концлагерьлер мен еңбек лагерлери. Атауы бөлек болғанмен, заты бір тажал болды. Аждаһа араныңдай жазығы жоқ бейбіт адамдарды жаппай жүттү. Тарих актандактары әлі түгел ашылмай жатыр. Жер мен су ақпарат сақтайты, планета дерексіз болмайды, адамзат өзара араздықтан арылмайды, биік Ар соты қиямет-қайым алда.

«Әкем туралы әңгімелер» атты повестің лейтмотиві: адам басына не күн түссе де, құдайдан үмітін үзбей, ар сақтау, адал еңбекпен жан сақтау, артқыға жақсы іс, асыл бейне қалдыруға мүдделі болуы керек.

Автор балалық шағын суреттегендеге қазаққа тән дүниетаным жіңі көрініс табады. Боран бақсыздай сарнауы, әкесінің сергектігін суреттеуі, «Қазақтар мұны «Күс ұйқы» дейді». Ауылда желаяқ атанған ұл, жаман дерт жабысып, жүгірмектермен қоса шауып кететін жаста аяғы гипсте жатыр. Мүгедек болып қалу қаупі сейілмей, төсекке танулы ұлына әкесі көп оқылғанын мұқабасы танытқан бір кітапты әкеп береді. «Сұға кеткен тал қармайды», күйі өмір тәлкегінен, түнілу, жалығудан тек кітап құтқарапын сол бала әулиедей ұқты. Пушкин ертегілері. Жан сарайы арайлы ұлы ақынның інжу-маржан ертегі кітабы болашақ жазушының өмірлік жолын шамшырақ тәрізді айқындал бергендей әсері бар. «Мені адам қылған ата-анам, ауыл мен кітап. Міне, менің қайнарларым, рухани тіршілігімнің құрамдас үш бөлігі осылар», – дейтін болады ол өскен соң.

«Әкем «Тафай!» дейді, мен «Дәбай!» деймін». Әкем неміс екені аузын ашса білінеді, кейпі екі бастан. Менің қазақшама

қарап, татар баласы деп қалуға болатын шығар». Балалық естелік әншейін жаңылтпаш емес, тұтас бір дәуір суретін құрайды, қазіргі заман тілінде мұндай құбылысты геосаясат деп атайды.

Бала әкесін үнемі енбек үстінде көріп өсті. Аулада үстінін ескі-құсқыны киіп алып жұмыс жасауды ұнататын кейпін суреттеген тұсы Плюшкинді еске салды. Сараңдық, қарынбайлық қарғыс таңбасы түскеннен аулақ, әншейін, құнгты, қолы шебер адамның бір қызық мінезі, былайша хоббі.

Әкесі Есілден ауланған шортанды жағада ат қылып мінетін тұсы кино эпизодтай көрнекті. «Шортан емес, бұл ан!» деп дауыстайды әкесі. Ұзындығы метрден асатын, салмағы он келі шортанды қармаққа ілдірген баланы әке сүйсіне мақтайды: «Сенің табысың!».

Осы жұмбақ сәт, Герольд Карловичке тән іріден қарпу, алып іске тәуекел қып, бел буу кейінрек әдебиет атты майданға ауған болар. Көз майын, алтын уақытын тәржіманың құз-шатқалды қия-қия асуына салғыштауға екінің бірі көніп, бара бермейді. Әсіреле, тілі тәтті, діні қатты кей адамдар басқаны рухани немесе материалды байытқанды еш қажет етпесі анық. Олар тек қара басын құйіттеуге әккі, біреуден алуға, борсықша қор жинауға мейлінше үйренген. Абай жирене жырлаған, «Кісімсінген жеп кетер білімсіз көп» қуларапа Герағаның қанша мәрте есесі кетті екен?! Өз басым жақында сондай кепті нешінші рет бастан кештім. Ауыр жұмысын қоярда қоймай істетіп алып, ақысын төлемей, алдан кетеді. Іс бітті, ку кетті! Интеллектуальды құлдық таз кепеші басқа бірнеше мәрте түскен соң, айтпаса сөздің атасы өледі деп қасақана айтып отырмын. Өйткені, әдебиет, драматургия, аудармада әлгіндей құлдану бар. Бұған тек күшті зан, айыптыны сотқа тарту тыйым салуы тиіс. Қайран, есіл уақыт, ауызben орақ орган жалған сөзге балаша сенетін аңғалдық, сени қайтейін!

Шөп шапса құмырыска илеуі мен құс ұясын бұзып алмай, сақ қарайтын Карл Федорович көлге балық өсіретін жері керемет! Бір ірі шаруашылық аудан басшысы болуға туган тұлға! Бүтінгі нарық заны мұны ерен іскерлік деп таныр еді-ау. Есіл өзені тасып, айнала су жайылады. Ұзамай томарлы ойпатта калған уылдырықтан өсken, күн қыздырыған шұңқыр сулар толы құжынаған ұсақ балық екенін балалар

көріп, шабактарды алақандарымен, бас киім, тақиямен аулап мәз болды.

Фельдшер, қазактар Першыл дейтін Карл Федорович ат жеккен арбаға кеспек пен екі ыдыс байлап, балалармен бірге аулап, шабақ тұқымын тасып әкеледі де, колхоз маңындағы көлге жібереді. Бірер жылда балықты көлге айналған соң ел оны мұның атымен атайды. Ақыры 1950-ші жыл басында балықты көл түбіне тың игеруші жұрт жетті, балығын динамитпен аулаған соң қайдан оңсын! Құрғап кеткен қазашшұңқыр, солған қайыңды шоқ тоғай.

Бұл мезет те құпиялы адам өмірінің құнары қайтқан кезіне ұксамай ма!

Жазушының әкесі құдық аршиды. Ауыл әйелдері шелек құлатып ала беретін тылсым құдық. Жұрт жын-шайтан бар дейтіні содан. Құдық суы лайланып, дәмі аңы, жағымсыз иісі білінгенде, Карл Федорович құдықты тазалау керек деп шешеді. Ол әуелі жеті қауғаны ілмекпен іліп шығарды. Құрал-саймандарын асынып, қараңғы құдықтүбіне арқанмен түсіп, екі жуз шелек жабысқақ лай топырақты салып тұрады, төрт бірдей жасөспірім балалар сыртқа шығарады. Бітелген су көзі ашылып, құдыққа жан кірді. Айнала қаумаласқан жұрт мәз: «Апырай, это наш Белгір или водяной?». Бұл құдықты да жұрт артынан Белгір құдығы деп атады.

Құдық аршу, бұл метафора. Бұлақ көрсөн көзін аш. Өмірінде айнала шуақ шашып жүретін, адамдарға тек жақсылық әкелетін адамдар болады.

Герольд Бельгер аскар таудай әкесін қарапайым қалпында, ешбір әсіре бояусыз бейнелейді. Коммунист, атеист («Діннен бас тартқанда, пастер Граф шіркеуде жексенблік дұғада көпшілікке бұл күпірлікті жария қылды, сол үшін анасы туған үйінен қуып жібергісі келген), емші, шаруакор, бейнетқор, белсенді, намысқор. Өзін фриц деп басынғысы келген бір зек бандит орысты қалай тәубесіне түсірді.

Әке образын баласы ностальгия, қимас сарын, сағыныш мендеп жазды. «Бәрін сүйіспеншілікпен, жаны қалап, құлшына, мейірбан жүрекпен істейтін. Жаратылысынан жанага бейім еді. Игі қасиеттері үшін, жан жомарттығы үшін адамдар оны қастерледі, сүйді, оған тартылып тұратын. Оның қызығушылығын оятатын тек өмірлік анық, шын, сенімді ақиқат нәрселер болды».

Мұндай адамдар өмірде бар, бірақ сиректеу, ел сондықтан оларды әділдігі үшін әрдайым әпенді санауға бейім тұрады. Тұла бойы тұрған қалпы, бір түйір арамдығы жоқ, аузын ашса, жүргегі көрінеді, жаны таза дейді қазақ.

«Қарапайым, түсінікті және шындық нәрселерге сүйінетін. Симфониялық музыка, опера, балет, абстрактылы бейнелеу өнерін («шимай!») қабылдамады», тіл безеу, қымбат киім, байлыққа табынуға баспады». Балетті жақтыртпайтын демекші, телевизор «Акку көлін» көрсеткенде, нағашы атам: «Қарағым-ау, құйрықтарын түріп алғаны несі?!» деп ерсі көріп, таң қалғанда ұзак құлгенім есімде.

Сол кездің адамдары ұлтына қарамай жасандылық, артистік, жанын мәпелей күтуді, екіжүзділік пен айла жасауды білген жоқ. Ең қыын қара жұмыстарға өз еркімен жегілді, маңдай терімен тапқан ырзықпен қоректенді, үрпағын адал өсірді. Рухани құндылықтан айнымады.

Немерелерін сүйеттін балажан ата, отбасында мейірім кениндей кең болған адамның жарқын бейнесі – бұл «Менің әкем туралы әңгімелер» атты повестің алтын кілті. Тағдыр айдан қазақ жеріне қоныс тепкен Карл Бельгер образы ер азаматтың эталоны десе артық емес.

Тіршілігінде енбек пен адалдықты пір тұтатын жандар азайған сайын ақырзаман зауалы төне түседі еken. Діни сенімде ақырзаман жер бетінде ең ақырғы адал адам өлген соң болады. Оның қисынмен акталуы зұлымдыққа лайық жаза идеясымен тең. Бағзыда топан су неліктен жер бетін қаптады? Миғтік деректе құрбандыққа адамдар жиі шалынатын болған соң құдайдың қаһары түскен, тажалдыққа ұрынған жер үстін сөйтіп тазалаған делінген. Құрбан айт сол сұрапыл кесірді аластау символы, ортодокс діндердің гуманистік сипатына белгі.

7.10.-14.10. 2014.

ОТАМАЛЫ Эссе

1. Сыбағалы баға.

Әдебиетке Илияс, Сәкен, Бейімбетпен қатар келіп, 1937 жылдың жалмауыз аранынан аман қалса да, зауалынан екі мәрте сottалып, азап лагері мен соғыста айып батальонында болған; қазақтың эпикалық жыр дәстүрін берік жалғаған Шәкір Әбеновтың хадистік қос әңгімесінде жазушылық өнердің киесі туралы шындық ой айтылады. «Сыбағалы бағасын біреу бере жатар», – дейді ақын. Автор атаулы елену, оқылу, әдеби кеңістікке мильтамай, ұшқан құстай қалықтай өтуге мүдделі. Әдебиеттегі атақ-даңқ – оның жазба мұрасының жоғалмауы үшін қажет алғы шарт. Шың басына жорғалап жылан да шығады деген тәмсіл жалған. Жылан стихиясы бөлеқ.

«Тілегім де болмас еді басқа онша, / Тек бір адам мені шындал жоқтаса...» – деп келер ұрпаққа арзу айтты жұмбак аралдай ашылуын күтіп жатқан ерек ақын Жұмекен Нәжімedenov.

Біз жайлі не айтар еken кейінгілер,
Әлде бір зерттер ме еken зейінділер,
Табылған құм астынан құмырадай?

Есенқұл Жақыпбек. Қас жақсысын бақиға қиса да, ажалмен қоса жазуын жоғалтпау ірі халықтардың еншісіне көбірек тиеді.

Өмірден өткен жазушылар үшін риясыз іздеуші болуы өшкені жанған шырақ, басқа қайта қонған бақпен тең. Егер ол мықты талант болса, қайдан шықпасын, іздеушісін құдай құлай береді. Сондықтан сөзі құмға сіңген судай құру нағыз жазушыларға қауіп төндірмейді.

Әлем әдебиетінде өлгеннен соң аты көп уақыт ұмытылып, кезеңі келгенде қайта ашылған, со замат асыл қазынадай жарқырап, суреткерлігімен баураған небір классик жазушылар бар. Герман Мелвилл, Амброз Бирс, Эдгар Аллан По, Говард Филиппс Лавкрафт есімдері қайта табылған асыл мұраны еншілейді. Бұлар неге біраз мерзім ұмытылды? – деген сауал туындейды. Өйткені шынайы

көркем әдебиетті сүйетіндер қашанда азшылық, жалпақ жүрттың суреткерлікті айқын бағалауға талғам-өресі жетпейді. Былайғы сандалма ел жезді алтын санап адасады, ортаңқол жазушылардың қарадұрсін желдірме дүниелерін місе тұтып жүре беруге бар. Белинский жар салмағанда, Гогольды дер кезінде мешел орыс қоғамы тани алған жок. Көркем сын құдіреті, Құлагерді жазбай білген Күренбайдай қас асылды, ерді кебенек ішінен бұлжытпай таниды.

Француздың ұлы ақыны Шарль Бодлер ана тіліне аударып, есімі шарықтағ Европага жеткен соң тұган елі Америкада Эдгар Поның жұлдызы жанды. Екінші қайтара ашылу жана контексте оқылумен тең. Зейін күшнейеді. Сөйтіп расымен ұмыт қалудың құпиясы қоса ашылады, үстірт сын дер шағында шалағайлықпен дұрыс ұқпайды екен. Енді жазушының бағы аспандап өсө береді.

Қазақ әдебиетінде сондай мәуелі бақ Тобық Жармағамбетовке (1934-1974) бек лайық. Тобықтың заманы енді туды. 39 жаста өмірден озған жазушыға ықылас соңғы 40 жылда бәсек тартқандай болды. Бірақ өлі арыстаннан тірі тышқанды артық санау пиғылы әдебиетке өлсे жүрмейді. Ол туралы Зейнолла Серіккалиев сияқты мықты сыншылар кезінде айтты. Сағат Әшімбаев: «Біздің әдебиетімізде елеусіз-ескерусіз жатқан, ләм-мим сөз болмаған роман, повесть, әңгіме, поэма, өлеңдер қаншама?!. Күні кеше арамыздан кеткен талантты жазушылар Ақан Нұрманов пен Тобық Жармағамбетовтың қалдырыған мұнтаздай таза мұрасы туралы жазылған көлемді, көрнекті мақаланы кім оқыды екен?», – деп жазды. («Әдебиет мұддесіне адалдық» атты мақаласынан).

2.Метафоралық проза.

Абай «Соқыр, мылқау, танымас тірі жанды, / Усті-басы ақ қырау, түсі суық, ... Дем алысы – үскірік, аяз бер қар» деп кейіптеп, кәрі құда, беймаза шалға теңейтін жыл мезгілі – қыс. Тобық Жармағамбетов ежелгі халық қиялы эпикалық құлашпен қисындал, жаратылыс нышсанын кісі бейнелі етіп, метафоралық тілмен жұмбақтай кескіндеген табиғи құбылысты нысан етіп дәл таңдағы. «Отамалының» кереметі, жыл мезгілінің құбылмалы кезеңін, табиғат тосын құбылған, қыс пен көктем таласқан алмағайып мезетті

тұлғаландыра, нандыра суреттеуінде. Жыл он екі айда тайғақ кешу, бесқонақсыз болмайды. Жазушы қар аралас жаңбыр, көктемнің басқы салқын ауа райының ең жайсыз жаламыр мезгілін образ арқылы суреттеуі – космогониялық портрет, оның прозалық теңдесі жоқ көркем үлгісі.

Тобықтың «Отамалы» атты әңгімесінде адамзат аңсай беретін мейірім кені жатыр. Қазақ халқының рухани болмысын еректеп тұратын жан иесіне мейірбандық, ракым, жанашырлық, биік адамшылық гуманизм – поэтикалық-мифтік әңгіменің алтын өзегі. Ақ өлеңдей әр сөйлемі көркем, екшеп алуға татиды. Әуелгі кілтті сөз – мұз бер аңыз. Тобық Жармағамбетов дүниені құрсаған мұзды жібітер мейірімді жырлады. Оның сүйікті қаһарманы құбыжық дәу емес, кебенекті ер. «Ертеде қазақ даласын борандар мен аңызактар, жұт пен қасқырлар, сосын... аздаған қазактар жайлайтын. Әр төбенің баурайында тілін жаландытып, жұт жортатын». Отамалы – қойши. Жазушы жалшының қара мұрт Жапан байдың үйіне келген сәтін бейнелегенде шық бермес Шығайбай еске түседі. Тобық аға әңгіме тініне фольклорлық негізді дәл енгізгені ғажап. Ол ноғайлы жырауларының тұяғы, психологиялық параллель арқылы жер-көкті орап суреттейді: «Намаздыгерде Отамалы етігін жамайды, байеке намазын оқиды, карға ұсына кіреді». Отамалы өзін мен демей, үшінші жақтан атап «Отамалы» деп жас балаша сөйлеуі тектік нышан, әңгіменің аңыз жанрында екенін экспрессивтік күшейте түседі. Кішкене кезінде бір қызым екіншісінен ойыншығын тартып алғанда, бұл менікі демей, «Макандықы!» дейтін нығыздан, «Балкендікі», мына менікі дегені. Д.Ф.Купердің прозасында ак нәсілділер қызылтерілі атаған үндістер өздерін үшінші жақтан сөйлейтін. Бұл мінез әуелі балаға тән, сосын жабайы тұз адамына лайық аборигендік таза сананы айғақтайты. «Еділден акқан сызашиқ, / Біз көргенде тебінгіге жетер-жетпес су еді», – деп Шалгез жырау жырлаған бұрынғы есте жоқ ескі мифтік уақытты еске салады.

Бай есімі Жапан аталуы, жапан дала, жазы, айдала дегенді білдіреді. Сәкен Жұнісовтың «Жапандағы жалғыз үй» атты романының атавы қазақ кешкен патриархалдық тұрмысының моделі. Қойши атсыз болуы мифтік деталь. Сонында ала тәбеті бар. Шұбат ішкен түйелі Жапан бай жалшысына

мінер бір ат тауып берері даусыз. Ол адам тәрізді берілген иен дала, елсіз кеңістік. «Темірқазық, Жетіқарақшылар көріне бастаған. Олар бір жаңып, бір сөніп, селк-сель етті», «Ай, Жетіқарақшының тенселуін-ай!». Жазушы әр детальды мұқият таңдайды. Жеті қат көктегі жұлдыздар жердегі өсімдіктей тоңып тұрганы Отамалының басына үйірлер, өлімге итерер дүлей зұлматты астарлайды. «Өмірден бар көргені осы ошақ, иттері, байдың үйі. Бірақ ол кең даланың етene баласы еді», «..жер таныбыш еді».

«Жұлдыздарға да қыын-ау, жап-жаланаш, – деп ойлады Отамалы бір мезет». Асан Қайғы, абыз толғау. Отамалы ауылдан ұзап кеткендегі төбелерді жазушы «қара жаулық жамылып» деп суреттейді. Трагедиялық таңбаны окушы жүрегі сезе бастауы үшін. Отамалының құла түзде мың қоймен жалғыз өзі ығып, сұрапыл сұыққа ұрынуын Тобық аға мифологиялық үлгіде берген. «...бір мыжырайған төбенің бауырынан ызырық жел кенеттен қойлар мен Отамалыға тап берді».

Орыс халқының ірі этнограф-ғалымы А.Н.Афанасьев (1826-1871) «Поэтические воззрения славян на природу» атты құнды кітабында ежелгі еуразиялық тайпалардың мифологиялық дүниетанымын зерттеді. Қоңе қауым табиғат жаны бар, тірі деп түсінген. Бағзы пұтқа табынушылық табиғаттың мылқау күшіне бас иген, әр құбылысты қастер тұтып, жеке дара құдай деп таныған. Жер, су, от, жел, тегіс жанды, тұлғаланған, бәріне тәнірідей табынған. Дінге сенушілікке дейінгі адамзатқа тән тұнғыш риясyz көркем дін осы. Бұл расында халық тудырған символдық поэзия болатын.

«Көкек айында қар ұзак жатпайды», жазушы жер жадын білетіні, алай-тұлей стихия билеген кең даласын сүйетіні шүпілдеп тұнып тұр. Жан-жануар, тірі жәндікке мейір-шапағаты адамға тенелген жазушы нағыз ізгілік иесі. Тобық Жармагамбетов қаламының құдіреті сол, жан-дүниесіндегі қазакы ұлы мейірімін боранда ыққан панасыз малға арнайды. Ол малдың үскірікке ұрынуын трагедиялық бийкке көтерген. Қой екеш қойды адамдай, жаңа туған қозысын нәрестедей көріп, аяп, үсік ұрган сайын жаны қалмай елжіреп, құсадан егілетін кім? Отамалы. Отамалының тірілткен Тобық емес пе! Егіліп шер жұтқан Тобықтың өзі. «Қойлардың жалынышты маңырағаны ертіп келе жатыр

оны», «Ызғырық желдің өтінде екеуі шонқиып қала берді». Қойши көкірегі зар жылайды. «Отамалы бүкіл денесімен селкілдеп, дірілдеп кетті. Ерні кемсөң-кемсөң етіп, тусі бұзылып қоя берді. Койлардың жаппай қоздайтын уақыты жеткен екен ғой. Қазір дүниеге келген жас қозыларымен бірге қатып жатыр!». Бейнетқор, адал қойши кара басын емес, қорғансыз, кенет долданған ку далада пана таппай қырылуға айналған қайран малды ойлап жаны түршігеді, сол ушін түніле азап шегеді. Әзиз жаны кейіп, малды жайылымға зорлықпен жіберген ашқоз байды қаргайды.

Көек айда көктеуге көмекке кеп,
Көптеу жауған жаңбырға ел өкпелеп,
Бетегеге көк қасқа қозы жайып,
Көпшілік боп көп төлге өбектеп ек,
Қажытса да жүгіріс қара сан ғып,
Мейірім көрсек мал-жанға жарасарлық,
Куанамыз елжіреп:
Мекіреніп,
Шаранасын жаласа мама саулық.
Сонша үзілген, не деген өзек еді?!

...Мама саулық даусынан – маңыраудан:
«Құлдығым-ай!» – деген сөз естіледі.

Жұматай Жақыпбаев. «Көктеудегі көріністер»,
патетикалық баллада.

Ермек Тұрсыновтың көрерменді бастан-аяқ ширықтырып ұстап отыратын «Шал» атты фильміндегі қасқыр қамаған қойлардың лажсыз қозылай бастауы, шалдың мейірімі Тобық Жармағамбетовтың «Отамалысын» еске түсірді. Фильм идеясы Эрнест Хемингуэйдің «Шал мен теңіз» атты күлттік повесінен алынуы стихиямен жападан-жалғыз алышқан тағдырды, «Адам женеді!» идеясын анықтайды.

«Алғашқы қозыны көргенде Отамалы өзін ұмытып кетті. Бишара саулық қозысының денесін жалағыштап жатыр екен. Бірақ оның да әлі жоқ. Отамалы қозыны көтеріп алды да, икемсіз қолдарымен шекпеніне енгізді». Қозы әлі тайған, жансызданған қойши қолынан сусып түсіп, көбік қарға тұншығып өлді, терең қардан аршып, арашалай алмай қалды. Ол қой жаппай қозылай бастағанда сүмдық қатты қиналады. Отамалы, халық «бесқонақ» атайтын мезгіл көктемгі мал төлдейтін уақытқа дәл келеді. Мұндай зарды ешкімнің

басына бермесін. Өлген мұз қозысын жалаған саулық. «Отамалының жүргөрі қарс айрылды». Есі шыққан қойшы боран, жел, табиғат құбылысына айбат шегеді, Тәніріге нала айтады. «—О тәнірі! Не істегенің? Не қылғаның? Көек әй, сениң айдарың жұлынсын!» деген Отамалының күйініші көркем кейіптеу. Айнала жас өлім. Оның бешпентін шешіп, лақтыра салуы өлімге мойынсұнғаны. Басындағы тымағын жел ұшырды. Есі кетіп, етіксіз, шұлғауы шешіліп, тәні бір қар, бір мұз болып қайғылана асып барады.

«Аспан іріп кеткен», «...құстар ұшуын, кесіртке жорғалаудын, өзен ағуын қояды». Автордың шеберлігі қиямет қайымды еске түсіреді, тозақты бейнелеуде алдына жан салмайтын католик классик ақындар болатын.

Табиғат құбылыын суреттегендеге жазушы «...су өгіздің ыныранғанындай дыбыстарға толып кетеді», «Суық жел мындаған жыландарға айналып барады» деп мифологиялық қанық бояумен беруі құнтарлы.

Дүкенбай Досжанның алтап құмда қой баққан, құлдан бетер қиналған «Аборигені». Жұмабай Шаштайұлының «Қызыл қар» атты повесінде қой бағудың аласапыран қыныншылығы, қойшының бейнетқор тірлігі. Қазақ рухын қорғап, ұлт мұнын ашына жазған.

Қойшының, жан тәсілім етер сәті, ол отамалының таусылар тұсы, құдай айдал әкелгендей құлпытасқа тап келуі. Өлерінде ол өзінің ұшып келе жатқан казаны мен ошағын көреді. Астындағы жанған отымен бірге. Отамалы аруаққа айналды. Дүниегайып. Қыс жеңілді, жазғытурым келді. Отамалы өтті. Ол Снегурочка сияқты жылылықтан еріп кетті. Миғтанушы Александр Николаевич Афанасьев ақындар, абыздар, балгерлер табиғаттың сан алуан құбылысын түсіндірушілер болып табылады деп таниды.

Жазушының мейір тұнған жүргөрі аңызды былай аяқтайды: «Күн қайта шығып, қарларды әп-сәтте ертіп жіберген. Қойлар баурайда өскен қызғалдақтарға қозыларын жайып, кен даланың төсінде мәңгі бақи қалып қойыпты. Оларды қасқырдан ит қорғапты».

Қиялдың құсы егіліп,

Іштегі дерпті айдасын.

Бернияз Құлеевтің «Жырла да зарла, көнілім» атты өлеңінен қос жол мынау танымдық аңыз әңгіменің туп сарынын ашуға септігі тиер.

Қазіргі қазақ санасында Тобық Жармагамбетов әңгімесінің

алтын шуағындай төгілген шынайы мейірім азайып, сарқылып барады. Бабалар орнында бар оналар десе, ізгілікке сенімі. Отан мейірден өседі. Түркмен ақалтекесін қызығыштай қориды. Қазақ тілімен жылқыны сүйеміз дейді, бірақ кейбіреулер әсіре пайда қуып, бұл жануардың тұқымын мөлшерден артық сойып сатқыш қасапшыға айналды. Малды құдай адам несібесі үшін жаратты, сөйткенмен шектен тыс пышаққа қия беру обал. Мұның бәрі аурага, елдікке теріс әсер етері айдан анық.

Әбубекір Қайранның «Түйелер трагедиясы» атты ыза жыры бар. Малдың киесінен қогамына бағынышты кейінгі мәнгүрт қазақтың қорықпайтын болғаны; өз көрін өзі қазған нақұрыстай, обырдай араны ашылған ет комбинатына өткізу үшін ауылдағы түйе жануарды обал жасап, техникамен соғып өлтіргені туралы.

Қамаудағы текті тұлік, киелі,
Мойындарын көкке қарап иеді.
Құлап жатыр бірінен сон біреуі,
Елестетсем, ішім от бол қүйеді!
...Бұғауланған түйелерді сонан сон,
Дырылдатып «ДТ»-менен сүрретті.
Бар еді ағам түйе бақкан жасынан
«Тоқтат, кәне, сұмдықты!», – деп сол ағам,
Мылтық атты директордың басынан.

Әбубекір ақын өмір бойы түйе бақкан әкесі қайтыс болған соң 3000 бас түйе тұлғінің құрып кеткенімен өлеңін аяқтайды. Төрт тулік мал басы елде күрт азайып кеткені осы тектес кесірлік зардабы. Құнарлы шұбаттан айрылу, ұлттық құндылықтарды ата тұлік малмен қоса жоғалту.

3. «Отамалы» үғымы.

Отамалы. Көктемнің бас кезіндегі ауа райының ең жайсыз мерзімі. «Біздің қазақ Айды да білмейді, жұлдызды да білмейді, жылды тоқсан болғанда: «Жер мұз» – дейді. Отамалы, сәүірде кой қоздайды. Қыс болып, сұық болса, ақпан мен қантар дейді». (Мәшін Жүсіп, 4 том, 5 бет). И.В.Гетеңің «Айнымас Эккарт» (1813) атты балладасы скандинав фольклорынан қарызға алынған сюжет. Эккарт эпос кейіпкері, адамдарға боран басталарын алдын ала ескертетін мейірбан шал. Ол «Борандағы жиһанкез жыры» атты ода (1771) жазған. Гете

боранда қаза тапқан Леандр есімді ғашық жарға арнаған өлең бар, сүйгені Геро суға кетіп өледі.

«Совсем не вернется, скрылась, / Быть может, в чужие края.../ Идите, овечки, идите,/ Томится душа моя». («Бақташының шағым жыры»).

Орыс тіршілгінде отамалыға ұқсас ұғым – «Падера», ол құйындай сокқан, қарлы, жаңбыр араласқан боран. «Падера – буря с вихрем, дождем, снегом». (Словарь областных и устаревших слов по А.П.Чапыгину).

Игорь Золотусский «Гоголь» атты мақаласында Николай Васильевич Гогольдың нағашы атасы Иван Матвеевич Косяровский туралы былай деп жазады: «Бірде бұрқасын боранда ол бір күн, бір түн иесіз ашық далада аязда қалып қояды. Оны тауып алғанда есін білмейді, ал көзінде мұз болады. Оның бір көзі, Мария Ивановна жазғаныңдай, «өлді»». Қызы әкесінің көзін сүйкі сорып семді, соқыр қылды дегені ғой.

Лев Николаевич Гумилев есте жоқ ескі заманғы ұлы даланы суреттейді. Бағзыда ан-құсы өріп жүрген кең далага еріген мұздықтан өзендер сарқырай акты, казан шұнқырларда көлдер пайда болды, циклондар шығыска лап қойды, жаңбыр мен қар төпеп тастаған соң жазықта ормандар есіп шықты дейді. Демек, отамалы құбылысы ұлы даланың негізі жаратылысында болған ғой.

«Жылдың бас айы – отамалы болып саналған. Мерзімі жағынан қазіргі май айына сәйкес келеді. Бұл атаудың төркіні түркі тілдердің барлығында дерлік кездесетін «от», яғни шөп деген мағынаны білдіреді. Әдетте, отамалы айында көк қаулай шығып, әжептәуір көтеріліп қалады. Ай есебінің рет тәртібін саралайтын деректердің бірін Шоқан Уәлихановтан кездестіреміз: 1.Отамалы (март), 2. саратан (апрель), көкек (май)...».

Жер жүтуға тоймайды; От отынға тоймайды; Құлақ естуге тоймайды; Кісі ойға тоймайды; Бөрі қойға тоймайды.

«Сәуір санды қыс, отамалы ойылған қыс (отамал да сәуірде болады), үркөрлі айдың бәрі қыс. Саратан-зауза сенен де қорқам» дейді екен бұрынғылар. Шалдар айтады екен, заузада, желіде байлаулы құлын қырылған, енесі ығып кеткен, шай қайнатым уақыт жаңбырлы, желді бұршақ қар жауып, күн ысытып осындей оқиға болған деп. Сол сәтте түс қайта күн қайта жылынып, өлген малдың терісін алуға

үлгемей шіріп, іістеніп кеткен деп... зауза, саратан деген осы айда ұшатын кішілеу сары коныздың аты». (Үркімбай Қыдыралин, «Батыс Қазақстан қазактарының әдет-ғұрып аймақтық ерекшеліктері»).

Сатирик-жазушы Табыл Құлыяс: «Отамалы негізінен батыс өнірінде болады. Ұш-төрт облысына тән құбылыс. Отамалы өтпей малышылар сақтығын жоғалтпайды. Бұл қыс пен көктемнің алмасу кезеңі».

Ота. Қырып-жою, жоқ қылу, құрту. Оталумен түбірі бір.

Отамалы туралы ғылыми болжам Байбота Серікбайұлы Қошым-Ноғайдың тілдік таным кітабында айқын берілген. «Мұхтар Әуезовтың «Абай жолы» роман-эпопеясында халықтық этимологияға түсінік: «Жазға салымның ең жайсыз кезін әнеуқуні әжесі «отамалы» деп атап еді.

—Осы «отамалы» немене? Не деген сөз өзі? — Абай соны сұрағы. — Отамалы көек айының он бірінде кіріп, он жетісінде шығады. Желсіз, борансыз өтпейді. Қыстың ең соғы зәрі сонда. Отамалы деп атанғаны бір байдың Отамалы деген койшысы болған екен. Сол бақыр күн қайырады екен-ая! Көкектің суығы басталған уақытта, әлгі, қойды жайылысқа шығарайық, боран болады. Қойдың қыстан титықтап шыққан кезі, малынан айылыасың десе, байы бір діні қатты қөпір екен. Сен тоғышарлық қылып алдап отырысын деп, Отамалыны сабап-сабап қойды жайылысқа шығартады. Сол күні, құдай көрсетпесін, бір қатты боран басталып, так үш күн, үш түн соғып, бар қой ығып кетіп қырылыпты да, қойдан қалмаймын деп, Отамалы бақыр да үсіп өліпті. Көкектің суығы – «отамалы» атанғаны содан дейді. Эжен бақыр соны біледі ғой, – Қарабас».

Академик И.Кенесбаев құрастырган сөздіктегі қосымшаларда белгілі ғалым Құлмат Өмірәлиев былай деп жазады: «Қазақша ай аттары Қазақстанның әр жерінде әртүрлі аталауды. Егер Шоқан Үәлиханов жазып алған деректе Наурызым – февраль, Отамалы – март, Шаршатамыз – июль айы болып келсе, бір жерлерде (Қазақстанның шығысында, онтүстігі мен батысында) айдың Қыркүйек аты аталмай, оның орнына Мизам (Мизан) ай аты (зодиак жұлдызы аты) айтылады. Хут (не Үт) айын Қазақстанда шығысында Бірдің айы, ал Хамал айын Көкек деп атайды».

Араб тіліндегі (Хұт) – Балық, ал «Хамал» – Тоқты зодиак

шоқжұлдыздарының атаулары біздің ана тілімізде ақпан және наурыз айларының аты ретінде де қолданылған екен. Біздіңше, «отамалы» атауының пайда болуына дәп осы екі атая себепкер болған секілді. Ерте кезеңдерде «хұт»(ақпан) және «хамал»(наурыз) ай аттарының қосарлана қатар аталуы себепті әуелгі кездे «хұт+хамал» аталаip, кейінрек «ұт+амал» дыбыстық құрамында жүріп, тілімізде «отамалы» сөзі қалыптасқан деп жорамалдауға болады. Осы екі атаяуынан пайда болған «отамалы» бастапқыда қыс пен көктем арасында өлара кезеңді бейнелеген де болуы мүмкін. Соңыра ол жылдың осы мерзіміне сай келетін амал атаяуна айналған деп түсінудің орайы бар». (Байбота Серікбайұлы Кошым-Ноғай. «Тіл ұшындағы тарих»).

Небесный свод, горящий славой звездной,
Таинственно глядит из глубины, –
И мы плывем, пылающей бездной
Со всех сторон окружены.

Федор Тютчев – орыстың ең тұңғиық философ ақыны, екі дүние лебін сезінетіндей, табиғаттың иррациональды соқыр стихиялық құдіретін түйсікпен біліп, жаны тітіркенердей жырлаған. Болмыс хаос екенін, менреу, мылқау, адамды буырқанған дауылды теніздегі жаңқа құрлы көрмей, шыбын жанын шырқыратып жаншып жіберетін дүлейлігін дәл Тютчевтей сұмдық сезінген ақын сирек. Тобық Жармағамбетов жазмышқа бағынбай, соңғы демі қалғанша алысқан адам образын асқан мейіріммен, жанашырықпен тебірене суреттеуі тютчевтік сарындағы қуніренуге ұқсас. Стихиялық орасан зор күшті Магжан «Қара тұн, оның зорлығы» нышандада жырға қосты.

Тобық Жармағамбетов аныз-әңгімесінде қой-ешкіні қазақ халқының төл түлігі, мал баққан халықтың өмір салты ретінде таңдал алды.

Қой – от, күн қуатын, ерлік, қырсықтықты тұспалдайтын маңызды символдың бірі. Қой басты Амон құдайдың құрметіне Иорданияның астанасы Амман аталған; қошқар мүйізі құдайлық белгі саналған. Көбінесе қой құрбанға шалатын мал ретінде жиі пайдаланылған.

Құрбан айтта қошқар шалады. Құрбандыққа адамдар шалынған сұрапыл замандардың құруын, дін оған реcми тыым салуын тұспалдайды. Қойдың момындығын нышан

ретінде діндерде тұспалдады. Алтын жабағы – гректе иен дәүлеттің белгісі.

«ҚОШҚАР. 1. Орта жұз аргын тайпасының құрамында қошқар руы бар. 2. Орта жұздегі қыпшақ тайпасы құрамында қошқар руы бар. 3. Мажарстандағы қыпшактардың құрамында қошқар (кочкар) руы бар». (Ақселеу Сейдімбек. «Қазақтың ауызша тарихы»). Қазак шежіресінде еркек қой қошқар мен ешкі баласы теке тайпалық атауга ие екені білінді. Оның дәстүрлік, ғұрыптық астары болмаса атамас еді.

Қой баласына сүйіспеншілік Табыл Құлыястын «Жиембет» атты кітабында бар: «Қой аз туады. Өзі қоңыр, өзі момын келеді. Тез көбейеді. Бірін-бірі жатырқамайды. Бірінің қозысын бірі емізіп ала береді. Өскесін екі төбенің аржагына шығып кетсе де маңырасып, бірін-бірі жоқтап жатады. Отар, отар қаптап келе жатса да бірінің ырызыдыбын ит сықылды аузынан жұлып жеп, әлімжеттік етпейді. Алдындағы бұйырғанына қанағат етеді. Тойғанын біледі. Семіздігін де көтереді. Қазақта «Семіздікті қойғана көтереді» деген мақал содан қалған. Әттең, бір қой пышаққа іліксе екіншісі де өлгісі кеп тұрады. Бір тамырдан тараған шөпті бөліп жейді. Қызығанышы жоқ. Аштыққа душар болса бәрі бірдей азапты тартады. Маңырағаны да бір сарындылықты танытады».

2.02.2014. /4.02. /15-16. 03.2014.

«АРТЫҚ ҒЫЛЫМ КИТАПТА» АБАЙТАНУШЫ ҒАЛЫМ МЕКЕМТАС МЫРЗАХМЕТҰЛЫНЫҢ «АБАЙ ЖӘНЕ ШЫҒЫС» АТТЫ ЕҢБЕГІ ХАҚЫНДА

Абайтану ғылымы – қазірде қазақ әдебиетінің жетекші саласы. Оның қалыптасу кезеңі оңалып, қаз тұрып кетпегені әдебиеттану тарихынан белгілі. Идеологиялық қатаң-қыспақ тапшыл дәүірде Абай мұрасының түбін қазғанда есте тіктеп айтуға болмайтын құрделі тұстары ұлы ақын шығармашылығын зерттеушілердің жаңын қинап, тығырыққа тіреп келгені бүтінде әншнейін айта салуға жenіл көрінетіні рас.

Мекемтас Мырзахметұлы абайтану тарихының асқан

білгірі, ұлы ақын шығармашылығына арналған оннан астам кітаптың авторы.

«Абай және шығыс» атты көлемді монография ғалымның өзі сүйіп таңдаған саласы бойынша, Абай дүниетанымының рухани түп негіздерін он қорсетуде ең бір озық, қазыналы һем таңдаулы, дербес дүниесі.

Кітаптың кіріспесінде заманның түркі халықтарына ызгары, отаршылдық билеп-тестеудің қол астындағы кез келген тәуелді халықтың тарихи жадына өштігі туралы сөз болады. Сөз басы қазақ прозасының классигі, академик жазушы Мұхтар Әуезовтың есімімен басталады.

Абайтанудың ұлы көшбасшысы Мұхтар Әуезовтың 1934 жылы «Абай ақындығының айналасы» атты ғылыми-теориялық мақаласы артынша өзіне бәле болып жабысып, ондағы пікірлері айыпталып, қатты сынға ұшырағанын, соған қарамастан ұлы ақынның шығыстық дүниетанымын ең алғаш дәріптеген һем накты қорсетіп берген дүние болуымен ерекшеленгенін Мекемтас Мырзахметұлы оқырманның есіне салады. Ол уақыттарда атеизм гүлденіп, дін-апиын деген идеологиялық көрсокырлық зорайып турғанда исламиятты қайтып тұзу қабылдай алсын.

Сонымен қатар ғалым абайтанудың тез ілгерілеп дамуына басты кедергінің бірі ретінде қазақ жазуының аз жылдар ішінде үш рет алмасып, құбылып кетуін атайды. Ғалымның айтуынша, әлі күнге шейін абайтанудың ең қын мәселесі – зерттеуіші қауымның араб, парсы, шағатай, түркі текстес халықтарының тілін білмеу мұқтаждығы. Абайтанушы ғалымдардың негізінен қазақ және орыс тілдерімен шектеліп қалуы – туғанына 160 жыл толған ұлы классик ақынның өсіп-өнген ортасы, оның оку-ілімінің қайнар кездерін мұқият ашып көруде зор кедергі келтіріп отырғаны жалған емес. Абай руханиятына шығыс тілдерін, орта ғасырлардағы араб, парсы классикалық әдебиеті мен діни философиясын мейлінше менгермей тұрып ену мүмкін еместігін ғалым қадап айтады. Тегінде Абай қазынасына енудің алтын кілті -мұсылмандық рухани әлемнің ұшан-теніз қазыналары, ежелгі шығыс, түркі ойшылдары ғана емес, Аристотельден басталатын грек-рим дәуірінің философиялық еңбектерін білу артықшылығын қалайды, яғни, зерттеушісінен күллі ғұмырын сарп етуді артық көрмейді. Ендеше, ең әуелі

Мекемтас Мырзахметұлы құллі саналы ғұмырын Абай танымын менгеру жолына арнаған салиқалы ғалымдығымен баурайды.

Ол ұлы ақынды тек орысшыл, ағартушылық-демократтағы бағыттың өкілі деп сынаржақты тандуды үзілді-кесілді жоққа шығарады. Орыстың классикалық поэзиясы Абай сүйген біртұтас, космостық өлең патшалығының бір пүшпағы ғана екенін дәлелдеп береді. Сейтіп, абайтану асулары казақ әдебиетіне ұлы міндеттер жүктейтінін ғалым басты назарында ұстайды.

Жазудың, алфавиттың өзгеруі – қоғамдық үстем мұдделердің ішкі есебінен туындаиды. Осы орайда, әлем әдебиетіндегі ең ұлы романдар негізінен сатирады ғарнадар екені еріксіз көкейге ұялайды. Адамзат тарихы – әуелден әділдік пен әділетсіздіктің текетіресі. «*Адаспай тұра іздеген хакимдер болмаса дүние ойран болар еди*» – дейді Абай 38-ші сезінде.

ХХғ. орта кезеңінде мулдем күшейіп ұлгерген евроцентристік көзқарас Абай мұрасын зерттеуде елеулі қыншылық туғызбай қоймағаны анық. Түркі текстес халықтар Қазан төңкерісінен кейін сауаты ашылды, жабайы көшпеліліктің өз мәдениеті болмады сынды теріс көзқарасқа ұлт зиялышарының наразылышы, әрине, іштей пісіп жетілген еді.

Абайдың асыл қазынасына бас қоймас бурын оның ақындық кітапханасының сырын ашуды ХХғ. басында ұлт жақсылары білді. Мекемтас Мырзахметұлы бұл туралы деректердің Мұхтар Әуезовтың «Абай жолы» роман-эпопеясында әбден канық берілгенін айтады. Яғни, көркем проза арқылы ғылыми мәліметтерді түгендеп алуға әбден болады екен. «*Абай ақындық өнер жолына шындал құлай берілгенге дейін оның рухани нәр алып, сусындар бұлақтары, негізінен, өзі туган халқы мен шығыс әлемінде жатқаны байқалады*». (12-бет)

Бұл қазақ үшін орыс тілі арқылы еуропалық терезе ашылғанға дейін, ал орыстың өзі неміс моделі арқылы еуропалық руханиятты, философияны қабылдағаны белгілі жайт.

Абайды зерттеушілердің баршасы да ұлы ақынның шәкірттік кезеңнен толысу, хакимдікке өрлеуі, әлемдік

биік руханиятқа сапар шегуі медреседен басталып, шығыс классиктеріне жол ашылғанына терең мән береді.

Кітаптың алғашқы тарауындағы кітапхана ұғымы поэзия әлемімен қатар барлық философиялар қоспасы – суфизмнің тереңіне тартады.

Кітап – ұлы мағынаға ие, ол өркениеттің өзі мен көзі. «Книга времени тысячелестая», (В.Маяковский). Кітап албастыда да болады, мейлі ол магиялық болсын. Магия, сиқыр ең алғашқы жабайы, көпкүдайлылық пұтшыл дәуірдің адамзаттық діні. Кітап – өте құрделі образ, оның құдіреті шексіз.

Абай шығыстың жарық жүлдyzдарына табынып, бозбалалық жүргегінің пір таңдауын паш еткенде негізінен парсылардан таңдап алған, сүйікті шайырларының арасында араб, үндіден ешкім жоқ.

Ұлы данышпандық кітапсыз тұл. «Абай жолы» роман-эпопеясындағы аты аталған кітаптардың тізімі Абай мұрасын зерттеуші қауым үшін негізгі нысан болмағын Мекемтас аға ескерtedі. Бір кітаптың ішінде жүздеген, мындаған таңдаулы кітаптардың рухы журуі ежелден мәлім. Осыдан 500 жыл бұрын жазылған өлмес туынды Франсуа Рабленің атышулы романының талай парактарын грек-рим класикалық әдебиеті мен философия, тарих, астрономия, дін, медицина ілімі бойынша нағыз окулық десе артығы жоқ. Пантагрюэль образындағы сюрреалистік білімділік-универсальды білім идеясының көрінісі. Бұл нені білдірмек? Франсуа Рабле алыптық функциясын айналып өтуге еш хақы болмаған. Адамзат этикасының энциклопедиясы ұлы ойшылдардың баршасында қайталанып келіп, жаңғырып отыруы құдайтағаланың өзіндік бұйрығы деуге болар.

Кітапхана адамзатты қаранды дүниенің қапасынан жарыққа, нұрлы әлемге алып шыққан рухани күштің символына айналды. Дүние жүзін мекендеген ұлттардың тағдырына осы бір кітапханалардың қасиеті мен әсері өз билігін жүргізбей қоймаған. Өсіреле, көктен түскен төрт кітапқа кенелген халықтардың ризығы ерекше екенін қазір толық үғынсақ керек.

Христиан дәуірінен көп бұрын 700 мың анағұрлым бағалы кітаптар -пергамент, папириус, балауыз, терракоттық таблицалар түрінде, тастар мен агаштарда жазылған

кітаптар ежелгі дүниенің барлық бөлігінен жиналып алынып, Александрияның арнайы даярланған ғимаратында орналасқанын Мэнли П. Холл өзінің әйгілі энциклопедиялық енбекінде, “Александрияның жоғалған кітапханалары” атты тарауында жазады. Осынау асқан білімнің сиқырлы кітап қоймасын үш мәрте өрт жалмап қойды. Ал кітапхананың ерттен аман қалған бөлігі билікке таласқан әміршілердің қаһарлы бұйрығымен құртылды. Бірақ, бірнеше жүздеген күлдардың көмегімен құнды кітаптар құтқарылған. Білетіндер (Е. Блаватская) құнды қолжазбалар Мысырда немесе Үндістанда тығулы жатыр деп есептейді. Мэнли П. Холлдың ойынша, ол кітаптар табылмайынша қазіргі заманғы дүние ұлы философиялық және мистикалық ақықаттардан құр қалады. Антиktіk әлемде бұл ақықаттардың айқын маңыздылығын түсіну пүтқа табынушылық Мистериялардан христиандыққа өтудегі жетпей түрған түйін ретінде қарастырылады.

XXғ. соңындағы европалық күльттық романның бірі, итальяндық жазушы Умберто Эконың “Райхан гүлінің атауы” атты әйгілі туындысында кітапхана дуалистік философияның символы тәрізді. Өз романына артынша түсініктеме жазғанда автор кітабын әуелгіде “Қылмыс аббатствосы” деп атамақ болғанын, бірақ оны жарамсыз деп тапқанын мәлімдейді. Кітапхана қылмыстың да ордасы бола алғатыны туралы бұл идея әдетте христиандық дүниетанымға тән “harip өltirédi” деген күрделі ойдың дамуы. Мұндағы ортағасырлық монастырьдағы кітапхана адам жанының қалтарысындағы тылсым лабиринт түрінде суреттелінеді, онда ен бір сирек, ен бір құпия кітаптар сақталынады. “Тыйым салынған кітап, сол ушін барлығын шетінен өлтіріп жасатыр”, – деп толғанады кітап кейіпкері. Білім кеніші -монастырьларда кітап қоры мұқият сақталатын. “Мен сомдаган Хорхе есімі де, өңі де аумаган Борхес, тағы да ол неге сондай жасаман болып шыққанын сұрайды, – дейді Умберто Эко. – Ал мен болсам өзім де білмеймін. Мазан кітапхананы күзету ушін соқыр адам керек болды. Мен мұны романның ұтымды оқиғасы деп санадым. Алаїда кітапхана плюс соқыр, қалай айналдырысаң да, Борхеске тең болады”.

XXғ. әлем әдебиетіндегі көрнекті тұлға, латынамерикандық жазушы Луис Хорхе Борхес көзінің кемістігіне қарамай

Аргентинаның Үлттық кітапханасының директоры болғаны рас. Борхестің “Жұмақ – бұл кітапхана” деген канатты сөзі шығармашылық құдіретіне табынудан шықса керек.

У. Эко романындағы кітапхана символы – күпір символына айналып кетуі тегіннен тегін емес. Ал күпіршілік, дін бұзарлық, діннен азғандық деген не? Орта ғасырларда ол үстемдік еткен дінге қарсылығы бар діни ілімнің пайда болуы. Мысалы, Рим аристократиясы, католик діні үшін протестантизм ғана емес, ислам да күпір болды.

Мекемтас Мырзахметұлы Абай тұлғасы арқылы Мұхтар Әуезовтың жазушылығы, ғылыми зерттеушілігі, шығыстану, дінттану мәселелеріндегі ерен білімі, әдебиетте сара жол салған әулиелігі, бір сөзben айтқанда, данышпандық болмысын ұдайы тілге тиек етіп, ғылыми тұжырымдармен бейнелеп отырады. Осыдан келіп ғалымның аскаралы өз тұлғасы қоса ашылады. Сөз өнері ұрпактұ айналуы, яғни ізбасарлықпен өсіп өркендейді. Бұдан сабактастық һәм мирасқорлық деген адам баласы үшін шексіз ұлағатты, қастерлі ұғым шығады.

Мекемтас ага Мұхтар Әуезов роман-эпопеясындағы бір эпизодтан өрбітіп: “Абай 38-ші сөзінде Аллаяр сопының “*bір фәрдәдән жұз фәрдә бижай*”, – деген сөзін келтірсе, оның мән-мағынасын өлеңінде өзінше өзгертіп, жаңа мағынада:

Бір қайғыны ойласаң,

Жұз қайғыны қозгайды, – деп өлең жолына айналдырып та жібереді емес пе?” – дейді. (13-бет)

Абай заманында қисса дастаншылдық сарын әдебиеттің негізін құрады, нәзирагөйшілік дәстүр қазақ даласына тарап қана қоймай, ақындар жаппай ғашықтық-эпикалық дастандарды жарыса жазды.

“*Tinti “Мың бір тұн” сюжетіне негізделген шығыстың нәзирагөйлік дәстүрімен дастан жазудың классикалық үлгісі Абайда корініс берді емес пе?*» (14-бет) деп қорытады. Шығыстық сарындағы қисса-дастандар құрделі рухани құбылысқа айналғанын, ол қазақ еліне діни, азаматтық, ағартушылық, поэтикалық идеялардың ұрығын сеуіп, туған әдебиетіздің тамырын бекітіп, бір буыны болғанын ғалым мағлұматтармен қанық баяндайды. Ол әдеби жанрлар туралы айта келіп, поэзияның ішкі дүниесіне, лингвистикалық, текстологиялық, синтаксистік, поэтикалық талдаулар

жасайды. “Мысалы, XI ғасырда хатқа түскен Махмұт Қашқары сөздігінде берілген үйқастың «а а а б» түріндегі үлгісі “Бозжігіт” қисссасында қолданыс тапса, осы үйқас Абайдың “Білімдіден шыққан сөз”, “Келдік талай жерге енді” олеңдерінде мейлінише жетілдіріп, сапалық өзгеріске ауысқан түрінде көрінеді”. (17-бет) Яғни, Абайдан бастап шалыс үйқастың қазақ өлеңінде екінші түрге ауысқанын, оның шығуы XI ғасырдан да әріде жатқанын автордың мәлімдеуінен нақты білдік.

Абай шығыс пен батысты екі биені тел емген құлындау уызынан жарыған ақын. Қайдан үйренбесін, кімді үлгі, ұстаз тұтпасын, сөз асылын, ой мәйегін өзінің құдіретті ақындық ұстаханасына салып, алтын-күмістен зерлеген шебердегі суреткерлігінің жомарттығымен табиғи, тума қалыпқа салып түрлендіріп, көріктендіріп жібереді. Бұл құбылысты Мекемтас аға дәп басады, өзге стильді өзіндік етіп жібергенде әлгі заты тонның ішкі бауындағы қазақ өлеңіне үйлесіп, құлпырып шыға келерін сүйіп, сараптайты. Сүйіспеншілігінің себебі, иси қазақ өнері мейлінше толығып, байып қалған жоқ па.

Сондықтан Абайдың “Білімдіден шыққан сөз”, “Келдік талай жерге енді” атты өлеңдеріндегі шығыстық өлең өрнегі қазақ қалыпқа әсем жұтылып кеткенін оқырман қалт жібермейді.

“Білімдіден шыққан сөз” (1889) атты өлеңінде Абай жас кезінде еліктеушілікпен бастап, тастап кеткен ғаруз үйқасын қолданған екен. “Бұл олеңдегі сегіз шумақтық барлық өлең жолдары жеті буынга түсірілген.

Бірінші шумақтан басқа шумақтардың бәрі де ғаруз үйқасымен берілген. Бірінші шумақ кәнігі қара өлең үйқасымен берілсе де, мұндағы үйқастың жеті буынды өлеңде тұруының өзі көңіл болер ерекшелігі бар құбылыс. Абай қара өлең үйқасы тек он бір буынды өлең ағымымен жазылған өлеңдерде ғана қолданылатын” . (34-бет) Мұндай ғажап, жаңа үлгі Абайдың сүйікті жеті шайырында да кездеспейді дейді ғалым. Ұстаздарынан шәкірт озық шыққаны хақ, өйткені Абай бұл ғаруз үйқасын Науай мен Қожа Ахмет Иассауден алған.

Данте Еуропа халықтық әдебиеттеріне өзіне дейінгі беймәлім бай стилистикалық тәсілдерді қолданып қана

қоймай, оларды жеке пайдаланбай үздіксіз байланысқа келтірген. Абай қазақ лирикасында бұрын-соңды болмаған стиль һәм бейнелілікпен, мұлдем жаңа түрлермен кор жинап берді.

Алайда, ұлы ақын нәр алған поэзия бастауларының тек парсы классиктерінен дарымағанын, оның түркі тілді халықтар поэзиясының төл арнасында жатқанын тағы осы кітаптан танып білеміз. Ол Махмұт Қашқаридың «Диван лұғат ат – түрк» кітабында кездесетін өлең өрнектері екен. М. Қашқарі сөздігіндегі Тұран патшасын жоқтау «а а а б» түрінде берілген. Осы үлгін зерттеуші Абайдың өлеңіндегі:

Әбілет басқан елер ме,

Сөзге жусық келер ме,

Тузу сөзге сенер ме,

Түзелмесін білген ез, – деген өлең моделімен сәйкестендіре қарайды.

Өлең құрылсын ыргағы мен ұйқасына қарап, мүшелеп бөліп, сол қысқа сап-сап болып түзілген кесінді бөліктерінің сыны мен сырына терең үнілу –ғалымдықтың мақсаты. Шынтуайтында, грекше “өлең” деген сөз “қатар”, «сап» деген мағынаны береді. Оның латынша синонимі «versus» (осыдан кеп «версификация» шығады), демек, “бұрма, айналма”, қатардың басына оралу деген сөз болып шықты, (М.Л. Гаспаров). Бір өлең екінші өлеңнен өлшемдерінің алмасуы арқылы ерекшеленеді.

Абай өлгі өлеңінде өзі үкім шығарып, түніліп айтады. “Әбілет” деген сөз Абай поэзиясында бір мәрте кездеседі. Көбінесе қазақ әлдебір сұмдықтан күйзеліп, қарағанды “әбілет басқыр!”, “әбілет жауғыр!” дейді. Бұл сөз карғыс атқыр дегенге синоним іспетті. Абайда тұзу сөзге сенбеудің өзі –имансыздық. “Көкіректе сәулесі жоқтың көңілде сенімі жоқ”, – дейді Абай. Мұны Шәкәрім қажы үндес оймен жалғап әкетеді: “Ақылмен сенбей иман жоқ”.

Жас баладай жеңсік қой, Байлаулы емес ақыл, ой. Ақыл тоқтатпаған деп қазақ ғадетте жас ерекшелігін айтады. Абайдағы “ыржасң-қылжасң ит мінез” – албырттықтың емес, ақымақтық, кесірліктің ишарасы. Осы өлеңдегі тағы бір күрделі ұғым мораль философиясына байланысты – “жасақсының іши дерптті”. Ал өлеңнің соңындағы:

Ой, тәңір – айыл, кер есек, / Кұлық, сумдық, не өсек,/ Болмаган соң, бір есен - / Мейлі қамқа, мейлі боз. “Тәнір-айшылдық” – ақынның «Алла деген сез жеңіл” атты өлеңіндегі сарынға етene. Сөйтсек, тәнір-ай дей салу наданның сөзінің мәтелі ғана сияқты, сондықтан онысы құдайшылдықты емес, құдайсыздықты сипаттайды.

“Білімдіден шықкан сез” атты өлеңдегі надандық идеясының жалғасы ретінде “Келдік талай жерге енді” атты өлең (1890) – күйік тіршілікке құр наразылық қана емес, мұнда ақындық қасиетті қорғаудың дұғасы бар. Өлең шығыс классиктерінің үлгісімен жазылған. Әр шумақтың ең ақырғы жолдарындағы ұйқас сөздер бірынғай ойды құрап, үйлеседі. Өлеңдегі рефрен түрінде тузілген – “қой бұрынғы желгенді!” “Сергі, көнілім, сергі енді!”, “Өрбі, сөзім, өрбі енді!” бүйрек райда айтылып, әмір сөздей бағындырған поэзия ішкі табиғаты бойынша медиативті поэзияға дөп келеді. Әлгі үндес қайталаулар зікір тәрізді, құлшылық қылып, жалбарынып, дұға жасаудың құдіретті үзігіндей кейіпте берілуі текке тумаған. Ақынның өзімен өзі тілдесуі жалғызылған мұны. Дәл осы өлеңдегі налу этностық биікке өрлейді:

*Әзелде тәңірім сорлы етті,
Арсыз елмен әуре етті,
Жалғыз үйде күнірентті,
Тағдырға білдік көнгенді.
Адам деген даңқым бар,
Адам қылмас халқым бар,
Өтірік пен өсекке
Бәйге атындаи аңқылдар.*

Мекемтас ағаның Абай шығармаларындағы “адам болу” шарттарына ұлы ақынның “Ғылым таппай мақтанба” атты өлеңін бағдарлама қылып түсіндіруі де осындағы “Адам болам десеніз” деген тезисі негізінде ұғындырылады. Бұл өлеңнің философиялық өзегінен әулиеліктің бір сипаты жарқырайды. Шынтуайтында, мұның сыры – атаның емес, адамның баласы шынына көтерілген Абайы арқылы қазақ халқының рухани толысуына бастайтын “гұмыр өзі – хақиқаттың” сынни бағасы тәрізді. Абай “Бес нарседен қашық бол” өсietтінде өтірік пен өсекті тағы аластайды.

“Абайда таңбаланып отырған жағымсыз үш үгымның

(надандық, еріншектік, залымдық) “Кабус – намеде” де айтылатыны бар. Онда “Егер жәуанмәртліктің жолымен жүруді қаласаң, дәр уақыт үш нәрседен сақ бол: көзінді жаман назардан, қолыңды жаман істен, тілінді жаман сөзден тый” -деп жалпылай көрсетілген. Екі автор тарапынан таңбаланып отырған зиянды үш ұғымның өзін анықтап атаудында да елеулі айырмашылықтардың барлығы сезіліп тур. Абай зиянды үш сипатты анықтаганда, бұларды өз заманындағы қазақ өміріндегі кеселі құбылыстардан туындан отырған заарлы қылыштар ретінде қарастырған. Абай бұл зиянды қылыштарды өзінің өмір бойы жүргізген гуманистік мұраттарының аяқтан шалар жаулары ретінде таңбалап аяусыз сынайды”. (93-бет)

Абай “Түзетпек едім заманды” деп ойлағанда өз иығына пайғамбарлықтың ауыр жүгін арқалап алғанын Мекемтас Мырзахметулы оның мораль философиясына қатысын зерттеу тұсында теренінен қозғайды. Дүниежүзілік әдебиетте ақынның пайғамбарлық ипостасы көнеден табылады. «Всевидец душ, пророк сердец, / Гомер, божественный певец», (В.К. Кюхельбекер.Поэты.) М.Волошин XXғ. орыс философиясының көрнекті тұлғасы В.Соловьевті «Пророк библейский» деп атайды. Немесе

поэзияны орыс ақыны Клюев «Сказка пророческая» деуінде үндес ой тұнып тұр.

Бізге керегі, Мекемтас ағаның Абай өлеңдерінің ішінен ірікten алған шығармаларының салмағы мен қасиетін сезіну артықшылығы болса керек. Онысы зерттеуші қауымның құштарлығын арттыра тұсуге тиіс. Фылымның көзделегені де осы.

“Мұхтар Әуезов Абайдың жастық шағындағы үш өлеңін (“Шығыс ақындарының”, “Фзули, Шәмси...”, “Әлифби”) таза еліктеу, бірақ шағатай әдебиетіндегі сопылық сарындағы эротикалық лирикадан мулде бөлек шығыстық белгілер деп таниды”. (21 -бет)

Осы таным С. Нұрышев тәрізділердің қарсы пікір-таласын қоздатып, М. Әуезов тарапынан тойтарылғанын ғалым айта кетеді.

“Иузи – рәушан, көзі гәүһар” дегенде Абай гүл атаулыдан раушан гүлін әлбетте шығыс классиктеріне мойынсұнып, сүйіспеншілік нұрынан шаттанып таңдал алғаны айқын.

Әйтпесе, кейіннен есейген реалист ақынның “алтын иек, сарала қыз” кияли образын жаратпауын тағы білеміз. Жер бетіндегі әйел затының сұлулығы гүлге теңелуі есте жоқ ескі замандардан бастау алып, машқарға дейін әлемдік метафорада тұрақтап қалған.

Раушан гүліне Шығыс пен Батыс бірдей асық. Сопылар оны өз танымдарының негізгі екі символының біріне айналдырып алған. Жарғағашықтық идеясы бұлбұл құстың раушан гүліне зар образы арқылы беріледі. Сонымен катар раушан гүліне ынтықтық шығыс шайырларының сүйген аруларына деген жер бетіндегі сезімдік, тәндік маҳаббатын қоса береді. Суфизм тегінде адам баласын ұлықтайтын, әйел мен ерекек арасындағы маҳаббатты жырлауда дін үстемдігі тыйым салған идея атаулыны жасырып, эзоптық жұмбак тілмен суреттеуге шеберленген. Эзоп құл болған, оның тілі жұмбак, астыртын болатыны содан. Ендеше суфийлер де өздерін Алланың сүйген құлымыз деп атайды.

Сондай-ақ, раушан гүлі – таураттық символ. Ол Дева Марияның бейкүнә, пәктігін тұспалдайды. Адамға күнә араласпай тұрғандарайхан гүлі тікенсіз өскен деген көне аңыз бар. Орыс поэзиясында А.С. Пушкин мен А.С. Хомяковта «дева – роза» деген образ бар. «Только в сердечке поникнувших роз /Капли застыли младенческих слез», (А.Фет.).

Жүректің діни сипаты: «Сердца мерцали алых роз», (М.Волошин. Реймская богоматерь). Орыс классикалық, поэзиясында райхан гүлінің бейнесі діни контексте берілсе, христиандық көзқарастың әсерінен. Құдай анасы Дева Марияның европалық бейнелеу өнерінде қолында раушан гүлінен ұстаған таспиғы арқылы бейнеленгенін Джеймс Холл жазады. Таспиқты ортағасырларда розарий деп те атаған.

Розенкрайцерлер өз гербінде андрейлік крестті төрт раушан гүлімен таңбалады. Раушан гүлінің образы туу, жемістілік және тазалықты үйлестіреді. «Роза пахнет розой, хоть розой назови ее, хоть нет». (Шекспир. Ромео и Джульєтта) Апулейде есекке айналған адам сиқырлы раушан гүлін жеп, адам қалпына қайта оралады.

Абай «иузи раушан» сұлу қызды жарық дүниенің барша қазынасына айырбастамайды. Оның «Осы үш сую болады

иманигүл” философиясындағы адамды сұю қасиеті ең әуелі әйел затына махаббат арқылы өрбиді.

АБАЙ. «БІЛГЕН ҚҰЛ» – ХАКІМДІК ИДЕЯСЫ

Үздік абайтанушы ғалым Мекемтас Мырзахметұлы шығармаларының алтын тәжі – «Абай және Шығыс» атты кітабы.

«Шығыс, батыс әр тарап Аллаға тән. Сондықтан қай жаққа бет қаратсанадар да Алланың жүзі (ризалиғы) сол жакта. Расында Алла (Т.) ете кең, толық білуші» дегінген Құран-Кәрімнің 2-Бақара сүресінің 115 аятында.

Күн астындағы әлем бір Алланың иелігінде, Жаратушының құдіретінен таса жер ғаламда жок.

Мекемтас Мырзахметұлы Абайдың хакімдігін, ол нәр алған рухани білім қайнарларын зерттеу нысанына айналдырғанда негізгі түпнұсқа қылып Күншығысты таңдал алуы бекер емес. Батысты бөтен көрмесе де, өзі шығысты жөргегім, ерісім, кенішім, кіндігім, құбылам деп шын таныған. Евроцентристік көзқарас үстемдік құра жарқырап тұрған кенестік дәүірде бұлайша он бағыт таңдау ғалымның ғұламаһи сұңғылалығы әрі жүрек қалауы һәм азаматтық биік позициясы.

«Абайдың екі мектебі бар: біреуі – исламдық Шығыс, екіншісі – Батыс» деп жазған ғалым (осы кітапта, 202 бет) ислам дүниетанымының ықпалы қазақ данышпанына оның әр замандағы көрнекті тұлғалары арқылы сіңгенін зерделейді.

Оның «Абай және Шығыс» атты іргелі кітабының «Ғұламаһи Дауани және Абай» атты шағын тарауына үңілсек: 13 жасында, бірінші мүшелге енді іліккен Шынғыстау перзенті зікір салған бақсыздай (бақсызық – көріпкелдік һәм ақындық, өнердің төл табиғаты), пірге қол жайып, Фули, Шәмси, Сәйхали, Науай, Сағди, Фирдауси, Хожа Хафиз – атақты жеті шайырға сыйынып бастағасын баталы құл арымайтын сиқырлы қүй мендеп, осынау мереілі ақындар шоғырынан соң ғұламаларды таңдал тануы ұлғаяды. Қас

жақсының атын атап, хатын ұрпаққа жалғау үшін ақын кейінгі өлеңдерінде іркіліп қалмайды: шығыс даналығына құлай беріледі, шығыс арқылы батысты аңдайды.

Сөзіне қарай кісіні ал,
Кісіге қарап сөз алма.
Шын сөз қайсы біле алмай,
Әр нәрседен құр қалма.
Мұны жазған білген құл –
Ғұламаһи Дауани,
Солай депті ол шыншыл.
Сөзін оқы және ойла,
Тез үйреніп, тез жойма,
Жас уақытта көніл – гүл.
«Ғылым таппай мақтанба».

Автор Ғұламаһи Дауанидың – XI ғасырдағы Хорасан өлкесінен шыққан оқымысты екенине, Хожа Хафиз жырлаған рәушанлі Ширазда атақты медреселердің бірінде ұстаздық қылғанын теріп жазады.

Галымның ен басты еңбегі – «Жалали этикасы» («Ахлаки Жалали»). (Кітаптың 167 бетінде).

«...В.Брусовтің атап көрсеткеніндей: «Шығыс қашанда тарих философиясынан гөрі тұрмыс философиясына құштірек. Тұрмыс философиясы – өмірдің мән-мағынасы туралы философия. Толстойдың шығыс философиясына сонша әуестенуі кездейсоқ емес болатын». Бұл Абай шығармаларында мораль философиясы деп аталып жүрген ұғымдармен де өзектес, желілес жатқан нәрселер. Абайдың «Мұны жазған білген құл, / Ғұламаһи Дауани» – деп нақтылы көрсетіп отырған ортактастығы бар пікір оралымдары да осы «Жалали этикасында» жатыр» («Абай және Абай», 167 бет) – дей келе, ғұлама гибраттарын Абай поэзиясымен ұшастырады.

1340 жылдары дүниеден озған, туған жылы белгісіз Құтып есімді көне қыпшақ ақыны болған. Ол классикалық поэмандың тұнғыш тәржімашысы, Низамидің «Хұсрау мен Шырын» атты дастанын ана тіліне аударған. Қазақ бастауы сол. Ерте ортағасырларда дәні Дешті Қыпшақ сөз өнеріне түсіп, қаулай өсіп-өніп, мәуелі баққа айналу процесі тұтас бір дәүірлерді жалғайды. Абай сол көне жадты жаңғыртушы

ренессансстық тұлға екенін Мекемтас Мырзахметұлы осынау тамаша кітабында мейлінше тереңінен қаузайды.

Фудайл ибн Ийада сынды қоңе заманғы суфийлар нақ осы білім иелерінің «Білген құл» екенін нақтылайды, бірақ «перште алтын көрсө жолдан таяды» делінген дүниеден безіне алмау, дүниеге дос материалистік піғылдың жетегінде омалып, тұтылып жүру олардың сонына халықтың еруіне бөгет болды деп таныған.

Абай нақ осы мораль, мінез-құлық пәлсапасын Ғұламаһи Дауанидың еңбегінен, өзіне дейінгі хакімдердің ақиқатқа құл кітаптарынан тауып, өзіне рухани қорек алды деген ойды айтуды парыз санаған М.Мырзахметұлы Абайдың «Ғылым таппай мақтанба» атты өлеңі мен 38 қара сөзіндегі руханият, кісілік негіздері Дауанимен үндестігіне айқын зер салады.

Бір күн үшін дос болып,

Жұз құбылған салт шықты.

Абай замананың адамының екіжүзділігін өткір сынайды.

Абу-л-Атахийа (748-825), ақынның ақырзамандық өлеңдерінде де осы сарын айқын.

Лицемеры в глаза улыбаются сладко,

Отвернешься – как змея, ужалят шипя.

Полон мир нечестивых, спесивых людей.

Не ищи, не найдешь справедливых людей.

Только истину должно искать в этом мире,

Только правде будь верен, склонись передней!

Тегінде осы текстес эсхатологиялық тұңіліс сарындарды қоңе заманғы ақындардан бастап бертінгі түркі ақындары Кемине, Дулат, Шерніяз, Шортанбай, Майлықожа, Мұрат, Кердери Әубәкір, Бердактарға шейін жазуы занды. Абайдағы «Құйрығы шаян, беті адам, / Байқамай сенбे құрбыға» сарыны одан бұрынырақтағы Махамбеттің «Айыр құйрық шаянсың!» деп хан бетіне қасқая тартуынан алшақ кетпесі аян.

«Ал Абайда айтылатын «Хакиқат пен растиқ – қияннаттың дүшпаны» деген сөз де осы оймен іліктес жатыр. Абайдың да ғұмыр бойы аңсан, күресіп келгені әділет пен шындықтың жолы болатын» (Кітаптың 168 бетінде) деп М.Мырзахметұлы «Дауанидың «Жалали этикасында» ізгілікті мінез-құлықтың шығар көзі ретінде айрықша мән-мағына беріп қарайтыны әділліттілік туралы ұғымға келіп тіреледі. Дауани қоғамдағы әрбір адам әділлітті болуға борышты деп қарайды» («Абай

және Шығыс», 168 бет).

Қазақ діни дүниетанымында «жазған құл» деген ұғым бар. Ол адасқан періште, құдайынан безініп, қарғысқа ұшыраған шәйтанның бір аты. Абай осы ұғымға қарама-қарсы «білген құл» – яғни білім қонған, оқыған, Алланың нұры түскен хакімдіктің сипатын анықтайды.

Үш-ақ нәрсе – адамның қасиеті:

Бістық қайрат, нұрлы ақыл, жылы жүрек.

«Малға достың мұны жоқ, малдан басқа».

Абай бұл өлеңінде «Өзі шошқа, өзгені ит деп ойлар» деп қу дүниеге табынған көкірек көзі соқыр дүниекоңыздықтың адам наесілін жегідей жеп қоярына мегзейді. Өлеңдегі «нұрлы ақыл» – осынау «білген құл» дүниетанымының бір баламасы.

Пайды, мақтан, әуесқой – шайтан ісі,

Кәні біздің нәпсіні тыйғанымызы?

Мумин болсан, әуелі иманды бол,
Пенденге иман өзі ашады жол,
Шын илан да, таза ойла бір иманды,
Мұнағиқ намаз қылмап па, мағлұм ғой ол.
Алла ішінді айтқызбай біледі ойла,
Пендене қастықпен кінә қойма.
Распенен таласпа мумин болсан,
Ойла, айттым, адамдық атын жойма!

«Алланың өзі де рас, сөзі де рас»

«Абай Дауани еңбектерін парсы тіліндегі түпнұсқадан оқып білген деуге келеді» («Абай және Шығыс», 167 бет, Алматы, «Қазақстан» баспасы, 1994 жыл).

Мекемтас Мырзахметұлы осынау ғұламаның дүниетанымы әл-Фараби, ибн Сина, Әлішер Науан кітаптарының негізінде қалыптасып, адамзаттың ой алыптарының руханият әлеміндегі асыл ойлары мен өміршеш идея, көркем мінез-құлдық философиясынан шыққанын жазады.

Хадистер – Мұхаммед пайғамбардың өситеттері.

«Я, Тәнірім! Менін жаратылышымды көркем еткениңдей мінез-құлқымды да көркем ет!». Хадисті Ибн Масғудан р.л.ғ. Имам Ахмад риуаят етті. Шығыстың ұлағаты осы: Ғұламаһи Дауанидың ілімі Абайға жүғысты болды, Абай жүргегіне өлең ұлаған халықтың ұлы болған соң парыздарын жырларымен

уағыздады. Шығыс ілімі ғылымның көусар бұлағының көзі сарқылмауында жатыр. Мұны Мекемтас Мырзахметұлы былай деп түйіндейді:

«Ерте кезде Шығыста атақты ғылым санлақтарының еңбектеріне арнайы түсініктеме жазылатын дәстүр болған. Мысалы, Аристотель еңбектеріне Әл-Фараби жазған түсініктемелерді еске алсақ та болады. Осы іспеттес, Ғұламані Дауани еңбектеріне де көптеген оқымыстылар түсініктемелер жазған. Мұндай түсініктемелер кез келген еңбектерге жазыла бермейтінін, тек атақты, аса ірі ғұлама ғалымдарға ғана жазылатынын ескерген жөн. Дауани еңбектеріне, әсіресе оның мораль, философия саласындағы шығармалары мен кейір теологиялық еңбектеріне де атақты ғалымдар Тафтазани, Ж.Қарабағи, Мир Абдулфатх, Мирза Джан, Журжанилер арнайы түсініктемелер жазған» (Кітаптың 166 бетінде).

Араб пен парсы әлеміндегі руханият пен өнердің асыл қоры осылай сақталынған. Қазақтың эпикалық дәстүріндегі «Қозы Көрпеш – Баян сулу» жырын Марабай, Жанақакындар аузынша жеткізген сияқты. Бұл расында аллашылдық сипат, рухани оттың сөнбеуін қадағалайды.

Абайдың «Мұнафиқ намаз қылады дегені» («мұнафиқ» араб тілінде – екі жұзді, іші көпір, сырты мұсылман») хაқтықтың сәулесі түсетін жүрек тазалығы туралы ой.

Қазақтың Абайға шейінгі ойшыл һәм ақындарында бұл рухани кемелдік, тазалық идеясы бар. «Жұрт – жұп: түсінбегені – өлік, түсінгені – тірі» (Жұсіп Баласағұн), «Жыланның сырты – сұлу, іші – у» (Ахмет Игүнеки), «Әдептің басы – тіл» (Махмұт Қашқари), «Көкірек таза болмаса – көз тазасы не керек, / Тазарт әуел ішінді» (Үмбетей жырау).

Халқымыз «Дүниеде не тәтті? Беттің ұяты» дейді. «Өлімнен ұят құшті» дегенді қазақ ұлтынан өзге тағы кім айтты екен?!

Абай 38-қара сөзінде толық адам, кемелденген жан идеясын осылайша ашқан. Оның арсыздық пен надандыққа жаны қас, өлгенше жиренеудің өзінің рухани болмысы «білген құл» деңгейінен асып кетуі деп ұғыну керек.

Өңкей жалған мактамнен

Шының бетін бояйды.

«Сабырсыз, арсыз, еріншек»
Кісімсінген жеп кетер білімсіз көп.
«Өлең – сөздің патшасы, сез сарасы»
Ақыл, қайрат, жүректі бірдей ұста,
Сонда толық боласың елден бөлек.
« Әуелде бір сүйк мұз – ақыл зерек».

Абай өлеңдерінде «білген құл» мен жалғандық, білімсіздік, слі қиянатқа антипод ретінде құдайдың сүйен құлы – толық адам философиясы үзілмей жалғаса бермек. «Білген құл» сарыны «Фылымның біліп пайдасын, / Дүниенің көркін болжамай?» – ізгіліктің сырын ашпай тұра алмасы Абайша хақ.

Ол қоғам мен елдің ігілігін ойлай келе, ғұламалардың жан сырына бойлайды. Дауани тәрізді хакімдердің ақ адал сөздерін, уағыз, өсиет, ғылымын өлеңмен толғауды парызым деп таниды.

Әр ғұламаға шын берілген, өз ұстазын тапқан сабактастық, мирасқорлық қымбат қазынаның алтын кілті болса, Дауаниден Абайға, Абайдан бүгінгі қазақ ұрпағына Қайым Мұхамедханов, Құлмат Өмірәлиев, Зәки Ахметов және Мекемтас Мырзахметұлы, Тұрсын Жүртбай сияқты рухани ұстаздар «білген құл» идеясын жеткізіп, рухани көпірді жалғай бермек. Өйткені олардың өздері осы «білген құл» дүниетанымынан жолын ашқан нартұлғалар.

8-9 қазан 2010 жыл.

РЫМҒАЛИ НҰРҒАЛИ. НӘЗИРАШЫЛДЫҚ ДӘСТҮРДІҢ ЖАҢА ӨНЕРДЕГІ КӨРИНІСІ

Қазақ драматургиясын тұнғиығынан тартып, түбінен қазып зерттеген ірі оқымыстырым-ғалым – Рымғали Нұрғали. Оның «Эпикалық трагедия» атты зерттеуі әлемдік сахналардың төрінде қойылатын трагедиялардың бастауында халықтың аныздық желілері жатқанын айтудан басталады. Расында халықтың төл дүниесі болған соң жадтан ешпес аныздар әр түрлі жанр арқылы әдебиетке басыбүтін енгеммен, соның ішінде таңдамасы боларын ғалым баса айтуды занды.

Ол «Еңлік-Кебек» анызының нұсқаларына сол үшін

тоқталғанын мәлімдейді. Бұл тұста ғалым Мұхтар Әуезовтың трагедиясына негіз болған аңыздың алғашқы нұсқасына, зерттеу барысында төрт бірдей нұсқасына толық тоқталады: «Алғашқы нұсқа «Қазақтардың естерінен кетпей жүрген бір сез» деген атпен 1892 жылы «Дала уалаяты» газетінің 31-39 сандарында жарияланды». Бұл зерттеушіге Мұхтар Әуезовтың қазақ драматургиясының төл басы «Еңлік-Кебек» атты трагедиясының жаратылышын, драмалық болмыс-бітімін ашу үшін қажет болды.

Әлбетте, Рымғали Нұргалиұлы қазақтың рулық жүйесіндегі ескі тартыстан айналып өтпейді және өте де алмайды. Ғалым рубасы Кенгіrbай би бейнесін алғашқы нұсқа мен Абайдың Мағауиясы поэмасындағы портрет арқылы айғақтайды. Би даланың дана көсемі тұлғасында көрінбейді. Жас Кебектің бейmezгіл ажалын автор Кенгіrbай бидің биліккүмарлығымен астастырады. Өйткені ғалым қосғашықтың ағайын ел-жүрттан араша таппай, тобықты мен матай – екі ру бірігіп, ат-құйрығына байлаған аянышты жас тағдырларын қүйзеліспен еске алып, жаны қүйіп отырғаны анық. «Тобықты, Найман руларының тасбауырлығы» деп зерттеудің орта тұсында ғалым тағы бір мәрте наразы кейіппен таңбалайды. Пьесадағы билер ізгілік иесі емес, зорлық-зомбылыққа бейім.

Бірақ шынайы өмір біз ойлағаннан күрделі. Қазақ халқының ескі тарихында барымта, жер дауы, жесір дауы, ағайын күндестік, бақталастық тәрізді көленкелі тұстар жетіп артылары даусыз. Ол әлі күнге жалғасып келеді. Адамзат Абыл мен Қабылдан тарағаны рас болса, бұл құбылыс өзгеріссіз жалғаса береді. Сондықтан билік басындағы алысты болжайтын адамдар қылы саясаттан аспай қалары және рас. Олар қаны бір жақыны болса да құрбандықтардан тартынбайды. Қалай болғанмен де жас өлімнің құсалы зары уақыт өте келе жанғырған үстіне жанғырып, осы биік өнерді тудырып отырған жоқ па! Мұны автор «Жазықсыз екі жасты аяусыз өлтірген қатыгез әдет әңгімеде ашық жазғырылып отыр. Кенгіrbайдың Кебекті бақталасым деп өлімге итеруі ашық айтылады» деп, мұны халықтық идея, халықтық сарын басым болғандықтан деп айқындейды. «Ақырып тенденс сұраудың» халықтық түрі кейінгі ұрпаққа мирас болып қалатын, санадан өшпес сөз өнері деп кеседі.

Трагедия табиғатын Рымғали Нұрғали осылай қарастырады. Трагедияның ең көне бастауларында адам нәсілдің өлімнен қорыққаннан шыққан аза ғұрыптары жатқанын ағылшын этнографы, дінтанушы Д.Фрэзер кисынымен жазады.

Әдебиеттің жылнамашылық табиғатын, тарихта несібе үшін, ел үшін, кейде қарақан басының қамымен тартысып өткен ата-бабалармыздың ақ-қара істерін сол күйінде кейінгі ұрпактарына жеткізетін функциясын біз жокқа шығара алмаймыз. Әдебиет сол үшін қымбат өнер.

Ғалым бұл оқиғаның екінші нұсқасын ой елегінен өткізеді. Ол «Дала уалаяты» газетінің 1900 жылы 46 санында шықкан, «Қазақ түрмисынан хикая» деп аталған екен. Кейіпкерлердің есімдері мен жер аттары өзгергенмен, сюжет сол қалпы: «Адал махаббатты дәріппеп, қара жүректілікті айыптаған халықтық идея бұрынғы күйінде қалады». Бұны ол газеттің оқырман тартудағы қисыны деп қабылдайды.

«Еңлік-Кебектің» үшінші нұсқасын Мағауия Абайұлы жазған. «Мағауия поэмасында Кебек пен Еңліктің тұнғыш кездесуі ұзағырақ суреттеледі. Мағауия психологиялық портрет жасауға ұмтылады» дей келе, Рымғали Нұрғали махаббаттың оянуын тағдырға емес, адамға тән тірі сезімге телиді.

Мағауияның ақ бұлактай өлең жолдарын енді біз Рымғали Нұрғали арқылы тауып оқып жатсақ, теңіздің дәмі тамшыдан деп сүйнішке жараса, әдебиеттің жасыл бағы солмасын танытуы ғой! Әдебиеттанудың зор миссиясы сол.

«Бірақ жүректің аты қашан да жүрек. Бабына түсіп, кезіне келсе, оған әмір жүрмейді. Адам жүргегі азаттық пен әділет құлы әманда» деп, ғалым Мағауия оқиғаның әлеуметтік жағынан ғөрі, романтикалық махаббатты дәріптеуіне баса тартқанын сүйсіне айтады. Осы поэма арқылы бір рудың ішіндегі туыс аталардың әлі күнге қырғи-қабақ болатындей әсерден шықпай жүргенінің сыры мәлім болары анық. Ел болған соң солай болмағы занды көрінер. Расында оның ұшығы осы заманда аталар тарихын қозғайтын, жарыса шығып жатқан, шежіреге жүгінгенде әркім өз тегін судан таза, сүттен ақ қылышпен көрсетуге тырысатын шикілі-післі кітаптардан көз көріп жүр. Бұған қынжылу керек пе, ол жағы тағы беймәлім. Жуан аталардың арасында өштік көп,

бағзы ағайын аралық бақталастық, өкпе-реніш өткенмен бітпей, ұрпаққа кеткенін ұғасын. Ескі дауды казакқа ұмыту қыын. Кімнің дұрыс, кімнің бұрыс екенін айту кейінгіге әсте бұйырмайды. Өйткені адам нәсіліне осалдық тән, сонымен қатар биік рух қоса берілген. Надандық пен өзімшілдіктен арылу оңай емес.

Бірақ төреші болу бізге қажет емес. Әркімнің өз шындығы қымбат.

Академик-ғалым «Магауия... ақын аңыз оқиғасы мен сюжетіне құрделі образ енгізбесе де, Кебек, Еңлік, Қенгірбай образдарын бұрынғы қалпынан бір шама тереңдетіп, дамытып, сыншылдық рухтағы поэма тудыра алды» деп түйіндеді.

Төртінші нұсқа – Шәкерім ақынға келіп тірелді. Ол осыдан нақ 100 жыл бұрын Семейде жеке кітап болып басылған «Жолсыз жаза» поэмасы. «Бұрынғы вариантарда жоқ ерекшелік – жас батырдың портреті» дей келе, Рымғали Нұргали Кебектің анға шығуын суреттеген тұсында Шәкерім Абайға елікте, образзылыққа мән берген деп атап кетеді.

«Поэмалың ең көркем тұсы – Кебек пен Еңліктің арасындағы сырласу эпизоды». Шәкерім поэмасында қыр қызының жігітке өзі бірінші болып көніл білдіруін, қазакы орта үшін тосын бұл құбылысты «сезім сұлулығы, бұғып қалмас әжеттік» деп бағалап, автор қазақ әдебиетіндегі сол дәүірдегі жаңашылдықпен, Абай аудармасы арқылы енген Онегинге Татьянаның ынтызарлығымен түсіндіреді.

Еңлік пен Кебек арасындағы мәнді диалогтарды ерекше назар аудара айтуымен Рымғали Нұргали еуропалық романдық стильдің қазақ әдебиетінде бой көтере бастағанын танытады.

Осынау бес нұсқаға жеке дара тоқтала, талдай келе, Рымғали Нұргали барлық нұсқаның дерлік бір ізден шықпайтынын, адам есімдерінің бірдейлігін, опаттың бас себебі тағдырын бұйрығында, жазмыш күшінде деп түйеді.

Сонымен зерттеудің басты нысанасы – қазақ театрының басы, Шыңғыстауда Мұхтар Әуезов көркемдік ұясынан ұшырған бала қазындағы тырнақалдысы «Еңлік– Кебек» атты трагедиясы. Қазақ халқының кәсіби ұлттық драматургиясының алғашқы қарлығашы осы шығарма деп танимыз. Рымғали Нұргали мақсаты – «Аса

курделі шығармашылық тұлғаның эволюциясын, оның эстетикалық-философиялық сатыдағы өсу жолын көрсету қажет». Әдебиеттанушы-ғалым көш-керуенге арттын қазына жүкті өз мойнына алып отыр

Мұхтар Өуезовтың 1920 жылдардағы жас авторға тән, бірақ шұбасыз классикалық алғашқы шығармаларына берілген баға тұтасымен қазақ әдебиетіне берілген баға екенін әділ уақыт көрсетті. Алайда сол кездерде Мұхтар Өуезовты объективті сын қорғай алды ма? Қаралау, жазғыру болғанын: «Ауыр кезең тудырған түрлі субъективті жайлардың әсерінен Өуезов өз қайшылықтарын тым асыра, дабырайта көрсетуге мәжбүр болды. «Еңлік-Кебек», «Бәйбіше-токал», «Қарағөз» трагедияларынан, көптеген әңгімелерінен безініп шығуын осымен ғана түсіндірсек керек», – деп жазады Р. Нұргали.

«Спектакльді қоюшылардың бірінің жазғанына қарағанда екі киіз үй қатарластырып тігілген. Қазіргі ұғыммен айтқанда бірі – сахна, екінші – зал есепті болған. «Еңлік-Кебектің» 1917 жылы, мамыр айында қан жайларда қойылған тұнғыш қойылымына жиылған көрермен саны жузден асыпты. Бір қызық деталь – ойынға елу тыыннан билет сатылып, барлығы 54 сом 50 тыын жиылдыты. Бұл акша Құлжадағы ашаршылықта ұшыраған қазактардың пайдасына жөнелтіледі».

Тұнғыш қазақ пьесасында ойнаған актерлер Абайдың тұқымдары, руластары. Ал тұнғыш режиссер, суфлер Мұханның өзі екенін автор баяндайды. Қазақ халқы үшін аса маңызды, мәдениеттің нән құбылысы театр өнері болса, соның құнары құшті Абай топырағында туғаны мүлдем кездейсоқ емес, жүйелі құбылыс болғанын қазір айқын ұғамыз.

Рымғали Нұргали зерттеуі «Еңлік-Кебек» драмасы туралы көдімгі энциклопедия тәрізді, театр өнеріне сәуле түсірген кең қамтуы өз алдына, деректілік, алғашқы қойылымдарында ойнаған актерлер құрамы, әр қойылымға жазылған рецензия, әдебиетші-ғалымдардың пікірі тұтас қамтылған. Ол дәүір суретін қоса бедерлейді. «Еңбекші қазақ» газетінде жарияланған, пьесага жазылған үш рецензияны талдан, жіктел қөрсетеді.

«Үлттық топыракта драматургиялық дәстүрдің жоқтығына қарамай, басқа елдер әдебиетінен үйрене отырып, Өуезов

жанр шарттарына толық жауап бере алатын трагедия жасады» деп ғалым жоғары баға берген.

«Алғашқы пердеде «Еңлік-Кебектің» бұрынғы нұсқаларынан не бар деген сұрауға жауап іздесек: бірақ-ақ деталь – Абыз образы Мұхтар Әуезов «Жолсыз жаза» – Шәкерім поэмасынан алып қарызданғанын Рымғали Нұргали айтады.

Рымғали Нұргали Еңліктің қоштасу өлеңін суреттейтін тұсында өзінің жазушылық таланты жарқырай, жалындаулаудайды. Кей тұстарынан анық аңғарылатын мінез – автор мүмкіншілік болса, осы драманың ішіне өзі кіріп-ақ кетер еді! Драматургты, ол суреттеген ел мен жұртты, сөз өнерін сүйіспеншілікпен қозғауы бұл зерттеудің шоқтығын биіктетеді. Расында материалдың негізінде, біз – қазақтардың мінез-құлқы, менталитеті, арыда өткен ата-бабаларымыздың өмір салты, коллизиялық тартысы, сезімдер шарпуы мен мұдделер қақтығысы жатыр.

Сонымен шығармашылық туралы шығармашылықтың мықты үлгісі – Рымғали Нұргалидың осы зерттеуі десек асыра айтқандық емес. Зерттеудің соны үлгісін ол қалыптастырып отыр.

Қазақ екі түйе сүйкенсе, арасында шыбын өлеңі деп мақалдайды. «Шыбын жан» деген философиялық ұғым бар. Ал жан қалауы махабbat емес пе! Шынайы махабbat енді құрбандыққа лайық болып таңдалғаны айқын. «Еңлік пен Кебек қылышын екі ел дауының сылтауы етіп ұстаған билердің шешендігі, орақ тілді, от ауыздылығы салған жерден таң қалдырады» деп тартыстың түпкі мәні қос ғашықтың азаттық сүйгіш қайсарлығы, Кебек ердің атастырған қызды алып қашып, ғұрыптан аттап кеткені емес, шынтуайтында жер таласы, ру дауы екенін ғалым айқын аңғартады. «Екі ел билерінің сөзбен балталасатын көрінісі сахналық әрекетке өте бай». Олардың опасыз табиғатын: «Жұлқысып-жұлқысып алып... ақыры ауыз жаласып кеткен бөрі билер» деп үкім айтады.

«Образдың тек бір-ақ құштарлық аясында қалмауы – реалистік әдебиеттің ежелден келе жатқан талабы». ««Еңлік-Кебектің» аса құнды қасиеттерінің бірі – қаһармандардың жан-жақтылығы». «Өз күшігін өзі жеген қасқыр іспеттес билердің ыргасып-ыргасып, ақыры тапқан

жолдары – Еңлік пен Кебекті өлтіру. Сол сұмдық үкімді өз қолымен орындаушы Еспембет». Автор Еспембеттің мұздай сүйк қатігездігін «надандық атты дүлей, топас, соқыр күш» деп айғақтайды.

Қазақтың ғұлама Әуезовы бұл трагедиясына 1943 жылы бір, 1956 жылы қайта оралып өндегенін, ең зор өзгеріс Нысан абызының бейнесі: «Кейінгі нұсқадағы Абыз трагедиялық идеяның нық беріктігін, конфликті кесектігін ұстап тұрған тұлға» деп ғалымның лайықты бағалауы шындық.

Ол қазақтың аузымен құс тістеген асқақ жырауларынан, Асан қайғыдан үзілмеген ел-жұрт зары:

Алданар көп, арман көп,
Кәрің қайтіп күн көрер!
Жарастық жоқ, жалын жоқ,
Жарым қайтіп күн көрер!
Барары жоқ, байлау жоқ,
Ерім қайтіп күн көрер.
Бәрінің де нәрің жоқ
Елім қайтіп күн көрер?!

Абызының сөзін: «Бұл монолог – қара сөзбен жазылған өлең, төгіліп тұрған поэзия... ішкі ағысты, ішкі терендікті құнгатап туған нағыз поэзия» дейді.

Зерттеуші кеменгер драматургтың ауыз әдебиеті үлгісін – бата беру дәстүрін шебер пайдаланғанын қуаттайды.

Екінші нұсқадағы Мұхтар Әуезов ерекше сәтті редакциялаған, байытқан образ – Жапал бала. Фалым оның түп бейнесі халықтың бай фольклорынан алынғанын, символдық әсері барына екпін түсіреді.

Жас Мұхтардың «Еңлік-Кебекті» жазуын Рымғали Нұргали адамның ескен ортасын, төңкөріс алдындағы қазақ ауылдарының тұрмысын, тарихын, психологиясын, бір сөзбен айтқанда, өз тану үшін жазылған дүние деп тұжырымдайды.

Эпикалық кесек туындылар ежелден қазақ әдебиетіне тән құбылыс болса, сол алтын арқаудың үзілмегенін Рымғали Нұргали зерттеулері танытты және бұл құбылыс қазіргі қазақ әдебиетіне жат еместігін айтты парыз.

ҰЛТЫН СҮЙГЕН ШЕРАҒАН

Әдебиет тамырластықтың сүйеді.

«Тұрар енді бір жиырма жылдан кейін ұлы жазушымен дос болып, өз әкесінің басынан өткен шытырман шындықты оған, арман ағысындағы етіп айтып берер. Содан барып «Қараш-Қараш» туар...». (Шерхан Мұртаза. Жеті томдық шығармалық жинағы. 1 том, «Қызыл жебе». Роман, 235 бет).

Бірінші кітаптың басты кейіпкері – Рысқұл. Жазушы үшін ол ерен сүйікті образ, оның аузына «Мениң жүргегімде түк бар. Бірақ сол түкке қырау тұрып қалған. Пендерге пенде болып жүргенімде ол қырау ерімейді» деген сөз салады. Бұл Рысқұлдың қылмыскер ретінде вице-губернатордың алдында қасқайып отырып жауап берген сөзі. Тұрардың әкесі аюмен алысқан, небір қияметтен аман өткен нағыз ер ретінде суреттелінеді. Фольклордан шыққандай романтикалық кейіптер Рысқұл.

Қазан төңкөрісіне шейінгі казақ тұрмысының нақты суретtelінүү романның үлкен жетістігі. Мешеу қалған ел өміріндегі күштінің әлсізге зорлығы, ал бұл ағайыншылыққа қарамайтын кара ниет қияннан шығар дүлейлік екенін Рысқұлдың Тұлкібастағы атамекенінен 20 үй өз ағайынымен аяу қөшүі растайды. Рысқұлдың туған ағасы Бердіқұлды жер мен суға таласып жазықсыз өлтірген, ұрдажық, шаш ал десе бас алар сойылсоғар шабармандары көп Дауылбай болыс түбі бір жақын туыс атадан, шежіре тарқатса Шымыр, соның ішінде Сәлік атасынан тараиды. Бірақ мынау фәни дүниенің лаңын байлық пен билік билеп тұрады екен. Осынау кеселдің бәрі отаршылдық, өз ырқы өзінде жок, орыстың оязына бағынған қазактың болыстық-әкімшілік жүйесінің қаншалық осал, паракор, жарамсақ, имансыз, зәбіршіл, кісі өлтіруден тайынбас сүмпайы екенін жазушы нақты іс-әрекет, қымыл, мінез-құлық қақтығысы, әлеуметтік ымырасыздық арқылы бере алған.

Дауылбай болыс Рысқұлдың батыр бабасы, Қоқан ханы Шерәлімен қанды шайқаста қаза болған, Байзактың қол астында жүзбасы болған Әлібектен қалған күміс ер-тоқымды оязға беріп, жағынып қалғысы келеді. Осы бір жағымпаздық феноменінен зор трагедия өсіп шығады. Ол Тұрардай

қайраткердің қалыптасуының алғышарты.

Қаракойын деген тары егіп, қүнелтіп отырған шұрайлы жерде Жылқыайдардың үш ұлын, ұясын талқандап, үлкенін өлтіріп, кіші екеуін тентіретіп жіберуге айырылысада ердің қасын сұраған кісәпірлік себеп болады. Оның түбінде сол кездегі әлсіз қоғамды жегідей жеген әлеуметтік теңсіздік жатыр.

«– Көке-ая! Не жаздық, не болдық? Енді не істейміз, айтсаншы! – деп төмпешікті құшақтай құлады. Топырақ жып-жылы екен, бетінен Бердіқұл сүйгендей тұла бойы дір етті» (167 бет), бұл көріністе аза мен бауырмалдық қатар құйыла түскен. Рысқұлдың есесінде, күрескерлік рухынын ояну сәті осындағы азалағы. Ал бауырмалдықты озбыр Дауылбай басқаша қабылдайды:

«– Атама Сәліктің атын! – деді болыс шегір көзін ежірейтіп. – Сен Сәліктің шіріген жұмыртқасы. Сәліктің басқа баласының бәле-жаласы сендермен бірге кетсін!» (178 бет).

Бұл аталасы Бердіқұлды жазықсыз өлтіріп, Дауылбайдың қорынбай айтып тұрған арсыз сөзі. Қияннаттың бет пердесі қандай дәл. Жазушының шеберлігі психологиялық детальда айқындалады. Дауылбай кім? «Кешегі Қоқан заманында сарттардың бегімен қосылып сорушы еді бұның әкесі елді, енді орыстың оязымен қосылып ойсыратып барады» (156 бет) дейді бір ағайыны Ахат ол туралы.

«Қызыл жебе», романының бірінші томы тегіс Тұрардың әкесі Рысқұлға арналған. Рысқұл болмаса Тұрардай қайраткер, күрескер ұл тумайды, соның үшін әкениң рөлі айрықша дәріптелген. Бұл ретте Шерхан Мұртазаның қалам таңбасында ұлттық әдебиеттің ауыр жүгін Толағайдан бетер бір өзі арқалағанда ауырсынбаған кеменгер классик жазушы Мұхтар Әуезовтың ігі ықпалы тилюі заңды құбылыс. Өйткені қазақ прозасы – роман жанрының бастауында тұрған ірі эпопея «Абай жолы» кейінгі қазақ жазушыларының баршасына ықпалы тигені қылаусыз шындық.

Негізінде жазушы Рысқұлды сүйіп суреттейтіні сонша, оның бір бойында әлем жаралғалы дүниежүзі халықтары әспеттейтін сан алуан романтикалық кейіпкерлердің баршасының мінезі, қаһармандық тұлғасы қосылысып кеткен. Рысқұл бейнесінде орыс, ағылшын, парсы, қазақ,

үндіс, т. б. мықты әдеби персонаждардың қосындысы тоғысқан. Рысқұлдың сотталып, итжеккенге, Сібірге айдалған тұстарын суреттеуде башқұрттың ұлттық батыры Салауаттың рухы қайта-қайта жаңғыра бермегі де соның айқын белгісі. Рысқұлдың әйелі Ізбайша декабристердің әйелдері сиякты ерінің артынан кетуге пейіл: «Етегінен ұстап жүрсем Барсакелмеске кетуге де разымын» (216 бет).

Рысқұл Жылқыайдаровтың бейнесінде қазіргі тілмен айтқанда, көдімгідей жарқырауық гламур болуы соның әсерінен екенін ұғы керек. Бұл жазушы үшін, реалистік проза үшін теріс шықпағаны және тан қалдырады.

Саймасай бай мен Рысқұл арасындағы ымырасыздық, дау-жанжал ғұмыр бойы жалғасып, күштінің өктемдігінен әбден ушығып, үзілер тұсина таянғанда дилемма тудырган қайғы-шер.

Саймасай – Кызыл жебедей көз құрты, көніл жегісіне айналған қас жүйрікті сініре алмасын ұққанда қызғаныштың қара иріміне батып кетеді. Рысқұлға ұрлатып алып, жүйрікті дереу бауыздатып жібереді. Соңда барып ер Рысқұл қандай қиянатқа белшесінен батқанын түсінеді, араша тұсуге үлгерे алмай қалады. Құлагер феномені оның құрбандыққа шалына беретінінде болып тұр. Расында осы бір ашы шындық жануарлар үшін ғана емес, адамдар арасында әбден бекіген ақиқат. Бір ғана мысал, қазактан дара тұған бұлбұл әнші Күләш Байсейітованың тағдыры тұра осы халды қайталайды. Артық тұған, өнері құдіретті болғаны үшін Күләш күншіл әріптес әншілер тарапынан бақталастықтың құрбанына айналды.

Кызыл жебенің өлімі – қазақ даласындағы жана бір қанды кезенің басы әрі белгісіне айналды. Ендігі құрбандықтар жылқылармен қатар адамдар болары анық берілген белгі. Романда Рұсқұлдың Кызыл жебенің қаны үшін кек алып, қанға – кан, жанға – жан деп ант беріп, жылқының құнын адаммен алатын тұсы ете нанымды мезет. Кызыл жебе – киелі жануар, оның асыл қаны Саймасайды ұзаққа жібермей, өлімге бастады.

Болыстық, бағландық – әділетсіздіктің өзегі болып шықты. Баяғы дара билер, қара қылды қақ жаратын дана билер заманы келмеске кеткен екен. Ендігінің болысы қандай аяр боларын Абай әсіре әшкере қылды.

«Кызды-кыздымен Тұқымбай да бармағын басып қалды.

Рысқұлда кегі кеткендіктен емес, болыстардың тізімінде жүргенді үлкен ырым етіп, ішінен: «Е, әруақ, колда, колда, колда!» – деп уш қайталады» (118 бет).

Болыс болдым, мінеки,
Бар малымды шығындал.
Түйеде қом, атта май
Қалмады елге тығындал.
Сүйтсе дағы елімді
Ұстай алмағым мығымдал.
Күштілерім сөз айтса,
Бас изеймін шыбындал.
Жай жүргенде бір күні
Атшабар келді лепілдеп:
«Ояз шықты, сыяз бар»,
«Ылау» деп, «үй» деп дікілдеп.
Абайдың «Болыс болдым, мінеки» атты өлеңідегі психологиялық портрет мұнда айна-қатесіз деп тұр.

Романың атауын көтеріп тұрған Қызыл жебе – жылқы жануар, кас жүйрік, әдеби астарда – текстік нышан, символ. Расында ол Акан серіден Ілиясқа ауысқан рух, қазақ халқының Құлагеріндегі аза жылқы. Рухсыздандың құрбаны. Оның құрбандыққа шалынып кетуі құдай берген ең асыл қасиеті – жүйріктігінен, артық жаралған қанатты пырақ болуынан. Шераған жылқы мен қазақты астастырып, тамаша ассоциация жасай білген. Қызыл жебе – Тұрар Рысқұлов. Ұғы келгенде, 1937 жылдың репрессия қанды қасабында қазақтың артық туған ерлері шалынады, соның бірі – сол. Ер мен оның аты біртұтас кентаврлық сипатта асқақ көрінетін патриархалдық тұрмыстан енді қол үзе бастаған жаңа дәүірге бұл символ бес жарасып тұр.

Жылқыны исі қазақ қастерлейді, жазушы бөріні тотем тұтуын мына бір сөзі айқындаиды: «Көрі біздің қасиетті килеміз гой. Көк Түрік заманында көк байраққа алтындал, Көк бөрінің басын салып қояды еken. Сол тегін деп пе едініз?! Тегін емес қой. Қазіргі көк байрағымызға:

– Бөрінің басын салайық, деп ұсынғанымда, кәдімгідей ақылды, биік дәрежелі, лауазымды адамдар күлді:

– Ай, осы жазушылар-ай, қайдағы жоқты айтады, – деді. Амал не, көп айтса көнестің дағы. Мейлі, келер үрпақ бізденғөрі парасаттырақ болса, түзетіп алар». (Шерхан Мұртаза. 4

том. «Ай мен Айша», роман, 47 бетте).

Ай, қап! Әттеген-ай! Сол кезде Парламентте депутат болып отырған Шерагаңың тамаша идеясын оң қабылдап, көк бөрінің басы туымызға салынғанда әлдекайда ұтарымыз анық деп ойлайтындардың бірі меммін.

Романның екінші кітабы тұтас Тұrap бейнесіне арналған, өсу, азамат болу, қайраткерге айналу мезгілдері тегіс берілген. Сондай-ақ, бұл саяси том әрі деректі прозага айналып кетеді. Совет өкіметінің қылышынан қан тамған алғашқы басшыларының портретін беру жазушыға қаншалық қүрделі болғанын оқырман сезуі тиіс. Жазушының деректілік үшін инемен құдық қазғандай жұмыс істегені анық. Алайда білікті тарихшы қауым ғана терең объективті сараптай алатын советтік көсемдердің портреттері қаншалық дәл шыққанын айта алмаймын. Бұл мен үшін өте қын міндеп.

Өйткені бұл кезеңде құдай туралы ұғым аласарды. Көсем – жеке бастың табынуына, пұтқа айналды. Ал пұт құдайлар қисапсыз құрбандық тілеп тұратын тажалға айналғанын А.И.Куприн тәрізді реалистік жазушылар астарлай жазды. Заманға сай әлдебір өзгерісті, ескіні терістеуді мына бір ойдан айқын көруге болады: «Руына тартқан – ұрлықпен тең. Табына тарт» (428 бет), бұл пролетардық идеяның ұшығы.

Романның көлемі трилогияға дейін ұлғаюы қазіргі заманғы әдебиет үшін құптарлық іс емес. Себебі артық тұстары болмауы мүмкін болмай қалады.

Кітапта автордың афоризмді сүйеттін табиғаты жіңі ұшырасады: «Бақ қонған жерге күншілдік үйір болады» (36 бет), «Дүниеде оттан таза нәрсе жоқ. Отта арамдық болмайды» (19 бет).

«Қырық бірінші жылғы келіншек» – Шерагаңың үздік әңгімелерінің бірі.

Бұл расында диалог түрінде берілген монолог, кеудесін өбден сағыныш мендеген жалғызлікті жесір кемпірдің қайғы-шері. Көзіне елестеп, жас кейпінде сағымдай толқып келіп, жанында отыратын асыл жары – Мақсұтқа Хадиша ол соғыста қаза тапқаннан бергі 28 жылдың ішінде көрген азабын қөдімгі ауыл ішінің ұсақ-түйек назы, қазақы болмыстан алып, шер тарқатып отырады. Расында оның күйеуінің әруағына шағынғысы келгені Шалабай қайнысы

өзін ескермей, қызы әкелген қоржынның аузын болып-толған Ақшай кемпірге ашқызығаны жай әншіейін сыныққа сылтауғана. Жалғыздықтың зарын, шермендені қалай жұбатуды тірісінде ешкім білмесін жазушы астарлы сипатпен береді. Соғыстың қасіретін басқаша беру мүмкін еместей оқырман қоса өкситін қылып береді. Хадиша – жазушының сүйікті, нысаналы кейіпкері болғандықтан, оны бір әңгімеген екінші әңгімесіне көшіріп отыруға Шерагаң ықыласты: «Шекшек шырылдайды», «Соғыстың соңғы жесірі».

Хадиша – автор үшін, соғыс басталғанда небәрі 9 жасар ұл бала үшін өз анасының прообразы.

«Ай мен Айша» атты ғұмырбаяндық романдағы Айша ана мен Хадиша кемпір – ерлері қан майданнан оралмаған тағдыры бір ауыл әйелдері.

Хадиша күйеудегі жалғыз қызының қолында, қартайғанда жиендерін ес көріп отыруына болар еді, бірақ ол тым ескірек, қаймағы бұзылмаған қазақы дәүірдің адамы болған соң, мұны тағы місе тұта алмасы анық. Сондағы дәлелі – «Сенің тұтінің өшпесін дедім, Максұт». Ескі қазақ дүниетанымында от – өмірлік күш, тазалық символы. Отты өшіру кешірілмес күнә саналатыны сондықтан. Тұтін идеясы қазақта тұқым, тіршілік идеясымен өзектес. Психологиялық іірімде жалғыздықтың уытына әбден көндіккен, соған тіпті бауыр басып алған, көкейінен өшпейтін жастық қезеңінің сәулелі сәтімен ғана өмір сүрге бейімделген жесірлік феномені мұнда тайға таңба басқандай тұр.

«Ай мен Айша» бұл романды еki мәрте оқыдым, жалықтырмайды. Роман – дайын киносценарий. Келешекте Шерагаңның осы романы көркем фильмге айналарына шүбесіз сенемін. Балалық шақтың уыздай бейнесі күмән тудырмайды, сол екіталай ауыр қезеңінің қалыбы боямасыз беріліп, ел мен жерге, ұшқан ұя, туған анаға деген сағыныш жұмсақ, сүйінішпен дәріптелінеді. Уш баланың анасы Айшаның өлім алдында жатқан сәтіндегі бақсы кемпір Аққыздың жасаған емі бір ұлттың анасын аман сақтап қалғандай әсер етеді. Бір-бірінің тілеуін тілескен ағайынның бауырмалдығы ашылады.

Шерагаң прозаның кіші жанрында талай дүние тудырды. Оның әрқайсысы бір-бір психологиялық айқын портрет, адам тағдыры, әрі жазушы адамдарға деген сүйіспеншілгінен

айнымайды. Адам баласына өшпендейлік пен қарғыс, қара таңба басу, кесірлік бұл әнгімелерде ырымға жоқ. Өйткені Шерағаның жүргегінде құдай берген мейірім сәулесі, өмірсүйгіштік ерекше қасиет бар. өзі суреттеген сәттей: «Алматының аспанында да жана қектемнің толғагы бар. Көгілдір, түпсіз көк әлем. Бір қылау жоқ, бір қылпық жоқ» («Қызыл жебе», 220 бет).

Сол әнгімелерден ерекше ұнағаны – «Нахал торғайлар».

Қазақстанның халық жазушысы, қоғам қайраткері Шерхан Мұртазаның еліне деген перзенттік маҳаббаты, сағынышы, ер – уайымы осы әнгімеде астарлы түрде беріледі. Шерағаң жауыз торғайларды бөтен, келімсек, қомағай, сұмдық, басқыншы торғайлар деп атайды. Әдебиеттегі аллегория, гипербола, метафора, т.б. тәсілдерді колданып, жазушы оның түйінін «Қыргилар нахал торғайлармен соғысқа аттаныпты» деген тәмсілмен аяқтайды. Қыргилар – құтқарушылардың қиналған елге көмекке келуіне Қенжегүл кемпірдің дұғасы себеп болады. Қазіргі қазақ халқының түйткілді мәселелерін бұлайша астарлай бере алу үшін шеберлік қана емес, ұлтын сүйген сәулелі жүрек қоса керек.

Ел біледі: баяғы текті билерге тән қара қылды қақ жарған әділдік, ұлтын сую, азаматтық ұстаным, халқының дархан дүниетанымын шығармаларында ардақтау – мұның бәрі тегіс Шерхан Мұртазаның азаматтық бейнесінде, шығармашылық кредитосында анық көрінеді.

7.08.2012. / 13.08.2012.

ӨНЕГЕЛІ ӨМІР ЖАРШЫСЫ

Ертіс жағасында өсіп шыққан Семей қаласы қазақ халқының жадында қазақтың ұлы тұлғасы Шоқан Үәлиханов пен орыстың ұлы жазушысы Федор Михаилович Достоевский кездескеннен бергіде, Абай мен Шәкірім, Мұхтар, Жұсіпбек, Сұлтанмахмұт сияқты біртуар алаш тұлғаларының тасқа басқан таңбадай айшықты ізі қалған киелі жер. Семей содан бергіде қазақтың рухани астанасы деген мәртебесінен еш жаңылған жоқ. Бұл шаһар «Тамаша адамдардың өмірі» атты әйгілі сериямен Москвадан үш бірдей ірі роман шығарған

жазушы Медеу Сәрсекенің құт мекені.

Республикалық баспасөзде дер кезінде, әр кезеңде Медеу ағаның шығармашылығы туралы екі әдеби сұхбат пен бір мақала жариялаппрын – «Сәтпаев Әмірі таусылмайтын сұхбат». «Қазақ әдебиеті», № 5. 6-12.02. 2004. / «Елі сүйген Ебіней. Жазушының «Ебіней Бекетов» атты ғұмырбаяндық кітабы бойынша». «Қазақ әдебиеті», № 14 (2914). 8.04.2005. / «Алан жұрттың тарихы. Жазушы Медеу Сәрсекенің «Ермұхан Бекмаханов» атты ғұмырбаяндық романы». «Айқын» газеті, №229 (1653) 09.12.2010.

«Алтай-Ертіс» кітапханасы сериясымен «Фолиант» баспасынан 2013 жылы жарық көрген жазушының «Шығармалары» жинағына алғы сөз авторымын. 2015 жылы әл-Фараби атындағы Қазақ Ұлттық университеті баспасынан іргелі оқу орны тарарапынан ризашылық энтузиазммен жарық көрген Ермұхан Бекмаханов туралы «Ноқталанған тарихшы» атты кітабында «Алаң жұрттың тарихы» атты мақалам бұл романға баспасөз бетінде жарияланған рецензиялар катарында жарияланды.

Жазушымен кездескен ең алғашқы әсерім жадымда. Медеу аға Қазақстан Жазушылар одағының Семей бөлімшесін басқарған тұста, 1988 жылы «Жігер» фестиваліне мені өз қалауымен қатысушы ретінде жіберді. Өзім үшін қызық деталь, Медеу аға мені бөлімшеге жолдама беруге шақырғанда, бір музейде киім ілушімін, алдында бір үлкен окудан өз еркіммен кетіп, басқа бір қын институтқа дайындалып жүрген көзсіз тәуекелшіл кез. Бәлкім, жұпның категориямен ойлайтын тар пейіл адам болса, елеусіз жұмысымды менсінбей, жастар фестиваліне жібермей қалар ма еді. Коңыр күзде самолетпен ұшып, Алматыға, әдебиет мерекесіне баратыныма аяқ астынан ерен қуанғаным бар. Ол кісі жастар әдебиетін аңдап, біліп жүреді еken. Алғаш көргенде үққаным, Медеу аға артық сөз шығында майды еken. Сол рухани биік қалыбынан Медеу аға ешқашан айныған емес, басы артық әнгімеге жоқ, шығармашылық дүниесіне ерен адад, жүйелі түрде жұмыс істеуге әбден дағыланған. Уақыттың қадірін ерекше біледі.

«Абай» журналында қызмет атқарған ұзак жылдарда Медеу ағамен үнемі рухани байланыста болдым. Медеу аға маған ағалық, жазушылық ақылын айтса, шынын айтады;

әдеби мақалаларды көп жазатынымды аса қабылдамайды, «алтын уақытыңды бекер шығындармай, ірі дүниелер жаз, көп болса, жұрт сені білгіш қызы дейді, мақала деген уақытша дүние, кесек прозаға бар, артыңа қалатын шынайы беркелі дүние сол» дейтінін іштей хош көретінім рас. Медеу аға бұл тыйым сөзді кейде телефонмен де айтады, сонынды қоймадың, енді айтпаймын деп те айтқаны бар. Бұйырса, сол үдеден шығуға тақау келген сияқтымын.

Медеу ағаның жұбайы Клара тәтемен әңгімем ерекше жарасатын еді. Клара Дүйсебайқызы Есенжолова биолог маман, орыс, қазақ тілдеріне бірдей, ішкі дүниесі кен, өте парасатты жан, мейірімді, зиялы жаралған. Ең ғажабы, Клара тәте мәскеулік «Тамаша адмдардың өмірі» атты сериясы бойынша шығатын небір романдарды үзбей оқитын, керемет оқымыстылар мен көрнекті адамдар туралы тұнып тұрған деректі дүниелерді таң қалдырып айтып беретін. Расында кітапсүйер қалыбыммен осынау әйгілі серия бойынша деңдеп оқығаным үш-төрт кітап, тиіп-қашып қараған бірен-саран «ЖЗЛ» есепке алынбайды. Клара тәте барған сайын дастарқан үстінде маған атақты жазушылар, ғалымдар, қолбасылар туралы көктегі тырналардай тізілтіп айрықша тартымды деректерді айтады. Оның астарында көктем мен күзгі ностальгия тұнып тұрғандай, жер көгергеннен бергі адамзат рухына құрмет пен өмірге құштарлықты артыратын сиқырлы әсері күшті; мықты физик Ландау туралы айтқаны көкейімде әлі тұр. Ерекше қабілетті туған жандардың кейбірінің өмірге икемсіздігі, бірбеткей мінезі мен адалдығы, ғылымға өлердей берілгені, отбасына көзқарасы, сынаржақтау болмысы туралы, бір сөзбен айтқанда, Клара тәтемнің әңгімесінен құдай ерен дарын берген адамдардың ешкімге ұқсамас жаратылысы өріліп шығатын. Клара тәтенің кіслік ізгі қасиеттері мен жарқын келбеті сағынышпен көкейімде қалды.

Сонымен Клара тәте дегдар түйін жасайтын, өнеге, үлгі етуге бек лайық мықты адамдарды пір тұтатын жасампаз халық ешқашан жерде қалмайды, жер жүзіндегі ең озық ұлтқа айналады, жасөрім балалардың санасына сондай текті адамдардың өміrbаяны мен халқына қызметіне зейін аударту керек! Олар сондай текті, еңбеккор, адал, қайраткер, дарынды адамдарға еліктеп өсуі керек. Қазақ балалары халықаралық

олимпиадаларда жиі жарқырайды, ғылымда, техникалық білімде таңдаулы болуды санасына құю маңызды.

Мен құс жолындай самға әнгімелерден соң қанаттанып шығамын. Клара тәте көзі тірісінде маған былай дегені бар, сол сөзі аманат сияқтанады: «Медеу ағаң кітап жазумен қолы тимейді, әдебиетке талантты жастар келіп жатыр. Әміре атаң туралы поэма жазған Қайырбек Шағыров деген ақын жігіт бар екен. Медеу ағанының жерлес інісі болып келеді. Поэмасын оқып өте риза болдым, сен сол баланы ескере жүрші!».

Медеу аға маған кейінірек ән патшасы Әміре Қашаубаев туралы драма жазу идеясын көкейіме салған, оның да шешуін уақыт көрсетер. Жазушылықта осы текстес биік идея ұсыну бір асыл мұрат.

Медеу аға мен Клара тәтенің үйіне қуанышта, үлкен жазушының Москвадан, Астанадан кітаптары шықкан кезде, бір иглік боларда жиі барады екемін. Творчестволық өріс деген ерен құбылыс бар. Құдіретті дүние, шығармашылық дүниенде кеңейтеді, байытады, биікке жетелейді. Медеу ағадан енбекқорлықта үйренгенім аз емес.

«Фолиантта» басылатын кітаптарын жазушы өзі қадағалайды, редактор, дизайнермен біріге іс атқарады. Откен қарашаның қара сүйгінде Медеу аға баласы Ерланның үйіне мені шақырып алды. Полигон туралы үлкен кітабы жарық көрмекші. Медеу аға енді деректі кітап жазбайтынын нақты айтты. Полигон деректері қазақ халқының басына төнген атомдық алапат кеселдің түпнегіздерін, сұрапыл қасіретін айғақтаушы-әшкереуіш құжаттардың толық жылнамасы. Мұншалық ғаламдық трагедияны түп тамырынан қозғау үшін ұлтын риясyz сүйген үлкен жүрек пен асқан жігер қажет. Ешқашан бетінен қалқып іс қылmas, даяр қалыпқа қызықпас Медеу Сәрсеке талай жыл шығармашылық құш-қайратын осы ірі кітапқа салып, жас ұрпак алдындағы азаматтық ұлы парызын тағы бір мәрте етеді. Келешекте полигон туралы деректі кітап орыс, ағылшын тілдеріне аударылса, қазақ халқының басынан кешкен зұлматтарына дүниежүзі қауымдастығының әділетті жанашырлығы ұлғая түспек. Полигон десе, еңсе түсіп, құтымыз қашып кететін аймақтың баласы болған соң оның нағыз қасірет кітабы екені ақиқат екенін білеміз. Академик Рымғали Нұргалидың бір әнгімесінде Дегеленеңді өлген тау деп атайдыны жадтан

өшпейді. Шыңғыстау мен Абралы аудандарын мекендереген халық полигоннан көрмеген қорлығы жоқ, әлеуметтік қорғансыздық, мүгедек нәрестелер, адамдар 40-45 жаста қатерлі ісік, қан ауруынан көз жұмады.

«Бозтаевтың архивін маған беріп кеткен. Мындан астам хат бар. Төрт жәшік. Аудармашымен жазылған хаттың өзі отыз шақты. Менде қор ашылған, түпнұсқаның бәрін архивке бердім. Менің атымда қор бар. Бәрін компьютерге түсірдім. Семейдегі архив бастығы келісімшартты бұзбаңыз, бізге беріңіз деді!»

Жарты жыл отырып жазушы сол архивті реттепті. Архив дүниесіне қастерлеп қарайтынын ұғы қын емес.

«Мен француздың классик жазушысы Андре Моруаны ұлы документалист санаймын. «Ебіней Бекетов» атты кітабымның тұсауқесерін 2005 жылы 15 ақпанда ҰҒА-ның тәралқасында академик Мұрат Жұрынов жасады. Соңда айтқанмын. Француз әдебиетінің дәстүрі бойынша бір ұлы адам өлгенде ол туралы деректі кітапты 50 жылдан соң жазады. Мен сол заңды бұзып отырмын. Өмірбаяндық романды Қанекен, Қаныш Сәтпаев дүниeden озған соң 11 жылдан соң жаздым. Қанекен туралы кітапта басты қателігім, 11 жылдан соң кірісуім. Кітаптың тоқталғаны рас. Моруаның айтуын орындаадым. Сәтпаев тақырыбын соңғы бес жылда жазсам басқаша жазар едім.

Ебіней Бекетов қайтыс болған соң 31 жылдан соң жаздым. Бекетовтың досы, дүшпаны да залда отыр. Бекмахановты жазғанда тарихшы Әмірден өткеніне 40 жылдан асты».

Медеу ағаның жазушылық лабораториясынан біршама хабарым бар. Баспадан шыққан таңдаулы кітаптарының бәрін қолтаңбасымен маған беріп келеді. «Фолианттан» шыққан 8 томдықты иелендім. Медеу ағаның 70 жасында осы баспадан 2006 жылы жарық көрген 6 томдық шығармалар жинағы кітап сересінде тұр. Үлкен қайраткер жазушы Медеу Сәрсекенің соңғы 20 жылда баспадан шыққан шығармалары түгел дерлік мениң жеке кітапханамда бар. 8 томдыққа енген «Қаныш Сәтпаев» атты жүлдүзді еңбегі бұл романның 14-ші басылымы екен. Еңбегі жаңған жазушы Медеу ағамдай болар. «Қаныш елі» атты кітабы үш тілде жарық көрді.

Шәкен Айманов атындағы Қазақфильм киностудиясында туған «Аманат» атты жаңа көркем фильмнің

қоюшы-режиссері Сатыбалды Нарымбетов. Жұртшылық жақсы қабылдаған сәтті фильм. Режиссер С. Нарымбетов «Ермұқан Бекмаханов» атты роман жарық көре сала, авторға фильм түсіру туралы ұсыныс жасайды. Әу баста бұл кітапқа мәскеулік қазақ режиссерінің де назары түскен болатын. «4 сериядан тұратын фильм түсірілсе, режиссерге сценарийін сен жазады деп келісемін», – деп Медеу ағаның маған бес жыл бұрын айтқаны бар.

Жазушының «Шыңғыс хикаясы» атты повесін қайталап және «Тендерге түскен келіншек» атты пьесасын оқыдым. Рамазан-Рәпіш, Шыңғыстауға мұғалім болып келген ерлі-зайыпты екеудің нақақ қазасы туралы бала кезден естіп өслемін. Нағашы атам Оразхан Бодауханұлы Бақанаста бір қыс жұмыс істеген, екі жасты көзімен көргенін, еш жазығы жоғын, колхоздасуға қарсылық еткен банды өлтіргенін аяушылықпен айтып отыратын.

«Тендерге түскен келіншек» – М.Әуезов атындағы академиялық драма театрында аншлагпен жүрген драма. Жазушы премерадан соң басты рөлдегі артистер Бекжан Тұрыс пен Дария Жұсіп спектакльде керемет ойнады деп ризашылықпен айтты. Бұл драмада қазіргі заманғы тіршіліктің бір-біріне жұлдызы қарсы қос түйіні бар – арлылық пен адалдықты жетімсіреткен қоғамда ақшаның соқыр билігі. Адамдық азап шеккен жерде ізгілік қасиет қалмайды. Бас кейіпкерді өмірден түніліп, тентіреп кеткен ішкұса кейіпінен жазушы онымен құтқаруы нанымды, өлуге бекінген сорлы атасын іздең тапқан немересі арқылы зұлымдық женіледі. Кешегі айтулы архитектор бомж болып кеткен шындық санаға кара тастай ауырпалық түсіреді. Драма өмірдегі ең қимас қасиет адамдардың бір-біріне деген шынайы сүйіспеншілігі екенін, одан өткен байлық жоқ екенін көрермен қауымның қекейіне әбден сініреді.

Медеу Сапаұлы инженер-металлург мамандығын алмаса, өндіріс тақырыбына, қазақ жұрттың кеменгерлігімен бөгде елдерге танытқан үш алып туралы деректі проза жаза алар ма еді деген ой келеді. Оның «Жарылыш», «Көмбе» атты романдары өндіріс тақырыбына арналған.

Жазушы алғашқы шығармаларын фантастикалық жанрда тұдырды. «Жетінші толқын», «Көрінбестің көлеңкесі», бұл повестерде ғылыми-қияли және техникалық бір топ

әңгімелерағартушылық сарында жазылды. Ататек-шежірелік кітабы авторының қазакқа тән қастерлі дүниелерге ықтияр, ұқыпты, бейнеткор екенін растаса керек.

Медеу Сәрсекенің 8 томдық шығармалар жинағының сонында филология ғылымдарының докторы, профессор Арап Еспенбетов зерттеу мақала жазды, авторды деректі жанрдың қас шебері, дербес тақырып иесі деп қадап атады. Балалық шақтағы іздең жүріп, сүйіп оқыған, жарық дүниеден керемет әсерлі құбылыстар ізденген оқушы зердеме «Қос мекенді адам», адам-амфибия туралы қиял патшалығын сыйлаған Александр Беляевтың әйгілі фантастикалық романын қазақшаға аударған Медеу аға екенін осы тұста білдім.

22./31. 12.2015.

ТЫҢ ӨНЕРДІҢ ТАРЛАНЫ

Қазақ үшін телевизия өнер саласындағы кенже үлдай көрінетіні рас. Үлттық тележурналистиканың алғашқы қарлығашы болу мәртебесі Сұлтан Шәріпұлы Оразалының мандайына бұйырыпты. Оның негізін қаласкан, әуелгі қынышылықтарын кара нардай белі қайыспай тартқан жандардың бірегейі деп именбей айтуда болады. Теледидар үшін жазылған 300-ден астам сценарий – әдеби хабарлардың, 20 шақты деректі фильмдердің авторы Сұлтан Оразалының шығармашылығының басты ерекшелігі, ол үшінші жақтан жазбайды. Оны әдебиеттің қағазға басылған нұсқасын емес, объектив, камераға түсірілген нұсқасын таңдалған жазушы деп атасақ артық емес. Телевизиядағы қадамына екі досының төрелік айтатын тұсын «Жүректің көзі ашылса» атты кітабында суреттейтін тұсы бар. Жазушы досы оған «Өзіннің эфирге сағым болып таралып жатқанынды сезесің бе осы?» десе, ғалым досы «Ал мына көз алдымында туған теледидар дейтін жана өнерді кім жасайды? Дарынсыздар ма? Қайсымыз тарихта қалай қаларымызды бір құдай білсін. Содан соң өнердің жаманы жоқ» дейді. Көзі қаректі оқырман екі достың қазіргі қазақ руханиятының нартұлғалары марқұм Рымғали Нұргалиұлы мен Мұхтар Мағауин екенін жазбай таниды. Ал 1960-1970 жылдардағы қазақ әдебиеті өкілдері

үшін экран беймағлұм, кені ашылмаған, латынша таңбаласақ «терра инкогнита» («жан баспаған жер») болғаны рас.

Ол тұлғалық портретін сомдаған кейіпкерлерімен тонның ішкі бауындай қоян-қолтық араласып жүрмесе іс өнбесі анық. Бұл осы өнер үшін ең мұқтаж қасиет. Сонымен қатар қазіргі қазақ өнері мен қоғам қайраткерлерінің талайын Сұлтан Шәріпұлы томағасын сыпырған қырандай көгілдір экранға шығарып, халқымызға кеңінен танылуына ұйтқы болғаны ақиқат. Сол адамдардың ризашылығын сезіну һем ел игілігіне жұмысалар жұмыстар қосарлы. Көзі ашылған бұлакқа жер жүзіндегі ел атаулы сусап отырмақшы. Жас ұрпаққа қаһармандар шоғыры әрдайым керек. Сонымен бірге олардың ет пен сүйектен жарапған адамзат екенін журналист әсте ұмытпауы керек. Яғни, әсіре сырлай беру жараспайды. Кейіннен шыққан авторлық хабарлар осыған екпін түсіруге тырысты. Көрмерменді сілкіндіруге ден қойды.

Еліміз тәуелсіздік алған мезетте тіл саясатының негізін салысқан Сұлтан Оразалының қайраткерлік болмысынан шығармашылық бейнесін бөліп алып, тек соны зерделеуді мақсат қылдым. Ол кезінде дүйім жүрттың жан қалаудың дөп басып, тамсандырған ұлттық хабарлар шоғырын жасаған адам. Бір фана Жәнібек Кәрменов пен Акселеу Сейдімбектің сұхбат циклі, қазақтың айрылмас несібелі қазынасы – төл өнердің ән-жыр бұлағын ағызданы неге тұрады! Бүгінде марқұм болып кеткен асыл ағалардың ұмытылмас бейнесі мен әуезді үндерін ұрпақ жадына еншілеп беруі көрегендік! Ет пен сүйектен жарапған адам баласының бақиға озған соң фәнидегі бейнесін өшірмеу – бұл экранның парызы.

Тележурналистиканың майын ішкен білгір маманы ретінде Сұлтан Оразалы оның теориялық жағын зерттеуі айқын. Әзінің шығармашылық жолын кітабында суреттеуі студенттерге дайын оқу құралы. Бұл орайда автор телевизияның жаратылышына ерекше тән ғаламдану сипатын ескеріп отырды. Телеэкранның көп сериялыққа құштарлығы, жаргон тілімен айтқанда «көбікті опера» сипаты. Әлем халықтарының ес-ақылын тұтас жауап үлгерген көпшілік мәдениеті құбылышы. Бір мемлекеттің ішінде таралған телехабар басқа елдерге тез жұғысты әрі сінімді болады. Жанр табиғаты осындей. Бірақ жалаң көшірме бұл өнерді өсірмейді. Журналистен интеллект байлығы барған сайын

мол талап етіле бермек.

Деректі фильмнің авторы болу үшін әуелі «мен» болу керек. Мұнда фильм тек көгілдір экранға арналып түсірлетін ескеріледі. Жанрдың ерекшеліктерін пайдалану содан туынтайтын. Өмірде өзі араласқан, адам ретіндеге жетік билетін һем тұлғасына көnlі марқаятын адамдарды сайдың тасындағы іріктең алады. Жеке пікірдің маңызы зор. Сол пікірін нығайту үшін автор адамдарды шакырады. Өз көзімен көрген, ұзак уақыт сырласқан Фабит Мұсірепов, Фабиден Мұстафин, Шыңғыс Айтматов – әдебиет құдіретін танытқан жазушылар. Ғұламалармен дидарласу онай емес. Олардың рухани талғамына толған авторлық хабарды жүргізуі интеллект иесі осал бола алмайды. Ал журналис көзі көрген, жақын тануға талпынған белгілі адамның бағасы бөлек болатынын бәрібір ұғасыз. Мұнда абстракция жоқ. Жаңа сауылған сүт тәрізді шабыттың ак уызын көрерменге дер шағында жеткізе білу бақыт. Бір повесінің өзі әлемнің 100 тіліне аударылған классик жазушы Шыңғыс Айтматов Сұлтан Оразалинге риза пейілмен сұхбат беретіндігіне қырғыз журналистері таңданысқан. Кенестер Одағының аумағындағы әдеби кеңістіктегі айрықша бақ құсы қонған шоң тұлғаның сынына толып, сүйінішін сезіну мәртебесіне лайық болуы Сұлтан Оразалының Ақтандарді, Дулат жыраулар, Абай, Мұхтар, Шекерім, Шекір ақын туған Шыңғыстау топырағында өсіп түлеген тұғыр болса керек. 1983 жылдың күзінде Ташкентте Шыңғыс Айтматов, Кайсын Құлиев, Мұстай Кәрім және Сұлтан Оразалы әрқайсысы өз тілінде: қырғыз, балқар, башқұрт, қазақша сөйлеп, үлкен әдеби сұхбат даярлайды. Теледидарда бұрын болмаған дәстүрдің негізінде тамыры бір түркі тілдері мен еуразиялық идея айқын. Осы жылы Ташкентте Азия және Африка жазушыларының VII – Ташкент конференциясындағы кездесуінде шартараптан жиналғандардың ішінде жүлдізы елден ерек жанған қазақ тележурналисі Сұлтан Оразалы болды. Бекер адамға бақ қонбайды дейді ырымшыл қазақ.

Кейіннен Сұлтан Шәріпұлы өзі Фабиден ақсақал туралы 30 жыл жинаған деректерін жаңғыртып, фильм түсірді. Фабиден Мұстафин, Сапар Байжанов, Куаныш Сұлтанов және басқа еліне елеулі азаматтар туралы деректі фильмдер қазақ руханиятына қосылған алтын үлес. Уақыт өткен

сайын деректі фильм атаулының құны аспандай бермек. Дер кезінде, темірді қызған кезінде соғу философиясы көркем телевизия үшін ең керемет олжа. Оның мән-мағынасының өзі осыған келіп тіреледі.

Тележурналист өз кейіпкерімен кездескенде адам тұлғасы екі жағынан ашылады, сондықтан бір жақтылықтан ада. Сондағана көрермен тірі тұлғаны таниды. Телевизия адамзат тіршілігіне ене сала, дереу ықпалын асырып жіберген шалт өнердің түрі болған соң, оған өртегідегі алып тәрізді күн санаپ есү жат емес.

Сұлтан Оразалының авторлық иелігіндегі «Сұхбат» циклі қазақ телевизиясының классикасы болғанына енді ешкім таласпайды. 1970 жылдардың басында ұлттық қолтаңба үшін төл туындылар жасау айрықша мұқтаж болып тұрған шақта Сұлтан Оразалының бұл салада көш бастауы ізdegенге сұраған іспетті болды. «Қымызхана», «Айтыс», «Сахна», «Творчестволық портреттер» сынды қазақы болмысы күшті хабарлар игі нышанға айналды. Әсіреле, «Қымызхана» әзіл-сықақ, сатира жанры қасқалдақтың қанынданай қат кезде тұғаны шындық. Ол кезде күлкі театрлары тараала қоймаган. «Айтыс» – біздің әпикалық жаратылышымызды жаңғыртып жіберді. Урбандалуға көшкен қазақы санамызда ұлттық сипатка, тұп-тұқиян, тамыр-тегімізге тарту жоғалмауы үшін бұл хабар елші пайғамбар тәрізді тууы керек болатын. Әрі айтыс қазақтан өзге кімдерде сақталып, мәпеленіп отыр? Жер бетінде импровизацияға бейімдігін сақтап қалған халықтар некен-саяқ. Шешендік сездер мен мәйекті тіл ортағасырларда көптеген елдерде негізгі қалып болғанын тарих растайды. Сұлтан аға негізгі сом қүшін әдебиет пен өнерге салуы тіптен тегін емеси содан болса керек. Теледидардың синтездік қасиетін ол бұл орайда өте сәтті қолданды. Мысалы, ол поэзияда «Махамбеттің Баймағамбет сұлтанға айтқаны» атты Махамбеттің бір өлеңінен телепъесе жасап шығарды. Поэзия мен театр қосылышып, көгілдір экран үшін төл туындыны құрайды. Ақпараттық технология дамыған сайын адамзат даяр тұрған дүниелерге зәруліктен арыла алмай қиналады. Сондықтан иесіз аралдағы Робинзон Крузо сияқты тележурналисте бұрыннан бар дүниені қайта жасап шығуға үкім етіле беретіні рас. Романдағы қаһарман күрішті жан баспаған аралында қайта өсіріп алғандай егістік

алқап теледидар өнері үшін молайған үстіне молая бермек. Оның кейде көр-жөрді қаузап кететіні содан, өсіреле, шоу-бизнестегі коммерциялық жобалар жоқты-барға термекке әуес.

Сұлтан Оразалының әлемге қуатты өнер болып таралған телевизия өрісінде өз тәжірибесін танытқан «Жүректің көзі ашылса» атты кітабында өзінің тұнғыш рет эфирге шығу михнатын бейнелейтін жолдар бар. Камераның мысы басқанда ең шешен, ең білікті һәм ділмәр жанның аузына сөз түспей қалады екен. Экранға шығарған кейіпкерімен журналистің жаңы кемедегідей бірігіп кетер тұс осы телевизия табиғатына ерекше тән. Суретші мен журналистің өзара сұхбатын түсіріп тұрғанда, екеудің бір мезетте абыржып, дегірі қашып, бір бойы минут тілсіз қалғанда оператордың тасадан Сұлтан Шәрірұлына қос жұдырығын түйетін жерін езу тартып оқығанмен, сол сәтінде оның азаптың көкесі болған рас. Ол уақытта қазіргідей алдын-ала түсіріп алып, монтаждау жоқ, тікелей эфирге шығады. Ал бір минут көк экран үшін қыруар казына кілтіндей, аса маңызды. Себебі жарнаманың күші осы бір минут! Ол деген қып-қызыл капитал! Оны үнсіздікпен толтыруға еш рұқсат жоқ. Оператордың жаңы шығып кете жаздамағанда қайтысын. Ғабит Мұсіреповтың Сұлтанға айтатын сөзі көкейге қонымды: «Телеэкранда бос сөз бақыр». Екіншісінде осы көрініске керегар бір құлқілі оқиға орын алады. Эпикалық кеңдікке әбден үйренген жазушы қауымы, ал Сәбен, Сәбит Мұқанов қазакы аңғалдықпен кесіле сөйлегенде қызып алған тұлпардай тоқтамай қояды. Жүргізшінің жан тері шығады, тікелей эфир. Бұл енді кейінгі ұрпақ үшін керемет естелік. Неткен қазақы дархандық һәм ұлттық менталитеттің қайталанбас сәті. Біз расында кең пішілген қазақ емес пе едік! Шенберге сыймайтын, ноктаға басы көнбейтін ұлттық жаратылысты дөп танисыз.

Автордың көсемсөзінде, телехабарларында өз жолы сайрап жатыр. Ол кейінгілер үшін ашық кітап.

8.04. – 9.04.2011.

ҚҰМ ДАЛАНЫҢ НАЛАСЫ

Жазушы Дүкенбай Досжанов шығармашылығында

2011 жылдың 20 мамырында ҚР Ұлттық академиялық кітапханасында Дүкенбай Досжанның шығармашылығына арналған «Көркемсөз шебері» атты кітап көрмесі өтті. Мұнда жазушының 130 енбегі қойылды. Жанкешті жазушының кітаптары әлемнің 20 тіліне аударылғаны, 7,7 миллион данамен жарық көргені бір мәртебе. Көрнекті ақын-жазушылардың көрме иесіне құрметті айқын сезілді.

Арап теңізі қазақ жоғалтуға шақ қалған алтын тостаған. Фарыштан қараса солай көрінер-ау. Ол «Қоғалы қөлдер, қом сулардың» – жер төбінгідей кезден шарасы шүпілдей мөлдіреп, айналасына өмір нәрін сыйлаған бір ойығы. Көк теңізді айнала торыған ашкөздік жер-суды ластап, ақыры алапестей тоздырды. Су стихиясын құм стихиясы басып, сонымен қатар ісі адамзаттың өкпесін қоса жанышп барады.

Құмда не қасиет бар, еңсөн езердей, құмда қандай қуат бар, дүниенің бар қазынасын бауырына басардай?! Мұны ұғыну үшін күллі адамзат философиясын білу керек шығар.

Белгілі жазушы Дүкенбай Досжанның «Құм адамы – Абылуйген» атты хикаяты XX ғасырда әлем әдебиеті қозғаған ірі идеяларды таңдай әрі игере білуімен баурады.

Хикаят кейіпкерінің лақап есімі Абориген – оның молда азан шақырып қойған аты – Абылуйген. Әу баста жеті жасар баланы бұлай кемсітіп, корлап атаған орыстанған санаасын артық санаған мектеп директоры. Қазақтың өзінің кетеуі кете бастаған тұспалы, ұлтсыздандының басы. Автор бас кейіпкерін «..мөлігеннен мөлиіп Абориген отыр» деп кейіптейді. Бұл қазаққа кейіннен сіңіп алған мінез. Баланың әкесі қойған аты өзгеріп кеткені сол себепті, көнбістік, еті өлгендік. Отарлық езгі мен сана сансырауының, әбілеттей басқан мәнгүрттік уыты.

Мәтіннің астарында адам тұлғасындағы Абориген, өмірі зия Абылуйген – көне дүниенің жұрнағы, жұқанасы, таусылып бітер сарқыншағы. Бәлкім, кіслік пен тектіліктің жанайқайы.

Құм мен адам. Құм сарыны әлемдік әдебиетте көнеден, қасиетті кітаптардан бастау алады. Құм философиясы Дүкенбай Досжанның «Өмір арбасы» атты шежірелік сипаттағы жанды

әңгімесінде бар: «Адамдар, сірә, құмға түскен із бе екен?..». Немесе ол «Шырақшы» атты әңгімесінде: «Қайда қарасаң да ордалы жыландаій белдеулене, иретіліп жатқан ұлы құм. Жетім ауыл бейне бүріскең көжек» деп суреттеу арқылы қазақта төнген экологиялық апаттың аранын айтады.

Абориген қойшының жасы – 37-де, мүшел жас, демек бір қатерді автор андатады. Абылайгеннің тіршілік тауқыметіне әбден көнген, көнтері, запы болған қалыбына нальмау мүмкін емес. Адам жаратыла береді екен, оның тірі өліктен аумай қалатын кездері бар.

Қойшының ми айналма қасіретті тірлігі: «Жүре-жүре, жылжи-жылжи түс әлетінде ұлы өзеннің қансып қалған көне арнасына келіп құлады». «Баяғы жағаны теуіп, шымырлап ағып жатқан көк найқанның қазіргі сүрқы осы. Көз жасындағанғана бірдеме».

Сусыздық, сусау – бұл шығарманың басты идеясы. Судың зары болатын себебі, жер-судың, экологияның құруы. Бұл хикаятың астарында бір ұлттың тағдырына байланған. Жердің түгі тозып қансу емес, мейірімге қоса сусау.

Құм басқан меніреу дүние. Расында ұлы шөлдер бір кезде жайқалған бау-бақшалы, сулы-нулы, бай өлкे деседі. Жұмақтан тозаққа айналдырған адамзаттың өмір салты, ешкі баққан халықтар тірлігі, мындаған ұсақ малдың тал-бұтаға шейін жалмаған жемірлігі деген жанды сез тағы бар. Христиандықта текені сондықтан сайтанның символы санайтын көрінеді. Құмда жүрген, ку медиенде бейнетті тіршілік кешкен әлгі Аборигеннің, жалғыздың мұраты – ұлы өзеннің қайта өз арнасында аққанын көрү.

Оны бұл ит байласа тұрғысыз мекенге байладап қойған – әке өсінеті. «Корқыт атаниң моласы тұрушы еді, өзен тасып, жарды жеп моланы көз алдымызда құлатуға айналды... қабірді әне көшіреміз, міне көшіреміз деп жүргенде уақыт өте берді.... кол тимеді... Корқыт атаниң моласы бір тунде жым-жылас жоғалды... Әлі күнге күйші бабаның сүйегін көшіре алмадым-ау деп өкініштен өзегім өртенеді... арманымның ең үлкені сол еді!..арманда кетіп барамын!...».

Корқыт мотивы шығармада тегін тұрған жоқ. Өмір мен өлім – егіз, өмір соны – ажал, ал Аборигеннің тірідей көрген күні өлімге тең. Аузына құм құйылу бір шеті өлім ғой, құса сезін тыңдар құлақ жоқ, ол сол өлімді тірідей көрді. Ешкім

шыдамайтын ауыр тағдыр. Әкесінің тілегі неткен керім, ұлы дарияны аңсап барып үзілді.

Су – тіршілік көзі, жазушы сол поэтиканы беру үшін жанын салады: өгіз өкірген – судың тасуы. Осы тұс маған әңгіме ішіндегі әңгіме, өз алдына бір патшалықтай сезілді.

Құм неге адамзат үшін жұмбак?! Шөл халықтары неге жайлыш жер іздең сығанша ауып кетпейді?

Түркмен классик ақыны Сеидидің «Шөл» атты өлеңінде құмның қасиеті айқын:

Говорит Сеиди: в душу целишь ты,
Зверобоя на гон приневолишь ты,
И пастущий народ всем наделишь ты.
Щедры дары твои, славны и благи, пустыня!
(Аударма: Н.Вольпин).

Аманхан Әлім «Тағы да құм туралы» атты өлеңінде «Қызыр құмым» деп атайды; түркмен мен қазақ, Қарақұм мен Қызылқұмды қатар жайлаган ежелгі екі тайпаның перzentтік сүйіспеншілігі.

Еңіс шолып, қыр кезген,
Сері самал еспеді.
Есенсің бе, тіл-көзден,
Қызыр құмым көшпелі.

Жанарымды жасқайды,
Алмас құмым жарқылы.

Абылуйгеннің құмның тасбақасымен тілдесуі арқылы советтік кезеңдегі қыр қазағының тұрмысы ашылады. Сол кездіңшенеуніктері өз қарабасынан аспайды. Әлі күнге мұнда «Пара наркомнан да пәрменді». Онғарбай, Мамырайхан совет кезеңінің былықтарын, қыр тұрмысын менгерген пысықтар. Олар елді, қойшыларды алдаң күн көреді. Облыс бастығының, «Бастықтың кербез сұлу келіншегі сұт-май зауытынан бір фляг сұт алғызып, астауға құйып шомылып, сол акты қайыра ыдыска құйып балабақшага жібереді екен деген қанқу сөз көтерілген». Осындағ қанқу-қауесеттер бұрындар Қазақстанның әр өнірінен естілгені рас. Кепиет атқан надандық, мейманасы асқан кесірліктің сорын арқалайтын караша халықтың есепсіз есіл еңбегі. Оның тубі сұрауы болмай ма?!

Хикаятың тілі өте көркем. Автор магиялық реализмге жи-

жүгінеді. Құм стихиясын автор ғылыми тұрғыдан білетіні анық. Оның «Жаңақорғанның тарихы» атты мақаласындағы Құмкент анықтауышы айғақ.

«Біздің қазақ жер қадірін білген бе, қайда көрсөн көр бейнеттің соңында, ыстық желі азынаған шөл ішінде, алтап құннің астында, мал соңында қаталап жүргені», – бұл «Сыпа» атты әңгімесіндегі қазақтың марқасқа жазушысы Ғабиден Мұстафин жас Дүкенбайға айтқан сөзі. Бұл лейтмотивті тарихи туындыларында жазушы мистикалық сарынмен беруге шебер.

Құм өсімдіктерінің өзі: «Сексеуіл бұтасы, жантак шөңгесі, көкемарал уы» – бас кейіпкердің қайғысын жамай түседі. Құм мінезі адам тәрізді. Малды құм көшкіні басып қалады. Абориген ауырып қалғанда «Құм иесі өзім боламын» деп сандырақтайды. Осы мезетте бас кейіпкердің сипатына мифологиялық образ қабыса кетпегі рас. Құмның құллі бейнетін отар қойымен арқалаған Аборигенің бұлай деуге әбден қисыны бар. Ол да бір бойына сеніп жылдан құр қалған керім жануар түйе тәрізді, «арқалағаны алтын, жегені тікен». Тіршіліктің құмдағы адамдарды тұсаулы атша тұсайтыны сонша, Аборигенге төбeden «тандыр ай» көрінеді. Бір үзім нанға бола бейнеті зор адамзат өкілі.

Қой сонынан ерген жалғыз, жанкешті қазақтың жан төзгісіз ауыр азабы, тозақтан бетер соры Тобық Жармағамбетовтың «Отамалы», «Дүкенбай Досжановтың «Абориген», Жұмабай Шаштайұлының «Қызыл қар» атты повестерінде ерекше гуманистік сарында берілуімен ортак. Бір-біріне ұқсамайтын үш шығарманы ортақтастыратын бір сарын – қазақ баласының Шопан ата тулігі қой жануарына деген ерен мейірімі. Бұл үш көркем шығарманың құнын биіктететін сарын.

Ал Аборигенді емханаға іздел қеліп, жарылқап кететін өзі сияқты бейнеті зор Қалтақ қойшы. Оның портретінде қазақтың жұқара бастаған тектілігі, риясыз бауырмалдығы бар.

Құм далада құдық қазу – әңгімегі ұлы сарын. Абориген сусы сарқылмайтын бір құдыққа зәру. Жадқа Әбіш Кекілбаевтың «Шыңырау» атты астарлы повесі оралады.

Абориген – автордың түпкі ойы бойынша қазақ бейнесі. «Көз» атты әңгімесінде кайталанар идеясы – Асанқайғы зары – «Қазақ қайтіп күн көрер!». Іздеген жердүйігі уақыт

озған сайын құрып барады. Жерге иелік жасайтын үрпақта әл-қуат, билік жоқ. Жазушының Араптың жоқтауы кейде қарғыс түрінде шер болып шығады: «Араптың құртқан аяушылығы жоқ кесапат кісілер, олар әлі көрінде жатып өкіреді!...». Арап комитетінің төрағасы мен Аборигеннің Араптың жоқтап көрісүі сенімді деталь. Ал «Шырақшы» атты әңгімесінде – Арап теңізі аспанға ұшып жоғалады. Ол бұл сұлбасында Дайрабай есімді шалдың көкейінде көлбендейді.

Жаңы қатты қиналған Аборигенге құдықты археолог-ғалым Байпақ қазуға жердем береді. Оның есімі ескі қазақта тән Байпақ болуында үлкен астар бар, қазіргі заманғы ат болса, ол өлеусіреген байғұс қойшының зарын құлағына ілмес пе еді?! Сол байырғы ұлттық есімі археологияның ғалым емес, зәлім болудан сақтап тұр. Оның асыл жады мықты. Соның үшін ол өткенді тірілтуге пейілді. Казына іздеудің сырты қазақты тану, бірақ көп ұзамай жоғарғы жақ бұл руханият жоғын іздеген ігі істі жауып тастайды, біреулерге тарихты аршу ұнамайды.

Құдық қазудың қыр-сырын дала қазағының ұлы ұмытпаған екен. Теренге түсіп, құм қазған жас жігіттің бірі «баяғы құдықшы әкелеріміз жарлауыт қабак қайта құламауы үшін құдық ішін сексеулмен шегендереп, бекітіп отырған» деп жөн нұсқайды.

Абориген – жиынтық бейне. Оның болмысында көптеген әлемдік тұлғалардың нышаны бар болуы соны анғартады. Ол біресе Қорқыт бабаға ұқсан кетеді. Өзі емханадан құр сүлдері оралғанда, әйелі балаларын алып, кетіп қалыпты. Ол күніреніп қобыз шалды. Қозаңғы Қорқыт баба елестейді. Сосын оған қайта құруда өз қамы үшін вертолетпен жеткен Мамырайхан бір шұңқырга құлап қалғанда тегін айтпайды: «Манаидың бәріне көр қазып қойғаныңды қайдан білейін». Қорқыт көрі тұспалы.

Қорқыт сарыны жазушыға қазақтың ұлттық өйлау жүйесінә тән табиғи тетіктің бұзылғанын аңдату үшін керек. «Бар пәле пейілдің тарылып, күлқынның құлы болып кеткеннен. Апат сырттан келген жоқ, іштерінен шықты». Моласын су ағызып кеткен Қорқыт бабаның аруағы рухы жасыған қойшымен тілдеседі. Қазакы түсінікке сай жазушы ие, кие, аруақ, рух категорияларын тегіс, мистиканы қолдануы

занды құбылыс.

«..ел шетінде, мола ішінде мына койшыны жын иектеген. Безгегі ұстаған адамдай қалышылдауы жаман. Жас кезінде қой шетінде жайылған қотыр ешкідей қояншық еді, меніреу өлке, мал сонында бұрынғыдан бетер делқұлы болыпты. Мынадай тұзды су ішіп, анадай азынаған аш малмен алысқан бейбакта қашшалық ми қалды дейсің» – бұл тағы ұпайы түгел түрпайы Мамырайханның ойы.

Іле қойши образы Ф.М.Достоевскийдің кейіпкерлеріне ұқсан кетеді, солар тәрізді безгегі ұстап қалышылдайды. Негізі Достоевскийде қалтырамай, алқымынан өксік кернеп, буынбай жүретін бас кейіпкер жоқтың қасы, неврастениялық сипаттар оның тіпті ең момақан көрінетін князь Мышикин бейнесінде бар. Ал князь Мышикин орыстың рухы өлмейтін ұлы жазушысында Иисус Христостың ипастасы екенін ұғура әбден болады.

Расында археолог Байпактың санасы арқылы тәмсілдейтін «Евангелие от Матвея» – «Матай жазған ізгі хабар», Жана Өсиеттің бір үзігін Дүкенбай Досжан қазакы болмысқа қысындағы кіріктіріп, тегін фрагмент қылыш салып отырган жоқ. Христиандық тәмсілді қазақ әлеміне әкеп оның сыналай салғанын әркім әрқалай қабылдауы даусыз. Байзак есімді европаша оқыған, жаны боқ дүниеге былғанбаған таза кейіпкері арқылы, соның көзімен жазушы Абылуйгенді Иисус Христосқа балайды. Әсіресе, мұсылман қауымы Иса пайғамбар атайтын, христан қауымы «Құдай ұлы» санайтын Иисус Христостың «Жаратқан ие! Жаратқан ие! Мені неге жалғыз тастап кеттің?» дейтін зар тұсын Аборигеннің малы бір тамшы суға қанбай қырыла жаздал торығатын азапкер тұсында бере алғаны бір шеті жазушылық батылдық деуге болар.

Алып империя Совет Одағы іргесі шайқалар тұста Михаил Булгаковтың «Шебер мен Маргарита», Шынғыс Айтматовтың «Жанпида» атты әйгілі романдары оқырманға сусатып жеткенінің әсері мұнда тимей қалмағаны анық. Неліктен қазақ жазушысы христиандық символдың жалына жармасы деп кінә тағатындар табылар. Бұл расында психологиялық жағынан ақталып тұр. Байпакорысша оқыған. Ол өздері арнағы экспедицияға байырғы тарихи жәдігер – Жент шаһарының орны қала қазуды дөғарып, қол астындағы

ғылыми топқа Абориген қойшының шөл қаталатқан отарына құдық қазуды бұйырды. Адамзаттың күнәсін арқалап, құрбандыққа шалынған Иисусстың шеккен азабын жаңы аши қабылдау арқылы ол Аборигенді қабылдайды. Адамшылық, ар-иман, сенім пайғамбарлықтың, ұлы азапкерліктің табиғатын түсінгенде барып адамға дариды екен. Бұл ретте Дүкенбай Досжанды бөтөн діннің бақшасынан жеміс үзді деп айыптай алмайсыз. Адамзатта күн мен ай, жер ортақ, адамшылық қағида ортақ, әлемдік діндердің тегі ортақ.

Көне тарихты Дүкенбай Досжан ерекше сүйеді, қастерлейді, өйткені өзі айтады: «...жазылып бітпес әңгімесі бар кер дала», яғни туған жердің әр тасына, бояу-өрнегіне деген перзенттік әрі суреткерлік сүйіспеншілік эпикалық сарындарға тартады. «Қайрауық күйші» атты көркемдігі келіскең әңгіме сол эпикалық баянның бір үзігі. Қазақ әдебиетінде өнер падишаһтарын, өнер киенің өзін сүйіп суреттеу Илиястың «Құлагерінен» бастау алған. Әңгімеде аты анызға айналып, тарих сахнасынан өшкен, бірақ рух пен санада өшпес Отырада күй тарткан Қайрауық күйшінің алты саусақты болмағы мистикалық күшті әспеттеу, өнер құдіретіне тән қысыннан тыс құпияны андау болып табылады. Образға жан осылай бітері анық, проза нақты детальды сүйеді. Қайрауық күйші алты саусақты ғана емес, алты домбыралы, ол бес домбыраны жеңіп алған, былайғы жүрттың көзіне бұл-дағы өнер иелерін шалық шалған, ауыскан деп қабылдайтын ұғымға дөп. Отырада әміршісі керуенге ілесіп кеткен күйшіні артынан қуғыншы жіберіп алдырыды. Бағзы Дешті-қыпшақ даласы, Отырада өнердің бағы жанған, жазушының айтпағы осы.

Жазушы «Мағжанды елтіргендер» атты әңгімесінде қасдарын мен халтурщиктің ымыраға көнбейтін мәңгілік қайшылығын жазады. Қас дарынды талантсыздар тезірек құрбан қылуға шын ықыласты. Бұл трагедиялық сарын оның «Көз» атты әңгімесінде астыртын түр, өкімет орнаған жылдары шаш ал десе бас алған белсенді, момын халықты қан қақсатқан Қараногай Шәкерім ақынды атқан тағы бір жендетті еске түсіреді.

«Сыпа» атты әңгімесі нағыз портреттік проза, көркем дәрежеге жеткен, байсалды, қазақтың тамаша жазушысы Габиден Мұстафин ақсақалдың бейнесі боямасыз, қоспасыз

берілуімен артық. Сондай-ақ, жазушының бір табысы әнгіме жанрында ақсақал жазушымен қатар өз автопортретін бере алғандығы. Бұл құптарлық тәсіл.

Сонымен қатар «Дон Кихот» атты әнгімесінде шығармашылық әлеміне жазушының жыл құсындағы қайырыла орала беруі бұл сарыннан әсте шығуды қаламайтынын анғартады. Ол әдебиеттің жегі құртындағы, өзара бақ таласқан ақын-жазушы қауымның басынан кетпес плагиаттық идеясының формасын сарказм мен гротеск арқылы әдемі тапқан. Біреудің интеллектуальдық еңбегін мұнда біреу иемдене береді. Шынды өтірік женеді. Бірақ әнгімде бұл дерек біргүрлі сенімсіздеу шығып, түбірінен ақталмай тұрғаны анық. Шынтуайтында, жазушы қауым бір-біріне жиендікті көп қылышады. Қызық болғанда, плагиаттыққа ұшыраған автор ол туралы жұмған аузын ашуға тағы болмайды. Жок іздеймін деп журіп, пәлеге өзің тұтыласың, ейтсең, басың кетеді, әдебиет қып-қызыл дау алаңына айналып қор қылады.

«— Қарсылас, бақталас жазғыштардан күтілмадым, еңбегімді көлденең кек атты пайдаланып кетті, қашан кітап болып шығары белгісіз» деп басталатын тұс монолог, бірақ оның диалог күйінде берілу тәсілі дұрыс. Бұл әділетсіздіктен күйінген қалам ұстағанның өзегін өртеген наласы. Иштей арпалыс, ыза-шері бағзыда сүйегі курап қалған Сервантестің әйгілі кейіпкері Дон Кихоттың елесі кейінде танылып тұрғаны мейлінше ұтымды. Неге Дон Кихот?! Дүниежүзілік әдебиетте тұспал қылуға татитын өлмес кейіпкер аз емес. Автор оны текке тандамайды. Асылында жер беті Дон Кихот тәрізді рухани тазалықтың бірен-саран қалдығы және оны қор, оның қасында өздерін зор санайтын Қарынбайлардың, Гогольдік тоғышар кейіпкерлер галереясындағы тамырын балталасаң өмірден арылмайтын надандардың мәнгілік ымырасыз қайшылық, текетірес, араздығынан тұрады екен. Арман-қиял, рухты, көкті аңсау қарынбайлыққа қол емес. Абайдың «Мыңмен жалғыз алыстым» деуі соның зары. Адамдар өздерінің құдай жаратқан асқақ тегін мұлдем ұмытуға бар. Жамандық иектесе, жындардың жетегінде кете беруге бақұл. Дон Кихоттың құдай жаратқан сұлу жанның санада өшпес жанғырығы.

Ал жазушылықтағы бақталастықта әдебиеттен тыскары

адамдар айтса сенбес күншілдік дертіне әсте ем қонбайды. Жазушылар бұл ретте бір-бір жекедара мемлекет тәрізді, олар бір-бірін күйрету, үлкен әдебиеттен аластату, жолын киу үшін бірінің лагеріне бірі тыңшы, арандатушы, күйретуші күш жіберуге дейін барады. Сол арқылы бұлдіргі салады. Жасынша жарқ етіп, артынша жанбай жатып сөнетін небір қас талант сондай астыртын зұлымдықтың құрбаны болуы әбден мүмкін. Күншілдік, бақталастық дерттің психологиялық түп-тұқиянын арнайы зерттесе, екінші Фрейд табылар ма еді?

Шығармашылықта жас пен уақыт категориясы атымен жоқ. Талант басты өлшем, ол иерархияға бағынбайды.

«Құм кітабы» атты жинаққа енген әңгімелерден «Улкендер мен кішілер» атты әңгіме ерекше ұнады. Стилі жағынан европалық прозаны еске салды. Үйірінен айрылған саяқтықтың мұн-зары көркем берілгенімен барады.

Қазақ ауылына колхоздасу жылдарында Бұқардан келіп бір ғұлама сіңген. Сонында ерткен екі баласы бар деп ойлайды анқау қазақ, сойтсе, олар ерлі-зайыпты ергежейлілер екен. Ягумыс – сол екеуінің жетім ұлы, кіп-кішкентай жалғыз, қазақ ауылында еседі. Аса бір шет қақпай көрмейді. Алайда жаратылышы өзге болу онай емес. Ол трагедия. «Өз үйірінсіз, өз теңінсіз күні қараң. Ягумыс та ортасынан айрылған, өзін білмейтін, түсінбейтін, менсінбейтін үлкендер арасында қанғып жүрген жетім екен гой. Жарты дән екен гой» деп толғанады қасында жүрген, бірге өскен қазақ баласы Дарабай. Қаладан цирк келгенде есерсоқ Құмісбек оған «Әй, ішінде бөденедей келіншегі бар екен, құда түсіп алып қал!», – деп тегін мазақтамапты. Расымен әлгіндей өзіне ұқсаған жанды көріп ергежейлі жігіт қатты қайғырады. Өзінің арманы мен маҳаббатына жарық дүниеде жауап болмасын сезіп күйзелді. Әңгімеде бұл құса шынайы берілген.

P.S. 1983 жылы республикалық «Жалын» баспасының балалар әдебиетіне арналған жасбық бәйгесінде бақ сыйнат, бір құдайдың қолдауымен жолым болып, мен II орынды иелендім. Бәйге шартты бойынша, бұл конкурста базы жасын, бас жүзде алған шығармалар жеке кітап болып жасырға көруі тиіс.

Тырнақалды кітабым «Жетінші құрылышқа саяхат» деп аталды.

Мениң бала кітабымнан «Жалын» журналына 1984 жылы

үзінді жариялаган бас редактор қазақтың айтулы тұлғасы Мұхтар Шаханов, сол журналдың нұсқасына алғысөзді үлкен жазушылардан Дүкенбай Досжан жазды. Ол кісіден үдайы кітап қазынага ерен ықылас, сүйіспеншілікті көремін. Жазушылықты өмірлік мұраты еткен Дүкенбай аға кезінде жас толқын маган батасын шын пейілімен бергенін қазір үгеліп жүргін. Қазақтың «Баталы құл арымас» деген ұлы дуниетанымын ештеме алмастыра алмайды. Өзіме жол басында ақ жол тілеп, батасын берген жсанашыр агалардың үміт-сенімі алдамағанына қазіргі әдеби процесс күд. Сондықтан Дүкенбай ағага ризашылығым шынайы. Кітап қазынаның жоғалмасын!

8.04. 2012. – 13.07.2012. / 19.07.2012. – 23.07.2012.

ОРАЛХАН БӨКЕЕВ ӘҢГІМЕ ЖАНРЫНДА

80 жылдардың басында әдебиет сүйер жас қауымның пір тұтқан шын сүйікті жазушысы Оралхан Бекеев еді. Араға жиырма жыл салып Оралхан прозасын қайта оқығанда жазушы тұлғасы уақыттың тезінен еш ұтылмағанын, ескірмегенін аңдаудың еш киындығы жок. Оның «Ауыл хикаялары» деп аталатын әңгімелер топтамасы өмірдің өзінен бұзбай алынған мөлтектігімен, жан тазалығымен, шындыққа қылдай қиянаты жок әділдігімен оқырманын баурап алады. Оралхан, сөз жок, романтик суреткер, бірақ оның өмірге сүйіспеншіліктен өрілетін тұнғызық романтизмі реализмге қиғаш келмейтін тектілігімен қымбат, қызыл сөздің шылауында адасып лағып кетуден аулақ мағыналығымен құнды.

Оралханның прозасының бағыты реалистік болғандықтан тіптен бұл шағын әңгімелерді очерк деуге болар ма еді, рұқсат етпейді. Орыс әдебиетінің классикалық үлгілері И.С. Тургенев, А.П. Чехов, И.А. Бунин прозасындағы қысқа жанрдағы дәстүрден бастау алып, төл әдебиетіміздегі Бейімбет Майлин, Фабит Мұсірепов сынды үлкен жазушылардың шығармашылығында дамып жетілген көркемдік тәсіл Оралхан Бекеев прозасында көрініс табуы тегін болмаса керек. XX ғасырдың екінші жартысындағы орыс әдебиетінен Оралханды өзінің жерлесі, Аотайдың

арғы жағында, туған Катон-Қарағайына қол созым жер тиіп тұрған жерде туып-өсken Василий Шукшиннің деревнялық прозасымен тамырлас, өзектес, рухани туыс деу артықшылық етпейді. Тағы бір тамаша орыс жазушысы Юрий Казаков тәрізді осынау екі жазушы қарапайым жандардың адамшылықта толы ұмтылымас бейнелерін сомдады, бұл үшеуінің де кейіпкерлері жан тазалығымен, өркениеттің тасжүрек есепкөй қыспагына қоңбекен табиғи жаратылысқа адалдығымен ерекшеленер еді.

«Ауыл хикаяларының» негізгі қозғаушы күші жарқын құлқі, қедімгі өмірсүйгіш, жарасымды құлқі. Жазушы қаламының жұмсақтығына, шеберлігіне жан сүйінеді, тіпті, бір қарағанда, өкініш күштірек, құлқіге татымайтын оқиғаны юмордың жасампаз, саф таза керуен сарайына айналдырып дөнгелентіп жібереді. Өйткені автордың адам баласына деген мейірі артық, ол адам баласын ең жаман әлсіздігі мен қыдығы үшін де ақтап алғысы келеді. Әдетте бұл қасиет үлкен суреткерлерге тән қасиет, адам баласына деген айрықша мейірім шығармашылықтың негізі болса керек.

Осы әңгімелердің басында тұрған «Көк тайынша» атты дүниесі қазақ әдебиетінде еліктеу мен қайталауды сөзсіз тудырмай қалмаған аса тұщымды, тамаша әңгіме.

Әңгіме жанры бір ғана көңіл-күйдің, эмоцияның, бір идеяның жемісі. «Көк тайыншада» ұлттық мінез, психология, салт-сана жарқырап көрінуімен тәнті етеді. Оралханнан кейде бір қос мәнді, астары терен сөйлемдер ұшырасатыны қызық: «Осы шакта қаладағы қаламдастарымның әліне қарамай қолымды мыжғылайтыны есіме түсті» («Маңдайдан бағың шайқалса»). Бұны тұра мағынасында болмаса құпия мағынасында қабылдасаңыз де ерік өзінізде. Оралхан – жазушы. Жазушыға тап осы бір өзін зор тұту мінезі ана сүтімен берілмесе ол қалам ұстап тумаған да болар еді-ау. Яғни, өзімшілдік пен менмендіктің творчествоға тигизетін еш зияны жоқ: сірә, жазуға, сомдауға келгенде бұл қасиетте обал, сауап деген атымен болмайды. Немесе «Көк тас көк тайыншаның қанына былғанған. Көзі алайып, күзгі ашық аспанға тесіле қарап кесілген бас, серейіп төрт сирақ жатыр». Бұл сөйлемді тұтасымен траги-комедиялық сарында десек кателеспейміз. Бұзаулы сиыр болып, сұтке карқ қылады, тұқымы асыл деп мәз болып жүрген жас тайыншаны күтпеген

жерден ұрықары ұрлап сойып алғаны, тіпті «бастаудың сүйін ластап, ішек-қарнына дейін аршып» өкеткен басынған қылғыы иесінің қабыргасына қатты батады. Әңгімегең санаулы кейіпкердің барлығы да өзіне лайық емес бір ауыз сөз айтпайды, жасандылық, сөз ойнату, жалған эпизод мұнда ырымға жоқ. Ең тамашасы, осы әңгімегең жоғалған малды жеті ай іздегендеге бар бітірген шаруасы шалдын үйіне кеп ет жеп, шай ішіп, үй иелерін тергеп аттанумен шектелетін аудандық милиционер де, кемпір мен шал да қыл ағы әлгі тайыншаны өз құдасынан ұрлап жеген құда бейнесі де кеңпейіл, бауырмал, адамшылық қалыптарынан асатын сұмдыққа жоқ адамдар.

Жазушы өмірдің тап сондай ақжарқын келбетін сүйіп ұнатып, соны қызықтайтынын жасырмайтын тәрізді. Тегінде Оралханның қаламы суреттесе кәдімгі картоп жеудің өзі таңғажайып картинаға, Балтзак әлемге мойындаған адамдық комедияға айналып кете береді. Мысалы, «Иған» аталатын әңгімесінде бір көрінгенде осы бір күлкіге лайық картоп жеу эпизодының астарында орасан зор трагедия тұнып жатыр. Мұндағы Иған, палуан деген әншіейін аты, өзі өлмеген құл демесең барып тұрған шірік, нашар адам. Ол да бір Қарабай, Қарынбайлардың сарқыты сияқтанады, бірақ ол сараңдықтың кесірінен емес, алып денесін жындей жайлаган жалқаулығынан кедейшілікке бала-шағасын қамап, мұсәпір еткен жан. Мұндай маскара еріншектікті құдай ешкімнің басына бермесін деңіз.

Ал «Бес тын» атты әңгімесіндегі бас кейіпкер Гогольдің шинелінен шығып, Чеховтың «Құндақтаулы адам» атты әңгімесіне рухани туыс, жамағайын десе де болады, яғни әдебиеттегі «қішкентай адам» такырыбын қамтиды. Сонда Оралханның шағын әңгімелеріндегі әрбір кейіпкер бір-біріне мұлде ұқсамайды, әрқайсысы бір тәбе, дара. Оның «Кияли» атты әңгімесіндегі кейіпкери Саршатамыз деген жас жігіт әу баста орыс ертегісіндегі әлгі Иванушка нақұрыс атты жолы болғыш персонажға ұқсайтын сияқтанғанмен, ол да жалқау Иған тәрізді тубі опық жегізетін бос белбеу, кешелеу екені ашылып қалады. Ел болған соң кездесе беретін жан, сондықтан да жазушы оны дәріптеуден, өсірелеуден аулақ.

Ауыл хикаяларының тағы бір кереметі, бұл жазушының өзі туралы да дүние, өмірбаяндық прозаның элементтері көп,

кей тұсы күнделік беттеріне ұқсап кетеді. Оралхан Бекеевтің туған жеріндегі бастаң кешкен кейбір жайтарынан бұл әңгімелер үлкен мәлімет береді, мұндағы тірі адамдардың галареясы жазушының өзімен қоян-қолтық араласқан, сырағы, ағайын туыс жандар, балалық шактың суреттері де үзік-үзік жарқырайды.

Сонда қазақ прозасындағы эссе тәрізді прозаның Оралхан қаламына да тиесілі болғанын аңдаймыз. «Апамның астауы» – көркемдігі ерен күшті әнгіме, бұл жазушының балалық шағының суреті. Осындағы апасы, ана бейнесі эпосқа тән телегей-теніз ішкі қуатымен, таңғажайып штрихтарымен қайран қалдыратын образ. Мұхтар Әуезовтің «Көксерек» атты классикалық әңгімесінде Құрмаш ауылға бөлтірікті алып келген күні апасының қасына жатпай, бөлек шығып кетуші еді ғой. Мына әнгімеде соған ұқсас эпизод бар. Ол енді жазушының өз хикаясы мен адамға тән қызғаншақ мінезі, балалығын жасырмай, боямасыз әшкерелеуімен күшті эпизод. Әпкесі қүйеуге қашып кеткен соң, құдалар жағы «апама торқадан көйлек кигізіп, менің қолыма он сом ақша ұстартты. Мен мәз болдым. Өзім-өз болып қолыма ақша тигені сол еді, ышқырымдағы асық салатын қалтаға жымқырып жүгіртпі жібердім де, үйге апамды тастап жаяу қашып кеттім. Апам кештетіп өзі келді. Сол күні түнде мен апамнан мүлде бөлініп шығып, қойнына жатпай, шалбарымды жамбасыма басып жеке ұйықтадым. Ондағы жымсыма ойым – апам құдалар берген он сом ақшаны сұрап алып қояды деген қауіп. Сонда маған «Әпкенді үйге қайтарамыз, он сом ақшаны бер» десе, азар да безер қарсы болар едім-ау; сонда мені әпкемді он сомға сатып жібергендей едім». Он бес жасар, жасөспірім баланың шынайылығында қылдай дақ жоқ. М.Ю. Лермонтовтың «Біздің заманымыздың кейіпкері» атты әйгілі романында да жасөспірім бала Азамат апасы Бэланы бір арғымаққа бола сатып жіберуши еді ғой. Сонда бұл эпизодтан ешқашан өзгермейтін адамның психологиясын тану қынға сокпайды. Әрі бұл өзі әлеуметтік ахуалды да әйгілейтін, ел тұрмысының әшкерелеуге татитын деталь.

Осы циклдағы Оралханның хайуанат туралы жазылған қос әңгімесінің де негізгі тақырыбы, басты идеясы – жалғызыдық. Бұл енді жас Оралханның басына туспеген, уақыт есейткенде жанын күйзелткен сезім. Сол ауыр

сезім жалғыздықты жазушы ерен поэтикалық сарынмен бере білгені жан тебірентеді. Асылы мұндағы жалғыздық суреткерліктің табиғатына келіп тірелсе керек. «Кербұғы» – символ. Бұл әңгімede аң дүниесі мен адам дүниесі жер мен көктей астасып, тұтасып кетеді. Кербұғы – өлімнің ақының шыңына мойынсұну, өмірді қимастықты қиянатқа қимау; өмірді сую өлімді мойындауға барып тірелетін қорқытшылдық идеяның мәнгілігі шығар. Өдебиетте аң бейнесін сомдау барлық жазушылардың асыл арманы, бірақ оны ұғыну онай емес аң бейнесін ашу тіптен қызын, хайуанаттар әлемінің өз философиясы мен таным-зerdeсі өткізбейтін асу тәрізді. Дүниежүзілік әдебиетте осы асудан өткен жазушылар нағыз суреткерлер. Оралхан Кербұғысына тіршілік философиясын салып жіберуге жаңы құмартып, сол сүйіспеншілігінің арынан баса алмай алқынатынын оқырман жүргегі сезбей және қалмайды. Кербұғы – дүниедегі ең асыл қазына аң баласы үшін бостандық, еркіндік болса, автор сол бостандықтың да шектеулі, әншейін ашкөздіктің құрбандығына шалына беруге үкім етілген жалғандығына шағыннады. Маралдардың мүйізін отап, қан қылып кесіп алатын адамдардың қылығы бұл әңгімede астары терең символға ұласар еді. Сол «Кербұғыдағы» қат-қабат астарды адамзат қоғамына да телісे болады. Сонда ойлайсың, осы адам баласы қашан шын азат күйін бастан кешеді деп. Осы әңгімегі маралдарды қоршау, Кербұғының қоршауды бұзып, қарғып өтіп өлім табуы – ол нендей қоршау, жазушы онымен не айтқысы келеді? Осы әңгіме қоғамдық, әлеуметтік өмірге наразылық емес деп толық илана алар ма едік.

«Кербұғы» мен «Бура» өзегі бір, рухтас әңгімелер, олар бір-бірімен наурызға дейінгі тоң астындағы тамырдай байланысып жатыр. Ол асылдықтың жалғыздығы, асыл ердің жалғыздығы, келер ұрпақтың азғындауы мүмкін бе деген қауіп, дүниенің жалғандығы, тегінде қас жақсының жалғыздығы болып сынсып тұрады, сынсығанда күзгі жел өтіндегі Алтайдың қалың орманындағы қалың мұн жамылып бақылдасатындағы ма қалай. Бураның басындағы тіршіліктің лаңы ұлттық бейнеге ұласып кетердей қазақтың жүргегін қарибы: «Қазақбай ауылының ең соңғы түйесі осылайша ит жемі болып қазаға ұшыраған». Бура поездға соғылып өлді, өйткені Кербұғы тәрізді нәпсінің іірімі де мұнда

түпсіз тақырып. Мал ырсы болған қазақ даласын енді көк темірдің уыты басқан, ол көкке полигон болып зәр шашып, өлім бүркөр еді. Өркениет көш ілгері озғаны қазақ даласына теміржолдың табаны болып келіп, от арба – поездың дүрсіліне айналған, оны әу баста көшпенді нәсіл сайтан арба деп неге атады дейсіз, ол өзінің өмір салты бұзыларын сезген соң айтқан. «Қамшыгер» атты әңгімесіндегі қазакы тіршіліктің де еш жақсылығы жоқ, бірақ онда шынайы азаттық, құстай еркіндік бар сияқты.

Оралханның прозасы өзінің терен өміршебдігімен құнды. Ол – өз оқырманын ешқашан жоғалтып алмайтын шын бакытты жазушы. Әдебиет үшін бұдан артық идеал болмаса керек.

ОРАЛХАН БӨКЕЙ. «АРДАҚ».

Қазақ өз дние танымында әлпештеуді, әсіре бөлектеуді, қастерлеуді сүйеді. Оралхан Бекеевтің мен үшін «Ер Төстіктегі» серіз апасының сырғасынан бір бөлек ілінген Кенжекей қыздың күміс сырғасындағай айрықша көркем һәм жұмбак сезілетін бір әңгімесі бар. Ол – «Ардақ». Жазушының жүргегі мен түйсігі, арман-қиял, азап-мұқтажымен қоса көріпкелдігі қат-қабат қызылықан, таңғажайып құпия сыр тұнған «Арадқ» бұл. Мұндағы адам сүйгіш рухтың саф тазалығы сонша, мазмұнды астар орап алады, сонда фбула екінші кезекке ысырылып, символ, яғни тұспал тұтастай алдыңғы қатарға шығады, ерекше қуатқа айналады. Проза үшін тұспал мен астардың маңызын айтуға тіл керек, ол тағы осал болмас. Ишара күн мен тұнді қатар орайтын құдірет тәрізді, өйткені тұн дегеніміздің өзі де құннің бөгде бір атауы, Құннің бір құбылуы, жердің айналуы ғой. Мұны XX ғасырда Хемингуэй айсбергке, мұзтауға теңеген, әдебиеттің тиғиғының тікінгенде емес, сүйсінгенде айтқаны.

Қазақ прозасында жарық дүние алғаш жаралған есте жоқ ескі замандардан бұрынғы адамзат әфсаналарының құдіретін бойына сіңірген әңгіме бұл. Мұны ең алдымен әңгімегегі табиғи жабайы стихиялық қуат айғақтайды. Ол жазушының жан дүниесін бұза жарып, ғадеттегі шектен шықпайтын көнбіс ұғымдарды, жаңқа құрлы көрмейтін

алапат тасқындай шайып, ағызып әкетеді. Ең кереметі, бұл рухани акталады. Япырмау, өмір өзі солай болса керек. Мұның түп негізі әңгімедегі мифологиялық сарындардың әсерінен екені хақ және бұл өзі тіршіліктің қарапайым бір қылғыны әсем поэтикаға айналдырып көркейтіп жіберген. Әдебиеттің бағы осылай көктейді, тек жазушы бөтне бақтың алmasына қызығыр ұрламаса болғаны. Бағбанның өз бағынан тиянақ тауып мәпелеуі – жазушының суреткерге айгалғаны. «Ардақ» бұл орайда, жазушының өз бағын өсірген ақ-адал дүниесі болуымен тәнті етеді.

Былай қараса, ерекшелігі жоқ оқшау әнтек оқиға сияқтанар еді.

«Ағайын жоқ нәрседен етер бұртын,
Оның да алған жоқ па құдай құлқын?
Бірлік жоқ, береке жоқ, шын пейіл жоқ...

Күш сынасқан күндеңстік бұзды-ау шырқын»

деп Абай атамыз тап басып күніренген заманның, «қазақтың бір-біріне қасқунем болмағының, бірінің тілеуін бірі тілдеспейтұғының...» (Абай «Қара сөз»: Үшінші сөз) неден болмағы туралы түйін сырттай қалыбы гана. «Битке өкпелеп тонынды отқа салма», «Бөлінгенді бөрі жейді» сынды ұлттық көзқарастардың қағидасы тәрізді көрінетіні бірақ алдамшы. Жазушының нақ осыны мақсат тұтпағаны оның интуициясының күштілігінен. Сондықтан әңгіменің өзегін араздық саяқ қылып, өз үйрінен адасқан адамның харекеті деп қабылдау таяздық болады. Өйткені ондағы замануи атрибуттарға көзі қаракты оқырман назары әсте байланып қалмайды. Шығарманың тасы емес, іші қазыналы болған соң солай. Расында мұндағы адасқанның айыбы мен тәубесі тағдырың жазуы емес, «онғақ өмірдің» (Оралханның өз сөзі) шынайы асқақ жаратылысындай құбылып сала беруімен, өзгеше ренге енуімен елітер еді, сөйтіп, оның тіпті айыбы да болмай қалады. Шынымен өмірді кім жоққа шығара алады?

Әуелі әңгіменің негізіне зер салайық. Ежелгі аныз – мифтерденбелгілі, керемет, таңқаларлық, әдettentys дүниеге келу көптеген мифологиялық персонаждарға тән қасиет. Космогониялық және теогониялық мифтердің баршасының дерлік сюжетіне тән әуелгі нәрсе – адам баласының туусы, нәрестенің жаралу сәті. Мифологиялық тақырып үшін

туудың маңызы мен мәніне сөз жетпейді. Көне әдебиет үлгілерінен әлімсактан белгілі, керемет, әдеттен тыс туудың толып жатқан түрлері бар. Мысалы, Афина әкесі Зевстің басынан, Афродита теңіз көбігінен туады. Огуз, Өгіз хан, Өгіз қаған жарық сәуледен жарапған, орыс жырларындағы Волхтың тууына да киял-тажайып элементтері арасады. Браhma алтын ұрық күйінде бастапқыда ертедегі ең алғашқы суда жузіп жүрген жұмыртқадан шығады. Әлем халықтарының рухани санасындағы кереметтің бірі осы, сірә, адамзат тегі қадімгі үйреншікті тууды қорашсынатын болу керек. Көптің бірі деген қарабайырлықтан қорғану ғана емес, жалпақ дүниенің нұр дидарын әспеттейтін мистикалық жұмбағына арбалу десе артығы жок.

Мына әнгімегегі мифтік тағы бір элемент – су. Су – космостың тәменгі бөлігі. Ол жаратылыстың ең негізгі стихиясы, әуелгі табиғат құбылысы әрі құллі жаны тіршіліктің негізгі күйі, жабайы хаостиң баламасы екені және мәлім. Құранда әр жанды нәрсе судан жаратылғаны айтылады. (21:30)

Сонымен бірге су құнарлықтың, бала бітудің және туудың тұспалы, ана құрсағы мен аясымен толық үндестік табады. Сөйтіп, су – архитип, негізгі бейне, ең алғашқы мұхит суында жердің жаралуында нұрлы дүниенің бастауы тұр. Әлемнің мифологиялық нұсқасында адамзат жермен, сумен байланысты екені хақ. Топан суы туралы аныз эсхатологиялық ақиқат, онда су дүниенің ақыры ғана емес, жаңа дүниенің басы да, себебі жер бәрібір суда жаралады.

Оралхан Бекеев прозасындағы мынау әуелгі қасиетті ұғымдарды – суда жаралу мен әдетте тыс тууды өзі де байыбына тереңдемей, о, онысы түйсік атты құдіреттің әсері, ал түйсік жазушылық жадының сиқыры, ия, расы сол, жазушылық интуициясы мендең таңдал алғаны шуббесіз. Жасандылықтың қас жауы да осы түйсік болса керек. Несі бар, шынында құдіретті таңдау бұл, әзелгі сарқылмас рухтың белгісі, шығармашылықтың құдайшыл жұмбағы.

Тегінде күн астындағы әлемде тұтас бір тайпа, патшалардың үрім-бұтағының өсу, өрбу тарихы тап сондай бір қысылтаяң, қиналысты, файыптан туулардан басталады. Саргон туралы шумер-аккад мифінде де тастанды баланы құдайдың құдіретімен таңғажайып құтқарып қалу бар.

Жас өседі, жарлы байиды, көркейеді, ерлейді, бір ұлыстың атасына айналады.

Ал баланың суда хаостан жаралуы ежелден философияның көкесі. «Ардақта» суда туған баланың өз анасының бойына бітуінің өзі мифологиялық сарынға ұқсап-ақ түр. Оралхан прозасындағы келесі бір қупия сәт – ол әлгі нәрестенің жаралу сәтіндегі беймәлім тазалық, бұзылғандық. Өйткені оның анасы Ардақ қызы күнә туралы дүниеауди түсініктен мұлдем ада. Ардақта өзге жұртқа тән есею қабілеті өзір оянбаған, ол өзінің балиғатқа толғанын сезінбейді. Тап осы тұста христиандық мифтердегі «непорочное зачатие», яғни баланың рухтан жаратылуы туралы әулие, пайғамбарларға бұйырған мифологиялық мотив бір жаль етіп, көкейге оралып, ізінше жоқ болады.

Сонымен қатар түркі халықтарының жер иесі деген мифтік ұғым күшті. Мұнда су әрі шексіз қасиетті ұғым, бірақ ол бейуакта қауіп-қатердің көзі, тілсіз жау. Су иесі Сұлейменнен қорғаныш сұрауға болады, алайда қарандыда су жағасына баруға болмайды, жын соғады. Алbastы – сумен байланысты мифтік персонаж. Авеста мен ведалық мифологияда «судың ұлы» деген ұғымға ие «Апам-Напат» деген ұғым бар, ол судың рухы. Үнділік Агни де суда мекендейді, мағынасы «су баласы».

Осы әңгімедегі келесі бір тылсым мезет міне: Оралхан прозасының романтикасы ғажап, ол енді ай толғандай толықсыған екені даусыз, сейте тұра, ерекше шеберлікті мойындау керек, «мұнда жоқ алтын иек, сарала қызы». Екіжүзділіктің шаян құйрығынан марқұм бөгде еркіндік, тұз тағысын асыраған жабайы бостандық, ол ежелде адам баласына тән еді. Сол еркіндік адамының есімін Ардақ деп Оралхан тегін алып отырған жоқ.

Шын мәнісінде Ардақ – өмірдің сәулелеі біратаяуы, синоним. Жазушы философиясының бір ұшығын тап осы тұстан табар едініз. Бұл әңгіменің романның квинтэссенциясын бойына жасырып, тұңғылық иірімі тарта беретіні, бір түрлі шат әсемдігімен жүректі барайтыны соның әсері. Ардақ – өмір, Ардақ – ана, ол ұрпақ өрбіту үшін жаратылған тірі жаратылыстың өз бөлшегі.

Салыстыру мақсатында дуниежүзілік мифологиядағы Адам атасын серігі Xaya аナンы (Ева, Хавва) алсақ ше. Ол –

жер бетіндегі ең алғашқы әйел заты, Адам атанаң жұбайы, адамзат тегінің ұлы анасы делінсе де, Тауратта Хая есімі әзәзілдің азғыруына сенген, солайынша жұмақтан қылуға үкім етілген күнәшарлыққа байланысты бір айтылса, сонымен бірге адамның жаралуы, сөйтіп екі жарты бір бүтін болуының сырты туралы әйгілі аңызыда да Хая атанаң есімі аталады. Алайда негізгі мәтінде оның есімі нақты аталмайды, демек ол атсыз. Неге? Ендеше, оны да Ардақ десек артығы жоқ. Әңгімедегі негізгі идея, ең қасиетті ұғым қыыннан қыстырыған шебер құдайдың бұйрығымен жарық дүниеге нәрестенің келуі. Сондықтан, шығарманың кульминациясында фәни дүние де ардақ, ана да Ардақ, жана туған нәресте де сол Ардақтың ардақтысы, оны тосырқаса да нағашы атасы, демек асыраушысы, жатырқамай, жеркенбей қабыл алуы соның мықты бір айғағы, мұның түйіні ардақсыз әлем қарашаң деген ойды ұлықтау. Сол себепті жазушы атанаң мәртебесіне дақ түсірмейді: «Сәбіді дүниеге келтіруден – Ақшоқыны аунатып жіберу әлдеқайда оңай шығар!» – бір сөйлемнен алғып пен дананы тудыратын атанаң, ұлттың рухы сезілдер еді. Бір жағынан бұл әңгіменден сатиравық элемент ырымға табылмайтыны, сол бір тағзым мен рақымшилық сезімнің күштілігінен деп ұғу қажет. Мұндағы Марқакөл сүйікті һем әзиз образ, түптеп келгенде оның да бір жасырын атаяу – Ардақ. Тарбағатай тауларының, Азутау мен Күршім жоталарының арасында қазан шұнқырда толықсыған ірі, ерен сұлу көл. Ағынды көл болған соң талай өзен бұлықсып ағып шығады. Әлбетте, ол да бір данғаза тіршіліктің күретамыры іспетті. Марқакөлдің сұы тұщы, балыққа бай, теніз деңгейінен биіктікте орналасқан асқақтығы және бар. Өр Алтайдың бір асылы, нағыз ардағы. Жағалауы сыңсыған орман. Автор Ардақты су перісіндей суға құштарлығын, Марқакөлге үйрілгін, онысы жалғыздығының қапасы ғана емес, сағынышты қоздатпайтын, жабыққанын жасыратын асыл мекені де болған соң «ол суға жерік еді» дейді. Біртурлі құсалы қисын. Марқакөлді бір көрген адам жер жәннаты деп қабылдар еді. Мұны жүз жыл бұрын Алтайдың білгірі, орыс натуралисі, аңшы, саяхатшы Н.И. Яблонский сүйіп жазды.

Ал, жұмағын аңсау адамзаттың көкейін тескен жұмбагы емес пе еді! Сондықтан Хая атасының түйсігі Ардақта неге болмасын. Әңгіменің табиғаты мистикалық дүние

болғандықтан жазушы Марқакөлін су анасы деп алып, тіршіліктің аясы деп сүйіп отыр. Соның үшін оған экзотикағана керек емес. Сондай-ақ Ардақтың бейкүнә дерлік, һадал күнәсін су тазартпағанда кім тазартады? Шарықты бұлактың айлағындағы жалғыз қараша үйден гөрі көлдің сөні мен салтанаты, сұзы бөлек қой. Шынымен адамзаттың онғақ, есер ісін жаратылыстың түзеп жіберетіні өтірік емес-ау. Сонымен Марқакөл жазушыға оның көркіне тамсану үшін ғана емес, құпия қуанышының сәулесін молайту үшін де таптырмайтын олжа болып тұр. Әсірессе, соңғы сөйлем тіптен ойнақы, әрі шат: «Сәбидің дүниеге келу мінін өз мойнына алған Марқакөл «әкен меммін, әкен меммін» деп тебірене күбірлеп жатыр». Толқынға жан салу мағжанышылдық, бәлкім грек мифологиясынан таныс нимфа, нереидалар, Посейдон тәрізді су иелері мынау кейіптеуден еске орала қояды. Әнгіменің соңы – адамшылықта мінажат, рухани құлшылықтың көркемдігі. Көде жаралып, кіндігін толқын кескендей суда туған сәбиді апасы мен атасы наразы болмай рахымшылықпен һәм мейіріммен қабыл алғаны – жазушының жан сұлулығынан құйылған сәулеге ұқсас. Ол оның өмірге деген ыстық сүйіспеншілігінің тілмен суреттеп болмас бір арда қалыбы, сол себепті онда жасанды намыстың сызы да жоқ.

Әлгі бала, ол енді қорғансыз, жазықты бола қоймас, су иесі Сүлейменнен бата алғандай-ақ атасына ашу-ыза тудырмай өкпесін басып туды. Сонда ғой, құдай атқан жоқ, жарылқаған сыңайы бар. Осының өзі аз емес-ау. Жер – су иесі, қырықтың бірі Қыдыр дарыған соң нәрестені қолдайды. Ал, оның иен далада туғаны әсілі мін емес, бекзаттық. «Кең жайлау – жалғыз бесік жас балаға, Алла асыраған пендесі аш бола ма?» деп М.Ю. Лермонтовтан Абай аударған осы қос жолдың поэтикасын «Ардақтың» ең соңғы түйінінен табасыз. Расынан бұрынғы өткен түркі баласы қашан құмырсқаңың илеуіндей қалаларда туып еді, оның тал бесігі даладан ғой. Әнгімедегі шал, нағашы ата шынайы балажандығымен баурайды. Сонымен, адамзат ұрпағының киесі өзге дүниенің лаңына мойын бұрғызбай қалды. Қазақ қана емес, құллі адамзат зердесінде тұтас бір рулардың, тайпалардың, ұлыстың тарихы осы тәріздес сәттерден бастау алары еш күмән туғызбайды.

Былтыр «Халықаралық Абай клубының кітапханасы» сериясы бойынша Роллан Сейсенбаев «Ардақты» жеке кітапша қылыш орыс тілінде жарыққа шығарды. Ол Анатолий Кимнің аудармасымен шықты. Жазушыға арналған сүйіспеншілік пен ізет еш толастамақ емес.

Әдебиет күшті тегеурін, нұрды сезім мен нағыз махаббатты сүйеді. Ол адам баласын қорлауы емес, ардағым деп қорғаштай суюі анық. Бұл қасиетті өз журегінен тапқан суреткер шын ынтызар, асық жан екенине талас жоқ.

ОРАЛХАН БӨКЕЙ. «ҚАР ҚЫЗЫ».

1. Қар символикасы.

Жазушы ә дегеннен әлемнің тепе-тендігін сақтауыш ұлы күш, мәнгі тоң еліндегі қыскы қар патшалығын нақты суреттейді. Ол керемет көркем, сұмдық меніреу, қатал, табиғи аймақ.

Оралханның қар дүниесі көктен төңкөрілген алып қазандай сол кеңістікті тұтас көміп тастандардай мол: «Бұл ауылдың адамдары қарға тұншығып өліп қалмағанына тәубе жасайсыз». Жазушы «суға тұншығу» демейді, бірақ қар – сұықтың әсерінен судың мұздаған түрі, физикалық басқа қүйі емес пе! Ол тасқын, жойқын, алапат табиғат стихиясын суреттейді. Оның сұлтулығы: «Қара көк аспан гауһарға малынып тұр».

Қар – повестің құс жолындағы көслілген тұп негізі, жайлауы, аскары, саф тазалық, оның кепілі әрі символы. Мәнгі жасыл белдеулер, қысы-жазы жылы тропикалық жақтар үшін кіршіксіз аппақ қардың баға жетпес қасиеті жұмбақ. Қар кара құрылыш Африканың түсіне кірмейді. Түсі ақ болған соң емес, әрине, ауа сұытудан туады. «Біздің жақта қыс ұзак», кез келген мықты жазушыға тән бір қасиет, Оралхан Бекей циклді шығармалар жазуға икем.

Көк аспанға қараған Нұржан: «Дүниеде қар жауған сәттегідей бейбіт те тыныш өмір бар ма екен» десе, оқырман Алтайдың қысына еніп кеткендегі күй кешері айқын. «Өлгенің құрғыры, аспан қарға айналып кетті ғой деймін, бас алдырмады ғой. Өлгі қарындасың сабагына әрең кетті қонышынан қар саулап», – дейді Нұржанның «Айғай апасы».

Қын түпкірдегі шағын ауыл, еңбек адамдары. Қысы

нағыз көкшұнақ аяз, үскірген қарлы боран, құрсаған омбы кар, жазы жұмақтай көк, сулы-нұлы, қарагайлы-шыршалы, айлы-күнді Алтай. Тұнып тұрган реалистік тіршілікке селт еткізер бір жасын керек-ақ. Жазушының ертегі аңсаған адамдардың жүрегін сүйетіні сонша, психологиялық шеберлігі сонша, мынау тып-тыныш, сырттай моп-момақан тіршілікке романтикалық құдіретті көктегі сыналай ұшқан тырналардың сағынышы тәрізді сініріп жібереді.

««Қар қызы»» деген бәле оянып кетіпті деп жүр ғой. Не құт, не жұт...» – дейді Нұржанға Упрай. Ол аудандық басқарма. Советтік кезеңде орыс тілінен мамандық арқылы енген сөздер казақ тілін тәуір шұбарлаған: «завгар» – гараж менгерушісі, т.б.

Повес кейіпкерлері тегіс өмірден алынғандықтан, тағдырларымен тартып тұрады. Нұржан, жазушының өз прототипі деуге лайық. Қар қызы оның арманын, жанын, поэтикалық натурасының нәзік болмысын бейнелейді. Алма, ол әрі қар қызы: «Махаббат жер бетінде жоқ. Егер махаббат бар болса, баяғыда жек көріп кетер едік» – деуі нені білдіреді? Қыз мәнгі сағыныштан сыздаған жүректің тазалығын сақтау керек дейді. Қар қызының әні тек Нұржанның құлағына естіліп, Нұржанға Алма кейпінде танысады. Себебі көптеген адамдар өз жүрегінің үнін тыңдамайды. Материалдық әлем, дүниеконызық бұл адамдардың жүргендегі арманды өлтіріп алады, соның кесірінен рухани көрсокырлық пен азғындауға әкеледі.

«Мені адамдар мәңгілікке өкпелеткен». Нұржан: «Адамдарың кім сонда?» деп сұрайды. Қар қызы: «Қонқай шал». Нұржан: «Ол адам емес, Қонқай ғой». Оған қыз «Қонқайлар да адам. Олар керек» деп жауап береді.

Үлкен түркітанушы-ғалым, зерттеуші, ақын Асқар Егеубаев Махмұт Қашқаридың «Тұрік сөздігі» атты үш томдық кітабын қазіргі қазақ тіліне аударған: «Қарду: қара сұық күндерде ағынды су, өзен беттерінде пайда болатын қабыршақ мұз». Жырда:

Қабыршакты інжу санама,
Берген сый-дәмді іс қақы деп сезінбе;
Білгелер одан жерінер.
Қардың мұз қабыршағын інжу деп санама,
Болмаған нәрсеге сүйсінбе;

Ондайды даналар жаратпайды».

Аспанин жауған соң қар қасиеті ерен. Қар тазалықтың көрінісі, рухани сұлулық бейнесі. Солтүстік халықтары фольклорында қар ғұрыптық тазалық символы. Кейір дәстүрлерде ол перштедей пәктікіт айғақтайды. Қардай әппактық – бұл жер бетіне тән емес, таза сұлулық белгісі. «Қыз Жібек» лиро-эпостық поэмасында сұлулық көктің құдіретінен жаралған.

«Қыз Жібектің құттығы наурыздың ақша қарындаі, / Ақ бетінің қызылы қарға тамған қанындаі».

«Ер Тарғын» жырында Ақжұніс: «Қара жерге қар жауар, / Қарды көр де, / Етім көр, / Жауған қарға қан тамар, / Қанды көр де, / Бетім көр» дейді. Әлемдік эпостың құдіреті қазақтікі.

Алма Нұржанға: «Қандай сұлу болсам – сондай сұықпын», «Атам мен апамның қар қызы деп жүргені – меммін. Апамыз бала көтермеген кісі. Мен сол тұні адасып кеткен қар қызымын... боранды тұнде үсік ұрып, кірпігім ғана қымылдан, қарға көміліп жатқан жерімнен осы үйдегі Ата тауып алды. Жан адамға сездірмей бір жыл бағып-қақты. Содан бері тіпті тірі адамның бетіне қарағым келмейді» дейді. Қар қызы Нұржанға «Елесімді сізге жібердім, әнімді сіздің ауылға жібердім. Осында, мынау жетім қыстакқа жетелеп келген де сол – менің сағынышым. Қазір өзім осында отырса да, елесім сонау ақ қар, көк мұз шомылған қарлы тауларда ән салып жур» десе, реалистік сарын мифологиялық ірімдерге ауысқаны. Оралхан Бекей жер бетіндегі қарабайыр тіршілікке көміліп қалма, арманды анса деп оқырманының көкірек сарайына құс ұшырады.

Нұржанның ойы: «Қар қызы... ол қандай екен? Бармысын бұл өмірде, жоқпышын? Жылы жерде еріп кететін шығар, қызың...».

Дүниежүзілік фольклорда қар қызы бейнесі өте көркем әрі мәңгілік сағыныш оранған танғажайып кейіпкер. Орыс ертегісінде Снегурочка – Аяз атаның немересі. Бірақ Қарша қыздың ата-анасы туралы ләм-мим дерек жоқ. Масленициада славяндар қыстың соңын, жазғұтурым мезетті тойлағанда сабаннан жасалған тұлышты өртейді, сол сияқты қар қызы құн шуағынан еріп жоғалады. Афанасьев жинаған ертегіде Снегурочканы бала жоқ жұбайлар жасанды жолмен, қардан жасап алып, мұсінге жан біtedі. Христиандық ұғымда

сурет өнеріне тыйым салынбайды. Православие шіркеуінде икона – образ, шығыс христандар соған қарап шоқынады. Католицизмде бейне көбіне қабыргаға салынған суретпен қатар ағаш, тастан ойылған мұсін – дарға тартылып, айқышқа керілген Иса пайғамбар, Иисус Христос болып келеді. Ислам діні суретке табынбайды.

«Снегурочка» атты опера, драматург А. Островский мен композитор Римский-Корсаковта Снегурочка – Аяз бен Көктемнің қызы. «Снежимочка» – Велимир Хлебников жазған рождестволық ертеғі. Пигмалион – шебер өзі жасаған мұсінге ғашық болып, Галатея тіріліп кеткені туралы грек мифі. Бұл мифті Бернарда Шоу осы аттас драмасында жаңғыртты.

Ханс Кристиан Андерсеннің «Қар ханым» («Снежная королева») атты әйгілі ертеғіндеге зұлымдық пен ізгілік айқасады. Жүргі сүйк адамдар туралы әпсана. «Что так Снегурочку тянуло /к тому высокому огню? / Уж лучше б в речке утонула, / попала под ноги коню. / ...нет ее. Она подобна / глотку оттаявшей воды. / Как чисто с воздухом смешалась, / и кончилась ее пора. / Играть с огнем – вот наша шалость, / вот наша древняя игра», (Белла Ахмадуллина. «Снегурочка»).

Прозада Натаниэль Готорн, американцы романтик жазушы «Снегурочка» атты әңгімесінде бұл сюжетті ерекше шабытпен жазды. Қиял-ғажайыпқа сенетін, көкірегі сырлы адамдар ғана мұнданай құдіретті таниды. Мистер Линдсли әйелі мен ұл-қызы көріп түрған Снегурочкины қәдімгі қыз бала деп қана біледі. Оның алтын шашы, жарқыраған жұлдыздай аскан сұлулығы кішкентай ұл мен қызға, оның анасына айдай әсем көрінсе де, әкесіне танылмайды. Өйткені адамдар жаратылысы солай: біреулері өмірден тек сұлулық іздейді, біреулері сұлулықты, көркем өнерді еш пайдасыз деп үгады. Тоғышарлық пен қиялшылдық.

Қар қызы – мифтегі көктемде тіріліп, қыста өлетін тірі табиғаттың бір бұла кейіп. Жамандық күшейген тұста адам жаны өлгенше жетімсірейді. Сол құлазыған тұңілісті сергіту үшін, шиеленіс түйнін тарқату үшін қар қызының жұлдызы жарқ ете түсін керек.

«Ғажап, қар ән салып жатқандай... ғажап қар жанып жатқандай» – деп жазушы адам жанының сәуле аңсаған

әсем сәтін суреттейді. Қар қызы повесте мекендейтін тұсты жазушы былай суреттейді: «қыстасқ жанынан буы бұркырап, жылып ағар бұлақ, бойы тал-терекпен көмкерілген және онтүстіктегі биік таудың теріскейі – ағашты, тегінде Алтайдың қалың орманы осы тұстан басталатындей».

Қар символикасы жазушы үшін өмір сипатты сан алуан, сан деректі. «Кекжиек жоқ, айнала аппак қар, жер жоқ, өңкей бір бой сұбытып, жүрек мұздатар сұмпайы қар; еріксіз жалықтырады, еріксіз жалғызыратады...».

Айыртауға аттанған үш жігіт пішен әкелу мұрат болғанмен, шын мәнінде өзін тану үшін алыс жолға аттанғаны ақыры белгілі болды. Бұл жолдың ақыры эзотерикалық, құпия мәні толық ашылды. Адам жаны өзін білуге құштар.

Озбырлық пен пасықтық құрбанына айналған Қар қызы адамзат қоғамынан жеріген. Оның кісікіктігі елге аныз: «Айыртауда Қар қызы бар екен, қыста қарлы шағылдардың арасында көзге көрінбей ән салып жүреді екен де, жаз шыға жетіқат жер астына сініп кетеді екен».

Осипа Мандельштам жазған өлеңде: «Уже не я пою – поет мое дыханье». Қар қызының әні тылсым. «Қар қызының» сарыны – бұл адам жанының асқан тазалыққа құштарлығы, құдайшыл сұлулықты аңсауы. Лермонтов мұндай халді 16 жасында «Періште» («Ангел») атты өлеңінде биік трагедиялық пафоспен берді.

2. Конқайшылдық.

Оралхан Бекейдін «Қар қызы» – жанры сапарнамалық повес, жол сарыны философиялық астарға негізделген. Кейіпкерлерінің бәрінің есімінде «жан» сөзі болуы тегін ишара болмайды. Алмажан, Нұржан, Бақытжан.

Андрей Платоновтың повесінің атаяу – «Джан».

Үш жігіт қыста малға пішен тиеп әкелуге алыс тау ішіне трактормен барады. Совхоздың ауыр жұмысына жегіледі. Жолға шыққандарына екі күн өтсе де, барап жер көрінер емес. Қыста табиғат өліп қалатын тәрізді, тірлік нышанын білдірмейді, жазушы оны «өлі көрініс, өгей өмір» деп таниды.

Саяхат өлі тыныштықты, аязды, адамзат қауымынан безінген жұмбақ қар қызы әр төбеден ән салған бір тылсым күйді шертеді. Грек мифологиясында сирена теңізшілердің құлағына өлімге естілетін.

Оралхан тірі табиғатқа тән ымырасызықты дәл суреттейтінің кайран қалдырады. Қар өлемі жалғызыңдық уытын күштейтеді. Алда – Қонқай асуы. Бейуактағы үшеудің трактор табан шабан жүрісіне серпіліс пен күйзеліс әкелер тұс жақын. «Кеше Фадиха тұрғындары айтқан: «Айыртаудағы асуда жалғыз үй оңаша тұрады деп. Сол омарташы шал шығар»».

Джек Лондонның реалистігі орасан күшті прозасында Ақ азу – тұз тағысы табиғи сұрыпталудан шындалған терістіктің қатал табиғатында алтын іздеушілердің михнатын суреттейді. Адамдар бақытқа балаған байлықты иемдену үшін бастарын өнебойы қатерге тігіп, небір сұмдыққа көніп, небір сорақылықты көріп, өмір мен өлім арпалысын бастан кешетін.

Ол – Қонқай шал. Өте шынайы образ. Қарынбай, Қарабай, Шығайбайлармен бұл Қонқайдың қасында жылап көрісуге татиды. Жексүрын, сұмпайы, онбаған адамды автор тасқа таңба салғандай қылып бейнелейді, әсірелеуден аулак. «Аманжан ықсырып жіберді: – Мессаған, безгелдек. Құдайы қонақтан жамбас акы алған жаман ырымды қай қазақтан көріп едіңіз. Бес сом...ім». «Шал: – Ал, мен... тіпті де қазақ емеспін. Менің ұлттым жоқ», – дейді.

Оралханның көрегендігі осы детальдан көрінеді. Ұзамай «Мен қазак емеспін» дейтін, қазақ болуды қор санайтындар көлдегі бақаның үылдырық шашқанындей көбейеді.

Шал Аманжанның «Бұл деген қонқайшылдық» дегенине елең етеді. Жас жігіттер соғыс жылы туғандар. Нұржан оны мойында, «Өттерің жарылып кетсе де айтайын, үшеумізде де шикілік бар» деуі тегін емес. «Ұрлықтан тапқан ұрпактармыз», – деді Аманжан.

«Пышакпен тіле салғандай жалғыз сзыбықтанған қысық көз» Қонқай, тегеурінді, қуатты, қайратты Қонқай – Оралхан Бөкей прозасындағы әлемдік денгейде галереяға лайық дербес кейіпкер. Жауыздықтың жер бетінен ешқашан өшпейтінін кепілі осы Қонқай. Ол жасы жетпістен асса да өмірі ауырмаған, қар адамындей сұыққа аса төзімді, жалаңаяқ қар кешетін, елмен араласудан аулак, аң тәрізді еркін жүрген, табиғатқа ерекше колоритті образ, классикалық тип.

«Қыста аң аулайды, жазда омарта ұстайды». Дін, идея, сенім, қиял Қонқай үшін тұк құны жоқ. Шөптің тамырын, аю еті, бұғының еті жеп, мүйізінің қанын ішіп, Алтайдың

таза ауасының жұпарын жұтады.

Жазушы оның аузына «Бастығы жоқ өмір» деген сөз салады, бұл тәуелді социалистік қоғамды қабылдамау. Жұмыс қанаудың бір түрі емес, бірақ бағынудың құралы. Советтік өмір салтына қарсылықты автор жағымсыз кейіпкердің бейнесі арқылы береді. Социализмнен безіп, оқшауланып, тауда жалғыз қунелткен Қонқай өзін «Ұлы жорықшылар мен атақты байлардан қалған ендігі тұяқ біздерміз», «Текті тұқым тентіреп журсе де, өз тегін айналып табады. Мынау ағаш лашықтың оты сөнбейді ешқашан. Анау Айыртаудың қос өркешін – Ата Қонқай, Бала Қонқай деп, мен емес ел айтады» дейді. Оның бұл жердің иесі мемнін дегені. Бай-шонжардың тұқымын тұздай құртқан совет өкіметіне қарсылық. Жалғыздығын еркіндігі санайды, үйінің асты толған бағалы аң терісі, небір байлығы сол шонжарлықтан, жалғыздығым – еркіндігім деп иен түзден айырылмауы. Нұржан оны «Тірлігі басқа аксақал» деп атайды.

Шал үшеуіне: «Мен Қонқаймын» дейді. «Нұржан: – Аты анызға айналған қатігез Қонқай бұдан елу жыл бұрын жер жастанған еді гой. Шал: – Ол үлкен Қонқай, ал мен кіші Қонқаймын. Біздің ұрпақ ешқашан құрымақ емес. Қонқайлар ұлын жасырып өсіреді. Мен де ұрпақсыз емеспін», – деп жауап береді.

Айтқаныңдай, Аманжан ақыры нақ осы Қонқайдың баласы болып шығады. Тегіне тартып ауылға бармай, асуда қалып қоятыны сондықтан. Қонқай шалмен арадағы қақтығыстан соң мінезі күрт өзгерген Аманжанға не көрінді? Қаныңдағы қонқайшылдығы оянды. Сиyrшы шал «Анау ұзын бойлы, сүйегі ірі жігіт неше жаста? Жасарып кеткен Қонқай еken деп калдым. Тура аузынан түсे қалғандай» деуі анықтай түспей ме.

Жазушының философиясында қонқайшылдық әркімнің қарақан басында, өзін өзгелерден асырғысы кеп тұратын тілегінде тұр. «Tek қана бір-бірінен жасқана жасырады».

Теріс жолға салып жіберіп, Қонқай үшеуіне өлім тілеп тұрады. Қонқай жыртқыш, жауыз, адасқан жұртты қасақана өлімге қияды. Оң жолға ешқашан нұсқамайды. Орыста орман перісі леший бар, ол соған ұқсайды. Тұқымымен зұлым күш иесі Қонқай өте күшті мифологиялық образ, тым колоритті, қонқайлар тұқымы құрымайды, ұрпақтан ұрпаққа ауысып, қонқайшылдық тұқым қуалай бермек. Жазушы

осыны адамдарға мықтап ескертеді.

Әйткенмен бұл сүмпайы сұмырай Конқай бізге бөтен емес, жанымыздың біртүрлі жағатын сияқтанатыны несі? Әйткені ол біздің жанымыздың бір бөлігі, қонқайлық адам атаулының бәрінде бар, ол әрқайсымыздың бойымызда өмір сүреді. Адам бойында шайтандық бары тәрізді. Ф.М.Достоевский «Ағайынды Карамазовтар» атты романында «Адам жүрегі – зұлымдық пен ізгілік күрес алғаны» деп түйді.

Жазушы жадтан өшпейтін классикалық кейіпкер жасады. Оралханның Қонқайы – Бальзактың Гобсек, Гранде әкей, Салтыков-Щедриннің Идушка Головлев сияқты жағымсыз кейіпкерлерінен еш кем емес.

Адасқанда Аманжан «жынданып құтырды». Огневка селосы үш жігітті қондырмайды. Кержактар мен орыстанған қазактардың селт етпес кесірлігін жазушы айнаңтай суреттейді.

Образ Конкай особенно поражает воображения читателя. Потомственный злодей, он мне напомнил героя Сомерсета Моэма в гениальной повести «Странная история доктора Джекиля и мистера Хайда». Раздвоение личности, вечная борьба добра со злом в сердце человека, она осмыслена по-философски и убеждает даже скептика горькой правдой.

Повесте қонқайшылдыққа карсы тұрар күш – сиырши шал. Таудың қүнгей бетінде Конқай жайласа, теріскейінде сиырши шал отырады. Иен тұз. Ол Нұржанға: «Мен, шырағым, Конқай үшін отырмын. Ол адастырады, мен тауып аламын. Мен Айыртаудан көшіп кетсем, Конқай зәлімнің женғені. Осылайша аңдысып өтеміз. Сенің де өз конқайың бар. Басқалардың да...» – деуі жазушының өмірлік концепциясы. Жамандық пен жақсылық итжығыс түсіп алыса беруге жаралған.

Соғыс жылдарында туған осы үшеу – Аманжан – Конқайдың, Бақытжан – ауыл бастығының, Нұржан – сиырши шалдың баласы болып шығады. Бұл дәуірді, соғыс салған таңбаны анықтайды. Үш жігіт түп негізін табуы жазушы үшін айырықша маңызды. Адам өзінің кім екенін анық білуі керек.

Повесте жазушы туып өскен жері, Алтай, оның сұлу баурайлары ерекше суретелінген. Ежелден жер кіндігін, биік даналық пен ақиқаттың қасиетті орталығын, адам жанының

рухани қазынасын іздеген философтар мен эзотериканы сүйетіндер Мұстауды рух мекені деп таныған. Алтайдың кысқы қатал, маңғаз кейпін сүйіспеншілікпен береді. Рельды өмірді фольклор, мифологиямен шебер астастырған Оралхан Бекей болмыстың, жерге тән тіршіліктің мәніне үніледі. Онда жамандық пен жақсылық сыйымды, махаббат пен сағыныш егіз, сую мен жек көру қатар, алтынның буы, байлыққа елту мен адамшылық қоңсы екендігі ашылады.

17. 09. 2012. /12-15.08.2013.

ТЕКТІЛІК ҒҰМЫР ТАҢДАУЛЫ

1. «Ағасұлтан» романы туралы берер сөз.

Абай мен Шәкерім, Мұхтар мұрасына өте мұқият болуды «Абай» журналына келген соң мен Ырысхан ағадан 11 жылда мейлінше үйрендім, әбден сінірдім, жад еттім. Өз халімше мен де абайтанушы ғалымдардың біріне айналғаныма Ырысхан Мұсаұлының септігі тимей қалмағаны тағы анық. Абай шығармашылығына қатысты, оның әлемдік ұлы ақын екенін айғақтайтын, сондықтан дүниежүзілік әдебиетпен сабактастығын қамтыған 10-ға тарта мақала, эссе жаздым, құда қаласа, әлі бұйырганын жаза беремін.

Ырысхан Мұсаұлының «Ағасұлтан» атты романы – абайтану тақырыбына қосқан өзіндік үлесі. Өйткені сол елден шықкан, қолына қалам ұстаған жандардың Абай мен Шәкерім, Мұхтар тақырыбына бұрылмай кете алмайтыны айдан анық. Сондай рухани дәстүр бұл топырақта қалыптасқаны соншалық, табиғи түрде назирашылдық қалыппен ауық-ауық жаңғырып отыратыны бар.

Ағасұлтан – Абайдың әкесі Құнанбай қажы, романда оның отарлану зардабынан ел рухын күйреуден сактау үшін уезд орталығы Қарқаралыда мешіт салдыруының мәні мен астары егжей-тегжейлі ашылады. Ал Абай әлемін ғана емес, күллі көшпелі өркениетінің көкжиегін классикалық сипатпен жарқырата суреттеген, 19 ғасырдағы қазақ қоғамын айқын бейнелеген Мұхтар Әуезовтей алып жазушыдан соң бұл тақырыпқа бару оңай шаруа еместігі бесенеден белгілі.

Романының негізгі лейтмотиві қазақ ұлтына тәнген рухани қатердің бетін қайтаруға уайым ойлап, қам жеген, нақты

қарекет іс қылған ел ағалары, ру басылары Алшынбай, Құнекен тәрізді тұлғалардың барына ризашылық, сол үлкен бабалардың бекзат рухына тағым әрі тарихи жадты ұрпақ санасынан өшірмеу екенін аңдауга болады. Құнекен ағасұltan болып сайланып, Қарқаралыда мешіт салдырауда ақ патша үкіметінін әкімшілік жүйесінен өзіне қажетін ала білетін Құсбек тере қарсы шығатыны романдағы негізі конфлікт болып табылады. Ол қазақтың күйін күйлеген Алшекен, Құнекен сияқты біртуар елбасыларының жеңісімен аяқталады. Дәуірдің бір белесі осы. Қайран көшпелі елдің жер танабы қусырылып, мал бакқан, кең жатқан қазақтың күйі кете бастаған, қыр баласын миссионерлер ашық аңдып, шоқынды қылуды бастап кеткен сұрқия дәуірге ислам діні арқылы Құнанбай қажы, хакім Абайдың әкесі, тобықтының мықтысы, қыр шонжары Құнекен сөйтіп қарсы тұруы занды құбылыс. Ежелден казақ елін билеген төрелердің қолынан енді билік кете бастайды. Бұл расында қарадан шыққан қазақтың қылғаны емес, ақ патшаның пәрмені екені де тарихи шындық.

Жазушы бұл кітабында ұлттық менталитеттен бір елі ажырамай, қазаққа тән дүниетанымды әрі атрибуттарды ретін келтіріп ұлықтап отырады: «Құнанбай: «Құл мен қожасы майданда теңеледі, жас пен кәрі ақылда теңеледі, кедей мен бай бмырзалықта теңеледі» деуші еді» (58 бет).

Адамдарын асқақтатса, ел мен жерді де қоса асқақтатады: «Мұса Қужаққа қыыстай қарап, ойға кетіп тұр: «Қасиетінен айналайын, Қарқаралы Қазыбек пен Алшынбайдың ғана құт мекені емес, Қантай мен Тонтайдың да кіндік қаны тамған жер-ау, жарықтық. Сөздің кеңі де, күлкінің кеңі де бір өзінде. Баладан аз-ақ қалыңқы шарқы бойлы, таңқы танау Қужағы мынадай. Дөнайбатқа басса, дүйім елді дүр сілкіндіретін майырдың алдында мұндай айта жүрер іс жасау басқа кімнің қолынан келіп еді?»» деп тұрған», (109 бет).

Осы Қужақ кейіпкер – Алдар кесе мен Қожанасыр сынды ақыл иесі, аңқаусып-ақ тұрып, ақ патшаның қыр еліндегі үкіметі, әкімдік қылатын реєсі өкілі майырды тыптыр еткізбейді. Майыры – майор шені, Савелий Савельевич Савельев деген орысша фамилиясы да жасанды, оның шын ныпсысы Аврам, тегі ебірей екенін ашынған бір мезетінде қазақ Жебірейіл деп атап кеткен Гаврила, алышатар бай

саудагер айтып қояды. Мұның бәрі өз билігі өзінде емес бодан елдің жайынан сыр береді.

Автор «Жебірейл тымағын кереге басына іліп, тақиясын киіп... Алшынбайдың он тізесін ала отырған соң...» (111-112 бетте) – деп суреттейтін алыпсатар, Қарқаралыда байып, ақыры Омбыда үй-жай салдырған келімсек романда ерекше терен образдың бірі. Неге?

Қазақтың қаршадай қызына көзі түсіп, ақыры оны сүйгенінен айырып, ақшаның күшімен, әрі мұнафиқтық, яғни, дінімді өзгертемін, мұсылманшылыққа өтемін деу арқылы некесін қыип, алып тынған, содан Жұпардай сұлу қызды құсадан тез солдырған, сырт көзге қазақ болып кеткен сияқтанып көрінуге шебер осы Жебірейл деген кім?!

«Қыр елі оны көнілі түссе Жебірейл деп, ұнатпай қалса Жебірей атайдын. Біреулер «Бұл ку атасын жасырып, орысқа бекер жабысып жүр екен, өзінің шыққан тегі жебірей деген жүрт көрінеді» десе, енді бірі «Түйені түтімен, биені бүгімен қылғымай жұта берген соң, ел: «Ойпир-ай, жебірі-ай» десіп, содан осылай атандып кетіпти» дегенге саяды», (22 бет).

Автордың Жебірейлге деген ұстанымын ә дегенде ұғу қыын. Сондықтан бұл келімсек, есіктен келсе де, төр менікі дегеннің керін байқатпай келтірген жаңнан бірден сырын алдырмас тұнғиық бейне шыққан. Әйтеір, өмір сүруге мейлінше бейім жүрттың баласы. Шекспирден бергі классикалық әдебиетте негізінде адам баласын бір шекке салып, не сүм, не ізгі етіп суреттеу атымен жоқ. Өйткени әдебиеттің негізгі қағидасы бәрібір адам баласын қорғау болып табылады. Жан иесі болған соң солай. Адамды құдай жараткан пендесі ғой деп тануды ұлken әдебиет қоштайды.

Жұпардай сұлу, еркін өскен қыздың сорына қалған, обалы мойнындағы Жебірейлдің өзінен туған баласы жоқ. Байлықты ол жиғанмен артына кімге қалдырмақ? Соны көркем тұспал арқылы, гуманизм шенберінде танытуы жазушының табысы. Адал өмір сүрсе, құдай оны басқа жағынан жарылқар ма еді дегенді жазушы Жебірейлдің әйелі Жұпар ұл туғанда қазакша бәйге шаптырып, той жасау арқылы қуанғанынан ұқтыратын тәрізді. Бала алты айға толғанда келіншек ақылмен Жебірейлді билеп, өз шешесіне жібереді. Ал оның қасында баланың шын әкесі Үәйіс аңшы бар. Тексізденуден, жатқа ұрпак беруден қазақ

қатты қорқады.

Жебірейілге Жұпар қызы, он екіде бір гүлі ашылмаған, жалғыз шешениң көзінің қарашығында әнші жиенін қымсынбай берген Хасен имамды да ондырмай, жазушы бірер детальмен бет пердесін сыйырады. Оның ұрдажық сойылын соғарлары қыздың сүйген жігіті Үәйістің домбырасын өртейді. Өнер қонған ел еркелері мен өзіне жақпаса қасаңдықтан жаңылмайтын кесірлігін дінді жамылу арқылы жасыратын кейбір молдалардың өзара жиі шарпысқан конфлікті, 19 ғасырдың бас шеніндегі теке тіресті жазушы осылай береді.

Сұпекен мені жек көрді,

Сұпышың сөзін кек көрдім.

Ел аралап жургенде

Сендей, сендей монтаны

Сұпышларды көп көрдім.

Сонау Манғыстаудағы адайдың Қашаған ақыны (1841-1929) Есқали сұпышын әшкерелеп жыр арнаиды.

Домбыра күнә деген сөз

Тек бір айтқан дабыра.

Өзінді халық сұпы дейді,

Боктағаның қай ағаш?!

Үш қиянның қай түпкірінде болмасын халық пен үстемдік алып үйренген қауым осылай дүниеге көзқарасы үлеспей жататыны ақиқат. Халық үшін жарапған, ерекше көркем өнер иелері Ақан сері, Біржан сал трагедияларында да осы ымырасыздық айқын.

«Қарқаралының іргесінен кен табылған» (39 бет), енді қарғадай қаптаған қара шекпендер де, қазакпен кіндігі бір туғандай болып ішіне өтіп алған, аса байыған, мырзалармен теңескен, ақылы мен құлығы тен, түшкірсе, «Жәрәкіммәлла, бер тәнір» деп отыратын Жебірейіл сияқты тылсымдардың да заманы туганын, ендеше мұндай алашұбар дәуір сол елдің жұты екенін, әй тегі тез арылмасын, жазбай андаймыз. Өйткені, автор жазғандай: «Майыр төрениң жеріне ауыз салмақшы...», (107 бет).

Жатып ішер жалмауыз,

Борсық тұмсық, қанды ауыз –

Ұлық қылған Құдай-ай

Қазақтан шыққан көпірді!

Дулат Бабатайұлы (1802-1871), зар заман ақындары тегіс күнірене жырлаган, елдікке таңба түскен кезеңнің бір типтік бейнесі бұл романда бар. Сондай бір образ – «Ұрсып сөз, ұрып таяқ өтпейтін Сымық». «Бермесен де, берем деші» деп сөйлеп, ақыры қадалған жерінен қан алатын Сымық сияқтылар біздің қазақта көбейген үстіне көбейді, бұл, Ақселеу Сейдімбек айтпақшы, қазақтың ұлттық мінезі бұзылғанының айғағы.

Расында Құнекеннің тектілігі аңыз бер әдебиеттің нысанына айналған. Оның ұрпақтары саяси құғын-сүргінде аяусыз кудаланып, жойылып, «Ел билеген бір сымпыс» (Абай), сымбыстық қазақты ен жайлап, оның түбі асқынып, ана тілінен мақрұмдығына риза тұтас бір буындар пайда болып, ақыры ұлтсыздандынуға бастағанына жазушы наразы.

Откеннің жаңғырығы бүгінгі күнмен сабактас екенін ол сейтіп еске салады. Роман кейіпкерлері – Алшынбай, Құнанбай, Құсбек төре, Тәттімбет құйші, Мұса, Үйсінбай, Майыр, Жебірейіл, Кужақ, Сымық, т.б..

Романда ұзаксонар баяндау жоқ. Кейіпкерлер мінезі мен бейнесі, портреттеріс-әрекеттүстінде, диалогарқылы ашылады. Бір кейіпкері юмор мен сатира арқылы ашылса, «Алла тағала әркімнің өз көкірегінде» деген ишараны он қолын қеудесіне басып көрсеткен Құнекен образы байсалды шығуы занды. Автор оны сөзшен, шешен қылып суреттеуге асықпайды, әр ісін даналыққа телиді. Жазушы Өскенбайдың үш жузге аты кеткен атақты Құнанбайы бейнесін жасауда аруағынан қаймығатын, тау тұлғасын дөп беремін бе деп қиналатын да тәрізді. Бірақ, Құнекене деген исі тобықты баласының құрметі мен сүйіспеншілігі жазушы жүргегінде үстем шығады. Тіпті ағайын дүрдараздық қазақта әсте қалмаған ғой, қазірдің өзінде Құнекенде кейбіреу жактырпауын да бұл елдің құлағы естиді кейде. Өйткені баяғы аталардан бақталастық қалған. Ол да шынайайомір заны.

Өзімнің анық байқағаным, біздің ауылдың бай лексикасын, өзі суреттеп отырған дәүірдің сөз саптауын Ырысхан аға аумай-төкпей қолданады. Құндызыда әлі күнге осылай сөйлейді. «Аузыңа қазы май тығылып отыр ма?», «Мысықтың боғынша жасырып», «Астыннан су шықты ма...», «Сырғакқа сала берген соң...», «Сөз пісіп қойған...», «Қанғалақ қағып...».

Елдік ерекшелікті жазушының сақтауы дұрыс.

2. «Абай» журналы редакциясында.

Мен республикалық «Абай» журналына 1997 жылдың 3 қыркүйек күні жұмысқа орналастым. Содан табан тіреп, әдеби журналда 11 жыл қызмет істеппін. Осы мерзім ішінде Үйрекхан Мұсағұлы журналдың бас шығарушы-редакторы, иесі, шырақшысы әрі біздің ақылшы-ұстазымыз болды.

Мен редакцияға келген беттен Үйрекхан аға редакция мүшелеріне таныстырып шыққан соң, «Айгүл, Абай атаңың журналына келгенің тегін емес, өзіңе, жазуыңа жақсы болады, енді жолың онғарылады, игілікке кенелесің» деп айтты. Кейінрек көзім жеткендей, Үйрекхан аға бір сөзін де артық-аудыс, бекер айтпайтын адам екен, әрі әлгі сөзі расымен көріпкелдік болып шықты. Сәуегейлік сөзге айналғанын ойлад, Үйрекхан ағамның рухына ризашылық пейіліммен жазып отырмын. Мениң «Абай» журналында жұмыс істеген жылдарым шығармашылығым үшін ерекше құнарлы һәм озық жылдарым болып шықты. Биыл 2013 жылдың қарашасында үлкен әдебиетте алғаш есімім көрінгеніне аттай 30 жыл толады екен, ал қазақ прозасының бір өкілі ретінде республикаға танылғаным кезеңім Үйрекхан ағаның қол астында қызмет атқарған жылдарым: 1997- 2008. Бұған шынымен тәубе десем керек. Үйрекхан Мұсағұлының кеңдігінің, адамшылық қасиеттерінің арқасында дер шағымда үлкен әдебиетте талай жетістікке жеткен екенмін. Қазақ жазушысы болып әдебиетсүйер қауымға танылыптын. Мұны қалай ұмыттайын, қалай мойынданайын!

Үйрекхан аға ешқашан кісіге қатты айтпайтын. Бірақ наразы болса, ол ақсары жүзінен, көкшіл көзіндегі тұна қалған ашудан білінетін. Бірақ ашу дұспанға жеңдірмей, сабыр сақтауды құдай ол кісінің болмысына жазып қойғандай сезілеттін. Тағы бір өзім анық ұққан Үйрекхан ағаның адамшылық қасиеті, мың жерден бастық болса да, қол астындағыларын астыртын сесспен, білінер-білінбес ызғармен ұстамайтын. Сондықтан ол кісіден тайсалмадстан өз пікірінді айта салуға әбден болатын. Өйткені ұрсып болмаса тыйып тастамайтын еді. «Ақыл жастан» дегендей, кейір сөзінде кәдімгідей ойланып қалатын.

Осынау пейілі қеңдікті мен Үйрекхан Мұсағұлының

кіндік қаны қаны тамған Абай елінің рухани болмысынан, топырағынан дер едім. Атажұрты Құндызы ауылының адамдарына тән дегдар мінезі деп несін жасырайын, ашық айтуға бармын. Оразалы ағасынан туған, жазушы Көмен ағасында да осы кең, мейірімді мінез, тектілік болғанын Қарауылдан қанаттанған, Абай топырағында өсіп-өнген күллі шекірттері біледі.

«Ақынжандылық» атты жанды портреттік очеркінде Үрысхан Мұсаұлы: «Ал, өз басым о кісіге жан тенгермеуіш едім. Адам баласына жақсылықтан өзге ойлап көрмеген, алдына кім келсе де көмегін аямайтын кең пейілі, мейірі қандай еді. Не бір ақыл иесіне кезіксе де, не бір мәртебе иесіне кезіксе де терезесін тен ұстай білетін кісілігі қандай еді. Әңгімемен адамды ұйытып тастайтын, әзілмен сергітіп, жадыратып жіберетін ашық-жарқын мінезі, ақынжандылығы қандай еді» деп жақын туысы Пұшан Конысов ағасын суреттейтіні бар. Осы сурет біздің елдің ігі жақсы адамдарына расымен тән дүние болуымен баурайды.

1997-1998 жылдар Қазақстанның тәуелсіздігінің әлі он жылдығы болмаған, өтпелі, қыын кезендер болатын. Жалақы бірнеше айлап болмай қалатын. Сондай сәттерде Үрысхан аға журналдың жабылып қалмай, ұдайы жарық көріп тұруына тікелей мүдделі, бас-көз болды. Журнал қызметкерлерінің ел қатарлы аштан өлмей, көштен қалмай, қалам ұстағандар үшін сынға толы сәттерде рухымыз жасымай, алға баса беруімізге қамқорлық жасаудан аянбады.

Редакцияға келу біз үшін қашанда ауырпалықты мойынсұну емес, шығармашылық қуат көзіндегі берекелі мезет болатын. Өйткені басшы адамның данышпан әрі мейірімді болуы жұмыстың жанданып, тоқыраудан аман болуының ен басты тетігі. Ендеше, Үрысхан аға қытымыр, қазымыр, қызметкерлерінің жүйекесін жейтін жаман, онбаған бастықтардан еместігі біздің әрдайым мерейіміз үstem, мәртебелі, шоқтығы биік күйде жүруімізге бастады десем еш жалғаны жоқ. Біз өзімізді құлдыққа жегілгендей сүмірейіп сезінген емеспіз. Тua бітті бас редактор болуға жаралған адам, қол астындағы мінез-құлқы, ұстанымы, тиянақтылығы ала-құла, әртурлі жандарды нақты іске бағыттап, жүйелі һем ғаділ басқарып отыруға бек лайық адам біздің салиқалы Үрысхан ағамыз деп айтсам әй, асылық

болмас. Ол кісіден соңы көрген, бірге жұмыс істеген екі бас редактордың сиқынан түніліп, сүй демегендеге не деймін. «Жақсының жақсылығын айт, нұры тасысын, жаманның жамандығын айт, құты қашсын» деп керегарлықты қосарлай салыстырғанда алашағын кетсе де, айтарың кептесін деп дүние танитын қазақ осында орынды өкпе-ренішін мегзеп айтқаны айдан анық.

Осы естелікті аяқтар сәтте Ырысхан ағаның мен қалыс қалдырған тағы қандай кіслік келбеті бар деген оймен Сұлтан ағаға қонырау шалдым:

— Ырысхан аға Манғышлақ өнірінде облыстық үлкен газетті тұнғыш рет ұйымдастырып, сол өнірдегі қолында қаламы бар адамдардан жақсы топ күрді. Темірхан Медетбек сияқты үлкен ақын әдебиетке келді. Одан соң Ырысхан аға елге оралды, оның бүкіл өмірі Семей өнірі жастарын тәрбиелеуге кетті. Жастық шағы осында өтті. Облыстық газеттің тұтқасын ұстады. Осы өнірден шыққан адамдардың бәрі оған қарыздар, баршасына ол бағыт-бағдар берді. Мәдениет пен әдебиеттің дамуына айрықша зор енбегі сінді, рухани ұстаздығын бағаласақ, оның атқарған рөлінің теңдесі жоқ, ықпалы зор тұлға болды. «Абай» журналын ұйымдастырып, басылымның бекуіне себеп болды. Әуезов, Аймауытов салған дәстүрді қайта жаңғыртты. Журнал қазаққа, ұлтқа керек дүние болды. Журналды ұлы ұстаздың арман еткен дәрежесіне жеткізді. Мұны айтқанда Ырысхан Мұсаұлын ағам ретінде емес, әдебиетші, жазушы, қоғам қайраткері ретінде бағалап отырмын, – деді ағынан жарылып жазушы, қоғам қайраткері, ұлтжанды тұлға Сұлтан Шәріпұлы Оразалин.

1997 жылдың қыркүйек айының соңында қазақ елі алып жазушысы Мұхтар Омарханұлы Әуезовтың 100 жылдық мерейтойын тойлады. Семейге үлкен делегация келгені, классик жазушының ескерткішінің алдында Қазақстан Жазушылар Одағының белді-белді мүшелері тегіс қатысқан шеру болғаны әлі көз алдымда. Мен әлі тым кішкентай екі қызымды жетектеп, қалың елдің арасынан Әбіш Кекілбаев бастаған әдебиет майталмандарына көз салып, бір шетте түрдым.

Артынша Алматыдан иғі хабар жетті. Мұханның тойына арнап «ZAMAN Қазақстан» қазақ-түрік газеті

байқау жариялаған еді. Газеттің бас редакторы Жұмабай Шаштайұлы, байқауға жіберген мақалаларымды дереу жариялатып жіберіп отырды. Үш мақаламмен қатысып, конкурстың III жүлделі орнын иеленіппін, сыйақысы 500 доллар. Бас жүлдені академик-ғалым Рымғали Нұргалиев, екінші орынды ақын, мәдениеттанушы, аудармашы Әуезхан Қодар алды.

Абай елінен шыққан үлкен ақын Мерғали Ибраев: «Мен де бұл байқауға қатысып едім, сенің алғаның мықтылық», – деп қуанып айтқаны жадымда қалды. Мүмкін, мықтылықтан бұрын, жолым болған шығар. Мерғали ағамен «Абай» журналында бар болғаны екі ай жұмыс бірге жұмыс істеуді жазыпты, 1997 жылдың 3 қарашасында ол кісі бақиға озды. Бірақ сол кісінің айтқан ұлағатты бір сөзі әлі күнге көкейімде сайрап тұр.

Алматыға Мұхтар Әуезовтың 100 жылдығына арналған конкурстың сыйлығын алуға шақырды. Маған сәл кештеу айттылып, ресми тапсырудан кешігінкіреп қалдым. Асығыс тұнгі поезға алдым, ол Ташкенттің Сібір жақтан келе жатқан Алматы арқылы жүретін поезы болып шықты. Семейден тұнгі 11-де бір топ жолаушы 1000 теңгелік билетпен мінгенімізben не пайда, орнымыз бос емес, плацкарт вагон лық толы, оны босатып бере қоятын жолсеріктер көрінбейді. Ұялмай-қызармай тұнгі 12-де отырған біздерге танғы 6-да орын босайды, күтініз деп қарап отыр. Билетке пысқырып қарағысы жоқ. Бұл фәниде тоңмойын қасақана топастықтың, ардан безген жүгендіздіктің емі болмайды, соны олардың түк ұтты жоқ жүздеріне қарап ұқтым. Сөйтсек, бұл түбі бір түркі туыстар өз есебіне аса жүйрік жұрт болғандықтан, дереу ұсыныс айтты. Егер жолаушылар үстеме 1000 теңге төлесе, біздерге плацкарт түгілі, купеден орын беруге әбден даяр екен. Бұрыннан осылайша дағдыланып ақшаға кенеліп журген «ағайындар» екенін ұқпау мүмкін болмай қалды. Әсіреле, қазекендердің қолы ашиқ, ысырапшыл әрі жомарт жаралғанын «өзәғаларының» бес саусағындей билетіні тағы бар.

Үржар балалар үйінен 3-4 баланы Түркияға окуға апара жатқан бір қазақ мұғалім жігітәлгі озбырлыққа бірден келісіп, теміржолшы ақаларға сұраған сомасын санап берді. Мен де сол ақшаны беріп, орналасу құқын қайыра сатып алдым, бірақ кетіп бара жатып, әлгі жолсерік-саудагерге: «Біздің

қазақ өліп бара жатса да, мұндай құдайсыздықты ешқашан жасамайды, кейбіреулерге қарап, адамшылығымыз бар ел болғанымызға тәубе деймін», – десем, «Аштан қалмаймыз», – деп қарап тұр. «Өйткен философияң құрысын», дедім.

Алматыда газеттің редакциясында Жұмабай Шаштайұлы конвертке салынған сыйлық ақшамды сақтап қойыпты, құттықтаптабыс етті. Жұмабайғаның тікелей жана шырлығы болмағанда бұл сыйлыққа талас әжептеуір болатын.

Семейге келген соң, әнгіме сұраған Мерғали ағаға осы оқиғаларды баяндай келе, «Осы біздің қазақ өзбек өз ағам деп кеңпейіліне бағып, еміренеді де отырады, қайдағы аға, көр-жөр қылыштары мынау, ылғи қөзінді бақырайтып қойып тонап алуға бар, күштен қорықпаса, занға түкіргені бар, енді өзбектің былыққан поезина отырудан құдай сақтасын!», – деп ыза болып айттым. Қаны мұлде бөтен басқа бір халықтардың өкілінен осы текстес қорлық көрсем ренжімес едім. Жат жаттығын істейді ғой деп қоя салар ма едім?!

Расымды айтсам, Мерғали ақын мына шындық сезімді қоштап, өзбектердің атына бірер жақтыртпаған ой айтады деп ойладым, сірә. Ал сол сәтте Мерғали Ибраевтың маған айтқан сезін ешқашан ұмыптаймын. Тек сезбе-сөз нақты жазып алмағанымға әлі күнге дейін өкінемін. Мерғали аға ойланыңқырап отырды да: «Баяғы өзбек ойы да, бойы да сұнғақ, сұнғыла зерек, дана ел болушы еді, мына теміржол бойындағылары ұсақталып кеткен-ау», – деді қынжылыспен. Мен сол заматта біраз алаяқтары үшін тұтас бір халықты кемсіте сөйлеп жібергендей ұялып кеттім. Дереу есіме парсы тілі салтанат құрып тұрған дәүірде түркі тіліндеге хамса жазуды бастап, Иран әдебиетінен Тұран сезі еш кем еместігін танытқан Әлішер Науай, Ұлықбек, Бируни орала кетті.

Фзули, Шәмси, Сәйхали,
Науай, Сағди, Фирдауси,
Хожа Хафиз – бу һәммәси
Мәдәт бер я шағири фәрияд.

Абай хакім 13 жасында Аллаға сыйынып, рухтарына жыр арнаған 7 самұрықтай шайырдың 6-ы ирандық болса, біреуі түркі нәсілі – Науай. Құллі түркі текстес классикалық поэзияның бастауында Науайдың есімі тұрады.

Мерғали ағаның шынайы ақындығынан бұрын, Абай елінің төл азamatы екенін осы бір ауыз асыл сезі айғақтайды.

Өйткені бұл асыл өнеге Абайдан кейінгіге мирасқа қалған. Тап осы дархан міnez, осы сырбаздықты, ұлыдан өлшеттін кіслікті Ырысхан ағамыз бізге өзінің биік парасатымен, ізгі қасиеттерімен ұдайы танытып отыратыны тағы ақиқат.

Бір жолы бас редактордың кабинетінде жұмыс басталғанда бас қосатын дағдымен тегіс жиналған едік. Журналға кететін материалдар рет-ретімен дауыстап оқылады, сейтіп талқыға түседі. Журналистер мақала туралы пікірлерін айтқан соң, мақала басылымға не өтеді, не өтпейді, өткен күннің өзінде түзетіліп, сын айтылған тұстары жөнделуі тиіс.

Жұмысқа ойыспас бұрын, Ырысхан аға: «Айгүл, мен сені мұна жүрттың қөзінше куантайын», – деп күлді. Редакция мүшелері елеңдей, құлақ туре қалысты.

– «Абай» музейінде істейтін Мұздыбай ағаңды білесің ғой, сол ағаң сені мақтап отыр, – деді Ырысхан аға.

– Мен Сіз бір ақшалай сыйлық туралы айтады еken десем, бар болғаны сол-ақ па?! – дедім онша қуанбай.

– Пәлі, ол абайтанушы ағаң, Мұздыбай Бейсенбаев, мақтауға өте сарал адам. Ол кісі өзі талантты ерекше мойында маса дәнене айтпайды. Сондықтан сені мактағанын жақсыға жорып отырмын. Сен туралы шашы жалбыраған көп қыздың бірі ме десем, сынды тұра Белинскийше жазады еken деді, – риза болып әрі қуанып жеткізді Ырысхан аға, мұны басқалар да естісін деген ойын жасырмай.

– Ырысхан аға, маган енді әдеби премия алыпсын демесе баскасы онша әсер етпейді, – дедім сонда да өз ойымды ашық айтып қалатын ғадеттіммен.

– Жағдай дұрысталса, әлі қаламақыларың да болады, – деді енді Ырысхан аға бәріне карата айтып.

Келер жолы журналдың кезекті санына жазылатын мақаланы талқылап отырдық. Мұндайда журналдың шығармашылық тобы өзінің жоспарын ұсынады, оны бас редактор бекітеді. 2001 жылдың №4 санына мен Шәкір Әбенұлының «Қозы Көрпеш- Баян сұлу» атты дастаның талдап, жазамын дедім.

Ырысхан аға:

– Шәкер атаңды сенің Сапар ағаң, Сұлтан ағаң жазған. Сен солардан асырып жаза алар ма екенсін?! – деді күдік айтып.

Редакциядағы ел тыңдап отыр. Сапар Байжанов, Сұлтан Оразалин, Шәкір Әбенов және Ырысхан ағаның өзі, мен –

бәріміз бір ел, бір ауылдың тұмасымыз. Әрі елдес-жерлес қана емес, нағашылы-жиенде туыстар екеніміз тағы рас. Қарға тамырлы қазақ деп бекерге айтпайды. Шәкер ата мен Сапар аға анаммен бір атадан тараиды, ал Сұлтан аға мен Үрысхан аға менің анам, мамандығы математик, Құндыздыда 32 жыл мектепте сабак берген Токташ Оразханқызы Бодаухановның жақын нағашылары. Қызық болғанда қазақи шындық осы. Ал мен Үрысхан ағаның журналына жұмысқа келмес бўрын, Сапар ағам мен Сұлтан ағамның накты қөмегінен өтіп, студент атанғанмын. Мұның бәрін Үрысхан аға бес саусағындай біліп отыр.

Шәкер атаниң эпикалық поэмасы туралы 11 бет үлкен зерттеу жазып бітіп, дағдымен редакциялық талқыға салуға дауыстап оқып біттім. Әрбір ғылыми қызметкер өз пікірлерін кезекпен айтады. Үрысхан аға ерекше ұйып тыңдал отырды. Не айттар екен деп бағып отырдым.

– Шәкерде де арман жоқ екен, артында мынадай жоқтаушысы, ұрпағы болғаны соның айғагы, – деп ол кісі бір ауыз сөзбен кесіп айтып, мақалама өте жоғары баға бергені. Жүзінде ризашылық тұнып тұрды, әрі менімен қатар Шәкер ақынды жаңа бір танығандай ойлы отырды. Расында Шәкер ақынның әр өлеңін, әр дастанын тегіс жатқа білетін адамдарғой. Біздің ауыл оны Шәкір демейді, Шәкер ата өзінше деп айтады.

Қаламакы түзелген мезет Шәкер атаниң поэмасын талдаудан соң болды. Министрліктен қаржы уақытымен аударылып тұратын тұрақтылық басталды. Бұл 2002 жылдың басы. Қаламакы тұрақтана бастады. Ал Шәкер атаниң шығармашылығы туралы зерттеуім, т.б. сол сандағы екі-үш дүнием үшін Үрысхан аға маган, ұмытпасам, бір нөмірдегі жарияланымдарыма 27 000 тенгедей қаламакы қойды. Қыста қас тез қарайды, кешкісін үйге қатты қуанып кіргенім есімде. Дүкенге кіріп, кішкене екі қызыма, көптен көзім түсіп жүрген өте қымбат қуыршақтар мен тәтті-дәмді алып үлгердім. Балаларым бірден әдемі ойыншықтарды бас салды.

– Мама, Үрысхан ағаның түсіне Шәкер ата кіріп, белгі берді ме екен, ол кісі менің жазғаныма үлкен қаламакы қойды, бўрын мұнданай акша редакцияда жоқ еді, – дедім.

– Үрысхан ағаң жазғаныма қуанды, «Шәкерде де арман жоқ» деп айтты деп өткенде өзің айтып келдің ғой. Шынымен

зерттеу мақаланың тәуір дүние болғанына ризашылығы бұл, әрі қазак әуелі Алла, сосын әруақ жебейді деп тегін айтпайды, – деді мамам қоса қуанып.

Шынтуайтында, мамам өзінің ет жақын туыстары болғандықтан шығар, маган үнемі: «Шәкөр атаңды жаз, Шәкөр атаңды сен жарқыратпасаң, кім іздейді?! Сапар ағаның жақсылығын еш ұмытпа, елге 1994 жылы соңғы келгенинде, жүрттың көзінше жарықтық: «Бес жыл бола ма, он жыл бола ма. Айгүл әлі жарқырайды» деп сені асыра бағалап айткан сөзі ойымда, Сапар аған сені бір емес, екі үлкен оқуға түсірді, Кәмен нағашым ете мейірімді, жақсы адам еді», – деп жалықпай құлағыма құйып отырады. Шәкір Әбеновтың көркем мұрасын зерттеп, екі үлкен эссе жарияладым. Әсіресе, оның хадистік қос әңгімесінің астарын ашу ете терең ізденуді талап еткені жадымда.

Ырысхан аға 2005 жылдың күзінде Өзілхан Нұршайыковтың «Мәңгілік маҳаббат жыры» атты қалың кітабын қолыма ұстартты.

– Әзагаңның мына кітабы маган ерекше ұнады, – деді ол.
– Оқып шығып, журналға мақала жаза гой.

Тараңдан қазақтың үлкен абаитанушы ғалымы Мекемтас Мырзахметұлының 70 жылдық мерейтойина арналған конференциядан оралған бетім сол еді. Бас редактор іссапарға редакция атынан сыйлығын беріп, жолақысын төлеп, барып келуіме рұқсат берген. Ырысхан ағаға бастық болып қызметкерлерді беталбаты жұмсау атымен жат болатын. Соңдықтан біздер де «ләббай» деп зыр жүгіріп кетуді мүлде білмейтінбіз. Өзінің сүйікті орынбасары, жерлесі, рухани ізбасары ақын Мұратбек Оспановты «Мұратбекім» деп отыратын, өзімнен кейін бас редакторлық орын Мұратбектікі деп алдын-ала бізге бірнеше мәрте мәлімдеп қоятын. Тегі қалғандарың бас редакторлықтан дәме етпендер, өкпелемендер дегені болса керек. Бірақ адамдарды әсте алаламайтын. Кімді болмасын ісіне қарап әділ бағалайды.

– Ырысхан аға, мынау кітап 600 беттен асады екен, мұндай қалың томды оқуға қыруар уақыт керек. Өзім миым шаршап кетті, – дедім көзінше кітаптың қалындығын анықтай сала, жаза қоюға онша пейіл танытпай.

Енді ойласам, ол кісі бәрімізге шығармашылық еркіндікте беріп қана қоймай, сондай бір азаттықты, шын тұшынып

жұмыс істеу дағдысын бойымызға әбден сінірген екен.

– Онда колың тигенде жазағой, – деді ол кісі абыржып-саспайтын мінезіне салып, бастық болып кейіс білдіру, бұйыру, жазғыру ойна да келген жоқ.

Әзаганың бұл кітабын артынан талдап жазып бердім. Ол кісі де разы болды, журналды Әзагаң өзін салып жібер деп айтқан тағы Ырысхан аға. Осы эпизодты мен Әзагаң туралы естелігімде көнінен жаздым.

Ырысхан ағаның маған екінші бір тапсырғаны техника ғылымдарының докторы, академик Қозы Қазыхановтың 70 жылдығына арналған мақала жазағой дегені.

– Өзіннің нағашың, Қозы ағанды білесің бе?

– Білемін. Ол кісі де мамама аталас туыс екенін білемін. Бірақ біздер ол кісінің атын ғана естіміз.

– Өйткені Қозы ағаң ұзак жылдар шетелдерде тұрды. Ал Құндыздыдағы ағайындардың көбі Сапар ағанды көбірек жағалады, – деп айтты Ырысхан аға. – Қозы ағаң өте тамаша адам, екеуміз әрі дос, әрі туыспыз, әттен, баяғы кез болса Алматыға өзім барап едім. Енді сен барып қайт, академик ағанды жарқыратып жазағой.

Өйткені денсаулығына байланысты ол кісі жолсапарға сирек шығатын, Семейдің өзіндегі ресторан тойларға бара бермейтін. Ырысхан аға өзін бір очеркінде: «Былайғы күнде елгезек едім» дейтіні бар. Онысы рас. Бірақ адам жасы ұлғайған сайын кейде денсаулығын бағып, кейде алтын уақытының қадірін біліп, бейсауат жұмсай бергеннен мезі боладығой. Әсіресе, шығармашылық тұлғалар.

Құдай ондаған, академик ағамыздың тұра сол 70 жасқа толу салтанатында, Қаныш Сәтпаев атындағы Алматы Политехникалық мемлекеттік университетінде үлкен халықаралық ғылыми конференциядан соң, «Достық» ресторанды Қозы ағаның тойы өтті. Алдында сол жерде марқұм Сапар ағамның жары, өзі де журналист Күләш тәтем Бейсенбиевың 70 жылдық мерейтойына барған едім.

«Жас қазақ» газетінің дәл сол жұма күні шыққан газетін Қозы аға көріп отыр екен. Алғаш көргенде мені жатсынған жоқ, ерекше толқып, бетімнен сүйіп, қолымды қысып, ризашылығын білдірді. Екі рет инсульт алған Қозы ағаның тілі күрмеліп, сөйлемей жүрген шағы екен. Көзінен бірден мейірім саулап қоя берді. Бір көргенде-ақ мен ол кісінің

табиғатынан туған нағашы атам Оразханға ұқсастықты, тағы бір аталас жақыны, жазушы-журналист Байжанов Сапар ағама тән зияллыққа біттегің жұмсақтықты көріп тіптен қайран қалдым. Тура сондай жұмсақ әрі биязы қалып өзімнің шешем Тоқташқа да етене тән болатын. Бір атадан өрбіген ұрпақ бәрібір түп негізіне тартып, тұқымына қатты ұқсан тұратыны шынымен сонда қайран қалдырыды. «Жақсыдан жаман туса да, жаманнан жақсы туса да, тартпай қоймас негізге» дегенді атан қазак біліп айтады екен! Кілең білімді, талантты, жақсы адамдар көп шыққан аталарымыздың асыл тегіне қалай риза болмасқа! Реті келіп тұрганда мақтандын сезімін жасырмаудың жөні болады деп ойлаймын.

Әйтеуір, Ырысхан аға кімді болмасын тек ізгілікке бастайтын.

Сонын үшін «Абай» журналында ақын, ғалым, аудармашы Мұрат Сұлтанбековты Шәкірім Құдайбердіұлының үш поэмасын аударуга ықпал етті. Егер Ырысхан Мұсақұлының басшылық қалауы болмаса, редакцияның бөгде ісімен айналыспай, айлығың жүріп жатады деп, үйінде отырып, орыс тіліне аударуды тапсырмаса, кім біледі, бұл поэмалар аударылmas па еді?!

Абай мен Мұхтар, Абайға шәкірт болған ақындарға мұқият, ғылыми тұрғыдан қарауды бас редактор қалт жібермей бағып отырады. Жалпы Семей өнірінен шыққан әрбір талантты журналға жариялатады.

Тарихшы ғалым Амантай Исинді журналға шақырып алған да Ырысхан аға, ал мен келгенде бұрыннан шығармашылық топ: Ілияс Исаханов, Молдабек Жанболатов, Асан Омаров, Мұратбек Оспанов болса, кейінректе полиграфши, Мұратбек ақынның келіншегі Райхан Әбілмансұрқызы, журналистер Мұратбек Кенемолдин, Сайлау Төлеуов, Айтқаным Ахметбекқызын редакцияға жұмысқа қабылдады.

Айман апай, Шолпан, Үміт, Қарлығаш – бәрі де бас редактордың адамшылық мінезін біледі.

Мені бас редактор ешқашан артық жұмыс беріп құлша жегіп қойған емес. Макалаларым басқа басылымдарға шықса, алғашқыда тәуір дүниенде әуелі «Абай» журналына бер деп бірер мәрте айтқаны бар, бірақ менің сол басылымдарға жарияланғым кеп ынтығып тұратынымды көрген соң, оны да айтпайтын болды. Журналға мен ұсынған «Мүшелтой»,

«Нобель сыйлығының лауреаттары», «Жаһан әдебиетінің жаунарлары» атты айдарларын бірден қолдады. Олар тұрақты басылып тұрды.

Ал өзі 70 жасқа толған соң бас редакторлықты талантты ақын, журфакты бітіргеннен өз қасында жүрген әріптес інісі Мұратбек Оспановқа берді. Мұратбек жауапты хатшы болатын, енді Мұратбектің орнын маған берді.

Содан журналдың 4 санынан соң бір қызық оқиға болды. Бюджеттен аз ақша алатын «Абай» журналында Ырысхан аға 10-нан аса қызметкер ұстайтын, бәріне жалақы төленеді. Тек корректорлықтан үнемдеп, оның орнына компьютер басатын екі терімші алған. Фылыми қызметкерлер мақалаларын өздері қатесін тексеріп өткізетін. Бір жолы компьютерге терілген, версткасы жасалған қолжазбаны Алматыға баспаға әкетуге 3-4 сағат қалғанда Мұратбек екеуміз сұмдық қате таптық. Әріп қателері. 20 шақты бетте 60-ға жуық қате қара нор биттей өріп жүр. Бұл бетінше басылып кеткенде масқара болар еді. Дереу отыра қап, екі жақтап түзеттік. Соған жауапты қызметкер екі жұмыста істейтін. Немкұрайдылығынан бұрын жауапты хатшыға ысыра салғанын анық ұқтым. Ол өзін корректорлықтан, қара жұмыс санап, ғалымдық мәртебесін биік көреді екен. Мен шағымдануды жек көремін, бірақ Ырысхан ағаға істің мәнісін айттым. Қара жер қозғалса, қозғалмайтын мінезімен ештене дей қоймады. Әсіресе, әлгі сұмдық қателерді жіберген қызметкерге ұрыспайтыны мәлім болып қалды.

—Ырысхан аға, — дедім мен ыза болғаным басылмай, кос мақаланың ксеркс көшірмесін көрсетіп, — әр нөмір сайын қате атаулыны мен тексергенге бұл кісі жаман үйреніп алды. Мынаны әдейі жіберді, түк ұтты жоқ. Енді бұлай болмасын десек, мына кісіге әр қатесі үшін 100 теңгеден қаламақысынан ұстап калу керек. Сонда 60 шақты қате әжептәүір ақша болады да, оның іші ашиды. Сосын келесі жолы ол өзі-ақ қате жібермейді.

Ырысхан аға сөзіме мырс етіп күліп жіберді де, «Жоқ, олай істеуге болмайды», — деді де қойды. Әлгі қате жібергіш қызметкерге де бір ауыз реніш білдірген жоқ. Әлде ғалымдығын сыйлады ма, әлде өзінің ғадеттегі кеңдігі ме, сол күйі қалды. Бірақ редакцияда Ырысхан аға болмаған күні мен әлгі кісіге айтартымды айттым, үнсіз бұғып қалған

жоқпын. Өйткені өз ағаттығын біліп, қысылып тұрған адамды көрмедин.

Ырысхан ағаның қаншалықты жаны жылы, шуақты адам екенін Астанада көшіп кеткен соң айқын білдім. Бір жылдан соң, Ырысхан ағаның: «Астанадағы үйді жалға беріп, Семейге, журналиға қайта кел», – деп айтқаны бар.

Астанада «Абай» журналының ресми, есеп қағаз апарып беретін курьерлік жұмысы болса, қаншалық уақыттым сәйкес болмаса да, әуелі Абай хакімнің рухы үшін, сосын Ырысхан ағамды ерекше құрметтегендіктен талай мәрте Семейден қатынайтын автобустан қарсы алғып, министрлікке апарып тапсыруға жүгіріп кететін едім.

Журналда істеген жылдарымда емін-еркін іс-сапарларға жиі барып жүріппін. Соңдайда Ырысхан аға жиі сұранасын, жұмалап кетесін деп айтып көрмепті. Және мұндай кеңдігін ол кісі бір ғана маған емес, қол астындағы барлық ғылыми, техникалық қызметкерлерінен аямаған екен. Соның үшін ол кісі үнемі жүзі жайдары, нұрланып жүретін.

Құсаның шырмауы басына түскен өмірінің соңғы кездерінде де Ырысхан аға сол біігінде қалды. Тұңғыш баласы Рымханы Ырысхан ағаның өзіне ерекше ұқсайтын. Зиялы, табиғатынан дегдар жарапаның орыс-қазақ тегіс мойындаған ұлынан, келінінен кенеттен қатар айрылып қалған соң Ырысхан ағаға тағдырыдын соққысы осал тимеді.

Телефонмен анда-санда сәйлескенде дауысынан халін танитын едім.

30 тамыз 2012 жылы Семейде Ырысхан ағаның үйіне көнілін сұрауға бардым, соңғы көруім сол болды. Әйелі Күлғайша тәте сүйемелдеп әкеп, ол кісіні диванға отырғызды. Бұрынғы ірі денелі, маңғаз пішінді Ырысхан ағаны көргенде танымай қалдым, бойы біртүрлі ұзарып, сымдай тартылып, өзгеріп кеткендей сезілді. Ырысхан аға дерт пен құса мендеп, әппақ қудай болып жүдеп кетсе де, сол мейірлі, дегдар қалпынан танған жок. Әсіресе, «Қайда жүрсөн де, қандай қызмет істесен де өзінді-өзін биік ұста» дегенді маған екі қайталап айтқаны көкейімде тұнып қалды. Дастанқан басында біраз отырды, бір түйір дәм татты. Тесегіне барып жатқан соң мен кетерімде қоштасып, бетінен сүйдім. «Аға, амандақ берсін! », – дедім, әншейін пендешілік жұбату сөзі ғой. Өлім – хак, адамзаттың жазмыши, жалған дүние деген

бабаларымыз.

17 казан күні Мұратбек таңғы сағат 6-да «Ырысхан ағадан айрылып қалдық» деп хабарлады. Жерлеуіне түнгі автобуспен келіп үлгердім, ал қарашада Ырысхан ағаның қыркына Семейге бара жатып, Сапар ағаны соңғы сапарына шығарып салуға Алматыға барғаным, қазасын еститін сол 1999 жылдың 4 мамыр күні кабинетімде төбедегі ілінген электр шамы өзінен-өзі құлап түсіп, күл-парша болып сынғаны ойыма оралды. Мамам ылғи: «Байжан ата – арғы бабамыз, біздің бергі атамыз Баймұрын және Сапар ағаның бергі атасы Сақал бір туған, өз әкесі конфескеге екі рет түскен соң Сапар аға атасына жазылмаған», – деп қазаққа тән мінезбен шежіреден сыр тарқататын. Менің рухани шамшырактарымдай болған қос ағама екі дүниеде ризамын. Өз атам Кемелбай Насырханов 1937 жылдың репрессиясының құрбаны болып, жастай атылып кетті. Оның да атажұрты Құндызыды.

Құдай маған сондықтан талант ретінде мейлінше қамкор болуды қанды репрессия түгел құрта жаздаған, жұқанасы қалған ата жүртімнан емес, нағашы жүртімнан шыққан осынау марқасқа агаларымның маңдайына жазып қойғандай көрінеді де тұрады. Марқұм Сапар ағам мен Ырысхан ағамның жанашыр ізгілігі алдында өзімді әманда қарыздар сезінемін. Егер қазақ әдебиетінде менің өз орны болса, жаңы ізгі жақсы агаларымның аркасы деп ұғамын. Туған нағашы атам Оразхан түсіме кіріп, бір пәлден екі-үш рет сақтандырганы сияқты, аруақтары желеп-жебеп жүретінін білемін. Екі ағамның жарқын бейнесінөле-өлгенше ұмыттаймын. Қолымнан бар келері, қайтыс болған құндерінде мешітке барып, құран оқыту. Шығармашылық мұраларын насиҳаттау шығар.

3. Қарға тамырлы қазақтықтың артықшылығы туралы бір штрих.

P.S. 19 қаңтар күні таңтертengілік ояндым, ертең электронды почтамен журналға жіберейін деп отырған естелікте нені ұмыттым деген оймен түнде ұйқыға бас қойып едім.

Қазақ аруақ деген сөзді өтірік айтпайды гой. Түсіме Ырысқайша тәтем мен Бұршақбай ағам кіріпті. Екеуі қатар бір жаққа кеткелі жатыр, бір жалт етіп көрінді. Құдіреттің күші негізі осы естелікке сол кісілердің де аттары кіруі тиис

болатын. Ұмытқан эпизод есіме оралды.

1987 жылы мен Алматыдағы беделді университеттің 4 курсынан өз еркіммен кетіп қалдым. Әуелі құдай жар болып, сосын Сапар Байжанов, Сұлтан Оразалин сияқты ағаларымыз көмегімен оп-онай түскен оқуым болатын. Себебі Москвандын М.Горький атындағы Әдебиет институтына окуға тұсу көкейімде еді. Ал онда жоғары гуманитарлық білімін бар болса, окуға қабылдамайды.

Семейде ауылдан көшіп кеткеніне біраз жыл болған Ырысқайша тәтемнің үйінде тұрды.

Кейде қазакта нағашы жағы мен жиен жағы сирек болсын үйленеді. Менің шешемнің әкесі Оразханмен анасы бір, әкесі немере туысатын қарындасы, Әбдіхамитқызы Ырысқайша тәтемнің шешесінің есімі – Нұржан. Нұржан апамыздың туған ағалары – Оразәлі, Омарәлі, Ырысхан ағаның әкесі Мұса. Оразәліден Кәмен аға, Омарәліден Бұршакбай аға туады. Соғыстан соң құдай тағдырларын қосқан Ырысқайша тәтем мен Бұршакбай ағам екеуінің де екінші әкесі еken. Туыстары болмай қосыпты. Сондықтан мамам туған апасы Нұржанның бауыры Бұршан ағаны жезде демей, нағашы деп атайдын.

Москваға окуға тұсу үшін орысша прозалық шығармаларыннан аударма жасату керек. Мамам 200 сомын, Бұршан ағам пенсиясынан 100 қосып, 300 сомға аударма жасалды. Сол кезде, 1989 жылы бұл улкен ақша Қабылдау емтиханы таяу қалды. Әдебиет институтының бір ерекшелігі, шығармашылық конкурстан өтпесен, емтихан тапсыруға Мәскеугеabiturентті шақырмайды. Ол конкурстан өтуіме тағы Сапар ағам ықпал етті, Қарауылдан шыққан жазушы, есімі шетелдерге таныс Роллан Сейсенбаевқа қонырау шалып: «Айғұл Москваға окуға тұскісі келеді, өзің көмектес» деп ашық тапсырыпты. Құдай онынан болғызайын десе, қисынын түгел келтіреді ғой. Сонымен қабылдау емтиханына біраз уақыт қалғанда Мәскеуден игі хабар келді. Сонда Ырысқайша тәтем мен Бұршан ағам қуанғанынан Бағдаш ағаны шақырып, кішігірім той жасап жіберді. Өйткені Құндыздының тұмасы, әрі жас қайтыс болған Қайнікен тәтеміздің (Ырысқайша тәтемнің немере туысы) күйеуі Бағдат Ахметжанов арқылы тәтем аудармашы Мұрат ағаны тауып берген. Кілен туыс адамдардың маңызды

істе зор жақсылығын есіме алып отырмын.

Енді дереу Москваға самолетке билет алу керек. Ол кезде Семейден Мәскеуге жүмасына 4 мәрте дәу самолет ұшса да, жазғы маусымда билет алу үшін ықпалды танысың, обкомнан үлкен көкең болу керек. Міне, Ырысқайша тәтем тап осы тұста бұл істі «Семей таңы» сияқты облыстық газеттің бас редакторы Ырысхан Мұсағұлина тапсырды. Ол кісі билет алушы бірден шешті.

Ырысхан аға мені 1983 жылы әдеби байқаудан үлкен жүлде алғанымда редакцияға бір шақыртып алғып, батасын бергені ойымда.

Сөйткен қымбат билет күйіп кете жаздағаны тағы бар. Мәскеумен 4 сағат уақыт айырмасын ескермей, дұрыс қарамағандықтан, ертен ұшады деп жүрген самолетім кешегі рейспен ұшып кетіпті. Ал қабылдау емтиханына 4 күн қалған. Мамамның немере сіңлісі Хадиша жедел жәрдемде дәрігер болып жүрген кезі, ол Ырысқайша тәтемнің туған бауыры Құсманның қызы. Күн сайын қызыл жолақ ақ машинасымен тәтесіне кеп, дайын тамағын ішеді, бірақ өз үйлері бөлек. Күйеуі Самат Оспанов балалар хирургі, екеуі күн сайын күндіз кезек үйге келеді. Қайрат атты 11 жасар ұлдары Бұршан ағам мен Ырысқайша тәтемнің баласы саналады, осы үйдің ерексі.

«Әйкен, таксиге тапсырыс берейін, билетіңді әкелші, – деген Қаден билетті көріп, шошып кетті: – мына самолет түнде ұшып кетіпті ғой! Қалай уақытын дұрыс көрмегенсің?!».

Алдында бірер ай бұрын Мәскеуге жібеген қолжазбам почта арқылы қайтып келгенде қатты жылап отырғанда, Самат жездем бандерольдиң сыртын қарай сала: « Эрине, институт мұны кері қайтарады. Неге факультетін дұрыс көрсетіп жазбадың? Накты көрсетпесең қайдан қабылдасын?! Мынауың Антон Павлович Чеховтың әңгімесіндегі «На деревню дедушке» дегені сияқты жалпылама болған да, әдебиетті де ерекше билетін.

Самат Қабдоллаұлы Оспанов өз саласы медицинадан бөлек, ерекше білімді адам болғанын семейліктер білуге тиіс. Жалғыз ұлы Қайраты 22 жасында қаскөйлердің қолынан қаза тапқанын көтере алмады, қайтыс болды.

Мен дереу бандерольды почтага қайта апарып, сыртына адрессті жазған соң, «Проза бөліміне» деп анық көрсеттім. Ұзамай қолжазбам қабылданғаны туралы почтадан хабар келді.

Ендігі ерен көмек өзім Қаден деп атайдын әпкем, Хадиша Құсманқызынан болды. Ол мені ертіп алғып, авиаагенттіктің тұра бастығына кірді. Сөйтсек, билеттің күнін өздері кате жазып қойыпты, ол самолет кеше ұшпаған, бүгін таңғы 4-те көрінеді. Ал әлгі бастық болса, маған алтыннан қымбат билетті қимай, кері өткізініз дей бастап еді. Сірә, бұл билет қасқалдақтың қанында шынымен қат болып, біреуге керек болып тұр екен. Қаден тез арада оны жөнге салып, билетті кассаға кері өткізіп, жаңадан, дұрыс толтырылғанын алғып берді.

Сөйтіп, маған Москвауда, таңдаулы творчестволық институтта бес жыл оқып білім алу бұйырып тұр екен. Роллан ағаның үйін тауып келгенім, со үде біраз тұрғаным, Клара тәтенің жарқын пейілін көргенім ол бір әңгіме.

Ал бұл жолда маған бір Алланың жазумен басы Сапар ағам болып, Бұршан ағам, Ырыскайша тәтем, Бағдаш аға, Сұлтанбеков Мұрат аға, Үрысхан аға, Самат ағам, Қаден әпкем бәрі-бәрі тегіс көмектескен екен. Әлбетте, мені еki үлкен оқуда 8 жыл күндізгі бөлімде оқытқан өз мамамның орны бөлек. Қыл аяғы нағашы атам Оразхан, басқалар журфактағы оқуынды бекер тастадың деп кінәлағанда, «Мәскеуге, биікке ұмтылғаның дұрыс» деп батасын берген. Сол сөзді окудан кетемін деп рұқсат сұрай барғанымда Сапар ағам да айна-қатесіз бірінші болып айтқан: «Жоғары ұмтылғаның дұрыс!». Аталас адамдардың тіпті ойлауы да ұқсап тұра ма екен?! Жарықтық нағашы атам өзін бірнеше әңгімеме кейіпкер қылатынымды ол кезде әрине, білген жоқ. Ауық-ауық түсіме кіретінін рухы риза болып жүргені шығар деп жоримын.

Баршамыз жарық дүниеде осыншалық мейір-игіліктің болғанына мұқтаж екеніміз бір Тәніріге аян. Соңда қазақтығымыз тозбайды, ұлттығымыз азбайды деп сенемін!

13.01.- 20.01. 2013.

ӘДІЛБЕК АБАЙДІЛДАНОВ.

«ӨЛЕҢНІң МЕН-ДАҒЫ БІР ҮРҮСІСЫМЫН»

1. Илиястың ізбасары.

Қазақтың Абайдан соңғы классик ақыны Илияс Жансүгіров тұған жері Жетісү көркін сөзben өшпестей таңбалап кетті. Сондай бір көркем сурет оның ізбасар інісі Әділбек Абайділановтың қаламынан төгілді:

Жонғар тауда қожыр-қожыр,
тарғыл қара таулар көп,
Үңгірлерін мекендерген баяғыда жаулар кеп.

Жынғыл өскен жыралар бар,
тобылғылы беттер бар,
Жабайы алма, жанғақ өскен,
доланалы жақпарлар.
Өр қеуделі тастары бар, қына басқан,
мұқ басқан,
Түйе тауға теңдейді ылғи теңкиген бұлт
түкті аспан.

«Шынға шыққан қарагай туралы баллада».

Фольклорлық мол сарын қазақ әдебиетінің тұма бастауы болса, өлеңнің эпикалық құлашы көкжиектен асса, құс жолына тараса, уызынан жарыған ақындық тегеурін ә дегенмен баурайды. Жетісүдың көрім табиғатын, тау ішін бір өлеңнің айдынына шалқытып, тіршіліктің жанды тынысын сездіріп, «*Судан жеңіл бу үшауды, сағаменен көлбейді*» – сол сәтке өзің еніп кеткендей, шоқ талдан шыққан елікті көзбен көргендей масайратады. Эпитеттері «түйе тау», «түкті аспан», «теңкиген бұлт» – көш-керуенниң суреті, күн астында тұнық пен тазаны іздеп, жыл құсындай көшіп жүретін бір халықтың белгісі – ол біздің қазақ.

Батыр бабам жау құғанда таудан әрі асырып,
Сол биікке көмген болар бетін таспен жасырып.

Сол бір тұрған қарагайға Күн де басын иеді,
Бабамның ол тасты жарып шыққан сүйегі.

Сәкеннің ақ боз ат мініп, тау ішінде өлеңдетіп келе жатқаны, Баянауылдағы Жасыбай көлінің тарихы, қазақ пен қалмақ соғысында талай ерлердің тауда көмусіз қалған сүйегі

еске түседі. Табиғат лирикасы қаһармандық, отансұйгіштік сарынға айналып кетеді. Бұл тұған жерді кейінгі ұрпақ қастерлеуі үшін керек. Ақын жүргегінің әмірі.

Әділбек ақын «Түйелі ауылдағы кеш» атты эпикалық өлеңінде көшпеліліктің негізі, көштің көркі түйенін (Майлықожа) керемет образын сүйіп жырға қосқан. «*Түйенің шыгады үні сағындырып*»:

Тыңдауға оны мәнгі дала дайын,

Келе кеп иірілді анадайдан.

Адаскан енесінен үкі бота,

Кудай-ай, сыңсиды тап баладайын.

Ботасын іздел боздаған «Боз інген» күйі дереу көкірекке тараиды. «Үкі бота» поэзияда бұрын-соңды табылмаған керемет сұлу теңеу! Әдемілігі үшін азан шакырылып қойған Үммиғұлсім атын ел атамай, бала кезінен Үкібас атанып кеткен бір апамыз болған, екі әңгімемнің кейіпкері. («Көкция», «Тұлпарбасқан»). Қазақтың үкіге деген ықыласы ерекше. Ақ ботаның уыздай таза, үкідей үлпілдеген періште кейіп жарқ ете түседі! Құс балапаны пен малдың жас төлін қосарлап, бір бейне қылып шығару үшін қаншалық ақындық шабыт, табиғи шеберлік керек. Оның сыры мынада. «*Бүйіркүм, бүрген, жусан иісі әтір, / Өсірген бұл табиғат құмға майды*», «*Даланың шамы дерсің туган Айды*», бұл эйфория, қеңдікке, түннің беймағлұм магиялық сұлулығына, көшпелі сана мен әлемнің болмысы арасында еш бөгет болмағанына елту, жарық дүниені тұтас иемдену, баураған бақытқа мас болу, ақындық кепке елігу.

Шөмішпен ақын аға кесесіне

Жұп-жұмсақ Ай сәулесі құйылады.

Сикырлы мезеттің ақыннәдебиетарқылы жүректерге таратады. «Жағалай от ойнатып жерошағы», ежелгі отқа табынған зороостризмдік мәдениеттің ұшығы; оны христиандық ілім шіркеуде діни мейрамда шырақ жағу, шырақ қою түрінде қабылдаған, әуелде адамзат Күнге табынған кез жадтандырылмайды. Жердегі от көктегі жарықпен ұласқанда, Ай нұрын қымыз бен шұбат тәрізді сіміре жұтып отырған жыр кекірек. Өлең ары қарай қазақтың халық әндеріндегі жұмсақ сүйіспеншілік сарынға ауысып кетеді.

«Ішіп тұрмын қазір мен Айдың сұтін». («Дала тұні»). «Аспан» атты өлеңінде ақын Ай мен Күннен аузына сұт

құйылғандай болатынын тегін жырламайды. Өзекті жанның корегі ас болса, жүрекке нәр беретін рухани корек ақын үшін ерен мәнді.

«Бұлттың қасындағы» Илиястан

Тауың да бара жатыр аласарып.

Тұлпар ақын атап, құдіретті жыры үшін ұрпағы есінен тастамас (өз сөзі) Илияска арнаған олеңінде ол інілігін айтады, шаттанады. Илиястың шығармашылық асыл мұрасын қамтып, Молықбай қобызшыны қоса айтады.

Немене екен кеуденде құркіреген,

Жылқы ма екен жау тиіп дүркіреген?

Бұл ақынның «Аспан» атты риторикалық саяал түріндегі өлеңіндегі космогониялық мифтерге тән шалқуы, өйткені Темірқазыққа байланған Ақбозат пен Көкбозат жетіқарақшыны ақырзаманға шейін айналып журеді. Көк аспаннан көсілген жылқы үйірін көруді әзелде Илияс Жансүгіров жырлаған болатын. Илияс бұлтың көкпен астасқан биік тауда жылқы бақса, Әділбек қарлы борасында, дауылды түнде «Қайран да атам жылқышы ед... / Жабысын белден жарбылып, / Атама алғам мінгесін»,

Кұркіреп шыға келер әр уақта,

Оранған бұлтында әлде аруақ па?

Әділбек ақын тірі мен өлі – өмірдің өзегінде алмасу барын аңдау арқылы, «аруақты» зорайтып, кие тұта сөйлейтіні, «Өлі разы болмай, тірі байымайды» дейтін әуелгі қазактықтың өз дуниетанымынан болса керек. Бұл күпір, құдайға шерік қосу емес, аруақ Жасаған Иеге жердегі адамдардан ғөрі жақын барды, құдіреттің таныды деген қазақы ұғымнан шықкан.

Айнала – аппақ аруақ,

Ұлиды боран, тынбайды.

Табиғаттың стихиялық, жойқын құбылыстарынан ақын аруаққа тән тылсымды таниды («Дауылда»). Арқаның үскірік, долы, бері ұлыған боранында иен түзде жылқы баққан жігіт нағыз Ер екенін дөп суреттеп, «Аппақ кебін айнала. / Қалтыып қос түр ма екен?» – деп «Өліміне айгақ жсоқ» жылқышы образын жырга қосқан Магжан.

Жер жұтқан дерсің жылқыны,

Таппайсың ізін жер-көктен.

Әділбек бала кезінен қазақ даласының құдіретті

романтикалық сырын біліп, дауылда шынығып ер жеткенін жырлауы – «Сыртынан тонның қар күт», «Тоңсам да тоңбай келемін, / Қара шал сенің арқаңда» деп мойындалап, атасымен жортып келе жатқандағы бұлғақ сәтті нақты реалистік суретпен беруі ғажап.

Найзағай не? Жарқ еткен ашуың ба,

Шашып кеп жіберген бір шашуың ба?

Ол аспанды телегей теңізге, ұлы далаға теңейді, жанының сәулесі оттай жанып, шашулы той қылып, күт-береке көреді.

Кеуденде керілгенде кемпірқосақ,

Мен саған шықсам деймін көпір жасап.

Ақынның өртегілік эпостық санасты сейілмейді, бірақ олғылыми болжамға, нақты көруге ұласатыны ғажап:

Не сен бір түпсіз құыс түнекпісің?...

Дүние әуелде хаос болатын, үйлесімді Аллатагалала жаратты делінеді.

Әділбек Абайділданов «Жер» атты өлеңінде антропологиялық космогонияны таңдайды, ол Жердің көзі – көл, «құм-шагыл әжімің» деп жырласа, бұл-дағы биік поэтикалық сана. «Айды да Жер екен ғой туатұғын». «Көмейі терең қара құз / Қарқара таудың аузындаі», «Су да сұлу бетіндегі оймыштанып», аруы бұлттан түскендей көп өлеңінде табиғатты антропологиялық қабылдау басым келеді. Жылытау, Қарасенгірдің көріліктен шашы түсіп, мұжіліп, қаусап қалыпты деп жырлайды. Марқакөлді суреттеуінде адамша кейіптеу тұр. Овидий жырларында сүйіспеншілік мендеген, құса-шерге байланған адам ан-құсқа, ағашқа айналып кетіп, естен тандыратыны сияқты. Оның Қарқара тауы түркі мифологиясындағы жерді мүйізімен ұстап тұрған кек өгіздің бір тұлғасы – грек мифтеріндегі жерді иығына көтеріп тұратын Атланттай мықты:

Өмір үшін жарық керек болғасын

Күн мен Айды көтереді иықпенен.

Ақынның стилінде молдық, эйфория мен патетика, дүниеде табиғат пен көшпелі нақілдің баласына тән жаны жомарттық басым тұрады: «Дарияң – көңілім ғой тасып жатқан»; дүниенің толысуына зәру, сәл кемуден жаны жабырқайды: ««Неге кетік?» деп қараймын Айыңа». Ілияс сүйген Қарқара тауы, Жетісу табиғатын сол тауда отырып суреттегенін Әділбек ақын жадтан өшірмейді. Бұл өлкеде үш

жүзге аты шыққан ақын Сара, қазақ өлеңіндегі әлі ашылмай жатқан қазына аралдай кеништі ақын Қанипа Бұғыбаева туған.

2. «О, өлең, керемет қой құдіретің».

Абайдан соң табиғат лирикасын, жылдың төрт мезгілін, жаратылыстың табиғи құбылыстарын, кіндік қаны тамған жері Бақалының көгін, бұлтын, тау-тасын, сұнын, нұнын жырға түгел қосқан кейінгіде бір ақын болса, ол Әділбек Абайділданов. Оның дархан табиғаттан жұққан бір мінезі – мейірімділігі. «Туган жерді сүйген болсаң, жаяу жүр» деп ақын даласын перзенттік сағынышпен тынбай жырлайтыны соның айғағы.

Қос қарлығаш жем ізделп кеткенінде,

Жел тербетіп тұрады бесіктерін.

«Көкшіл мұнар, жарапған дала ағыстан» атты өлеңіндегі сарын (Шәкерімде: «Жаралыс басы – қозғалыс»), жан-жануардың табиғат анасына тәубешіл ризашылығы, несіпптерін құдай беретіні туралы. Содан әлемге мейір тарайды дегісі бар. Тал басындағы ұяны көріп, көз ақы алған адам жөргегіне жапырақ ораған баласына бұтақтан иіп бесік жасады. Адамзат айнала сайраған сұлу құстарға еліктеу арқылы шаш қойып, сыланып, тарануды үйренген, үлгі алған. Би өнері әуелде құстарға тән қимыл болған.

Арынын андамайды кім ісінің,

Өлеңнің мен-дағы бір ырысымын.

Ақылды сөйлеп кетсем – атам Абай,

Шапқанда – Ілиястың інісімін.

«Халқым».

Әділбек Абайды пір тұтатыны қолтаңбасынан білінеді, әсіресе, жыл мезгілдерін жырға қосқан өлеңдерінде тасқа таңба басқандай анық. Кейінгі қазакта Абайдан үйренбеген ақын атымен жоқ. Абайдың 13 жасында шығыстың ескі шайырларына еліктеп жыр жазған стилін Әділбек ақын жаңғыртты. Есейген Абайдың өз шәқірттері Әріп пен Кекбайды «Мұнда жок алтын иек сарала қыз» деп өлеңмен сынағанын біле тұра, қыз жамалын асыл тастан сипаттап торттаган жазды:

Ерінің гүл, көзің гауһар,

Айдында – акқу, көкте сұнқар.

Төсін керген, ей, ақмарал,
Жарық дүние саған інкәр.

Оның жарық дүниені жатырқамауы, бауырмалдығы жырларында тасқа таңба басқандай анық. Түркмен циклінде «Сол жердегі «Ферюза» атты қойнауды / Туркмендерге Грибоедов қаратқан» деп жырлайды.

А.С.Пушкин «Путешествие в Арзрум» атты жол сапар жазбасында Тифлис маңы, арқыраған тау өзенінен өтерде қос өгізге жегілген арбага артқан ақынның мәйтін кезіктіреді. «Қайдан келесіндер?» – деп сұрадым мен олардан. «Тегераннан». «Не әкеле жатырсындар?» – «Грибоедовты». Шах сарайында бүлік кезінде 1829 жылы қапияда өлтірілген ақын рухын Пушкин ардақтады. Дер шағында елі бағаламаған мәрт азаматты, үлкен дарынды жоқтады. Қазақ ақыны Әділбек Абайділданов А.Грибоедовты бір өлеңінде екі мәрте мәртебесін асыра жырға косуы соның бір белгісі, рухани тұтастық.

Дүниежүзінде бір-бірін өлсө жатсынбайтын, тосырқамайтын жұрт – ақын-жазушылар, өнер иелері. Олар нақты бір халықтың бекзат өкілі болғанмен, сан қылы үлт болсын мейлі кей сәт бір тайпа, бір нәсіл, бір текten тарағандай бітісіп кетеді, бұл үшін дәүір мен уақыттың бөгеті жоқ.

Әділбек ақын есімі дінге тартқанмен, тек махабbat лирикасын керім жырлаған түркмен шайыры Молланепесті, сол елдің белгілі жазушысы Берді Кербабаевты жырға қости. Оның «Қара көзі жарқ етер, тартынбасаң» – «Түркмен қызына» – поэтикалық тарту, махабbat лирикасының шоқтығы:

Бетін бұркеп, ұялып тұрганменен
Көзге сонша тәкәппар көрінеді.

Қазақ ақындарының кейінгі буынында Фалым Жайлыбай түркмен аруының аспани көркін, сымбатын сүйініп жырға қости.

Махабbat лирикасында ақынның табиғи дегдарлығы сезілмей қоймайды. Өктемдік, әйел затын кемсіту, тұрпайылық жоқ. «Жерде әйел болғандықтан гүл өседі» – нәзіктік пен әдемілікті қастерлеп, сүйіктісінің образын жасайды.

Мендең алған махаббаттың жарлығы,
Ес жиюға бермейтін ғып мұрсаатты,

Сыйлашы сен, соның бәрі, барлығы
Қас-қағымда болатұғын бір сәтті.

Сонымен қатар ол сүйгениң сезімге мас болып есі кеткен
сәтінің өзінде ибадан аттамауын жаңымен қалайды:

Бойыңдан шашау шықпай ар-ұятың,
Еркелік қылышқа көзге жария тым.
Сен, жарапып пе ең құлімсіреп,
Япыр-ау, неткен жылы ед табиғатың?!

Ақынның сезім шарпуы асып-тасқан мезетте дегдарлықтан
айнымауы жаңы сұлулығының ишарасы.

Жаңымның жоқ көктемнен сырт дауасы,
Ауасынан бал шарап ұрттап алсын...

Қыз дүние кәусарға шомылған ба?

Мөлдір бастаудай тазалыққа тым құштарлығы қайран
қалдырады.

«Қос бикеш» атты сатиралық өлеңі қазақ қоғамында
сол кезде етек ала бастаған жат құбылысты, бұзылған
қызы-жалғызбастылық трагедиясының құпиясын ашады.

Әділбек ақын төрттаған жазса, оған түйін салуы керек,
ол көбінесе жақсы мен жаманың жер мен көктей алшақ
болмысы туралы. Ақын журегін қамықтырған күншілдікті
былай суреттейді.

Сыйладым мен әркімді досым гой деп,
Отырмын бүгін енді тосын ой кеп.
Қараймын әрқайсысына жаңым жудеп,
«Япыр-ау, досым сиқы осы ма, ей?» деп.

Аңқау, ақпейіл көңілмен, қарапайым ұғыммен күншілдік,
«Құйрығы шаян, беті адам» (Абай) жалған достықтың уытын
бере алған. Өйткені ақын әдебиет әлемінің қасиет-қадір,
сазды сөздің сиқыр жаратылысын тауып айтқандай:

Сұйық сөз, салқын тіл менен
Музага жүрмес бас қамы.
Өзі от боп жана білмеген
Жандыра алмас басқаны.

Бекер адамның басына бақ қонбайды дейді халық нақылы.
Дарын қуыс кеудеге, ұсақ қүйкілікке өлсе дарымайды.
Ол-дағы тек құнарлы топыраққа өнетін текті өскін тәрізді.
Жырымда қаз-қалпы тұр табиғатым,
Жұрт, тегі, сөзін оқып таниды ақын.

Лаулаған өрт болайын, сел болайын,
Сен үшін, бір сен үшін, жамиғатым.
Ақынның жаратылсыс аңқылдаң тұрмаса, болмысы таза
болмаса, періште жыр тайқып шыға келері айқын.

Әділбек ақында советтік идеология үстем заманың ағымына еніп, құпіршілікті ойламай жазған бір өлеңі – «Прометейдің аспанға қарап тұрып айтқаны» десе өтірігі жоқ. Өлеңге эпиграф Карл Маркстен алынған. Мұндағы Зевс құдай грек мифологиясындағы көп құдайдың бірі, адамзаттың балалық шағындағы пүт құдай болғанмен бұл өлеңнің астарында астамшылық шығандau бар.

Құдаймын деп қасарыспай, маған табын одан да,
Мен тірімін!

Мениң жаным – бойда оты бар адамда.

Құпіршілік – ақын-жазушы бас сауғаламай қапы қалатын бір алbastы дерт сияқты. Асып-тасып, жынға арбалып, кара басқандай елеуреп кетсе, олар тым артыққа ұрынып сорлады. Көп ақын бұл жалғанда ажалын өзінің тілінен жазған. Пайғамбарлық даналық құпірден аулақ. Мистикалық шындық солай.

Сеніменен тірестім мен, курестім мен ұдайы,
Тек жер емес, Адам бүгін – аспанның да құдайы.

Прометей – мифтік қаһарман, бірақ ет пен сүйектен жарапаны рас болса, оны жарты құдай сияқты қабылдау теріс. Қөшбасшы, көсемнің миссиясын орындау – мәрт, айтулы ердің ісі. Марксизм адамның тәменгі жаратылсына тән фәнилік мүддені иемденді. «Марксизм – философия желудка», – деп дәріс оқыған мәскеулік ұстазымның сөзі есімнен кетпестей көкейімде жазылып қалды. Әлде ол мұны өлара 1990 жылдардың скептицизмі жеңіп айтты ма еken?!

Адамзат ғарышқа ұшқан соң кей жүрек адасты. Оны ақындар елге ұран сала жария етті. Сынықтан басқаның бәрі жүғады. ««Ал!» дегенде, басқадан бүрын шаптым» деп Әділбек ақын кейде бекер арандал, текке килігүін мойындаса, бұл мінезінен өнер адамының ақ жүргіті көрінеді.

Енбекші қауымды жырлаған патриоттық рухтағы өлеңдері сол кездегі баспасөз үшін таптырмайтын дүние болған шығар. «Дихан», «Шопан», «Альпинист», «Адам кетіп барады гулге оранып» социалистік қоғам үшін қажет мақаладай, сылбыр, жаттанды, кара өлеңнің арқасын

жауыр, жұртты мезі қылған. Оқуға да, оқымауға да болады, түк әсері жоқ.

«Жыласам мен – Отаным деп жылаймын» – Әділбек ақын мұндай өлеңдер жазбаса, сенімсіз болар еді. Ақын дәуірден тыс қалатын джунглидегі маугли емес. «Жаман өлеңдерім жақсы өлеңдерімді асырайды», бұл сөзді нақты бір ақын айтқанмен, шайырлардың көшпілігі бұл шындықтың шенберінен шыға алмады.

Ақынның өмірсүйгіштігі, иман-мейірі соғыста аяғынан айрылған адам етікшінің рухы жасымаудың бейнелейтін «Мүгедек» сияқты шынайы өлеңінде философиялық түйінмен ашылған.

Құлақ түрем тықылдаған дыбысқа,
Тоқтамайды толасы жоқ тіршілік.

«Қырандар» – аңыз бер ақиқат астасқан астары мол, рухы мықты, тілі шұрайлы, құйылып түскендей шымыр поэма. Жырга Келіншектау туралы аңыз салу реалистік поэзияға алтын жиек салғандай тартымды.

Балағат сөзді судай сапырады,
Аузынан тастамайды тәубасын да.

Мынау «Қырандар» атты поэмасының жексүрүн кейіпкері – Қоқай, шор, ожар, карғыс аткан, қарақшы Қоқай. Қоқай, Конқай десе, қазак мұны атына заты сай дейді. Әділбек Абайділданов Қоқай бейнесі арқылы мұнафиқ екіжүзді адам жаратылысын, тартюфтік болмысты қалай қазакы нақышпен бере алған. Әділбектің Илияс Жансұгировтың «Құлагер» атты классикалық поэмасын пір тұтқаны поэма сарынынан жазбай байқалып тұрады. Илиястай тегеурінді суреттеу, етene дәлдік, құс жолында қанатты құстай самған көркемдік.

Құлагердей текті жаратылыс – Қарабурас, мұзбалак, қыран, бұл қазак рухының символдық рухы, нышанды бейнесі.

Намыстын байлауда ол уын ішті,
Жалаған алай-түлей қүйин ішті.

Жердегі байлап-матап қорлап келген
Аласа өмірден ол биік ұшты.

Ойлаушы ед мүлік қой деп қолдағы деп,
Қыранның шын бейнесін сомдады көк.
Маталған ерік біткен сұм заманда ол
Тұтқыннан босанып ап самғады кеп.

Поэманың идеясы – еркіндік, өлсे де азаттықта өлу. Қыранның туған жеріне жетіп өліуі романтикалық биік қаһарманға лайық қимыл. Поэмадағы елдік пафос ақын жүргегінен өзі жиі суреттейтін ай сүтіндей көктен құйылып тұрғаны сезіледі.

18.11. / 20. 11.2013.

КӘДІРБЕК СЕГІЗБАЕВ. ДАЛА ЖЫРШЫСЫ

Ғаламдану құбылысын жер бетіндегі ахуалды билейтін топ капитал үлесі үшін ойдан шығаруы мүмкін. Өйткені адамның санасы осы біртекті жаһандану тасқынына еш көнгісі жоқ. Әлемдегі ең дәстүрлі әдебиет үлгілері үлтшылдықтың он сипатын жадтан өшіргізбейді. Санасы айқын халық болған соң, көгін танытып, қазақ рухани болмысынан айрылғысы жоқ. Қазақ прозасында Мұхтар Әуезов пен Жұсіпбек Аймауытов салып берген тандаулы жолдан кейінгі буын жазушылары көз жазған жоқ.

Ағыл-тегіл сөз қазынасы қазақ әдебиетіне ежелден тән. Ол бізге сонау есте жоқ ескі замандардан жалғасқан бақсылық сарынмен үзілмей келеді. Осындаға Мәшіүр-Жұсіптің «Қазақтың әулиелігі тілінде» деген түйіні анық. Санасы айқын халықтың тілі көркем, танымы зор, көкірек көзі көреген болмақ. Үлттық дүниетанымға, дәстүрге берік жазушының бірі Кәдірбек Сегізбаев. Ақан сері, Иманжүсіп, Біржан сал жыраулық ұлы дәстүрдің заман азарда үзілер жүқанасы болса, уақыт өзгерген сайын ауылы көзден бұл-бұл ұшып бара жатқан урбандалған қазаққа салт-дәстүрді ұлықтау өзін жогалтпау үшін жасалған ұлы түйсігі екені даусыз. Адамды түйсігі ғана алдамайды. Әлемді жаулап алған кино индустриясында жаһандану қансығы тозып, керісінше оның ыдырауы басталатын мезеттің жұлдызы енді туып келе жатыр. Әдебиет рухы соны қалайды. Соңдықтан дәстүрлі проза ескірді деп үкім шығаруға еш негіз жоқ. Постмодерн Қожанасыр әпенді астарлап айтатын «Үйректің сорпасының сорпасы» деген көз алдауга, қарыздануға жиі ұрына берген соң да дәстүрлі прозаның бағы ешқашан қайтпайтыны анық.

Кәдірбек Сегізбаевтың «Беласқан» атты романы нақты прототиптері бар, XIX басындағы қазақ жерінің шығыс шетіндегі өмір суреттерін қаз-қалпында берген. Әлбетте, автордың қазаққа лайық зердемен эпикалық кеңдікпен әсірелей суреттейтін тұстары баршылық. Ол алпысынши жылдарда әдебиетке келген жазушылардың баршасына ортақ белгі. Романның үлкен нышандық белгісі, қазір ұмытыла бастаған, тіліміз әбден шұбарланған сон қолдануға зауқы жоқ ескі сөздердің молдығы, бәрі ескі өмір салтынан туындағын тілдік лексикалық қор. Мұндай тілі бай ділмәр романды оқымай кеткеніме екі онжылдықтың жузі болыпты. Біргүрлі жатырқап қалғандай сезілгенмен, әуелгі тосырқау іле де ұмытылып, кітап оқырманды жетегіне алып кетеді. Алдыңызға қайың астаумен толтырып, бір жабағының етін тұтас салып бергендей көрінеді. Ысырап емес, қазыналы дәстүр. Соңдықтан астатәк молшылыққа бір кенеліп қалудың сөтін түсіргеніне шүкір десе керек. Романдағы бір шуақты мезет ежелден ата жау деп 250 жылдай шабысқан, қазагыма «актабан шұбырынды, алқақол сұламаны», көресіні көрсеткен жонғар-қалмаққа өшпенділік атымен жоқ. Мұрат Өуезовтың «Иппокрена» атты зерттеу кітабында: «Жонғарлар тарих сахнасынан кетті. Бірақ қазақ жазушылары ата-бабаларының қаһармандығын айтқанда, жонғарлар дұшпан символы бейнесінде қалып қойды, сол нышан ретінде зұлымдық пен жаулықты телиді» деп жазды. Бұл ретте Кәдірбек Сегізбаевтың суреткерлік танымын бағзы Қайта Өрлеу дәүіріндегі ұлы гуманистердің дүниеге көзқарасы дарыған, қонған, Абайдың «Адамзаттың бәрін сүй бауырым» өсietiнә адал жазушы екеніне шынайы риза боласыз. Яғни стереотипті үлгілерге ұрынып, сынаржақ ауып кетіп қалмаудың өзі жазушының адам психологиясын терең билетін болмысын андатады. Адам баласы құдайдың алдында тең, бәрін бір жаратушы Ие жаратқан деген таным романда үstem. Дала мәдениеті салғаннан бабымен көрінеді. Этнографиясы мол, казакы өрнек тым мол, шүпілдей құйылған қымыздай ернеуінен асады. Әрбір кейіпкердің өз бейнесі анық, басқаға ұксамайды. Құрделі адам портреттері бар, бір жақты сырлап, әсірелеуге көнбейтін кейір кейіпкерлерді бір ұрты май, бір ұрты қан десе болар. Бірақ тұптің түбінде авторлық гуманизм олардың өзін дегеніне

көндіреді. Пендершіліктерін адамшылыққа женгізеді.

Романдағы Жұманай көсе қазақ прозасында ежелден бар әңгүдіктеу, тұзы жеңіл, зілі жоқ, әзіл-құлқіге негізделген кейіпкер. Сақал-мұртсыз әлжуаз шал сайқымазактың рөлін көп атқарады. Оның құсбегілік өнері құрметке лайық. Мылжың, мактаншақ, жатыпшерлері көп ескі қазақ салтында мұндан адамдар әр ауылдан табылады. Зұлымдықтан, екіжүзділіктен аулақ жан болған соң жұрт бос сөзді мылжындарға әрдайым кешіріммен қарайды. Авторға Жұманай шал әр оқиғаға дәнекер үшін керек. Егер Жұманай шал Гогольдың кейіпкери болғанда, оның сатиравы сипаты қоюлау болар еді. Юморы басым болып тұрғаны қазакы жаратылысынан, ол бұл ретте Михаил Шолоховтың сүйкімді Щукарь атаяның ұқсайды. Ол өзіне оқыс мал біткенде байсымақтың кейіпіне енетінін жазушы әжуамен шебер жеткізген. Адамға қажет осалдықты ол кейіпкерлерінен аямайды. Жұманай шалдың аузымен жазушы қалмақтың біраз алабетен мінез-құлқын казакы түсінікпен түреп, аңғармаған болып, әшкерелеп қалуға бейім. Адам баласы бір-бірін сынап-мінемей отыра алмайды, ал бір халықтың ғұрпы екіншісіне жат көрінері рас. Мысалы, «Қалмақтар «тарбаған» деп суыр жейді» (134бет).

Романың басты идеясы – қазақтың ауызша тарихын түзетін, біртұтас ұлт болып ұйысадағы этнологиялық ерекшеліктерін ашу. Шежіренің орны қазак үшін аса мәртебелі. Ру – қазақтың қағазға басылмаған далалық төлкүжаты. Тайпалық сана қоғамдық қарым-қатынастардың негізгі тетігі болды. Ақселеу Сейдімбектің шежірелік деректерді пайымдайтын «Қазақтың ауызша тарихы» атты таңғажайып кітабында «Сіңісті атапар мен рулар» атты тарауы бар. Жаугершілік заманда елден елге, бір рудан бір руға, бір халықтан екіншісіне ұрпақ ауысып журе берген. Соның нәтежесінде далалықтардың этнологиялық сүйегі түзілді. Қазақтың ең керемет феномені – оның зердесі. Ол өзінің жетпіс жетінші атасының кім екенін нақ біле алатын қасиетке ие. Сіңісті атапар да түбін ұмытпайды. Бауырына басқанмен жадына қиянат қылмайды. Тектілікті артық санайтын казақ «кірме» деп кемсітпеген, Ақселеу Сланұлы ғылыми зерттеуінде атап айтқандай: «Былайша айтқанда, көшпелі өмір-салтта жеке тұлға шықкан тегіне немесе

сіністі болғандығына қарамастан, оның адамдық сапасы ұдайы алға шығып отырған».

«Беласқан» атты романның өзегін құрайтын оқиғаға эпилогындағы «Тарбағатай етегінде отырған тамалардың ауылы», «...аз үй таманың да «Санияздың алшындары» атансып, төре ауылдының бір бұтағы бол кетерін...» – құнықер болып, Еділ бойынан қашып қелген ағайынды екі жігіт – кіші жұз Есет батырдың нәсілінен Байшуақ пен Бараттың тағдырлары алынған. Шынтуайтында екеуінің тарихы қазақ тіршілігіндегі көп қайталанатын жазмыш. Ұлттың қалыптасуында рөлі бар құбылыс. Ағасы нағыз ер азамат, інісінде ағаттық, жастық албырттық мол.

Шешендік өнер – көшпелі халықтардың этикетінде негізгі қасиет. Роман бастан-аяқ шешендік тілге негізделген. «Сен Бала Ертісті, мен Қара Ертісті тел емген егіз ел едік», – дейді Нұрәлі би торғауыттың басшысы Ошыржап уаңға сөз саптағанда. Далалық дипломатия мен этикет бұл романда айқын берілген. «Аруақты басымды азғын сөзбен қорлайсың. Жетер, жәдік!» деп Қамбар төре жер үшін жуандық көрсеткен жүрек жүтқан, намысқой жас керей жігіті Алдиярга зілдене сөйлейді (69 бет). Ақыры Алдиярга Қамбар төренің көзі тип өледі.

Еділ бойындағы торғауыттың Шығыс Түркістандағы атамекеніне жөңкіліп көшкенде құс қанаты талар қазақ жерін қия кесіп өткендеңі тарихы шынайы берілген. «Сұрауыш жүзі төменшік» (49 бет) деп қалмақ жағы осы қыын жолда тек аман қалудың жолын дөп басады. Романдағы торғауыт қалмақтың begi Ошыржап сом тұлға. Ақыл, парасаты мен айлакерлігі жағынан қазақ төресі Қамбардан еш кемдігі жоқ. Ошыржаптың күші оның адами болмысының беріктігінде, әуел баста бұтаға қорғалаған торғайдай болып өзін паналяған қазақтың қос жігітіне тым адал пейіл танытатындығында. Ол екеуі Ошыржаптың сенімін ақтайды, торғауыт көші еліне аман-есен жетуіне себін тигізеді. Ошыржап Байшуақ пен Баратты шақырып алып: «Қалмақ тонын киген қазақтың қазақ қолынан өлгені жараспас. Жандарың – сауға, жолдарың ашық» дегенде, олар: «Мырзам, қалмақ тонын кисек те жанымыздың, қанымыздың қазақ екені рас. Бірақ басымызға іс түскенде пана болған сіздің басыңызға бұлт төнгенде сая іздел, жалт

берсек қазактығымыз қайсы. Найзамызды қандастарымызға сілтемесек те, олардың сізге сілтеген найзасын қағармыз. Өлсек – шейітпіз» деуі (55 бет) шындықтан шет кетпейді. Нағыз қазақтың болмысы мәрттігінде. Автор кейіпкерлерін колдан жасамаганы білінеді.

Табиғат суреттері көркем: «Маңырақтың тасына шейін шөп шықкан екен» (58 бет). «Айнала алқап жап-жасыл түске боялып, Қара Ертіс бойындағы тал-теректің балауса жапырақтары қозықұлақтанып үлгерген» (73 бет), уыздай көшпелі сана. Қазақ прозасынан басқа әдебиетте кездеспейтін тенеулер баршылық: «Қоладан құйғандай шаншылып, күмістеген ер үстінде отырысында ерекше бір сырбаздық, жарасымдық бар» (59 бет). Бұл найман руының байжігіт атасынан Қасқақ батыр. Ол табиғи өткірлігімен, әділдігімен, ерлігімен баурайтын образ. Қамбарды ел билеген төре екен деп жәдік руына қиянат қылған тұсында Қасқақ ер жағынбайды. Қасқақ батырдың қапияда қаза болған Алдиярдың қарындасы Шәйлі қызбен сүйіспеншілік хикаясында автордың шығыс хиссаларындағыдай тым романтикалық әсіре бояуга елігіп кеткені байқалады. Махаббат қисыны қазақ романдарында көп суреттелетін таптаурын реңкте берілген. Сондықтан солғын тартып тұрады. Шәйлінің өлімі селт еткізбейді.

Романдағы Қамбар төре күрделі образ. Бір басында нешетурлі қасиеті бар, жазушының нағыз олжасы. Қамбар болмысынан жалғандық таппайсызы. Қанды тұсы да, мейірлі тұсы да қанық. Оның әсіресе, тама жігіттерін торғауыт елінен босатып алудағы құпия жоспары ең күшті монархтардың өзі бас иетін ғажап дипломатия екені анық. Романның басында Байшуақ Қамбар төреге түнделетіп кеп жолыбып, қазақ арасына оралуға зәрулігін, қалмақтан айла-тәсілмен өздерін қайтаруын сұрайды. Ал Қамбар төре іштей аңдысқан Ошыржап торғауытқа өзі Қойбас шешесіне берген аста қалмақ ішіндең екі қазақ жігітін алғаш көргендей, үйіріне қайтарғысы келгендей кейіп танытады. Ол өте шебер қисындаиды, енді дұшпан болмаса да бұрын жау болған осалдығы жоқ қарсыласын құдіксіз алады. Қамбар төренің қаратай елінің байы Тастанайтың қас жүйрік Қаратына көзінің құрты түсіп, ақыры қолына түсіруі романдағы тағы бір хикаялық желіні құрайды. Жылқы культы күшті, табиғи

берілген. «Қараның ат қана емес, бақ екенін Тастай жақсы білер» (216 бет). Карат пен Сағымсары – қос жүйріктің бейнесі аттың сынын терең танытады. Абайдың «Күлте құйрық, қыл түбі әлді келіп» деп, Илиястың «Кұлагер» поэмасындағы Сағынайдың асына мұқым қазақ жиылғанда суреттегетін жылқы қөркі эстетикалық білкке самғайтын классикалық үлгілеріндегідей қас жүйріктің сыны романда қанық. Байшуақ үйірлі жылқыдан бас тартып, Ошыржаптан қалап алған сары байталын, аузымен құс тістеген жүйрікті түп иесі абақ керейдің жастабанының байы Солтанның дөп тануы осы жылқы күлтінің қапысыз берілуінен. Сенімді.

Төрениң төлеңгіті Құлжабек шебердің образы кесек, бай үйінің қызметшісі, қараши болғанмен, дала философи, мақтаншақтығы өзіне жарасады. Оның Баратқа қалындық таңдауда тигізген көмегі соны растайды. «Қалмақта қалсаң қаныңды сатқаның» – дейді ол Барат балуанға. Жусан қасиеті айтылмай кептепеүі занды. Романда қазақ халқының «Өзге елде сұлтан болғанша, өз елінде ұлтан бол» даналығы үнемі алға шығып отырады. Ұлттық салт-дәстүрлер, ақынның өлеңмен топ алдында шындықты айтуы, қазақы күрес күльты, балуандыққа баулудың спорттық қыр-сырын, әдісін жазушы үзілдіре суреттеуді мақсат қылған. Бөгде жұрттың қазақ жабайы, надан халық еді деген таңбадан құтылу үшін болмаса керек. Қазақтың жатыпішер жалқаулығын автор идеологиялық сипатта берген. «Ата бабам сиыр сасықты мал екен деп ұстап көрмеп еді» (203 бет) деп шіренген бір қазақ шалының эпизодтық бейнесі қандай нақ. Бұрын мал баққан халықтың көшпелі өмірі келмеске аунап барады. Қазақтың жерге тары егіп, арық қазып, тоған тартып, дән алғанын, қазақ қофамы ұлы өзгерістің алдында тұрганын жазушы табиғи суреттейді. Қамбар төрениң бәйбішесі Қаражан мен қалмақ Қойбас шешесі тары егуді елге үлгі қылуы етекbastы әйелдің қайраткерлігінің ұшығын көрсетеді. «Тоған тойы» қазаққа таңсық. Қамбардың токалы Құлімхан бейнесі қазақ әйелінің сұлулығының тұспалы.

Романда өр Алтайға ода: «Өр Алтай тау-таулардың бабасы екен, / Марқакөл зәмзәм толы сабасы екен» деп келетін Бурахан қожа ақынның өлеңі дөп. Өлеңсіз қазақ психологиясы бос қуыс тәрізді. Қадірбек Сегізбаев романын «Беласқан» деп атаяндағы символикалық астар

– қазақтың өткен тұрмыс, пешенесі, болмыс, мұраты. Бел асу – еуразиялық кеңістіктің символы, қазақтықтың алтын қазығы.

«Аюдың өті» – Алтайдың керім табиғатын бейнелейтін повес. Бас кейіпкері аңшы, жыртқыштығы көнеден жалғасқан адамзат нәсілі. Атып алған аңының әуелі бүйрек, көк бауырын құлді-көмеш қылып отқа қақтап отырған бейне көз алдыңызға елестейді. Аңшы мінезін архитип ұғымдар арқылы суреттеуде автор табиғи, оның мылтығына жасайтын ырымы дәл. «Ысқырып атқан кийкітің обалы жоқ» (367), бұл қазақтың төл танымы. Оның есімі «Елсенген» екені өлерінде бірақ айтылады, жазушы оны «Мерген» деп шартты атаумен атайды. Мергеннің мылтығы – Ақшолақ. Аюдың есімі – Ақтөс, ит екен деп қалманыз. Жер орайы нақты, өзені Құркелі, тауы – Сауыр-Сайқан. Қара тұмсық аю мен қос қасқырдың айқасы әсерлі. Аю мен адам егіз тәрізді, екеуі де жер ананың бел баласы. Адам мен аң – табиғат пен құдай алдында тең, бірдей жаралған. Сондықтан автор прозадағы параллелизмді көп қолдануға бейім. Ана аюдан қонжығы, бала Ақтөстің айрылған сәтін суреттеуі өте аянышты, сай-сүйегінді сырқыратады. Жетім қонжықты оқырман бауыр басып қабылдайды. Аю миф ретінде берілетін тұсты «Атам марқұм: «Аю адамнан азған қасиетті жануар, өз басына қауіп-қатер төнгенде болмаса, оған тиісуге болмайды» деуші еді» (345 бет) деп тыяды аңшыны әйелі марқұм. Аю психологиясын дәл беремін деп автор оны кейде адам тәрізді асыра суреттейді. Аюдың физиологиясын жазушы зоология маманынан кем білмейді. Аюдың асказанын тазартуы, жарасын ыстық қайнарға емдеуі, құмырысқа илеуін жеуі, қарақат териі тамаша берілген. Мергеннің ашкөздігі, бір жылды үшін сылтауратып, тойымсыздық танытуы оның түбіне жетті. Үйінде құрдасы дертіне шипа болса деп жаны қысылып сұрап келген аюдың өті тұрса да, Мерген адамға тән астамшылықпен жазықсыз аңды аулап, қан шығаруға шықты. Бірақ мұның да жазмыш екені рас. Аңды көп қырған адамды оның киесі ұруға тиіс, бұл ғарыштың жазылмаған заны. Аю қармақ – табиғатқа жасалатын қияннаттың көкесі. Обал мен саяп философиясы анық. Өлім философиясы қашқынның дүниетанымымен берілсе де, ол ұлттық дүниетаным болуымен баурайды. «Өмірден өгейлік көрген

өлімтік бейшаралар ғана өлімді аңсайды. Мен өмірге өгей емеспін!» (318 бет) – бұл кешегі кәмпескеленген текті атаның тұқымы, қазір соғысқа барғысы келмей қашқын атанған қазақтың кесек сөзі. Мұнымен жазушы Кеңестер Одағындағы 1940-1950 жылдардағы адам типтерін береді.

Әлемдік әдебиетте анималистік проза өркендеп кеткен. Классиктері нақты, қазақ прозасында «Көксерек» тәрізді романға бергісіз атақты әңгіменден бастау алады. Уильям Фолкнердің «Аю» атты повесі – ұлы шығарма. Қазақ әдебиеті үшін бұл тақырып сарқылмайды. Қадірбек Сегізбаев жан-жануарларға арналған прозада өз ауымен адасып қалмайтыны даусыз.

«Соңғы шабыс» атты әңгіме Қадірбек Сегізбаевтың жылқы жануарды ұлықтайтын өте тамаша әңгімесі. Осынау үш туынды: роман, повес, әңгіменің географиясы бір жер, Өр Алтай, Сауыр-Сайқан. «Нұрым шал, ұлы Қасымбек Қойбастың жалпақ жазығына беттеп барады», – деп басталады әңгіме, жер атаяу «Беласқандарғы» Қамбар төрениң тумаса да туғандай қызып, аналық мейірімін көріп өскен соң өлгенде ас берген қалмақ шешесі Қойбастың құрметіне қойылған. Нұрым шал басында бәйгеге шабуды ойламайды. Бәйгеге өз-өзінен бүйірі қызып, тізгін бермей қосылған кәрі жылқы кереметін өлерінде бір көрсетіп кетеді. Месторысы мәреге оза шауып жетерде шал жылап келе жатады. Кезінде желқүйрық жануардың жұлдызы жарқырап түрғанда Батыраш тәрізді біреу жасырын майып қылған. Әңгімede қазақтың ұлттық мінезі ерекше шеберлікпен ашылған. Ал жазушы бәйгеге түсетін жүйріктердің келбетін «Керген тәстіктей бірегей сұлу» деп суреттейді. Қазақтың ұлттық жадынан Ер Тәстіктің шықпайтыны тегін емес. «Бәйгеге шапқан да дүниенің бір қызығы-ау, – деп ойлады Нұкең» – әңгіменің бір лейтмотивы осы. Кең даланың қасиетін жазушы сүйіп суреттейді.

26-28.04. 2011.

ҚӨКІРЕККЕ ҚҰС БЕРГЕН ПОЭЗИЯ

Ақындар мұндылығымен артық туған. Данғаза тірлік қайғы-мұндан тосырқай қашса да, өлең тілі сағыныш пен құсадан илайым арылмайды. Қазактың белгілі ақыны, драматург Нұрлан Оразалин поэзиясында **мұн, арғымак, тұн, көк, жаңбыр, жасын** һәм құс деген шынайы қазақы ұғымдарға айрықша салмақ түскен. Себебі оның шыққан тегі қазақ — ақын халық, ежелден құс көңіл, бұлтағы жок. Ақынның «Құралайдың салқыны» атты жинағында мынадай өлең шумактары бар:

Атамыз – Ой,
Анамыз – Сөз,
Күш берген,
Қанат берген, көкірекке құс берген;
аруақтанып алысқанда дін аман
алып шығар қылышын істерден.

Асылы қазактың жүргегі мен қиялы құстың қос қанатындей, кекке самғап, құстай ұшып тұрарын күллі этнографиялық, рухани кескіні таңбалайды.

Жүтірген құс қуалап қайда бала?

Ақшаның билігі салтанат құрған қуарған заман кең даланы сағынтасты. Қазақ үшін жылқы да құстың бір прототипі тәрізді.

Көгілдір жастық шақтарым,
Сәнді кештерім — тусімдей,
ағады көкпен ақжал аттарым,
дүбірлеп күнде ішінде ой...
арғымак дәуір зырлайды.

Көшпенделіктің жабайы балдай, құздағы қырандай, қанқылдаған қаздай, Тәнірідей көркем асыл зада рухынан біз мегаполисте қамалып отырсақ та арылмаймыз. Мұны бөгде жүрт қайдан ұқсын. Нұрлан ақынның жастық шағындағы шабытты толғанысы бұл өлеңнің ішкі ырғағын берген. Негізгі екпін – қозғалыс, алмасу идеясына түседі. Козғалыссыз, қимылсыз тірлік қараң.

Ақындар патшалығында метафораларда еш қисап болмайды. Алайда «**көзден ақкан құндерді**» өз басым осы ақыннан алғаш кездестірдім. Адамзат қимасын көздің қарашығындаң сактаушы еді. Бірақ, өмір зырлап дамылсыз

ағады, күндер оның лыпасындай.

Ағады күндер...

Көзімнен мениң ағады,

Алғашқы жауған ақ қардай.

Бұл мұң ақынның келесі бір өлеңде құйылып, қайталанары далалық болмысымыдағы қорқытшыл қүйден туса керек:

Ұзақ болып көрінер ғұмырымның

Күндерінің қарашы азаюын...

Қазақ көзден бұлбұл ұшты деп бір көруге зар болып, аңсап, ардактағанын айтады. Бұлбұлдайын сайдады – бұл көне жыраулардың ағыл-тегіл жыр дүниесіндегі фольклорлық идиома. «Ежелден ел бұлбұлы ақын шіркін» (Ілияс Жансүгіров) мынау біздің басымызыдағы тұрлауы жоқ өткінші дүниенің поэтикалық бейнесін мұңая жырга косса, сол көзден аққан күндердің көрікті, арманды елесін оның «алғашқы жауған ақ қардай» пәк, таза қалыбынан сезінбей қалмаймыз.

Қыз Жібектің актығы

Наурыздың ақша қарында.

Қазақтың лиро-эпостық жырында ол сұлулық өлшемі. Француздың көне ақыны Франсуа Вийон «Қайда кеткен өткен жылдардың қарлары?» деп, рефренмен баянсыз жалғанды бейнелейді. Бұл өлеңде өмір көшінде микрокосм – адам мен макрокосм – табиғаттың біртұтас, бір шеңберлі үндестігі астыртын оймен берілген. Тегінде, тегі көшпелі нәсілден болғандықтан ба, Нұрлан Оразалин дүние көшін көп жырлайды. Негізгі сарын мұнда – бұлт, көк аспан, мұн.

Ақынның образдық жалқы әлемінде ұдайы көшу, көш керуен үзілмейді: күндер көзден ағады; арғымақ дәүір зулайды, жеткізбейді бір ой қуып, бір ойды... Өмір әрдайым өзгеріп тұруға мүдделі, сол себепті ол көшеді, айниды, айналады. Ақынның жастық шақ жырларының қуатын, рухын мол танытар мына бір шумақ:

Құстар қайтар ызғып қырмен

Былтырғы емес,

Басқа бір.

От маҳабbat үзіктірген

Ойнар ыстық жас тамыр.

Оның әр өлеңінен қозғалыс мотиві, динамика білінбей қалмайды, табиғат бейнелеуінде де анық:

Шырша қайың ырғалар.

Нұрлан ақынның мұнды — арылмас мұн («кешір, көгім, кір сіңген!») — техногендік апарттар дәуірінің залал, сұзы. «Мұн — көкбөрі, «жүректерді жаулап алды өгей мұн», «өзекті өртер мұн», «жөңкілген бұлт бол жанымды мениң жаңқа мұндардан аршып ал», «мені алып қаш, жалғыздықтардан, жапан тұздерден мұн басқан», «мұн ұялап жанарымда», «шөлдеге мұн», «мұнды Айым», «менде мұн бар, сенде мұн бар, бәрімізде бір мұн бар», «дерт болып жабысқандай мұн адамға», «Шалқөдеге мұнайып қарады аспан». Мұнды орыс әдебиетінде М.Ю.Лермонтов жиі айтады. Мұн биік пафос, ол тегіннен тегін адам жаңын баспайды. Мұн біресе көкбөрі болып қараңғы тұнде ұлып, біресе соғыстағы снарядтың жарықшағындағы тиіп мазалайды, енді бірде аптарап, аңызақ болып қинайды.

Бұл өлеңдердің бұла жастық шаққа әбден тән абстрактілі, кезбезе, дәруіш келбеті толған айдай жүзіп шығады. Тәнірі-ай, Ақын да көркемдіктің құлы, дегдарлықтың дәруіші емес пе бұл дүниеде?! «Мен әдебиеттің дәруішімін» деп жазғаным ойымда (А.Кемелбаева. «Мұнара», роман, 2003 ж.). Проза кейде ақ өлеңді таңдап, ғибадат қылуға зәру. Нұрлан ақынның ертеректе жазылған мына бір өлеңі:

Онымнан соққан жел ме деп,
Солымнан соққан жел ме деп,
Созылып жатқан белдермен
Қашар ма едім өрмелеп?!

Бұл не сонда? Бозбала шақтың алағызған асав жүргегінің үні ме? Бұлдырандаған бұлғақ ой ма булықкан? Қызық өлең. Бір түрлі тосын. Расы эпикалық дүниетаным бұл. Қисса, дастандарда қазақтың бағзы жырауында өлең түйдектеліп, шапқан аттардың дүбіріндей келуші еді ғой. Асылында нағыз қазақ өлеңі алашапқын келеді. Көлемді эпосты бір демде бас алмай оқып шығуға болады, ырғағы солай, әлгі жыршы-жыраулардың ұзақ дастандарды таңнан таңға ұрып, үзбестен, іркіліп, бөгелместен жырлайтын салты қазақтың қара өлеңінің ұлы қасиетінен туганын аңдауымыз керек. Ақын ауық-ауық ата-бабасының басынан кешкен өмірін аңсауы заңды:

Уақыттың қамалған қорығына,
Бөрі мінез ойларым барады ұлып.

(«Ғасырмен қоштасу»).

«Құмның әні» мен «Қарлығашым» – азаматтық поэзия.

Ей, ағайын,

Сырды неге бұрдыңдар?

Қайда менің көк көлдерім?

Қашан? Қалай құргаған?

Ата-бабам басып өткен

балдырлы су, балғын үн,

Қайда мені ғашық еткен

Қара өлеңді шалғыным?

Балдыр су астында өсетін жұмсақ, майда шөп. Оның бір мағынасы бұлдіршіндегі жас, балдырган дегенді білдіреді. Махамбеттің атақоныстың ең шұрайлы жерлерінен айрылғанда, жерүйікты жоғалтқан зары жадына орала кетер:

Балдырганы білектей,

Баттауығы жүректей,

Ондай қоныс маған жоқ,

Құдай қылды амал жоқ.

Бұрынғы көшпелі бабалар үйір-үйір жылқы айдал, көсіле көшпіл, жаз жайлайтын туған жерден аласталудың соңы енді жана заманда жат сипатпен экологиялық апаттардың араны болып төнді. Еуразия құрылышының ғана емес, қазақтың ұлттық мұн-қасіретін ишарамен жеткізу үшін ақын былай жырлайды:

Талып жеткен түнделеп

әлде жетім қаз ба еken?

Кештеу білдім. Естігеним –

Жел суырган құм әні...

Арал теңізінің қасіретін ақын осылай көреді.

Қазақ прозасының көрбұғысы Оралхан Бекеев құм мінезін философиялық сарынмен суреттеп кеткен. Ақын бұл жазушының «Айқайлау дегеніміз – өмір сүру» деген қанатты сезін өз өлеңіне эфиграф қылыш алған. Мылқау құсаның қан жылаған кейпіне жан бітіру үшін ақынға жетім қаздың өзін айрықша ансау қажет болды, бұл поэзияның эмоциональды қуатын арттыра түседі. Қайда қаз-үйрек нұлы жерден ұшып-конған? Енді бұл жаралы, мүгедек жерлер ақ қанат қазға емес, кесірткелі құбызық өлкеге айналды, өлі қүйге тұнжырады, теңіз құруға үкім етілді. Құм сыйып

арызданып жатыр.

«**Қарлығашым**» – отаншылдыққа, құпия налаға, елшіл-жершіл ұлтжандылыққа мегзейді, өзін-өзі аман сақтау түйсігінен туған.

Аспан мен-зең торғайдан ала қанат,

Көрінбедің көзіме, қарлығашым.

Жаһандану дегенше жалмауыздың араны дей берініз. Ол жүздеген ұсак ұлттар мен ұлыстардың тілін өлтіріп, рухын корлауда. Өлеңдегі қаптаған жат жерлік тажал ала құс – өз жеріне сыймай, құмырсқадай қаптаған пиғылы бөтен, нәсілі жат, келімсектердің символы.

«Апанына түстің бе жалмауыздың?» – деп қүніренеді ақын. Жаһанданудың бір сиқы аждана болар. Иншалла, ол өзі мифтік хайуан, шын мағынасында жаратылыста жок емес пе, соның өзі көнілге хош келтірер, дерктке дауа. Ырымшыл халықпаз гой.

Айқайтастың көгінде қалдың ба сен

Мениң сәби кезімнің кескіні бол?!

Баршамыздың көкейімізді тескен желгек, ностальгиялық кезгек мұн. Нұрлан ақын бір өлеңінде мұны тұспалдамай тіке айтады.

Сұрайтыным:

Тәнірім өз елімді

Әгей етө көрмесін өз ғасырым...

Ел мен Жердің манғаз келбетін ұрпаққа аман сақтау, ұлттық мұдде. Осы үрейлі ойдың ақиқатын ізінше ақын айқын ашады:

Дәүір жұтып, жоғалған ұлттар сынды...

Әлде сені қатерлі күш алды ма?!

Мұндағы ақынның жалқы құсасы қазаққа ортақ. «Ақтабан шұбырындыда» елім-айлат зарлап едік.

Андаусызыда, апыр-ай, жем болдың ба,

Ұяң бос тұр жабырқап, жаңғалағым?!

Ақын мен дала біртұтас рухани бірігіп кетеді, кентавр құй. Көніл бей-жай болатын себебі дала мен-зең. Қара көзге жас келер. 90-шы жылдардағы қазақ ауылдарының құты қашып, іргесі сөгілген символикасын аллегориямен беру – урбанизация замана талабы болғанмен, ежелден жайбасар, ұзын арқан, кең тұсаумен жүретін халқымыздың арқасына аяздай батты бұл кезең. Ел іші алтын бесік, қазақтың алтын

ордасы, тіршілік салты ауылы еді. Үлттық негіз далада жанғалақтай, жамырай қонған ауыл аймағында болатын. Ендеше, ақынның қарлығашым деп үздігіп отырганы қазактын образы. Ақын құс баласын аңғалым, жанғалағым деп еміренуінен құлдыраңдаған құлышндағы, азат аңқылдаған, кең пейіл, дегдар көнілі жас баладай таза, зұлымдыққа жаңы қас үлттық мінезді айнытпай танимыз. Қаланың китұрқы өміріне бейімделуге болар, бірак, аңсар қалмайды. Аңғал қазактың қапиядан, көніл кеңдігінен қиянат тартқан кездері аз болмаган.

Дала мен-зен дәуірдің мінезінен,
Қай қырыда адастың, қарлығашым.

Ақын біржола үкім айтудан аулақ. Сондықтан өлеңде айттым-бітті, кестім-үзілді дейтін мірдің оғындағы қатал үкім жоқтығымен тебірентеді. Айтылған сөз атылған оқпен тең. Үмітсіз шайтан. Халқының келешегіне қарғыс айтуға итермелейтін тамшыдай болсын жаман ой айтуды мәртебелі поэзия ешқашан қаламайды. Адасқанның айыбы жок, қайтып үйірін тапқан соң дейді қазақ, солайша тәубесіне түсуді сүйген. Ендеше, ақын халық перзенті, оқырманнның жарапы жүрегіне үміт дәнінен гүл өсіретін адамсүйгіштік рухта сөз соңын ақын жұмсақ мұңмен қайырады.

Әрине, әлемдік поэзияда көп қолданылатын теңеулер Нұрлан Оразалинде де бар.

Шашбауын тағып,
Таранып түнде жұлдызым.
Тұн -ару бейнелі.

Орыс поэзиясының өзінен «Тұннің шаштары» деген метафора А.Блокта, ал қазактың шашбауын еске салар тағы бір образ таң суретіндегі С.Городецкийден табылады: «Распускает косу воронью, / Самоцветные камни вплетает / И полмира под косу ночную/ Всплывает».

Тұп негізінде поэзияда ақын атаулы лексикалық акромонограмманы көп қолдануы шартты романтикалық құбылыс. Ол композициялық тәсіл болғандықтан, ешбір ақын одан қашып құтыла алмайды.

Тұн жалғыздық аралы. Ол өзі құздыып біткен шындағы алыс, айқайласаң бөгденің үні жетпестей. Ақындықтың құладуз жалғыздығын бейнелеу үшін ол «тұнгі ырғактар», «тұнгі дауыс» сынды сарынды таңдайды.

Қазақ поэзиясында көктегі жұлдыздардың сан алуан метафорасы мол. Нұрлан Оразалиннің жұлдыздарды өлген жандардың елесіне ұқсатуы селк еткізеді:

Елестейді көз алдыма түн мынау
Аспан кезген аруактар боп көктегі.

Адамзат эллиндік түркілік мәдениеттен бері аспанды тірілерден гөрі өлілерге лайық саф патшалық деп санайды. Оның жаны бар. Көп халықтардың нағымында өлгендердің рухы мен жаны көкке ұшады. Қазақ әуелі құдайды, сосын аруакты қатты қиналғанда ойлады. Аруакқа сиынұ өткеннің ұлағаты. Ақынның кие іздеген санасына, елегізген көзіне, жабырқаулы жанына аспан толы жұлдыз аруақтардай көрінетіні келесі бір «Шанқобызың» атты елеңінде тағы бір мәрте беріледі.

Ұзап бара жатқандай
шанқобызда – көп халық.

Бұл автореминисценция (лат. еске алу), вариантылық, ақынның өзін-өзі қайталауы арқылы жарға ұрган толқындағы нысаналы ойдың құзыры. Бұл мистикалық сарын ғаламдану албастыдай төніп тұрған тар заманның зарына ұқсайды:

Шанқобыздың үнінен
өз үнімді естідім.

Өз дауысын жоғалтпау бұл XXI ғасырдың ең ауыр, қыл көпірдей қиямет сыйнына айналды. Мәңгүрттікten, рухани шөлден жаны жаншылып, ары тапталудан сұмдық не бар бұл жалғанда?! Ештеңе.

Намыс сынды құйылып,
Ием көшіп өткендей;
Тұмар сынды түйіліп,
Кием көшіп өткендей.

Көшу ақын поэзиясындағы лейтмотив сарын.

«Тарқата алмай түн мен ойдың мұнарын» (өз сөзі) –өмір шешуі жоқ жұмбактай ақын жүргегін жарапайды.

Біздің қазақ әдебиетінде 90-жылдары мұқтаждығын жүрт жүргегі аңсай тұра сезбекен, талпына тұра жетпеген бір биіктір бар. Ол теодицеялық жыр, яғни құдайшылық. Марксизм экономиканы өзге құндылықтардан жоғары қоюы арқылы күллі XIX, XX ғасырларды адастырып, қойды бөрліктірғен жыртқыштай қан қақсатты. Мейірімсіз дүниенің моделі материализмге құлшылық, алтын баспаққа

табыну. Мейірімді үйлесімді әлемді аңсау Аллатагаланың ақ нұрына құштарлық.

Мазамды алып тұргандайын мынау тұн

Дәруіштің кейпін киіп күндізгі.

Пакырлық мұсәпірлікten ада құбылыс. Ол рухани ізгіліктің нышанын іздеу, жан сарайын жарық ұстау. Қоғамдар ауысқан бұлғақ дәуірде ақынның құлағына тұнгі сарын естілері нағымды.

Қанағат өлді білем көнілдерде,

Ұмытылды қебелектей отқа халық.

Бұл құдайға мінәжат. Діни ұғымдар бүркемеленіп берілген, солай бола тұра, автор суфизмнің таным-түйсігімен тіл қатады. Тәнірі образын антитеталық шүкіршілік пен құпірлік туралы ой алмастырады.

Адасып қалдың білем

„шүкірлікten», ғасырым!

Сақтай көр, сақта елімді

купірлікten!

Бұл циклдің соңын ол «Дүниенің жарылардай жарғағы» атты өлеңмен түйіндейді:

Кешір мені, Хақ Тағала!

Күрсінsem көрмегендей еш пайда.

Хақ тағалам!

Ақыныңа арыған

Керек сенің көмегін.

Дүниенің жарылардай жарғағы,

қайғырмасам...

Жүректегі дурсілден.

«Ер Тарғын» жырында «Ер жігіттің ішінде ат басындағ жер өсер» дейді. Бұлай деп айту бақыты тек Ақынға бұйырған.

Он тоғыз мың ғаламың – көз бен құлақ.

Ұмытпа!

Құдай барын...

Фарыш барын...

Қасиетті Құран Қәрімнің осы текстес аяттарынан алшақ түспейді.

Адалдарға өртену серт еді ме?!

(«Қарлығашым»).

Нұрлан аға кейде өзі де байыбына бойлап бармай, табиғи

адуын қалыбымен сопылық ойды ұлықтай беретіні ғажап. Суфийлер өртөнгенде «фәнә» – Құдайтағаламен бірікпеуші ме еді. Ақыл емес, сезім шуағымен бұл өлең баурайды. Бей-жай көңілінің себебін лирикалық кейіпкер өзінен іздейтіні тағы бар.

Кешегі дос жауығардай не жаздым?

Кетті мен әлде бір ағаттық ісімнен?

Бұл қазақтың классик ақыны Абай хакім поэзиясынан перифраз:

Кешегі дос бүгін жау,

Мен не қылдым, япырмау?!

Хақақиқат қашандажалқы, дәлосы күйініш адамзатқа ортақ болуымен ыстық. Бұл дүниеде бәрі өзгереді, өзгермейтін бір Тәнірі, Алла-Тағала ғана. Сол себепті Нұрлан ақын поэзия тілінде адамдарға шынайы үағыз айтады:

Тағдырыңды Тәнірідей сыйлағын...

Бұл мұсылмандық момындық идея. Ендеше, Жаратушы Иеміз бізді жалбарыну – ак жолдардан дұға, ғибадаттан айыра көрмесін. Нұрлан Оразалинның бұрынырақта, алабөтен жастық жалынымен жазылған бір өлеңінде лирикалық кейіпкер сүйген қызының қеудесіне көз жасын моншақтап тізіп, тағып қойғысы кеп, жан сактауға құмартағы. Осыншалық әсіре бейнелеудің шын иландыра алғанын мойындау керек.

Бұл өмірдің уыз мәні маҳаббат. Көз жасы – Нұрлан Оразалин жырларында сүйіспеншіліктің символы.

Мен сүйген ашық мына аспан,

Мен сүйген таулар,

Мен сүйген дала

Кекжиектермен ұласқан,

Шуақты құнде бір күлген,

жауынды шақта жыласқан

Сағынар ма екен?! – дейді ақын жүрегі жалынымен баурап. Бұл ғаламмен бетпе-бет келіп, сырласа білер, мұны мен ойын ағынан жарылып айта алар жүректің жұмыр бас пендеге қояр мәңгілік сұрағы. Жалғастардың жалғасындаі елестер сұрақ. Қуатты сұрақ.

Ұлы Абайдың «Көгала бұлт сөгіліп» атты өлеңінде ақын айдалаға безіп, жауған құнмен коса жылағанда жан сарайы ашылып, «іштегі кірді қашырып, жүрегін тазалау» үшін

аллашылдық жаратылысы мензеп, түлеп оралмаушы ма еді. Қазак поэзиясында буырқанған жыраулардан, эпостық телегей-теніз көшкінді жырлардан, Абай дәстүрінен бергі қуатты бүгінгі қазақтың талантты ірі ақындары мирас қылған. Ол біздің ұлттымызбен бірге жасайтын, күн сөнгенше сөнбейтін ерен биік қуат.

13-16.05.2006

РОЛЛАН СЕЙСЕНБАЕВ ПРОЗА ЖАНРЫНДА

Жазушы Роллан Сейсенбаев Советтер Одағы көлемінде есімі елге танылды. Кез келген уақытта ұлт жазушысына тар шенберден шықпау, өз ортасынан аса алмау қаупі бар. Өйткені ғаламдану адамзаттан ірлікті, ақындық пен заманға сай келбетті талап етпекші. Ең алғаш рет біз енді Әлемдік әдебиет дәүіріне ендік, ұлттық әдебиет түкке жарамай қалды деген ойды 1827 жылдың 13 қантар күні Эккерманмен әңгімесінде ұлы неміс ақыны, натуралист-ғалым, ойшыл И.В.Гете айтқан. Гетеңің пікірінше, ұлттық әдебиеттің құны дүниежүзілік әдебиет айналымына енген сәттен бастап аспандайды, әлем халықтарының ортак құндылығына айналады. Сол мезеттен бери 180 жыл өтті. «Әлемдік әдебиет» термині әбден күшіне енгелі қашан.

Бірнеше роман, повес, әңгімелері орыс және шетел тілдерінде жарияланған Роллан Сейсенбаевтың кітаптарының жалпы саны миллион данадан асып кетті.

Өндіріс тақырыбына жазылған романдар қазақ әдебиетінде аса көп емес. Автордың 1980 жылы «Жазушы» баспасынан жарық көрген «Өмір сүргің келсе» және «Ешқайда бастамайтын баспалдак» атты қос романы бір-бірімен өзектес, текстес. Екі романның кейіпкерлері жер бетіндегі бақыт туралы толғанады, әрқайсысы өмірден өз орнын іздейді. Әркім бақытқа жетудің жолын әр қылыш түсінеді. Олар өз мұратына қыранша қалықтап немесе жыланша жорғалап шығуды оң санайды.

«Өмір сүргің келсе» атты романның басты қаһарманы Бекен Ысқақов – завод директоры, ол жеке басының мұддесін қоғамға тигізетін адал еңбегіне айырбастамайды.

Халқының игілігі үшін сінірген қызмет ол үшін отбасынан да жоғары. Бекен Үсқақовтың жас күніндегі досы Ерлан Қожақов онымен шекісіп тұрып, ақырында бекісіү соның айғағы, түпнегізде адалдық пен азаматтық ар-ојданға риясyz құрмет.

Соғыстан соңғы бейбіт кезеңде, азапты жылдар сүйк лебі жоғалып, өмір шіркін енді онада бастағанда заманға лайық жақсы өмірге қол жеткізуге әсіре пысық адамдар тым бейіл танытты. Мансап үшін ештенеден аянау, адалдықты көпек-көрнеу масылдық деп санау сананы жаулап алды. Сөйтіп, «түйе бойына сеніп, жылдан құр қалыпты» сынды мәтелдің сиқы қазақ арасында, әсіресе, өнер мен ғылым, өндірісте айна-қатесіз келіп жатты.

Роллан Сейсенбаев романдарының лейтмотиві де осы – «Адам қаншама шексіз күшті болса, соншама шексіз әлсіз екенин үтгү» (122-бет).

«Ешқайда бастамайтын баспалдақ» – діни зердеде құдайсыздыққа тақау ұғымға парапар. Роман кейіпкері Сырым Айбасов бірінші кітаптағы адал жан, үлкен инженер Бекен Үсқақовтың антиподы тәрізді.

Жазушы Роллан Сейсенбаевтың жазу стилінде ұлттық құнарлы топырактан өсіп-өніп һәм нәр ала тұрып, Еуропага, орыс әдебиетіне де етене жақындығы оның кітаптарының жанрлық ерекшеліктерінен де, көркем прозасының атынан да білініп қалары даусыз. Әйтпесе, «Өзімді іздел жүрмін» деп кисындау кай қазактың ойына келсін. Өзін-әзі тану туралы Платондық идеяны атаң қазақ «Адам баласы ішінде, ат аласы сыртында» деп көрегендік танытуға иіріп әкетпес пе! Жазушының Батысқа бір бүйреті бұра беретінін оның күллі прозасы айқындейді. Бұл жайтты ұлы хакім Абайдың «Батысым шығыс боп кетті» деген қағидасына сай қабылдасақ үркудің жөні жок.

ХХ ғасырдағы 80-ші жылдардағы қазақ прозасы үшін қос романның жазылу стилі де жаңа екені сезілмей қалмайды. Дәстүрлі әдебиетіміздегі эпикалық баяндаушылық үрдістен жазушы әдейі бас тартып, диалогты мол қолданады. Сондықтан кейінгі толқын қазақ прозасында диалог, кейіпкерлердің ұдайы сұхбатына асқан құмарруды осы стильді тамаша менгерген Э.Хемингуэйден емес, Роллан Сейсенбаевтан үйренді деп ойлаймын.

Таураатта баспалдақ – Құдайға деген сенімді білдіреді. «Ешқайда бастамайтын баспалдак» – бұл кітап әкелер мен балалар арасындағы бітпейтін рухани дау. Заман өзгергенде рухани құндылықтар қоса өзгермей ме. Дәлірекі, оларға деген адамның көзқарасы өзгереді, яғни, адамзаттың пейілі бұзылады. Әйтпесе, рух – шірімес, құны қайтпас асыл әлем.

Сырым – осы заманың адамы. Махамбет поэзиясынан құлаққа тұнып қалған бір аза сарын көкейге орала кетеді: «Ердің соны Истатай». Міне, Махамбет жырындағы аһұрушы хал, ержүрек, қас батырлықтың заманы өткені андалмай қалмайды. Мұны Абай дәп болжаган:

Саудасы – ар мен иманы,
Қайрат жоқ бойын тыйғалы.
«Заман акыр жастары».

Сырым өз әкесінің жан-дуниесі кіршіксіз таза, ізет, әдел, білім, дегдарлығына шек келтірмей тұрып-ақ, оны өмірде ештеңеге қол жеткізбедің деп кінәлайды. Абай атаның «Арсыз болмай атақ жоқ, /Алдамшы болмай бақ қайда?» деген құнціренісі атойлап шыға келеді. Абай жалғыз қазакты айтпаған. Абай хакімнің ұлылығы сонда, ол құллі адамзаттың мінез-пейілін осы өлең сипатындағы афоризмге сыйдырып тұр. Бұл сын баяғы Диогенниң бөшкесінен басталмаса керек, одан көп, әріде жатыр.

Сырымның әкесі баласының бойынан өзінде ырымға жоқ қулықпен шебер астасқан пысықтықты көріп ерекше қайран қалып отыр. Сырымның әкесі Рақымның ойы: «Пысықтық пасықтыққа жақын ба деп қалатын», (204-бет).

Осыған дәп перифразды «Өзімді іздеп жүрмін» атты пьесадан кездестіреміз: «Айсұлу, адал адамдарға өмір сүру қыынға соғады» дейді бір кейіпкер екіншісіне, ол бұған «Бұл пысықтардың философиясы» деп жауап қайтарады. (348-бет). Мұнда да қулық, карьера үшін ештенеден тайынбау, сол үшін маҳабабаттың өзін құрбан қылу харекеті жер-көкті орап тұр. Сөйтіп, Сырым ашкөз, дүниеконыздыққа мықтап тұтылды. Ол «такыр табан тазалықты» (332-бет) мүлдем менсінбейді: «Астымда машина, үйімде байлық болуы керек. Мен соны армандаймын» деп мойындайды ол ақын досы Әділетке. Адамзаттың байлыққа құлдық ұрып тұрмаған заманы жоқ. «Ақынға да ақша керек», – дейді ол ақын досына. «Бұлбұлдың да жемсауы бар» – деген қазақ

поэзиясының бір мықтысы Жұматай ақын.

Ұрпактар алмасуының негізгі ұстанымы тұп-тура осы формулаға, торлы тұжырымға сай келгені өкінішті.

«Бұл заманның ғалымы залым болар» деп «Ар ілімі» атты концепциясында айтып кетті Шәкәрім қажы мұнан азар-безер шошынып. Расында бұл жалғандық, арсыздық, өтірік лауазым, мансап пен атаққұмарлық, тамыр-таныстық біздің қазақ қоғамын өрмекшінің торындан шырмап алды. Оның сүмдық зардабы жатқа, нағыз бөтенге есеміз кеткен сайын біліне бермек. Құдайсыздар бұл залалдық кеселін қайдан түсінсін.

Романда өндіріске енгізілген жаңалықтың өзі сыйайлас жемқорлықсыз жарық көре алмайды. Авторлық құқықты алу үшін жас ғалымдар өз басшысын қоса тіркеуі керек.

«Мениң білгім келетінін, главка бастығының, ел басқарып отырган үлкен адамның принципіздігі, керек десен арсыздығы», – деп күйінеді сондай жас ғалымның бірі Айдар.

Жағымсыз бейне Сырымның дүниетанымында бір өзгеріс, рухани өрлеу жоқ, ол өзінің ұсақшыл, аяр, жағымпаз пигылынан аса алмайды.

Пьесада Әділет ақын өлді. Шынында, ол типті образ. Бірақ оның не үшін өлгені анықталмайды. Автор Әділліттің аузызына Мұқағали Мақатаевтың да, Төлеген Айбергеновтың да өлеңдерін салған. Қос ақынның азабы – өз заманына сыймай кеткені. Қешпелі қазақ нәсілінің урбанизацияға өтер өлара тұсындағы тегін саф таза, ділін анық, рухын биік сактаған бұл ақындар біртектілікке шындалп ишиеті ауған адамзат қоғамының алдында могиканның соңғы тұғындар әлсіз, қорғансыз сезілетіні рас. Пьеса Төлеген Айбергеновтың «Бір тойым болатыны сөзсіз менің» деген іісі қазаққа тарап кеткен тамаша өлеңімен аяқталады. Сырымды сүйген Айсұлудың бақыты үшін бұл қызды шын сүйген Әділет ақын өмірін қиғандай әсер қалдырады. Бірақ, катыгез Сырым рухани түлейді деп сене қою тағы қыын. Айта кету керек, қазақ әдебиеті үшін құбылыс деуге болатын бір ерекшелік – Роллан Сейсенбаевтың эпикалық жанрда жазылған шығармаларын дереу драматургия тіліне көшіре алатын қабілеті.

Жазушы 1990 жылы «Тоска по отцу, или День, когда рухнул мир» атты кітабын жазып, жариялады. Кітапта атом

сынағы полигонына 40 жыл бойы айналудан көз ашпаған туған даламыз туралы тарихи деректер бар. Шынғыстаудың қасиеті мен қасиеті мұнда қоса айтылуы занды. Жазушы өзін-өзі есімімен атайды. Жанры жағынан деректі проза. Шынғыстау тауының бейнесін ол Арабтан сатып алады. Мұнда Шәкәрім әулиенің рухы мен қазасы бар. Перштедей қызы бала Кенжениң образы елдін обалы тәрізденеді. 1953 жылғы тамызда Шынғыстау үшін елді жаппай көшіру, эвакуация ауыр дертше тиді. Бұл тектілік пен елдікке түскен зауал. Қазақтың тұқымын тұздай құртуға үкім кескендей Курчатовтың ғылымы анау. Кітапта тағы да Еуропаның елесі жүрген тәрізді. Жазушы Кенигсбергте, Канттың зиратында әскердегі ұлымен тұр, бір кезде, бұл қаланың атаяуы Калининград болып өзгермеген уақытта өз әкесі, аға сержант, Шынғыстаудың қазағы фашистермен шайқаста осында жарапланған. Семей полигоны осынау қанды соғыс, бейбіт замандағы қырги қабак соғыстың үзілмеген жалғасы. 1963 жылы ірі елдер ядролық каруды қолданбау туралы келісімге қол қойды. Бірақ оның рақымы біздің елге мүлдем тиғен жоқ. Жазушының айтпағы да осы мұн, осы қайғы болатын.

Р.Сейсенбаевтың жаңа заманға құллі болмысымен саі кейіпкерлерінің барлығы дерлік шампанды көбірек, конъякты біршама ішіп, шерін тарқатып отырады. Сондай-ақ Моцарт пен Шопенде сүйіп тыңдайды, Василий Шукшиннің прозасы мен киносын ұнатады. Еуропалық сән үлгілер бізге мейлінше еніп бітті. Бірақ, жазушының төл кейіпкерлерінде батыстық өлшемге, уақыттың құлына айналуға іштей бір наразылық сезілмей тағы қалмайды. Бейқам, еркін журу қуанышына ештеңені тенгермейді.

Жазушының үлттық жадын айқындастын жылқы образы – Сарытөбел айғырды тракторист Сайлау есімді жігіт өрттен, жанып жатқан вагоннан құтқарады. «Тон туралы реквием» атты әңгімede қазақтың үлттық мінезі айрықша қорғалады.

«Майдан әндері» атты әңгімede адамдар қызын-қыстау соғыста бір-бірімен тағдырлары қызылсысан, тоғысқан тұстарын ұмыта алмаса да, жазмыштың жазуымен кейіннен бір-бірін кездестірген сәтте танымайды.

Өмірде бірін-бірі сүйген жандарға бірге журу бұйырмайтыны соғыс мехнаты, қу тірліктің кесірі.

«Сағынтып жеткен жаз еді» атты повес соғыс тақырыбына арналған, қаршадай баланың отансүйгіштігі жауыздық пен өлімді женеді. Бұл идеядан XX ғасыр әлем әдебиетіндегі, Хемингуэй шырқау биікке көтерген «Адам женеді» пафосы менмұндалайды.

«Тұнгі диалог» атты пьесалар жинағына аталған үш шығарманың сахналық нұсқасы енген.

Жазушының «Өзімді іздеп жүрмін» атты прозалық жинағы жарық көрген мезетте өзіме оқырман ретінде қатты ұнаған әңгіменің бірі – «Парик» деп аталын. Араға ширек ғасыр араласа да бұл әңгіменің көркемдік әсері еш жоғалмағаны тағы қайран қалдырды. Ауыл мен қала тіршілігіндегі рухани қайшылық, ар-ождан тазалығы, ашыну арқылы өтіріктен арылу бұл әңгімені айрықша қуатқа кенелткен.

НЕСІПБЕК ДӘУТАЙҰЛЫ. АСЫЛҒА ҚҰШТАР ДҮНИЕ

Адамның туа бітті теріс қасиеттерін өмір жокқа шығармайды, бірақ өзі реттейді. Зұлымдықты тіршіліктің тетігі санайтын пиғылдан озбай, адамзаттың жаратылышына тән һәм лайық көріп, жерінбейтіндік түбі қайыр болмайды. Әр жан иесінің жарық дүниeden өз көргені мен түйгені, соған үйлесер мән-мағына іздеу бар. Жазушы Несіпбек Дәутайұлының әңгімелер мен хикаяттарында екі түйін айқын. Әрбір әңгіме өз кейіпкерімен төгіле келгенмен, бәрі бірігіп, мына дәуірдің суретін түзеді. Тәуелсіздік алған кезеңді бейнелейтін проза сан алуан тақырыпты нысанана қылса да, негізгі идеясы ортақ.

Ол қазіргі қазақтың басынан кешкендері, тағдыр-талайы. «Жүреке тиген оқ» атты әңгіменің тақырыбы ар соты. Тұтқабай Босаев деген «мықтыға» өлгеннен соң қойылған бюост тірі Борқанның түбіне жетті. Ол ұрпакқа өнеге қылатын қасиетті адам болмаған, сөйте тұра өлсе де әлі түгелісер түрі жоқ. Бұл Босаев сияқты имансыз, арсыз бастықты өз көзімен көрген бұған рухани соққы болып тиді. Себебі, Босаев сияқтылардың қиянатшылдығына кезінде өзі де төзіп, көз жұма караған. Шірінді қоғамнан жүрегі айнымай өмір сүріп келгені рас, ендеше, сол үшін кінәлі. Борқанның

журегі тоқтап қалды, кірден тұншыққан жүректің тыншуды қалауы.

Несілбек Даутайұлы әңгімелерінде ескерткіш, яғни тас мұсін символикасы жиі кездеседі. Қазіргі заманғы жаппай ескерткіш орнатуға құмарлық дінсіздік пен құпірлік – ежелгі пұтқа табынудан алшақ кетпейді. Еменге де, семенге де белгі қоя беруге мүмкіндік туды. Хас жақсы мен жаманды бөліп-жару жоқ.

«Лениннің мойнына мінген адам» атты әңгімеде Босаевтар кейінде қуыс қеуде, зинахор, екіжүзді ашқөздік салтанат құрған құргақ, монтаны дәуірдің былайғы жүрт көзінен таса сұмдықтарын әшкерелейді. Үлкен прозадағы тәсілді жазушы қолданған. Егер қоғам шын дерпті, дәрменсіз болса, онда ең теріс, ең төмен саналатын мүшесі кей сәт әулиеге пара-пар болғаны. Мұндай іш-құса көрегендікті жындысурей қоғам өзі қолдан жасаудан да шет емес. Оқиға кейіпкерлері жындыханада тұрады. XX ғасыр сонындағы қоғамдық формациялардың өзгеруі қарапайым адамдарды жан күйзелісіне ұшыратты. Әдебиетте бір адамның екі адамға бөлінуі, оның біреуі екіншісін қабылдамауы өміршең идея. Есі ауысып, шатасқан біреу өзімен-өзі сөйлесіп отырады. Сондағысы:

«– Ит екен гой, мына Ленин

– Күн көсем деуші едің, кеше».

Кешегі шындық – бүтін өтіріке айналды. Оңай тимейді. Рухы биіктерді иттүмсіғы батпас ну ормандар тәрізді 1937 жылы отап тастаған қоғамда енді сенімі құрығанда өстіп жасып қалмағанда қайтеді?! Бұл расымен даулы түйін, әрі даудан арылмайтын, біржақты шешімге келу мүмкіндігі күрделі идея. Автор «қайта құру қасіret әкелген» дегенде, қоғамды емес, санасты мәнгірген адамын аяп айтады: «... Колдан Құдай жасап...». Адамзатқа тән адасулар мен соның кесірінен туатын құсалар толастар емес. Оның айналып соға бермегі неліктен? Жазушы бұл сауалға жауап іздеуге құлышыз. Әңгіме кейіпкері Дағбызбек, орысша айтқанда, диссидент. Ол ғасыр басындағы кекті ғасырдың сонында қуып жүргендей, және оны абстрактілі сипатта танығандай әсер етеді. Дағбызбек есімі осалдау сезілетін бұл кезбе жігіт диуаналық құрып, Лениннің тас мұсінін қасынан табылады. Пародия деуге болар. Осы бір тағдыры ауыр жан

тас мұсіннен империялық зұлмат, зорлық-зомбылықтың өшін, желтоксанды төгілген казак жастарының бейкүнә қанының құнын осылай алуы әрі аянышты, әрі қүйінішті көрінсе, бұл символикалық дәрежедегі дәрменсіздікті бейнелейді. Социализмнің көсемдерін жын тәрізді қабылдау Дарбызбек сынды шалыстау кейіпкердің донкихоттығын ақтап алады. Расында бәрі сөз жүзінде, істе жоқ қүйінулерге ұласты. Дарбызбек бұл тұрғыдан нысаналы образ. Ол-дагы нақты адам бола тұрып, жел айдаған қаңбақтай дерексіз, талайсыз, елес жаңға көп ұқсауы заңды. Оны оқушы кезінде өзі түйген шындықты шығармасында жазғаны үшін мектеп директоры бір топ кілттің буласымен басына ұра беруін нанымсыз деталь дей алмаймыз. Осы бір топ кілттің буласы экзистенциальды прозаның табиғатына тән, ол азап лагерлері мен саяси құғын-сүргін құрбандарының түрмелерінің жиынтық кілтінен аумай қалады. Бұл кілттер көдімгі кілттен ғері, тозақтың қақпасына көбірек лайық.

Дарбызбек өмір сүрген кезеңнің өзі – әлгі жындыханада отырып, бір газетті ғана оки беретін оның көршісі басынан кешкен қүйге ұқсас: екіұдайлық. Советтік өмір салтынан, сол заманың қалыбынан біздер бәрібір толық безіне алмаймыз, өйткені альтернативасы жоқ. Тұтас бір ел өмір сүрген тірлікті еткен дәуір екен деп санадан сылып таставу қайдан болсын, ол енді ұстаптайды. Тек интерпретация жасауға рұқсат.

Н.Дәутайұлы әңгімелеріндегі ескерткіш атаулы сатиравы объектілер болып шығады. Тұлға болуға лайық еместерге ескерткіш қою қатерлі індет тәрізді, мұратқа жеткізбейтін шатасуышылық. Дақпырт, есерлік.

Ескерткіш – елдіктің белгісі, бірақ ерен тұлға, хас жақсыға ғана қойылмайтын көрінеді. «Мәкендер, Малсекендер, заман» атты әңгімede бұл жайт мипаздай, бейбіт юмормен ашылады. Малсақбай қойшының образы дәл, иненің жасуындаі сөкеттігі жоқ. Кеңес заманындағы қой устінде бозторғай жұмыртқалағандай аста-төк молшылық осынау Малсекендердің арқасы болатын. Жаны таза, құлық-сұмдықтан ада, еңбекқор, момын Малсекендер сол қоғамды шатқаяқтатпай ұзак ұстап тұрды, ең ауыр енбегіне жегілді.

«Қазакы мол пішілген» дейді автор дене тұрқынан бұрын

қойшының кең пейіл, акжүректігіне сүйсініп. Ал Мәкендер деу тағы нанымды. Кешегі күннің ел тұтқасы, бұл Мәкендер, аупарткомның бірінші хатшысының айтқанын екі етпейтін елгезектігімен көреген бұлар, десе де негізі жаман адам емес. Жазушы Малсекене қалай іш тартса, Мәкенді солай сыртқа теппейді. Қос типтік бейне, өмір шындығы. Ендеше, шағын проза айрықша зәру мұдделер қактығысын, кульминациялық дауды жазушы қайданалуы керек? Озатқойшы, озат диханның заманы келмеске кетті, Малсекен қайтыс болған, оны жаңа дәуірдің рухани мұқтаждықтарынан іздейді. Қазіргі өзімізге бек таныс одағай, өрескелдіктердің тамырын өткеннен табу қиын болмай шықты. Тым шежірешілдік, әсіреқызыл ататек қуу, қазактың ұлттық портретіне кей сәт сыйзат түсіруден де шет емес жүзге бөлінушілік. Қазактың сом тұтастығына нұқсан келтіретін, рушылдық пен жершілдікке негізделген коррупцияның асқынуы үдең кеткені рас. Бағзыдағы тектілік – «Жеті атасын білген ер, жеті жұрттың қамын жер» делінсе, ендігісі жең ұшынан жалғасу арқылы тұлпарды жабыдан анайы оздырмауға, қасақана кедергі қылуға айналғанына қазақ ұлт ретінде ұтылып, бөтөндер гүлденіп, әл-куаты артуда. Бас-басына би болудың халыққа еш пайдасы жоқ, зияны шашетектен.

Ескерткіш қоюға құмарлықтың түбінде осы бір бәсеке, күншілдік, өзімішлік жатыр. Ескерткіш тас мұсін, яки қоладан, мыстан құйылады. Тас мұсіннің ежелгі атауы пұт болатын. Адамзат тарихында ортодоксальды діндер пұтқа табынуды аластап барып, құшіне енді. Әңгімеде аралары бір-біріне жақын екі ескерткіш орнатылған. Оның үлкені – Малсекендікі, кішісі – Абайға қойылған. «Мәкен партком болып тұрғанда тұрғызылған». Жазушы өз кейіпкерін жақсы көрсе де, қазакты тек қой бағуға жаралған дегісі жоқ сияқты. Қазаққа кой бағу ата-бабадан келе жатқан ырыс-несібесі болғанмен, ұлы ойшыл, ұлы ақыны барда көп қойшының біреуін ұлықтау ұшпаққа шығармайтын жансақтық. «Бәле селдірлеу шашы тікірейген қара баладан шықты». Озық ойлы жас журналист ұлтқа тән ар-ұяттың қорушысы. Ұят – ізгіліктің ұясы. Мәкендер өзі осы алалауға айыпты емес, бастығының бүйірігіна бағынышты болғанына енді қысылған түрі мынау. Малсекенді бастығы көтермелеген себебі, «нағашы-жиендердіктері бар екен». Міне, гәп қайда.

Несіпбек Дәутайұлы ұсақшылдық пен өткір бір нағандықтың желбуаз, далбаса формасын келекелейді; бұл әңгіме ешкімді өшіге қаралауға, сүмпайы қылышпәшкерелеуге құлықты емес. Ал бүгінгі қазақ баспасөзінен аян, ұлы Абай айналасында көрсөкүрлүқ пен асылық қаңқу сөз көбейіп барады. Абай көкпар тақырыпқа айналған. Данышпан ақынның рухын қорлау құллі қазақ ұлтын төмендету болып табылатынын ұқпайтын біреулер табыла бастады. Олар реті келсе Абайды өздерінің бәкене қалыптарына тәнгеріп, кішірейте салғаннан еш тайынбай жүр. Әсіресе, «Қазактың жауы қазақ деп айтқан Абай» деген масқара жаланы есерлікпен ұлы ақынға телігені кезеген сұқ ойға айналғалы көп болды. Мұншалық арамзалақты жалақорлар өздерінен көрсін. Абай: «Бірінді қазақ бірің дос, көрмесен істін бәрі бос» деп алғып, өзін-өзі жоққа шығарған жоқ. Онда «Қазактың жауы қазақ демек» деген өзгеше мағына бар, әншейін ұсақ-түйек қаскунемдікті жақтырғағаны. Ақиқат, Аллатагала кемшіліктен пәк. Алла өзі сүйіп жаратқан сүйікті құлдарын әр ұлтқа ұлы ақын, ғұлама кейпінде берген.

Біреуі пілге үрген кәнден құсан, «Абайды Абай еткен өлеңі емес, Құнанбайдың байлығы» деп «жориды». Біреуі біз Абайды қолдан жасап, аспандаттық деп жар салуда. Енді біреулері Абайды руға, жүзге бөліп, тайпашилдықтың тар шенберінен аса алмай, өз төбешігінен бағалағансыды. Неге? Себебі, қораштық пен таяздықтың қисық айнасынан олар өз бейнесінен артық ешкімді таба алмайды. Мұның бәрі көп қаңқу сөз есекке жук. Аяр адам күншіл, күншіл адам міншіл, ұғымы жоқтар ұсақшылдықтан арланбайды. Қазіргі қазақ қоғамын жайлаган дерпт – рушылдық. Жазушының бір әңгімесінде, «трайбализм деген – трайбализм» деп юмормен айқындаушы еді. Рушылдықтың ежелден қанға сіңген өмір сүру формасын айыптағандай болғанмен, мұны кейіпкердің қазақша түсіндіруге шорқақтық таныта қалуы түсінікті, әйтпесе, қазақ болып тумайдығой. Әрі оның ерісі тар, шынайы ұлттық қасиет бауырмалдықтан бұрын пайдакунемдік, ашқөздікпен дүниені керегіне жарату жатыр. Құлқынның құлы болу – адамдықты ластау. Жазушы осы тақырыпқа «Көрбай» атты әңгімесінде қайыра оралған. Шежірешілдік бәсеке қолдан қаһарман жасауға ұрындырады, жасанды батыр, жалған ғалымдар, әулиесымактар... Мұның соны

грамофондық, яғни жазғыштыққа ұласады. Дарынсыздығы тіке шырқап кетуге кедергі ғой, Көрбай өзін ақын санап, өзіне-өзі ескерткіш-такта орнатады, сөйтіп, көңілі көншиді.

«Репетиция» мен «Бір қияр, екі жұмыртқа, Ботабай» атты қос әңгіменің өзегі бір. Әйгілі «Мың бір түн» араб ертеғілерінен ұласатын «Халиф на час» әпсанасы бар. Осы әлемдік тақырып кейіннен 19 ғ. орыс классикалық әдебиетінде аса зорайып өсті. Фадетте мұны кішкентай адамның трагедиясы деп таниды. Гогольдың Ревизорды мәңгі күте беруден арылмайтын қоғамда Чеховтың құлдық ұрудан ажалы даяр шенеуніктері азаймайтынын көркем әдебиет әлі күнге растайды. Мопассанда бұл тылсым молынан ашылды.

Сонымен, Несіпбек Дәутайұлы бірін Көрбай, бірін Жербай атандырған көр-жөрлік пиғыл үдең тұрғанда, кешеліктен арылу қынға соғады. «Қайда барсан құлдық ұру, қайда барсан құлдық ұрғызу. Ірілік ізғайым. Болса ілеуде біреу. Нөпір ойсыз. Саят бар, білім жоқ. Сана тұман». Жалпы, жұғымсыз, мардымсыз, күйкі адамдар өмірде жын атады, ендеше, биліктен ғана қорқатын құдайсыздар ешқайда ауып кетпейді. Олар көп және саналы түрде жағынады, әлсіздікten «ләпбай, тақсыр!» деп тұрғаны. Екіжүзділікті намыс санап, оғаш көрмейді. Көрбай – Жербайларға Ботабай тәрізді тұрмысы нашар, аңсағаны байлықтан аспайтын типтер қосылады.

Ботабай, атының өзі айтып тұрғандай, бура бола алмай тұншығады. Мандайына жазылғаны сол. Қала тұрмысына тән трагикомедиялық ситуацияны, кішкентай адамның дуниеде дос құсасын жазушы өзіне тән юмормен басып-жаншып тастанды, соның әсерінен уыты басылып қалады. Ботабай қызметі өсіп, әлеуметтік жағдайын түзеп алмаққа армандаған сәтінде оның пасық кеуде, нашар адам екені, тым сұғанақ, бықсық жаратылғаны ашылып-ақ қалады. Бақытқа лайықсыз. Бәлкім, кеудесі таза болса, Ботабай таз кепешін басына қайта кимес те еді. Әйелі де өзіне сай, табашыл, іші тар, ұсақ. Кім білсін, Ботабай сияқтылардың бақытсыздығы, туған кең даласын қып тастан, қазақы дархан болмысын саудалап, өуелден арзан нәрсеге айырбастап алғанында шығар. Бір шатасқан соң түзелу қын.

«Бейғам дүние» атты әңгіме ядролық сынақ полигондардан жапа шеккен, у тамған әлемнің сиқы. Ел-жұрт қазақтікі, миғұла, мимырт, көнбіс қайғы. Осы әңгімеде бір жанама

кейіпкер бар, оның аты да аталмайды. «Түйе ұрып өлтірген Таубайдың алакөзі». Демек алып, балуан адамның ұлы, кәзір ол бір әпенде, шалық шалған. Ірінің зардапқа көнүі. Мұның аузымен қаперсіздікті кінәлайды. Делқұлы әумесерлік пен шалық шалу бір емес, кейде ол даналықтың шаршанқы, қажыған қалыбы, кешеліктен ерен түнілгенде жамылатын бет пердесі тәрізді. Немесе азған дүниенің өз кейпіне түсіп алып, абыздық қылу. Тегінде Несіпбек Әдіутайұлы прозасында осы текстес өткінші, эпизодтық кейіпкерлерінің бас кейіпкерлерден де мысы басым тұрады. Мысалы, «Көкмойнақтан шықкан көкжал» атты әңгімеде сызу пәнінің мұғалімі тарихты жазып кетеді ғой. Ақ адад жаратылысы олардың кем-кетігіне нұқсан келтіртпейді, себебі шындықты сүйеді. Мұндай жандар халықтың көзі де, сейлер сөзі де. Тоқ етерін айтады, өтірікке төзуге жаны қас. Пысықайлар бұғып қалар қауіпті ситуацияларда бұлар тайынбайды, халықтың көкейіндегі сөзін айтады, көрегендігін бейнелейді. Құдай сол үшін жаратқан. Соңдықтан жазушы елеусіз, кішкентай кейіпкерлерді үлкен жүрек иесі деп танып, асырып жіберуді сүйеді. Әлгі алакөз науқас жігіт ақырзаманның нышандарын жар салып хабарлайды, тәубана тұс халайық дейтіндей жоқшы. Жер тозса, ел азады. Адам қайғысын заман қайғысынан алшак карау мүмкін емес. Жер-ана құрыса, оның бауырындағы тектілік біртіндеп жоғала бастайды. Мұзбелде уран шығаратын шахта бар. Соның кесірі елге тиіп жатыр, бірақ табиғаттың өлгенін адамдар толық ұғынуға жоқ. Юморлық бояуы мол бұл әңгімеде құлқінің қауқары қайғының шырайын жасыруға дәрменсіз.

Жұмактай жасыл жер бетін тоздырудың сан алуан айла-шарғысы, қиянат-кесірі аян. Соның бірі – тозақы адамдардың жаманшылығы. Жан дүниесінде тамұқ арқалап жүретін тым бейпіл, лас адамдар болады. «Шал» атты әңгіме зинаһорлықтың түбінде не барына үніледі. Адамның сайтаны бұл шал, хайуан десе тағы обал. Жан-жануарлар әлемі адамдардан шын мәнісінде таза. Онда ақылдың азабы да, зорлығы да жоқ. Қала өмірі оқшау, жалғызілік, жанашырылғы жат меніреу әлем моделіне ұқсайды. «Өзгелер үшін түқә серіппейтін түйік тірлік» дейді автор. Ал түйік суда жын-сайтан мекендейді. Шал ар-ұят, иманнан жүрдай. Ол жалғыз баласын өзі көрдей кеудесімен жынойнақта

тұншықтырып өлтірді. Неге? Себебі, ол өзінің ұлттық салт-дәстүрін, табиғатын керексінбеген болатын. Шал бөтен. Жаны қуыс, түк жылу жоқ, қатыгез. Пойыздың үстіндегі өткен өмірі, теміржолшы мамандығы шалды жасынан тек арзан, кір, жексүрін қылықтарға дағдыландырды. Отбасын аялауды білмеді. Осынау шалға ұқсайтын жамандар көбейіп кеткен жоқ па? Автор рухы жаншылған дүние бұған бейім келетініне наразы екенін ескертеді.

«Батыр» атты әңгімеге ширіқкан сюжет тән. Қазақтың бұрынғы дәуірі, жаугершілік еgestе қызылысып, морт сынатын сор айдаған тағдырлар. Грек эпосындағы Пенелопа арудың Итакасына оралатын Одиссейін 20 жыл күткені тәрізді аңыздық желі бар. Бекзаттық, адам баласы үшін ең қымбат ұғымдар туралы бұл әңгімеде шынайы детальдардың жетіспейтіні анық. Деректі, жанды детальдардың аздығынан ба екен, нандырмайтын мезеттер үрланып шығады.

Несілбек Дәутайұлының жағымды кейіпкерлері кім? Ол – «Көкмойнақтан шыққан көкжал» атты әңгімесінде Асыраубай. Ол Қамбар батыр сиякты елді асырайтын, патриотизмді жан-тәнімен қалайтын, ел қамын жеген Едіге.

Ауылдың тозғанына кінәлі біраз адамдардың аты аталды. «Күдай ұрғанда барлығы бір ауылда туған...».

Ал ауыл – Көкмойнақ – көркем мекен: «үйдің шаңырағындағы қарлығаштың ұясы сияқты, қияндағы биік таулардың қапталында жатқан шағын мекен».

Асыраубай, әлбетте, әрленген, пафосы мол образ. Бірақ жасанды емес. Асыраубайлар әр ауылда тұрады. Олардың қолы қысқа болса да, жүргегі кен, жаны таза. Жақсы мен жаманды шатастырмайды. Оның қалада шалқып отырған, ірі қызметі бар досы қара басынан аспайды. Асыраубайлар ақ адапт сүт емген болмысымен мұндай «достарын» да кешіреді. Ал Асыраубай сиякты жайсандарды қаһарман қылатын әділдік жаршысы «сызу пәннің мұғалімі». Осы екеуіне үқсас адамдар бар жерде ұлттың тегі мен мәйегі сақталады.

Жазушы қаламынан туған «Көгілдір көйлекті келіншек» атты әңгімесі бар. Еуропа XX ғ. басында эротикалық прозаның көркем туындыларын сот процесінде қарап, жазушылардың басын даушардан арашалап жүрді. Оны порнографиямен шатастыруға болмайды. Бұл әңгіме қазақ

қоғамын жегідей жеп, торлап тастаған бір қатердің тыым салынған жабуын ашты. Ер жігіттердің азауы, оның асыл тегінің сирек кездесуі, жартыкем семьялардың көбеюі ұлттық қасірет. Отбасын ұстап тұратын тірек әйелге ауганы игліктің нышаны болып табылмайды. Ошак құру үшін әуелі бас керек. Еркек бас болып жарытпайтын қысынсыздық дендей бастады. Әйел асыраушыға айналды. Әңгімедегі әйел арқылы ашылатын адам табиғаты психологиязмге құрылған. Астыртын бір сипаты, қазіргі қазақ қоғамына жұт болып тиғен ерсіздік тақырыбы. Бұл өзі Құлагердің қазасындағы атсыздыққа рухани жақын сезіледі. Әтносқа зиянын тигізетін кесірге айналған. Сол себепті әңгімede ер-азаматқа лайық кісілік, тектілік пен намысқойлық, ізгіліктің азауын автор қөгілдір көйлекті келіншектің қайғы-шері арқылы суреттейді.

МОМЫН МЕН МУЛӘЙІМ

Жұмабай Шаштайұлы прозасындағы сарын

Қазақ әдебиеті ақын-жазушыларды буын-буынымен өлшеуге шебер. Азаматтық адаптациялысы прозасында айнымай берілетін Жұмабай Шаштайұлының «Қызыл қар» атты тұнғыш жинағы 1984 жылы жарық көрді. Кейінгі «Жанғырық» атты романымен арасы 20 жыл. Бұл екі кітап – хикаят пен романың алтын көпірі ортақ. Алғашқы хикаяттағы жас Жайлай – автордың прототипі десе болар. Романдағы «Қыс деген жарықтық қысылтаянда» (15-бет) қой бағудың жанкешті сұмдық азабын енді Сансызбай бастан кешеді. Шынтуайтында, Жайлай мен Сансызбай бейнесіндегі, жалпы көмпіс қойшы күйіндегі күллі қазақ ұлты көрген ауыр тұрмыс.

Қазақ ғадетте амандықты «Мал-жан аман ба?» деп сұрайды ғой. Жұмабай Шаштайұлы әңгіме-хикаят, романында мал мен жанның итрәсүа азапқа қатар шомуы, дәлірегі, малы – бір отар қой мен жаны – ол қойшы қазақ, өкіметтің малайына айналып, «ортаның малы» үшін қысы-жазы көретін асқан ауыртпалығы параллель, бір деңгейде, бір биіктеге берілген. Қақаған қыс пен ми қайнатар аптапта дер кезінде сырттан көмегі жок, мыңмен жалғыз

алысқандай малды өзі бағып-қагу шопандыққа жаралған деп үйғарылған қазақ баласының соры болды. Бағы, әрине, жеке біреулерге тиесілі, науқаншылдықтан қаулатын кезеңдер. Шығармадағы нағыз жұт – қыс табиғилығымен тықсырса, өкіметтің шолақ белсенділерінің неміңділілігі мен жаны ашымас зұлымдығы – қайырымы жасандылышымен шопан жанын тозаққа салды.

Жазушы жамандық пен жақсылық нышандарын бүкпей айтуды парызы санайды. Мұнын жарамсақтық пен өтірікпен де күн кешкен кешегі совет заманында, дер шағында айтылуы үлкен ерлікке тең.

Оның «Шал мен жылқы» атты хикаятында жабайы иен жайылған, қолға түспейтін асауды «Сол айғырды атып алсақ қайтеді?» деп сұрайды ата жолынан айныған шалдың бір ұлы. Қазақтықтан алас, ұлттықтан адас кеткен «шіріген жұмыртқа» тұспалы, осынау сүмдық динамизм «Жаңғырықта» өзгеше сипат алған. Малдың киесі мен адамның жан төзгісіз корлықтан жапа шегуі осынау ұлттық рухтағы ұдайы жоғалтулар мен өзгерулерден басталады.

Жұмабай Шаштайұлы жоғалған жылқы мен ана тілінен мақұрым, ата-баба сөзінен дым түсінбейтін, орысша өскен ұрпақ-немере туралы әпсананы бір сарынға балайды. Мысалға, «Үй мен туз» атты өте мұнды әңгімесінде ата-бабаның таза дәуірімен қоштасу бар. Қазақы жаратылыстан арылудың дерті Жарасбайды науқас қылды. Ағайынды екі қазақтың ынтымақ бірлігі бұзылған, оған қаланың әсері бар. Көшіп-қонудың, ұлы туз – жасыл жайлауда көшіп-қонып, қаздай қалқып, шалқып жүрудің енді келмеске кеткенін біліп қайғы жұту.

«Жала мен нала» атты әңгімесінде ауыл мұғалімінің портреті тұра микроскоппен көргендей. Мұнда да ата тұрмысы мен мінезі өзгерген халықтың кейпіне жаның ашиды.

«Жаңғырық» – біртүрлі роман. Мұнда ғадеттегі қазақ романдарына тән тәнкүмарлық, ашынажайлық, сәнқойлық, артық-ауыс сөз ойнатудан туатын көлгірлік атымен жоқ. Гламур прозаның әсірекұзыл далабы мен бояма шашы, яғни, корқаулық сүреннің жұқанасын да таппайсыз.

Жазушы қым-құыт 19 жүзжылдықтан жана ғасырға салтатты, арбалы, арда табиғатымен енген өз жүртіның дара болмысына үңіледі. «Бұл қазақ кім? Неге оның жоғы

елу жыл өтсе де түгенделер емес? Өзге жұрт қазакты не үшін басына, қорсына беруге бейіл? Оның екпіні космополиттік құбылыста жатқан жоқ па?» – деп сауал тастайды жазушы. Қазақтың зиялғы қауымы екі жүзділіктен олжатаяп жүргенде бұқара халық жетім қозыдай қорғансыз. Сол себептен де жазушының жаратпай қолданатын бір сөзі бар: ол – шалыс, яғни, шалық, шала, шатаға да тақау ұғым болса керек. Мысалы: «...әпенде шалыс біреу» (36-бет), бұл космополитке тағылған ат. «Шайтан шатыс» – бұл маңыраған ешкінің сыйқыты. «Қалмақ шалысы...» (56-бет), «Осы біреудің құйыншалыс ұйтқыған қылуасына жыны ұстады» (66-бет), «Мысқыл шалыс» (107-бет). Кітаптағы астыртын бір сарын – Мәскеудің әсерін, астанамен шатысқан қазактардың өз болмысынан безінетін аярлығын жақтырмайды.

Шалағайлық, шалыстық елдіктен кетіретін дертке ұксайды. Оның түбінде қазақтың ұлттық қалыбына түскен ақау мен рухани құндылықтардан айырылу зары жатыр. Романдағы Сансызбай қойшының ауырған қос ұлы мен тас болып қатып қала жаздаған бөрте ешкінің егіз лағының азабы психологиялық катар сурет.

Бұл эпизодтан қазақ менталитеті асқан мейірім екенін оқырман жадына түймей қала алмайды. Расында сол бір атауы момындық делінетін мейірімнің шапағатынан тозақы өмірді жұмаққа айналдыруға тең қуат андалары сөзсіз. Қойшының түйсігі алдамайды. Екі лақтың обал-сауабы екі баласына тиді, ауыр науқасынан айықты. Сөйтсе, ол қазақтың түйсігі болып шықты. Жаңа туған қос лақты мұз болып қатып қалатын қорадан әкеп, қойшы ыстық суға салып, сорғытып, пеш түбіне орап тастайды.

Зулап келе жатқан пойыздың астына теке бір отар қойды бастап апарып арандатады. Расы солай ма, теке христиан мифологиясында сайтанның нақ өзі. Ешкілердің тогайларды жалмап, жазиралы алқапты шөлге айналдырганын көне дүние біледі. Пойыз қойды баудай түсіріп, жүз шақтысын турал өте шықты. Теке аман құтылды. Бұл ишара, әлбетте, республиканың 50 млн. қой өсіреміз деген ұранына пародия емес. Әсілі, бұл – жоқтау. Зар.

Жазушы ұлтсыздандығын трагедиясын бергенмен, жылқы мінезден, жылқы кейіптен арылғысы келмейді. Даланың символы – кентавр. Аныз. Аныздың сұйылып кетуінен,

тұқымы жоғалып тынуынан ол өлердей қорқатын тәрізді. Сол себепті, бәлкім, «Арыған әруақтай далиған сұлық жазық» (133-бет) деп суреттейді.

Кітаптың өн-бойынан қазақ халқының ойлау ерекшелігі мен дүниетанымындағы өзіндік үлгілерді көре береміз. Ұлттық менталитетке жазушы үйрінен адасқандарды қайырып алғысы келгендей, айналайын деп елжірегендей, қазығына оралған жылқыдай шұрқырайды. Сол себепті қалағас ісіп жатқан қазақ интеллигентиясыныңекіжүзділігін, аяр қалыбын жазушы «Оның ештегенде шаруасы жоқ, бір сұмдық мүләйім» деп қайырды (144-бет).

«Жанғырықта» ол негізі жарымаған тексіздіктің сатқындыққа, арсыздыққа икемді табиғатына өштеседі. Мәскеуде өзінен 15 жас үлкен орыс, болмаса еврей әйелге үйленіп, үлкен мансапқа жеткен, жазушы, ғалым атанған Майлышбаевты жағымсыз образ деу аздық етеді. Сорлаганда ол тип ретінде кейіннен дұр етіп көбейген. Еркегі де, әйелі де. «Арсыз болмай атақ жоқ, / Алдамшы болмай бақ қайда?» (Абай).

Автор тектілікті көп айту арқылы ниеті күйкентай адамдардың залалынан андайды.

Романда адамның шыққан тегіне үнілу проблемасы көп. Жұмабай Шаштайұлы мұны метафора арқылы суреттейтіндей: «Қызылала апортың көк жолактары кіршіксіз тұп-тұнық» (234-бет). Егер романда өзге ұлтты жатырқау, олардың адамшылық қалыбын қомсыну кездесе берсе, мұны ол қазақтың салт-дәстүрі мен ой-санасына сызаттанып түсіп, жарыла бастаған кеселден сескеніп суреттейтін тағы айқын.

Романдағы журналист жігіт Бегімбеттің қорыну сезімінен арылмайтыны ұлттық жеңілістерді, рухани азып-тозуды түйсінуден туады. Бегімбеттің Мәскеуде оқып келген әпкесі Нұрғаныштың бейmezгіл қазасы романды көктей өтетін жад қүйініші мен ұлттық қасиеттен безіну, ұлтсыздану трагедиясын айғақтайдында сезіледі. Өзгеше ұғыну қыын.

Романда тарихи тұлғалар, жыр алыбы Жамбыл мен қазақтың ірі мемлекет қайраткері, рухани көсемі Дінмұхамед Ахметұлы Қонаевтың образы ұлттық нақышта берілуі бұл дәүірдің шынайылығынан сыр тарту үшін алынған.

«Жанғырық» атты романның күллі санасы – құлан қағынан

жерімейді деген қағидадан көз жазып қалу – жалқының емес, жалпының трагедиясына ауысуы.

Іні жұмсақтық қазакы қалып, комплекс ретінде жиі айтылады. Бір кейіпкери «Алматының аты ғана біздікі» дейді қүйіп-пісіп (15-бет). Осы ойды тиянақтағандай, Бегімбетті ішіп алған екі орыс бұзақысы қарантан-қарап, «Осы жердің иесі мынау жұқана сен бе?» деп ұрып кететін жері көп сырды ашады. Қорап автобус – қамау, көшпелі тұрмыстың қеңдігі енді жок. Қазактың урбанизацияға бейімделуі мәжбүрлік қана емес қой, ол – ұлттық мұдде. Қажеттілік, онсыз ештеңе бітпейді. Бірақ оны дәмі аңы дәрі жұтқандай ауырсынудан жазушы арыла алмайды. Жана әлемде де ұлттың өз орнын табу идеясы тумай ма? Асыл мұраттың алдын қазактың ұлттық қасіреті – оның екіге бөлінуі, екі мәдениет түзуі орап-ақ кетеді. Бүтіннің қақ айырылуы зарлатады.

Қалада өскендер орыстілді мәдениетке қосылса да, далада өскендер ана тілінде уызынан жарыған. Соңдықтан екеуінің мінез-салты әр түрлі қалыпта дамиды. Екеуі басы қосылмай, бір-бірін надандыққа тануға құштар. Құнқөріс, құлқын қамын қүйттеп, екіжүзділік пен рухсыздықтың алдамшы табиғатына елту осыдан шығады. Ең кереметі, бұл кінәрат қарапайым халықтан бөлек, зиялы қауымға тән. Қалада өскендер бауырмалдықты керексінбейді, оны басы артық бөгет, кемшілік, көртартпалық деп түсінеді. Мұддесі үшін кім көрінгенмен ауыз жаласудан тайынбайтын ұсақшыл пигылды өзінікін менсінбегендерден күту керек. Соның үшін әменгерлік салтты мазактау, терістеу бар (78-бет).

Ұдайы қазактың дәстүрі мен өткенінен қоркуы, тегін жасыруы, құпиядан зәресі кетуі бар. «Әкесінің молда болғанын айтып қоя ма деп қатты қуыстанды» (82-бет). Халық жауы деген ұғымнан жады уланған ұрпақ. Қазакы ұлы қасиеттерге шабуыл, тектілікті кінәлау, ірілікті ылғи айыптаپ, қалайда жер қылып жығу мен Сталинді кейіптеу бар, себебі, заман сонікі, бұл сарын үндес. Оқиғаның 1953 жылы көктемде өткенін де көсемнің қазасына көз жасын көлдеткен жүрт арқылы білеміз (118-бет).

Автор үшін атасы басқалықайып емес, бірақ олардан қазакы ұн жаратылыстың қылдай ұшығын көрмесе-ақ түнгіліп шыға келеді. Интернационализм, ұлттар достығының кейде жасанды мезетін пародия сынды қабылдайды. Үстемдік бар

жерде, тендік қайдан болсын деп кірпішешенше жиырылады.

Алайда біз қазакы сана құт, өзгенікі жұт дей алмаймыз гой. Мәселе ұтылу мен ұтылмауда. Бұл тағы ұлттық параметрлермен өлшенетін құбылыс.

Жазушы иен жабайы құстардың өзін тұмағы мен тақиясын кезек киетін қазақтың өзіндегі көруге шақ қалады. Тырна мен сарыалакаңға деген буырқанған сағынышы соның әсері. Артығали ақынның жүргегін жүлдизға жарған қаршығасындағы көктәнірлік ностальгия.

Сансызбайдың айдалада ашыққан екі ұлына дәм ұсынған диуана бейнесі – ұлттық таным. Диуана аян, пайғамбарлық, құдірет. Қазақ классикасынан бұл образды Жүсіпбектен бастап Оралханға дейін сүйіп қолдануы соның нышаны. Романның соңындағы эпизодта диуана текке алынбаған. Қазақтың қыспаққа түскен, жаны қорланған ауыр кезендерінде құдай қолдаса, адал құлын жоғалтулар мен жұтылулардан аман сақтап қалса деген ұлы үміт һәм ғибадаттан туған.

ТҰРСЫН ЖҮРТБАЙ. АБАЙТАНУШЫ

«Күйесің, жүрек... сүйесің...». Бұл кітапты ә деп оқи бастағаннан түйсіндім, Тұрсын Жүртбайдың Абайы өзінің жүргегінен әбден өткен, рухы айрылмастай қауышып, тұтасып кететін рухани сыр-шежіре екен. Егіздіңсыңарындағы әсте айрылғысы жоқ. Демек, бұл шығарманың жанрын дәл анықтағаныма күмән жоқ: жазушының жансыры. Абай арқылы айтылатын ісі қазақтың шер-мұны, құса-қайғысы, арман-мұраты. Теніздей буырқанған орыс әдебиетінің алтын фасырында әулие Лев Толстой «Исповедь» деп атаған, өтірігі, алдауы һәм сырлауы жоқ ар рухынан жаралған. Автор «Мұрат – Абайды түсіну» дейді. Дегенмен Абаймен қоса күйініп, шер тарқатып отырған тап өзі. Жазушы Абай арқылы қазіргі қазақтың ұлттық қалыбын айғақтайды.

Тұлға тану туралы кітаптарды сүйіп окудағы мақсатым, ежелгі данышпан Платон: «Мениң білетінім, мен ештеңені білмейді екенмін» деген шындыққа сүттей ұйып, алғаш

каріп таныған жеті жасар кезімдегідей шәкірттік күйге алаңсыз бір шому болатын. Одан кейін салыстырмалы түрде ғылыми зердеге салу басталады. Қайталау – білім анасы, біз Абай сөзіне көкірек кере жұтар саф ая тәрізді әрдайым ділгірміз. Әрі Абай жарықтық оқыған сайын наурыздағы жыл маусымындаи сананды жанғыртатын ерен қасиеттің адамы. Абайдай халық ұлын саралау үшін Тұрсын Жұртбай ғалымның кәсіби мұддесінен ғөрі жанның рухани мұқтажы қысып, булыға, тебірене, кейи һәм ашына ой толғауы, көкейінде миғұла ел ұқпаса да бәрібір мындан біреу сөзімді қабылдар-ау деген құдік пен үміт текетірес түскені анық. Қазіргі қазақ зиялды қауымының зейін Тұрсын Жұртбай ұлтына жеткізуі шын мақсат тұтқан екен.

Өлкисса, Абай – қазақтың рұхы дейміз, бірақ шынтуайтында қазақ асқан сол Абайды керексініп жүрген турашыл ел аз. Ұлы ақынға біреудің жалақор аузынан ебедейсіз шыққан «Қазақтың жауы – қазақ деген Абайдың нақ өзі» деген қара күйені жағып қойып, осы жалған пікірді ұран десіп, әлдеқашан өз білгендерін қылып, пайда қуып кеткен. Абай көрген сол дүние өзгермелеген: «Кейіс дүние», жазушы сөз басын сөйтіп бастайтыны текке емес.

Абайды тану Шыңғыстаудың киелі топырағынан басталып, алаш баласына ақырында тараған бастады. 1909 жылы Қазанда татарлар бауырмалдығын танытып, Мұрсейіт қолжазбасын жарыққа шығарғанда үш жүздің бағына басылған кітап сол болды. Мұхаң Абайға куллі өмірін арнады, қазаққа хакімін еншілеп алғып берді. Әлихан, Ахмет, Міржакып, Сұлтанмахмұт, Мағжан, Ілияс Абайды уағыздады.

1934 жылы Құдайберген Жұбанов «Абай – қазақ әдебиетінің классигі» деп талдап, түркі халықтарындағы тұлғалармен өлшеп жазғаны ұлттық құбылыс болды. Абайдың тұлғалық, ғұламалық орнын ғалым нықтап берді. Абайтанушылар кезең-кезеңімен жан-жакты іс тындырыды, әркім лайықты үлесін қосты. Бірақ Абай сарқылмайтын бұлақ, біз шөл қысқан жолаушы тәріздіміз, әрқайсымыз жағасына жата қап, жабысып сусын қандыратын. Әркімнің басыбайлы, өзіне икемдеген Абайы бар. Одан Абай және таусылмайды. Абайдың бір ғажап қасиеті мынада, оны білдім деу бекерге

шығып отырады, оған үнілген сайын Наурыздың айындаған жаңара береді. Құллі ғұмырыңын әрбір қымылына Абайдан сөз тауып жұбанасыз.

Әлхисса, Тұрсынның Абайы қандай? «Болмасан да ұқсан бақ, / Бір жақсыны көрсөніз» деп ұлы ақын өзі ұрпағына өсиет қылды. Тұрсын аға осы өсиетке тым адал болғандықтан өзі Абайға ауық-ауық айналып кеткендей. Абай тұлғасы мен қазақ қоғамын ол біртұтас алып, оқырманына ой елегінен өткізіп, екшеп, танытып береді. «Әйтеуір өзін тереңнен, / Іздеген жанның бірімін» деп жасында жыр жазған Тұрсын Жұртбай Абайды әуелі өзін танымакқа таңдал, онысы ұзамай ұлы мұратына, алаштың идеясына бастағаны анық. Сондықтан Алпамыстың садағындағы бұл кітаптың көтерер жүгі ауыр, себебі көркем әдебиет туралы көркем әдебиет, роман-эссе. Оның және күрделі түрі: тұлғатану арқылы ұлттанудың құлжа мүйізін қасқая абыздық дәрежеге көтеру керек. Михнаты мол еңбек, бірақ құлша жегілу емес, бүкіл ұлттың жаңын сүйер, қазақ асқан ұлы арқылы тану. Тұрсын Жұртбай Әуезовтануға өз үлесін қосқаны текке кетпегені анық. Абай мен Мұхтарды қатар зерттеу ғалым үшін темірқазыққа айналды.

Қасым Аманжолов Абайға: «Бір өзің бүкіл халықсың, / Калдырмай бәрін жиғансың» деуі ұлы түйсіктен туған.

Кеңес идеологиясына лайықтап, қазақ қауымы Абайды орысшыл деп келді. Тұрсын Жұртбай Абай арқылы орыс отаршыл жүйесінің қазақ пен орыс ұлтына тигізген кесірін, мешелдікке ұрындырган қысасын дәйекті ашып көрсетеді. Абай феноменін, курескер қайраткерлік болмыс-бітімін іргелес орыс қоғамындағы тарихи дәуір тынысымен параллель алып қатар түйіндейді. Қазақ ай бетінде, орыс Шолпанда өмір сүрген арасы жер мен көктей алшақ қоғам емес, еуразиялық кеңістіктегі көршілес, іргелес, бір-біріне жанаса қоныс тепкен қос халық. Ақ патшага амалсыз ант қабылдаған, бодандық қамыт киген қазақтың заманы Абай кезінде қалай ушыға түскенін автор тұңғиғынан қопарады. «Бодан» деген сөздің өзі орыс тіліндегі «подданный», «қол астындағы», тәуелді деген сөз.

Орыс самодержавиесінің Ресейдің отарындағы ұлттар мен ұлыстарға қалай иелік жасағаны туралы көп айтылған. Бірақ миссионерліктің ұсак ұлттардың мәдениетін, тілін,

ділін жоюға, жас ұрпағын өзіне құлша сініруге бағытталған аяр бейнесін автор мейлінше тап басып, тереңінен танып әшкерелеп айтпағы мүлде бөлек әсер етері анық. Расында бұл «Зар заман» ақындарынан біраз билетін жай болғанмен, қабыргалы ғалым мұнды архив деректерімен нақты бергенде ел басына үйірлген ұлттық трагедияның аса ауыр зардабын жаныңыз азап шегіп сезінеріңіз анық. Жалпақ жұртқа әйгілі үш ақын Шортанбай, Дулат, Мұратқа жазушы Жанақ ақынды қосып айтады: «Телмірген, теңдігі жоқ ел болған кез!»(101 бет).

Қазақ поэзиясының тұтас бір дәуір әдебиеті осылай шер-шемен, тығырық қапаста қыстықкан көніл-күйді айғаттайты. Ол колонияға айналған, ырықсыз тобырға бастайтын заманның туғанын сезінген, жаны азаттықта үйренген елдің зары.

«Иман – Абай үшін жан бостандығының кепілі» деп айқындауыш қосып айтады автор (27 бет). «Дінді өзгерту, Абай үшін рухани құлдыққа, басыбайлыққа түсу. Ол шырмауга бір түскен адам қайтып шыға алмайды « (28 бет). Дінді жамылған дінсіздік қазаққа кезең-кезеңімен кері айналып соға беретіні несі? Бірліктің осалдығынан. Құлшелі бала тым сүйкімді болған соң кезbenің кезі торуылдайды.

Тұрсын Жұртбай Абайдың хатшысында, анық мұрагеріндей, шебересіндей сөйлейді. Абайды иемдену жақсы үрдіс. Тек күйінштісі, Абайды терісқақпай бұрмалалауға солардың біразы тосқауыл қоя алмай жүр.

Орыс билеген заманды тарихи құжаттар арқылы деректермен айта білген автор орыс ұлттына қара жақпайды. Арсыз билікке бейкүнә халықты араластырмайды. Бұл Тұрсын Жұртбайдың азаматтық һәм қазақы кредосы. Дүниетанымы ерекше пәк, таза халық жер бетінде бар болса, соның бірегейі біздің қазақ екені айқын. Сабал, сауапты ерекше қастерлейтін тектілік қазаққа тән. Орынсыз жала жабуға зауқы соқпас, шындыққа ұйыған халықтың ақты ақ, қараны қара деуге құдай берген зерде, парасаты жетеді. Ол орыс пен қазақтың ұқсастығын дәл айтады: «Арлы-бергі замандағы орыс пен қазақ халқының танымы мен тағдыры, ұлттық мінезі, тіршілік философиясы мен өмір сүру түзілімі жөніндегі ойшылдардың тұжырымдарын сараласақ, осы көрші қоныстанған және ғасырлар бойы

бірін-бірі кезек-кезек билеп келген екі ұлттың бойындағы кемшіліктері де ұқсас екен. Ол – шетсіз-шексіз кеңістікке үмтүлу. Ұлы кеңістікке құлышыну орыстардың түйсігіне сіңіп кеткені сонша, ол ұлттың ұюна мүмкіндік бермеген. Ресейдің өз ішін игермей жатып, жана қонысты жаулап ала берген» (36 бет).

Тұрсын Жұртбай Абайға үкілі үмітін актау үшін жан тартуы заңды. Абай түбі заты өшетін елге айналмауды аңсан, аласұрған рух жаршысы, барымыз, бағымыз. Абайды қазакты өлтіре сынады, өз халқын басқалардың алдында әшкерелеп, жығып берді, артын ашты, мазақ қылғызды, жек көрді деп жалған айыптайтын қауым қазір де жын атады, солар нақ осыны түсінбейді, әлде тоңмойындықпен жорта түсінгісі келмейді. Ауыруын жасырған өлеңдеген қазақ. Дертій айтса ол жанашыр болған соң айтты.

Соның үшін автор Абайды арқаланып, бүгінгі қазакты құрсауын қоймаған кесел мен кемшілікті ашып айтуы заңды: «Демек, С.Соловьевтың «қайдағы бір көшпелілердің бойында ұлттық ортақ мұdde болуы мүмкін емес» деген тұжырымы жаңға батса да шындық. Абай мұны:

Бірлік жоқ, береке жоқ, шын пейіл жоқ,
Сыптырлды байлығын, баққан жылқың.

Баста – ми, қолда малға талас қылған,
Күш синасқан күнdestіk бұзды-ау шырқын.

Оналмай бойда журсе осы қыртың,

Әр жерде жазылмай ма, жаным, тырқың?»- деп үстемелей туседі» (44 бет). Атап айтқанда, автор ұлттық мақтанышымыздың түрі сол, ағайын күнdestіk жел беріп, әр ру, әр жуз өзінен басқасын асырғысы келмей ұсақталады, майдаланған бөлшектенудің бықсық жанған шаласын үрлейтін шолақ белсендерлер ең алдымен зиялы қауым өкілдері екеніне наразылығын анық білдіреді. Абай заманын айтқан болып, өз заманының рухсызданған қасіретін, зар-наласын үнемі қайрыла соғып, елдік намысты қызығыш құстай қорғаштап айта бермегі бек анық. Бәрібір сөзді ұғар жан таппаса да, сөйтүге пейілді.

Тұрсын Жұртбай Абай: «Бірінді, қазақ, біріңдос,/Көрмесен істің бәрі бос» десе, ортақ ұлттық идеология осы болуға тиіс деген ойын терең бекітеді. Ол Абай шығармаларының мәтінін, қазақ қоғамының ашы, көленкелі шындығын

орыс пен батыс қоғамының ойшылдарының зердесі мен ақыл сүзгісі арқылы қарайды. Ал бұл енді автордан терен ғұламалықты талап етпек. Оқу-ғылым арқылы жоқ іздеу тегінде ит тұмсығы өтпес қалың жыныстың арасына түсіп адасқан адамның тығырықтан шығар жолды жанталаса іздегені тәрізді.

Абай өлеңдерінің жалпақ жүртқа үйреншікті көрінетіндей мазмұны орыс империясының мұддесінен туындастын іс-қағаз, ережелер, заңдар арқылы түсіндіріледі. Абайдың өз ұлтынан түңіліп, жаны қинала налитын құсалы тұстарының қиямет шындығы ашылады.

Абай заманы ақ патшаның пәрмені қазаққа қүшейген уытты кездің ақиқатын Тұрсын Жүртбай орыс қоғамдық ойының қазаққа қатысы бар тұлғаларын зерттеу арқылы қопарады. Бұл ретте ғалым ағамыз әдебиетші маман емес, астыртын барлау органының әмиссарынан аумай қалған. Қазақ халқы жанына жақын тарта жылығышырап, есімдерін өзімсіне атайдын Н.И.Ильминский, В.В.Бартольд тәрізді тұлғалардың пиғылы бөтендігін танытады: «... бүкіл түркі тарихының шежіресін бір ізге салған ғалым В.В.Бартольдтың да пиғылы таза болмапты. Түркілердің тарихы оған тек тарих пен атақ үшін және «өлі тарих» жасау үшін керек екен. Әсіреле, зиялыштардың ішіндегі ғұламалардың өзі екінші бір халықтың жер бетінен жойылып кетуін тілеп:

«Түземдіктерге олардың өз тілінде ғылыми мағлұматтарды тым көп бермеу керек, сондай-ақ сол арқылы олардың әдебиеті мен мәдениетін орнықтыра дамытуға жағдай жасамау қажет, мұның барлығы олардың орыстануына кесірін тигізеді», – деуінін өзі тәбе шашыңды тік тұрғызады. Мұндайда еріксізден еріксіз Абай -

Сенбे жүртқа тұрса да қанша мақтап,
Әуре етеді ішіне құлық сактап, -
деген жолдары ойына түседі»(55 бет).

«П.П.Семенов-Тяньшанский, Ф.А.Щербина, П.И.Пестель, С.Соловьев іспетті тұлғалар да бір халықтың екінші халықты құлдануын тарихи заңды құбылыс деп қабылдады»(56 бет). Үstem нәсіл басып алушылық көзбен қарамаса аспан айналып жерге түспей мे?! Жыртқыштығы ізгілігін шайқап жіберетін адамзаттың мінез-құлқында қашан адамсүйгіштік идея бәрінен астам тұрып еді?! Мұны да ойлау керек. Күшті

сақтануды бек біледі.

Мұны автор неліктен ежікten айтпағы белгілі. «Жат жарылқамайды, өз өлтірмейді» деген бабаларымыздың көрегендігін тірліту. «Дұспанға белінді шешіп инанба, / Инантып тұрып өлтірер» (Шалқиіз жырау). Ұлттық идеологияны оң түйсінер кезін жетті фой дегені. Сонысымен Тұрсын Жұртбай бүгінгінің Асан қайғысынан аумайды.

Абайдың әр өлеңі бір әлем. Бірақ ол қиялдағы патшалық емес, қазақ деген ұлттың дүниетанымы. Тұрсын Жұртбай Абай шығармаларының әлеуметтік астарын ұғындыруды парызы санаиды. Себебі адамтануға мұның тигізер үлесі мол: «»Абайдың «мал баға алмай кеттің» деп мегзегені: мал да өзіндік емес, жаттықі. Бұкіл иғілігің империяға қызмет етеді. Яғни, өз малынды өзімдік дей алмайсың – дегені».

Орыстың отарлық саясаты көшпелілерді күйзелту, экономикалық тәуелділікті нық орнату, дінін өзгерту арқылы өзіне сіңіру, жалыныштылықта бағыштап қайта өңдеу болды. Тұрсын Жұртбай миссионерліктің, елді шоқыншы қылмақтың аярлығын, отарлану енсесін езген елдің ұлттық мінезд-құлқы азғындау себептерін осы кітабында мейлінше күйзеле жазған. Бәрі де Абайдан шығып, бізге жетіп отыр. Бұл ретте алаш арыстарының мұрасын зерттеп жүрген ғалымның жан-дуниесіне Әлихан, Ахмет, Міржақып, Илияс, Мағжан идеялары терен енгенін ұғу қын емес. Біздің тарих, рухани жеңіліске мойынсұну бодандық жүйенің басқарылатын тетігі болыстың түгін қалдырмаған Абайдан бергі күйінш. Женіліске тұтыла бермес үшін танымды күшайте беруді автор мақсат тұтады. Бұрынғы болыс – қазіргі әкім. Заман озғанмен, уақыт өзгерсе де қазақтың солқылдақ халі өзгермегені жүректі қан қылады. Ғалым мұндай биік санаға тек өте сирек кездесетін Гете, Пушкин, Абай тәрізді таза ұлттық ақындар ие екенін қадап айтады. Ұлттың зары олардың қара басының қайғысын басып кетеді.

«Абай жарықтық елдікті қалай сақтау керектігі қақында айтудай-ақ айтқан. Бірақ соны түсінетіндей «елін ұғымды» етіп бермегеніне кімді кінәлаймыз? Бүгін де соны түсініп жатқанымыз шамалы сияқты қөрінеді де тұрады. Құдай қателестіруге жазсын» (105 бет).

Бұдан «Баяғы жартас – бір жартас, / Қанқ етер, түкті байқамас », Абай сөзі күйігі басылмағанын анық ұқпау үшін

міғұла болу қалды. Мен қазақ болмасам селт етпес пе едім. Өздері кінәлі дей салу онай. Затым жат болғанда барды ұқсатпайтын, бетенге жем бола беретін ашық-шашық бұл не халық дер едім. Бірақ құдай бұларға бәрін аямай берген ғой, кеністікті де, потенциальды күш-қуатты да, жан мен тән сұлұлығын да, имандылық, рақым, ақыл-ой, қабілетті де, білімді азаматтарды, батырлықты да. Алайда соның бәрінен басым шығатын бір сұмдық пәле бойларына жынша жабысып алған. Бұл не жұмбак дер едім. Дүниеде жоқтан бар жасайтын, терісі тар кейбір халықтар өздеріне өлердей сұқтанатынын қазақтар сезбейтіні жаман. Бұл біздің құзырымызға көнбейтін кесел ме?!

«Кауіп – бүкіл ұлттың құлембайланып кетуіндегі», жазушы қазақ түгел құлембайланып кетсе ұлттың сау тамтығы қалмас деп аңырайды (98 бет). Автор Абай сынаған Құлембай типажын жіті зерттейді.

Абайды оқымас бұрын оған тәпсір, комментарий десе арзандайтындағы сезілер, демесе даналыққа тағым тәрізді ести кітапты оқып шығу исі қазақты темірқазықтай адастырмас еді. Абай сондай құбылыс. Хакимге елін бастайтын әуелгі киелі қара жолды Мұхаң салды, оны кейінгі ізбасарлары жалғауы орынды. «Алтын шыққан жерді белден қаз». Жазушының айтпағы өмірдің өз нышанындағы қарапайым ой: елің азбас үшін құлдық пейілден арыл, өзінді түзе, рухани тәуелсіздігінді қастерле! Абайдың өсietіне адалдық. Абайдың азабы арқылы көкірегіндегі сезін айтып қалу. Ұлттың буынына түскен жегі құртты Абай білді, өлеңіне салды, «Демек, елдік пен ерлік рухы сөнген. Рухани басыбайлыққа бой алдырган» (101 бет). «»Бұл өлімге, халық, ұлт ретінде жойылуға бет алды» дегені ғой Абайдың» (102 бет). Тұрсын Жұртбайдың роман-эссесинің лейтмотивы осы ой. Артынша ол өзі осы ойынан өлердей шошынып, райынан қайтып, астафыралла дегенге ұқсастырып: «Абай елден емес, пысықтардан жерініп отыр» дейді. «»Кеп шуылдақ не табар, / Билемесе бір кемел, – деуі де сондықтан» (102 бет).

Тегінде Абай сайлаудағы би-болыстың мінезін қасында жүрген соң айнадан көргендегі суреттеді. Сөйтіп, тұтас бір қоғамның, құлдықтың бет-бейнесін түзді. Абайға ол қыын соқпаған, көрген-бакқанын айқын санамен, даналық болмысымен таңбалады. Асылында, бәрібір данышпанның

ой шалымына біздерге ілесу қын. Ұстазсыз. Абайтанушылар шетінен шамшырақ ұстаздарымыз болмағы заңды құбылыс.

Отаршылдықтың теріс үлгісінен, қамыт-құрсауынан қазіргі қазақ арыла алмай жатыр дейді автор, мұны зиялыштардың дер кезінде тәуелсіз идеология жасап бере алмауынан көреді. Кейде ол афоризмдік үлгі түзейді: «Нәпака – нәпсіні ашады» (146 бет). Бұғаңгілер нәпаканы көп ойлауга мәжбүр болмағына автор қарарадай налиды. Капитализмнің жабайы санасы «Өз күнінді өзің көр» демей ме?! Қазіргі мемлекетіміздің беріктігіне кеселді құбылыс сыйбайлар жемқорлықтың жүтегенсіз кетуі де соның жаңа заманға лайық соңғы үлгісі, ар-иманға қас үлгісі.

Тұрсын Жұртбай Абайдың қара сөздерін талдау арқылы терең бір іірім, тұңғиықтарға сұнгуге мүдделі, сонын үшін тайынбайды. Өйткені Абайдағы қара сөздер мемлекет, философия, дін, саясат, психологияны біртұтас қамтиды. Абайдың ойын бағу, данышпанға ілесем деп онымен ой жарыстыру қара жаяуға алдырмайтын құрделі іс. Тұрсын Жұртбайдың осы үшін өзін аямағанын ұқпау мүмкін болмай қалады. Шындықты үнемі суыртпақтан аша беру оңай емес. Абайды сую. Ол бір көз жасына тағы бір көз жасын қосады, дала данышпанымен қосыла егіле жылайды. Әй, біздің қазақ сонда да сөз ұгар ма екен?!

«Тәуелді зандан тәуелсіз ождан қымбат.

Ең ұлы, ең қасиетті Заң – Ар-ұят»

Ол қанағатқа, қайырымдылыққа, «сүйік ақылға», «қол қайратқа негізделуі керек – дейді Абай тағылымы» (156 бет).

Абайды ұялмағандар өзінше илейді, кейі бір сұрқылтай. Оларды автор «казақ оқымыстысымақтары» деп атайды.

«Абай дінді ғылым деп түсінген» (168 бет). Қасиетті Құран-көрімді Абайдың қалай қабылдағанын «Ол өзі сенген діннің тарихы мен таным тамырын түбебейлей зерттеп, исламияттың ұлы ойшылдарының қатарына көтерілді», «Ол уағызышы емес, таным тұрғысынан талдаушы», (168 бет) деп таниды. Аллатагананы сүйген құлы Абайдай сую бізге үлгі. Ұлы ақынның өлеңдері шынайы құлшылықты танытары айқын. Исламды дәріптей отырып, Тұрсын Жұртбай түркілердің өткен тарихын жадынан өшірмейді, өйткені ол ұмытылmas төл тарихымыз. Қошпелі қауымның монотеистік діні тәніршілдіктің туы құлауы түркі этносының

әлсіреуін көрсеткенін жазушы айтуға анық қақы бар (173 бет). Адамзат тарихы тұтас ғарасат майданынан түзілгенін танымы мол кез келген адам баласы білуі тиіс.

Ислам Абайға қазакты шоқыншыдан арашалап, ұлттық негізін сақтап қалуға дер кезінде қорған болды: «Абайдың діни танымы – ұлттық тәуелсіздік үшін құрескен қайраткердің бір амалы еді» (175 бет). Жазушы Абай және қазакты шоқындыру һәм жазалау саясатын түбекейлі саралайды. Біз шынында Абайдың қарасөздерін әсіре бейқам оқиды екенбіз. Мына кітапты оқыған сайын жүргегімізге сөule түсті, сол саңылау арқылы қайғы-шер қоса енді. Дінді саясатқа айналдырудың айласын Абайдан соңғы 165 жылда қазақ халқы өлі де бастан кешіп келеді. «Ұлттың аза рәсіміне жат діннің араласуы – ол халықтың өлі тобырға айналуының басы болатын»(232 бет). Тарих қайталанып тұрады деседі. Қазақтың ата дәстүрін құртуға құлшынғандар қазір де көбейіп барады.

Абайтанушы ірі ғалым, академик Мекемтас Мырзахметұлының «Абай және Шығыс» атты іргелі еңбегінде отаршылдық жүйені таныту, құлдық қамытты әшкөрелеп, санадан лақтыру бар болатын.

Абайдың ақындығы алты алашқа азды-көпті мәлім. Ал оның қайраткерлігі, ұлт мұратына мұддесіне лайық істеген істерін Тұрсын Жұртбай мұқият, замананың әр қимылын қалт жібермей талдайды. «Ол 1885 жылы мамыр айында өткен Қарамола сиязында бұл тұрғыдан алғанда қатты күш шығарды. Ояз бастығының үйфарымымен Абай Құнанбайұлына тапсырылған қазактарды басқару туралы «Ережеде» ант беру рәсімі ресми турде қағазға түсті. Әрине, оған ұлықтар мұдделі емес еді. Бірақ та көпке топырақ шашудан сескенді. 74 баптан тұратын «Ереженің» он бір бабы ант рәсіміне арналды. Бұл – шаригат жолының биліктен, рухани өмірден шеттетілмеуінің кепілі еді. Абай соған отарлаушы әкімдерді мәжбурр етті» (247 бет).

Абайды әлемдік ойшылдармен бір кеңістікте зерделеу расында алыптың ісін талап қылмақ. Тұрсын Жұртбай талант иелерін «игілік иелері» деп өзі нақ танып бағалағандай бұл әрі михнатты ғылым іздеу, әрі құнарлы ойшылдан рухани корек, шынайы игілік табу. Автор Ницше мен Абайдың сана тоғысуын талдай отырып, жазушының өз жазу мәнері

қара сөздердің ыргағына ерекше ұқсап кетеді. Мысалы: «Мінезге ұласқан жүгенсіз сезімнің өзі де дерт», (288 бет); «Сонымен адамның бойындағы ең қасиетсіз сезімнің бірі – пифыл. Ол көрсекзыарлықтан, арамзалықтан, мекерлікten рухани және тұрмыстық мұқтаждықтан туындаиды екен», «Демек, адамның түйсігінде әлдекандай шекара болғаны ғой. Мұны Абай «қанағат» деп атайды. Қанағатсыздықтың пифылы, яғни, қанағатсыздық – барлық ібілістік жексүрін қылыштардың «кесірлі ұясы» екен»(290 бет).

Абайдың жан әлемін ғұламалар: Гете, Монтень, Ницше ілімдері арқылы таныту инемен құдық қазғаннан бетер білімді болуды қалайды. Ғылым, дін, иман, этнос, т.б. адами ахуалдармен берілуі және шарт. Ұлтының ішкі әлемін сыртқа шығару арқылы олар туған халқының тектілігін қызығыштай қорғаудың танымы зорайған ұлттардың рухани эрозияға ұшырамауымен ұғындырады. Бұл меммін деген талай оқымыстының жүргегі дауалай бермес іс.

Тұрсын Құдакелдібаласты Жұртбай Абайды жамылып, оны үстірт түсіндіргенсіп, арзандату арқылы қазақ халқын қорлау асқынып кеткенін де, арандатушылық ланды да кітабында баса көрсетуі дұрыс. Абай – казақтың бары, нәрі, әулиесі. Оның рухын жасқау, жасыту, бұрмалаумен ұлттымызды түп-түқиянымен қайта өндеуді армандастын жаулар айнала ордалы жыланша өріп жүр. Абайдың қазағына қалдырыған өнеге сөздері олардың алдына «Шошқаның алдына маржан төкпе» деген қағидамен жүруді талап етері даусыз. Сондықтан «Сен есірке, тыныш ұйықтат, бақ сезіме!» деп ұлтының жарқын болашағына үміт еткен Абайды бөтен болмаса да өз қазағы өгейсімей тани бермегін, сүйген үстіне сүйе бермегін ұрпакқа жалғау мұратымен Тұрсын Жұртбай алтын көпірдей қызмет қылған. Ұлттың мандаіын біткен мықтыларынан жерітетін небір сайтани амалдарды мынау күн астындағы құбылғыш дүние талай көріп келеді. Лев Толстой мен Михаил Шолоховтың суреткерлік, ойшылдық табиғатынажағылған қара күйе, жалған жала, арсыз соққының уытын мүйізі қарағайдай, қара ормандаі орыстың өзі зорға қайтарған түрі бар. Мұндай қасақана қаскөйлік ұлттық рухты қүйрету үшін жасалынады.

«Ақылдың азабы – қарғыспен тең екен ғой!» (386 бет). Ұлылықтың орыста «великомученик» деп дөп айтылатын

бөлек жаратылысын жазушы осы роман-эссе сіндегі айтудай-ақ зерттейді.

Автордың өзі кейіпкері Абаймен қосылып фәни дүниенің мәнін, мағынасын, ұлттық тәуелсіздіктің зораюын, жан жұбанышын іздең, қазақ философиялық ойының биігінде шарқ ұрып кетеді. Ол өксісе, Тұрсын Жұртбай қоса өксиді. Бұқар жыраулардан қалған дәстүрмен құнірене толғайды. Бір ғана айырмашылығы, өлеңмен емес, қара сөзбен. Роман-толғау. Ал қазақ үшін толғау илайым ұлттық сипатта, толғаудан аскан ештеңе жоқ.

Абайтанудың текстология саласында Мұханың ізін басқандардың ішінде Қайым Мұхамедханұлы орны бөлек. Тұрсын Жұртбайдың текстологиядағы пайымдаулары аса мәнді дер едім. Абайдың суреткерлігі ерте оянуын ол өлеңімен талдауы оқырман үшін маңызы бар. Әйгілі төрт шумағы: «Кім екен деп келіп ем түйе қуған...» туралы: «Роман болмаса да романға лайықты көркем ой мен суреткерлік, көрегендік бірден байқалады. Бір ауыз өлеңмен айдалада түйесін қайыра алмай далақтап шауып жүрген, белін құлдәрімен буган әйелдің астындағы жауыр айғыр жүрмелегендіктен ызаға булыққанын, ол ол айғырды саран төркінінің бергенін тасқа таңба басқандай анық әрі қысқа сөзбен толық жеткізіп тұр емес пе? Бұдан артық суреткерлік шеберлік бола ма?» (323 бет).

Тегінде бұл кітаптың идеялық мазмұны осы түйіндермен ғана сарқылмайды. Бұл кітапты бір демде саралау жалынан ұстаптайдын тарпаңдай сезіледі. Жазушы Абайдың «күйіп тұрып сүйген жүргегін» оқырманына мейлінше сырластырды. Оның азабын шекті. Даналық мекеніне қайрыла кету сол жүртінан болуға жазсын!

7.07.2011.- 16.10.2011.

ЕСЕНҚҰЛДЫҢ САҒЫНЫШЫ

Эссе

1. Сұлулыққа тағзым.

Ақынның нәрестедей ақ жүргегі елуінде өзгермейді. Есенқұл ақын «Ііскең жөндеп әлі бар,/Ісі менде жөргектің», «Ақын деген ақ сәби ғой өтетін,/Өмірбақи құшағынан шығармай» деп жырлайды. Асау балалығын сөтінетпей сактау Есенқұл бойында жасөспірім қылықпен ашылатын сияқты:

Күпейкемнің жағасын көтеріп ап,
Шыққым келіп көшеге тұрғаным-ай...

Ол Мұқағалиға қарата айтатын қыран-көек дилеммасынан соң әдебиетті өзімен шектейтін, зорлықшыл үстемдік пиғылға ойыншығы сынған балаша өкпелейді: «Адам жанын таптап өтіп кететін,/Ағалардың бәрі кейде трамвай» деп бір басылады. Бірсес наза кернейді жанды: «Бір сарынды құндерге,/Құрбан болған басым-ай». Ақын бір дәруіш: «Кетер ем, кең далаға қаңғырып шын», «Өзін бір өзі қаңғыртқан,/Дәруіштен бейне аумайсын». Бірақ өзге білмесе де өз бағасын ақын біледі: «Сені бәрі клоун санаса да,/Онашада қалғанда ұлы Абайсың».

Ақындық жалғыздықпен қоспаққа, торғыға көп көнбесе көптің бірі болар еді. «Жағалап жарды жүрмісің,/Жалғыздық – жалғыз жолдасым?». «Ағайын, өйткені мен жаралғамын,/Өзіммен-өзім ғана сөйлесуге,/Өзімді өзім ғана тербетуге./Қосағым құдай қосқан ғашық өлең,/Қос аққу жүзгендейін көл бетінде».
«Жан-тәнім сезді жанымның жалғыз екенін/ Кемелге келіп, толықсан кездे ақылым». Ақындар жаратылысы дей салма. Бұл құдайдың құдіретін тану. «Қарасаң биік занғарға, / Көрініп тұрар тауларда / Орасан шексіз жалғыздық». Бағзы бір әулие таңғажайып құпияны халыққа сондықтан айтқан: «Адам күбірін тау, тау күбірін құдай естиді».

Қызғалдақ қыздарға адал көзбен қарай алатын сезімтал ақындар ғой. Әдемілікті ұққанда балалықтан арылып, ересек тірлік балы мен уын татқан Есенқұл. Перштедей көрінген «Әлімбайдың сары тәмпіш қызы екен», бұл санаға сәуле енуі. «Сонша неге ұннаттық екен, құдай,/Көзі ғана әдемі қара қызды?!». Қыз-келіншектер психологиясын

ақыннан артық билетін кім бар. «Сүйгеніме шынымен сене тұрып, / Көнбей маған кетуші ең, көне тұрып», ««Қарамашы» деп тұрып, «қара» деп тұр, / Сүйгізбейтін сүйкімді бұзау қыздар». Грек мифтерінде танакөз ару Гера, оны Гомер, эпик жырау «өгізкөз» деп атайды, рас, нағыз сұлудың көзі танаңдай жарқырап тұрады. Есенқұл бәйкүнә сұлулықты көп жырлайды, әйел образдарында сайқалы жоқтың қасы. Қазақ қыздары. Оның өлеңдерінде «Ішімдегіні тап» деп сезімін жасырып өмір кешуге бейіл қарындасты қорламай жыр жазған бауырмал жүрек лұпілі бар. Психологизм көкесін ақын қазақ әйелінің бейнесінен іздеді.

Әйел затының жалғыздығы қазақтың ұлттық қасіретіне айналды. «Жатаққана. Жалғыздық» атты өлең: «Арулардың балқытады жан-тәнін, / Аналыққа – деген абзал құмарлық» – дер кезінде теңін таптаған қыздардың күйігін таңбалайды. Ерсіздік. Бұлқайғы қазақ қоғамының дертін, дисгармониясын ашады. Жары Одиссейді 20 жыл күткен Пенелопа синдромы. Христиан ілімі «Дева Мария» деу арқылы ана болудың өнін өзгертіп, шынайы мағынасын жоғалтып алды. Қазақ халқын тығырықтан қос әйел алу шығара ма? Бұл айтуга оңай болғанмен, ішкі қалтарысы көп мәселе.

«Жаным барда жақсы көрмей тұра алман». Ақын «Күндыз кірпік, құмыра мүсін» сұлуларға нәпсі емес, жүрек көзімен қарайды. «Моншадан шықкан қызы» атты өлеңнен түйдім, неткен мейірім! Өлеңде қыздың уыз көркі мен тазалыққа сүйсіну ғана емес, оның келешек тағдырына ағалық алаң қоса өрілген. Есенқұлдай тунық ақын үшін ару – «Қызы-аққу». Ол судан тазарып шықкан қызы образын ерен сүйеді. Асылы дүниені басқа өлшемдермен таниды. Есенқұл ақын әйел баласына қызыға көз тастаса, оны кор тұту үшін емес, әдемілігін бағалап, патшайымдай қастерлеп, хор қызындей көретін ерлерден екенине ақжарма жыры айғақ. Қосағын, сүйген сұлуларын күң кылар жауыздықтың инедей жасуы оның бойында жок. Дегдарлық сұлулықты сүйіп ардақтайды. Романтикалық көпірме әсіре образдары үшін Г.Белинский өлеңдерін менсінбей сынап, «бenediktovshina» терминін әдеби айналымға енгізген, дегенмен жас Афанасий Фет пен Николай Некрасовқа ықпалы тиғен В.Г.Бенедиктов есімді ақын болған. Ол «Жемчужина в венце творений! / Ты вся любовь» – деп әйелге, «Ты жемчужина Востока, /

Поля жаркого цветок!» – деп сұлу қызға жыр арнаған. Әйел затын пір тұтуда А.Пушкин мен А.Блок жыры көктегі құс жолындағы нысаналы.

Көркемім сені көрсем де жақсы өзгеден.

Қиналдым соны айта алмай саған сөзбенен.

Есенқұл Жақыпбектің «Өзінді аңсап» атты жан сыры айнадай көрінетін өлеңі естіген ел елжірейтін әуезді әнге айналған.

2. Елегзу.

«Ақ көйлек, көк көйлек» – ақын бойжеткен қыздың небір түрін қалай дәл суреттейді. Сөйті тұра неге ол «Сүйимеген, сүйімеген сияқтымын» деп налиды? Шынтуайтында Мәжнұн ет пен сүйектен жарапған адам емес, адамның Аллатагалаға ғашық жүргегі мен құлшылығының тұлғалануы екенін аңдаганмын. Есенқұлдағы тылсым сезім сол дәрүіштік емес пе? Бекзаттық па? Адамзат үшін мінсіз болу жазылмаған. Кіршіксіз сағ тазалық бір Жаратушы Иеге ғана лайық. Адам нәсілден туған асылда тек көркемдікке мәнгілік ынтызарлық бар. Себебі дүниегі барша құбылыс әлемдік тартылыс қүшіне бағынады.

«Аспанасты/Жер үсті дүниеде,/Біреулерді сағынам./ Кімдер екен? / Кімге кетем?». Бұл адам жанына лайық мәнгілік аласұрған алауыздық, қарапайым өмір мен көркем қиялдың қабыспауынан туады. Арман-мұрат, үміті мазалайды.

«Сылдыр қағып тұратұғын ішімде,/ Сарқылғанын қараши бір бұлактың!». Мынау керемет үндестік тұнган жарық дүние ақынға неғып жақпай қала береді? Шығасыға иесі басшы, ол өзін-өзі жегідей жеп, санасын сарғайта беруден сау ма? Беймаза наразылық жомарт құдайға шет емес пе? Тонмойын болса жұтты елемес еді. Тоғышарлық жайлап алған мізбақпас қоғамда «Сезбейді, түсінбейді бірақ олар, / Болуға мал табарын енбекпен де», жемқорлық пиғыл асыраушы, аярлық озық сияқтанады.

«Бір қаракөз арман боп өтті маған,/Бала күнгі,/Батырлар жырындағы», «Өзімді-өзім бір түсірсем есіме,/Қыз Жібектің ерер едім көшіне» – қан арқылы берілетін қазаққа тән қасиет – біз эпостық бағзы өмірімізді аңсай береміз. Басқа ұлттар одан басы бүтін арылып болған жоқ па? Жыраулық дәүір көкіректен өшпейді. Ал мынажарық дүние көшпелі тұрмысты

өркениетке ілестірмесі анық. Қанипа ақын қазасына жазған: «Бұл дүние өркендер өсken сайын,/Нағыз ақын азайып бара жатыр». Біз енді не істей аламыз, алда келешек тұрғанда өткенді аңсай беру дұрыс өмір сүре алмау әрі әлсіздік емей не?! «Мен ансаған баяғы қайда ғалам?», «Қиялилар азайған дүниенің,/Қимайтұғын жоқ екен ештеңесі». Сервантестің дон Кихот туралы шедевр романы шықталы 500 жыл өтті. Дон Кихот ұлы образ, жер бетінен өшпейтін рух. «Ешкім бізді шын түсінген жоқ бірак». Дон Кихотқа бәрі күлуге бар, бірақ қиялиларсыз жарық дүние қаран.

«Шыққан күнге,/Өскен Гүлge қуанған./Естілмейтін дыбыстар бір шығарған,/Жүргегімнің жан дұрсілін/Өлеңгे сап тыңдайын», «Албастыны алдаймын өлеңменен...».

Есенқұлдың жүректі кеміретін құсалы сағынышы иррациональдық сипат алады. Бұл сөзben айтып жеткізуге бағынбайтын тылсым күй, өнер үшін туған, шенберге сыймайтын арманшылдың құпия таңбасы. «Елес сүйреп» – Есенқұл өлеңінің атауы: «Жоқ қызды сүйетіндей / Қайран адад, кияли сол бала кез, / Қырға шықсам жүретін бір қарапәз, / Сүйретіліп жусанға бұрымдары. / Беу, қарапәз!».

Керемет құбылысты жұрт сезбеген,

Сезгендей болатынын өзім ғана.

Есенқұлдың жаны қыздан нәзік болды: «Еске түсіп жылаймын жігіт күнім», «Бар пендені оп-онай алдарсың-ау», Ақын жанын алдарсың неменемен?» – өлеңі Асан қайғы. Абайша көз жасын жасырмайтын бұл Есенқұл жылауық. «Қара құлдай қайыспас қайран көңіл,/Онашада қалғанда шын жылайды». «Тіршіліктен теремін құр несібе» – Абаймен үндесу: «Мен келмеске кетермін тұқ өндірмей». Өнер адамы жазмыши – жалғыздық, жалпақ жүрттың бейқам бакытына қызығудан ештеңе шықпас. Үмітсіз шайтан. Торығудан дәнeme өнбейді. «Өмір сүріп келеді ел тәубеменен,/Неткен ұлы ұғымсың «тәубе» деген!» деп айтқаны қайда?

Есенқұл жырларында қара өлеңінің нақышы бар. Абайша айтса, тілге женіл, жүрекке жылы тиеді. Фольклордан асыл мұра қалған.

Сағынсаң мені тоғай бар

Артыңа қарай қарай бар.

Ақын жаратылыс бірессе от, бірессе мұз. «Ап-анық бір аспан едім тамаша,/Көздің нұры тоятұғын қараса» – автопортрет.

Қазтуған жыраудан бергі үзілмеген дәстүрдің мәні рух шақыруда. Ақын болып тумаса Есенқұл кім болар еді? Ол өзі білді: «Өмірге өлең үшін бола келген».

«Кей жұртмені пешші орыс екен деп қалады», – деп ол алғаш көргенімде өзін таныстырығаны көкейімде жазылып қалды. Бұл ойнақы сөз қуыстану, өзін қорашсынып, кем көру деп ойлау түбірімен қате, расында өзін-өзі ғашық нарциссизмге лайық. Жұлдызды жан не десе жарасар. Ақын жаны шарап ішіп шалқып, кілең ақындармен қатар отырған эйфория сәтте қоршылық ой қайдан тузын. «Сынық қанат тырнадай жаяу қалған» деп мұнайтын өлеңіне бұл ауызекі юморы үш кайнаса сорпасы қосылмайды. Шығармашылық адамы бір сарынды мимырт тіршіліктен жалықса, албырт, тентек балаша қалыптан шығып кетуге ұмтылады. Кісімсу, позаға ену, данышпан болғансуды шөлге қуып жіберген хайуандай көреді. Бағзыда бір жұрт бүкіл күнәларын арқасына артып, бір сорлы есекті шөлге қуып жіберген деседі, сол сияқты. «Кұлығына ақыл ғой деп құлаған» – басқаның бақай құлығын ақындық дегдар болмыс місе тұтпасын, албастыдай көрерін өлеңінде Жұматай Жақыпбаев жазды.

«Бір сынаған жаманды екі қайтара сынама!» дейтін Бұқар жырау бабадай кейінгінін Есенқұлы кесіп айтуы заңды.

Жау қашырып керегі жок, жаудан жаман –

Жаны ашымас жақыннан қорға өзінді!

3. Шер.

Есенқұл Жақыпбек Абай елі, Семей атом полигонының қасіретін жазды. «Қарауыл қайғысы» поэмасы психологиялық драма мен аңы трагедияға негізделген. Поэма Абайдың «Жігіт сөзі» («Айттым сәлем, қалам қас»), «Қызы сөзі» («Қыстырып мақтайды») атты лирикалық өлеңдерінің үлгісімен жазылған, «Қозы Қөрпеш-Баян Сұлу» лиро-эпостық жырының мақамы бар. Абай эротикалық өлеңнің қас үлгісін жасады, негізгі сарын адамның жастық шағы, махаббат қызығы. Есенқұл зұлмат полигонның сүмдық құрбанына айналған ер мен әйел, ерлі-зайыпты қос зарлықтың монологын жан айқайымен берген: «Жарың өлік», «Тірі жесір», «Албырт шағым алданып өтті, қайтем, /Кебіні жок, көрі жок тірі аруакқа» – жас отбасында тіршілік семген. Әлем әдебиетінде өте сирек кездесетін

осы бір аса ауыр тақырыпқа Эрнест Хемингуэйдің «Күн шығады» («Фиеста») атты культтік романы мен Дэвид Герберт Лоуренстің «Леди Чаттерлейдің ашынасы» (1932) атты пуритан Англияны естен тандырган, шіркеу айыпта, сотпен құғындаған атышулы романы арналған. Екі роман жоғалған ұрпақтың қасіретін терең, тыйым салынған сұрапыл құпияны жария қылу арқылы ашты. Хемингуэйде соғыс жанын жарапап, тәнін мүгедек қылған, үміті кесіліп, ер адамға тән бақыты жоғалған қауқарсыз журналист жігіт испан дәстүріндегі фиеста, бұқамен адам сыйсатын коррида мезгіл туған кездे ғана тіршілікке елігеді. Жанына алданыш тауып, жұбанады.

Есенқұл аз халықтың сорын, тоталитаризм зардабын былай түйіндейді: «Халықтың ұлымын деп мойындеймын,/ Θз басына өзі ие бола алмаған». «Өмір бақи өтіп ем «Елім-айлап»,/Болашаққа тағы да жылап барам».

Қазіргі қазақ қоғамы сын көтере ме? «Мені де арбап барады./Дүниенің боқтығы». «Кіз үй – қазақ үшін бәрі, бәрі! /Өспеген кіз үйде балаларға./ Қазақтық қанша айтсақ та дарымады. / Кіз үйі жок жерде қазекеннің / Пейілі де біртүрлі тарылады». Мөнке би, Мұрат, Дулат, Шортанбай зарлаған сарын этностық ұлы жоғалтулар. «Кебеже кен құрсақ батпандар,/Әйелін басқаға сатқандар» – қазактың ұлттық мінезі қаншалық өзгерді? – деуге ақын құқылы. XX ғ. басында Шәкерім қажы «Қазақтың аты бар да, заты жоқ» деген. «Қаз-үйрек едім көлдегі./Канатты жылан боп кеттім» – қазақтың асыл тегі айнып бара жатыр. Оның түбі бүгінгі сиыққа, екіжүзді өтірік жалғанға ұрындыры. «Зандармен қорғанған зәндемдар./Сырты –кой,/Ал іші – доныздар./Адамды білдірмей бауыздар,/ Жалтырақ жайсан бір жауыздар» – бірақ бүгінгі мырза, бай-бағлан жаңа қазақтың бәрі осындей емес шығар? Гламур, сырты жылтыр, іші құнарсыз пасықтықтың тажал кейіпін ақын дәл аңдайды.

Арсызды арсыздар ардактап,

Қамсызды қамсыздар күрметтеп.

..Бір-бірін арбайды құрмектеп.

Батыстың гендерлік саясаты қазақты шайқап жібермей ме? «Әне жүр жас қыздар, жас қарлар,/ Ханмен де, құлмен де жатқандар». Осы хал адамзаттың ежелгі тірлігі емес пе, өзгерген түк те жоқ?!

Есенқұл Жақыпбектің біздің дүниеконы заманның сұрқын дөп суреттейтін азаматтық лириканың биік үлгісі «Ала жіп» атты өлеңі бар.

Есіктің алды – ала жіп,
Қарайды қасқыр қадалып.
Ала жіп егер аттаса,
Ар-ұятын тастаса,
Қасқырлық кетер жоғалып.
Бұзылмас серті бөрінің,
Ар-ұят үшін бас құрбан.
Ала жіп көрсө қорадан,
Ойланып қалар абадан.
Өз елін өзі тонаған,
Болса ғой сендей көп Ағам.
Қасқырдың сертін ұғып көр,
Қасқырдай арлы жігіттер!
Ұлысты тонап бітті ғой,
Бұралқы өнкей ұры иттер.

Есенқұл «Жаны адалдар ешкімге болмаған құл» деп айқын жырлады. Адалдықты делқұлы, қор санап, менсінбейтін ардан безген бейсанана қоғам туғанын білсе де кезене айтты.

4. Мойынсұну.

Есенқұл үшін даланың өзі жылқы, өлең. Туған жер ол үшін тірінің де, өлінің де алтын бесігі: «Қорымдар, зират, көне ордам», «Зираттар – көнекөз елім,/Киелі қара орманым». Бұлай деп айту тек қазаққа бұйырган. Нақ осы өлеңінде Есенқұл жанының күллі құсасы тұнып түрғандай сезіледі.

Ақын «өлім» деген сөзді көп айтпайды. Оның синонимі бар: «мола». Мола – ақын үшін көкейін тескен идефикс, Қорқыт күйін кешеді. Есенқұлдың «Қорғандар», «Сары дала. Мола» атты қос өлеңі ажал культын жазмышқа көнбіс мистикалық үреймен бере алған. «Өлім онай сол молаға барғанда».

Қара жер сенен қорықпаймын,
Саған да жазда шөп шығар.

Үш күннен соң адам көрге де үйренеді деп өзін жұбатқаны, ажалдан именбеймін дегені бекер. Федор Тютчев: «Мысль изреченная есть ложь». Ақын әулие болады, ғұмыры жер бетінде ұзак болмасын сезсе жарыққа құштар жүрегі шер жұтып атойлайды.

Обыр дүнне көмейіндей тойымсыз,
Обырайған мола жатыр ұндемей.
Обырайған мола жатыр қылжып,
Бүйірінде бір үнгір бар тұңғиык.
Атжалманда ар жағынан жылмиып,
Ажал күтіп алатында ыржып.

«Зев могильной пропасти» (Пушкин), «Яма могильная» (Н.Некрасов), «Пещера гроба мрачная» (В.Капнист), «Дыра безымянная» (М.Цветаева) – қабірге анықтауыш берген орыс ақындарымен Есенқұл Жақыпбектің мынау ұнdestігі ғаламат, жүрек сейлесе жалған айтпайды.

Сол тесіктен сұмдық бір сөз естілер,
Енірейді елсіз қырда ескі көр.
Тесірейіп үніледі үнгірге,
Екі көзі оттай жанған ешкілер
Естіп, жылап өлген мола өлеңін,
Елсіз қырда ешкі баққан мен едім.
Көпшілікпен бірге мен де барып ем,
Апамызға ақ топырақ салғалы.
Көрдің аузы көпті көріп ыржиды.
Тіршілікten алым-салық алғалы.

P.S. 2007 жылы 7 маусымда Қазақстан Жазушылар одағының кезекті съезі өтті. Кешінде Гүлнэр Салықбаева бір топ ақындарды кафеге шақырып, қонақасы берді. Есенқұл, Тыныштықбек, Светкали, Жанат, Нәзира. Осы кеште Есенқұл Жақыпбекті алғаш рет көрдім. Қас жақсы екенін тану үшін бар болғаны бір кеш, аз мезет жететін адамдар болады өмірде. Есенқұл жаратылышы тұнық, таза бұлактай мөлдір жан екен, адам баласына деген мейір тұнған болмысы пендешілік, бықсық мінезге атымен жоқтай сезілді.

Есенқұл әндерін әнші Ақан Әбдуәлі сүйіп салды. Ол Сүйінбай мен Қатағанның айтысын шырқап салғанда залда көрші үстелде толып отырған қытайлық кәсіпкерлер сөзден сап тиылып, тыңдай қалысты. Жат елдіктер үшін жұмбак қазақ жаны келмеске кеткен эпикалық дәүірін әлі аңсайтынын сол сәт өрттен ұшқан ұшқындағы тыз етіп сезгендей көрінді маған. Олар біз сияқты ұзак отырған жоқ, бас-аяғы бір сағатта ас ішіп, уақытқа бағынып, тарқап кетісті.

Осы жазбаны әуелде Есенқұл Жақыпбекпен әдеби сұхбат жасауға дайындаған едім. Мерзімі: «25-27.03.2010. Черновик 14.02.-15.02.2011». «Атамекен-Жамбыл», газеттің электронды адресіне бірнеше рет жібердім. Есенқұл аға текстті жоғалтып алдым, қайта жіберші деп қонырау шалады. Бірде Дәутайұлы Несілбек ағаға Есенқұл Жақыпбек сұхбат бермей қойды деп айтсам, күліп жіберді, ақындарға қара сөзден өлең оңай, прозаға шорқақ, ал өлең оларға көктен құйылып тұрады деді. Айтысқа келгенде суда жүзгөн балықтай тосылмайтын қайран ақындық. Расында солай-ау, өлең жаз десе қай жазушы өзін шабан сезінбес.

Ризашылық, шынайы құлышылық Есенқұл үшін тіршіліктің ұлы мағынасы: «Айналайын ағайын! Сендермен жерді бір басқан, / Сүйгізген, сүйген, мұңдақсан / Өмірі өлең жыр-дастан, Мен де арман жоқ шығар». Түйін осы.

31.01.2014.

РАҚЫМЖАН ОТАРБАЕВ. «ДАУСЫНДЫ ЕСТИДІМ»

Қазақ әдебиеті ежелден көркем сөздің ата жүрті. Алайда заманалар аудысып, қоғам құбылғанда тілдік қорқоса өзгереді. XXI ғасырдың басындағы қазақ үшін тіл факторы мейлінше күйіп тұрғаны рас. Жұтана, шұбар, қадірі қашқан туған тілдің қасиетін қорғап қалатын қауым – ақын, жазушылар, өнер иелері. Атадан қалған асыл сөз солар арқылы ұрпақтан ұрпаққа аудысады.

Қазіргі қазақ әдебиетінде тілдің таңғажайып қазыналы керуеніне, көркем стиліне айрықша мән беріп, тұшынып жазатын жазушының бірі Рақымжан Отарбаев. Әр сөзін екшеп, саралап, ұлттық дүниетанымға қылдай қиянат жасамай жазу екінің бірінің қолынан келмейді. Оған адам психологиясын дәп танып, сол күйінде беру шеберлігін қосыныз. Бұл орайда ұлы жазушы Лев Толстойдың көркем әдебиетте бәрін қиялдан тудыруға болар, бірақ адам психологиясын қолдан жасауға болмайды деген даналық сөзі еске түседі.

Рақымжан Отарбаевтың әңгіме, повестеріндегі кейіпкерлердің ұлттық психологиясы, дүниетанымы ешқашан жалғандыққа ұрынбайды. Кей сәт біздің

жадағай мақтаушы сыншыларымыз өзінің нысанага алып, өлердей дәріптеп отырған шығармасының кейіпкерінің мінез-құлқы өтірік ситуацияға құрылғанын андамай қалып, жасандылықты үдете түсетіні бар. Ол негізгі дүниені көре білмеуден туады.

Жазушының «Дауысынды естідім» атты жаңа жинағы 20 шақты әңгіме мен повестен тұрады. Бұл әңгімелердегі ең басты қасиет автордың тілдік стильге бай екенін анық көрсетеді. Қазақ дүниетанымын ашуда қылдай кате жібермейтін жазушы өзге жұрттың да этнографиясын, мінез-құлқын, әдет-ғұрпын жетік біледі.

«Бәйтерек» атты әңгіменің идеясы өте тереннен алынған. Ел қорғаған аруакты ердің есімі кейінгіге қалмаса да, мифтегі өмір ағашы – бәйтерек тәрізді зор тұлғалы. Ертеде елі мен жерін жаудан қасық қаны қалғанша қорғаған осындай ерлер болатын. Халық жадынан асыл образы өшпейтіні сондықтан. Шап-шагын әңгімемде ата тек қазақтың да, ежелгі дұшпан жонғардың да дүниетанымы тұнып тұр. Қазіргі пайымда мұны менталитет дейді. «Ерекек тоқты – құрбандық», ең жас, көрікті қазақ жігіті ата жаудың өшпенілігінен, екіжүзділігінен қапияда мерт болды. Сөйтіп оның бейmezгіл өлімі пайғамбардың құрбандығына айналды. Ол өзінің жер бетіндегі өмірін аяқтап, алып бәйтерек символына ауысты. Бұл фәніде бәрі өткінші, тек құдай мәнгілік. Сол себепті бір күні алып бәйтерекке де жай оты түсіп, айдалада жалғыз өскен молан ағашқа айналды.

Енді ұрпақтары жол түскенде бұл бәйтерекке дұға бағыштайты, ертеде ел қорғаған ұлы бабасын аңсайды.

« – Иси Ысықтың ұранына айналған Бәйтерек бабамыз сол ағаштың астында жатыр».

Бағзы шалдардан қалған осы әңгіме патриоттық рухтың жебеушісі.

« – Апыр-ай, Қарекем-ай, есіл ердің азан шақырып қойған ныспысы кім болды?

– Ол ұмытылған. Тек «Бәйтерек» атанаң ұранымызға айналды. Сол

қалпында жасасып келеді».

Кейіннен «Ағатайлап» жауға тиген Исадай басшы Махамбеттей асыл ерлерді сонына ертті.

Жонғарлар – малмен күнелткен көшпелі нәсіл.

Көшіп-қонып, төрт тулікпен жан сақтаған атам қазакқа ұқсас ғұрыптары жоқ емес. Бірақ мал союда қазақ пен жонғардың әдет-ғұрпы жер мен көктей алшақ жатыр. Қазекем жүргегінде ракымшылдығы күшті, обал мен сауапты ешқашан ұмытпайды. Мал бауыздарда бата сұрап, дұға қайырып, кей сәтте «сенде жазық жоқ, менде азық жоқ, аллауәкбар» деп бет сипайды. Ал монгол нәсілді жонғарлар жануардың қолқасын үзіп өлтіреді. Әбіш Кекілбаевтың «Күй» атты тамаша повесінде түркменге тән рәсімдер суреттелетін.

Рақымжан жонғардың қатыгездігін беру үшін тек мал сою рәсімін таңдал алып суреттейді. Жонғарлардың жануарды қинап, азаптап өлтіретін салтын жазушы бойы тітіреп, тіксініп жазады. Монголдардың малды тамағынан бауыздамай, асып қойып қолқасын үзіп жіберетіні туралы сол елден оралған қандасымыз, марқұм Жамлиқ Шалұлы этнографиялық очерктерінде жазды.

Арам өлген малдың етін жемейтін, адалды сүйетін қазақ нәсілі жонғарлар дастарханға қойған астай толы жас еттен татып алмайды, өйткені тай мен ісекті бауыздамай, бірін буындырып, бірін қолтығын сөгіп жүргегін сығып жіберді. Қазак үшін бұл асқан қиянат һәм тағылық. Қонтайшы қазақ ғұрпын білмей отырған жоқ. Осылайша дұшпанына сұс көрсетіп, ықтырып жібергісі бар.

Бәйтерек – бабалар рухы. Бұл идея әңгімede терең ашылған. Сюжеті келісken, кейіпкерлер образы оқиға арқылы ашылады. Осы күйінде көркем фильмнің фрагменті болуға бек лайық. Елдікті аңсаған ұлы бабаларымызға деген шынайы сүйіспеншілік, құрмет есіл ерлердің арда образын байыта түседі. Ердің соны Махамбет құрбандық мұратын туғып көтерді, ол Бәйтеректей нағыз ерлердің тұяғы. Әңгіменің арқауы осы: ер елі үшін өлеidі, ұрпағы оны ұмытпауға жаралған.

«Американың ұлттық байлығы» – сарказмға, ашы мысқылға толы әңгіме. Несілбек Дәутайұлы, Тынымбай Нұрмажанбетов тәрізді жазушылардың стилінде де күлкінің асқан құдіреті бар.

Әңгіме ерісі аңшы Қапардың төңірегінде өрбиді. Қапардың әкесінің портреті даяр, ал қазақ аңшының екі сөзінің бірі өтірік десе, Қапардың мақтаншақтығы өзіне жарасады, Қапардың анасының эпизодтағы бейнесі де

ерекше нанымды. «Шалы олжалы келсе, шешесі өз етегіне өзі сүрініп жүріп имекбас жез құман мен легенді алдына тосып, ақ сұлгін тізесіне тастан жылы суды сыйзықтатып құяр». Шешесі кейігенде баласына «Тек, көбейгір» дейді. Осы бір-екі сез қазақ әйелінің ұлттық бейнесін жарқыратады. Асылы қазақ әйелі құдайдан тілегенде дұрыс тілейді, ең әуелі бала-шагасының амандығын сұрайды. Дүние боктың мұқтажын ұрпағының амандығынан анық төмен қояды. Тегінде жазушының тілдік қоры зор болған соң ба, адам баласының ойына беталбаты келе бермейтін қитұрқы сөйлемдерді дәл тауып қолданады: «Жамылғы көрпеге тұмшаланып, кесер басы ғана қылқып жатқан Қапар: «Шырамытамын ғой» деп құбірлеп құтылды». Кесер бас деп автор тегін атамайды. Қапардың сорына үйіне сайтандай сап ете түскен Жетес нағыз әзәзілдің өзі болып шықты. Жетес емес, жетесіз десе артығы жоқ, арбаушы біреу. Бұл ретте Жетестің әңгімелегі рөлі Гогольдың жалған ревизорын, Хлестаковты еске салады. «Я везде, везде» деуші еді ол, сол айтқандай, Жетес те тімтініп жүріп, аңшы Қапардың аңқаулығын пайдаланып, жанын азапқа салады, шыркөбелек айналдырады.

« – Аллам-ая, – деді амалы таусылған аңшы үні тозып, мұржаға сүйене кетіп. – Шәуіл – деген жаман шибері Американың ұлттық байлығы болсын. Мен сонда Қазақстанның кімімін? Өкпесіне тебер өгеймін бе? Бұл дүниеде жиганым, о дүниеде иманым бұйырмай кететіндей сұрауым жоқ па? Оң қол қиянатқа журсе, сол қол арашаға ұмтылmas па. Бұл ел – ел ме, әлде ашық-тесік жатқан мал кора ма?..»

Бұл жазушының жан айқайы. Қырт, мылжың Жетес сияқты қыдырма, бірді-бірге соққан алаяқтардан қоғам қорғамай тұр. Жазушы күлкілі, анекдот тәрізді шағын бір ситуациядан үлкен түйін жасайды. Жетестің өсек-аяны, кінәмшілдігі бағдарынан айырылардай қазақтың сергелден қалған мейлінше айғақтайды. Бұл әңгіменің рухани құндылығы мынау: ұлттық идеологияның жоқ екенине наласын автор осылайша білдірген. Адам факторы мен шибері символы екі түрлі қоғам барын, бірінің кемшілігін, екіншісінің артықшылығын анықтайды.

«Надандық сені қайтейін» деп ән қайырмасындаидай

әлсін-әлсін қайталап, жұтынып отыратын Жетес ауыл қазақтарының қысыр сөзге үйір келетін жаман әдетін тап басып илейді. Асылы нағыз надан оның өзі болса да, сол надандық шырмауы Қапасты босатар емес. Жетес Ревизорды ғана емес, Чеховтың Хамелеонын де еске түсіреді.

Ұлттық идея жок жерде адамдар ұсақталып, тозып кетеді. Кезінде адам баласының жеке тұлғасын кемсітіп, қорлаған крепостнойлық тәртіпті басыбайлы шаруалардың трагедиясын, рухы солған помешиктердің имансыз қалыбын Гоголь мен Чехов жүргегі қан жылап әшкелелеген еді.

Рақымжан Отарбаевтың бірқатар әңгімелерінде осынау сарын бар: «Қытайдан келген сәлемдеме», «Торшақыз бен тотықұс», «Токтышак», «Жасырынбақ», т.б.

«Қытайдан келген сәлемдеме» атты әңгімеде «балапан басына, тұрымтай тұсына» болған кер заманға қор болып, үй ішіне сатқындық жасаған Өміrbай соның сазайын ақыры тартты. Құдай қосқан қосағы, бөтен елде әкесіз өсуді тағдыр жазған балаларының анасы Өсемай, қырық жыл көрмеген әйелі Өміrbайға Шыңжанға барған көршісі арқылы тон мен магнитофон жіберіп, үнін естіртті. Гогольдың кейіпкері Ақакий Ақакиевич Басмашкиннің өмірінің мәнінде айналған шинелі өзіне бұйырмай кеткені тәрізді ашы шындықтан алас ұрган Өміrbайдың иығына бұл тон да бұйырмайды. Бұл жай бір тон емес, ар мен ұятың, қарыз бен қасиеттің тұспалына ұқсайды.

«Жасырынбақ» атты әңгімесіндегі жемқор бастық типтік бейне. «Шырадай жаңып, түбінде ұялы сайтан бұзып жанарын екі-үш мәрте сипап етіп, бұдан да қайран болмаған соң орамалды қолағаштай мұрынға түсірді». Бұл елдің алдына шығып, «аңқау елге арамза молда» тәрізді позаға түскен жемқор басшының аяр кейпі. Жазушы оның әбден типтік образға тән болмысынан жиіркеніп, атымен атауға пейіл танытпайды. «Түгеншевич» дей салады. Мұның астында зіл жатыр. Әңгіменің сонында Кафка мен Эдгар Поның қосурей әңгімелеріндегідей фарс жатыр. Жиылған жұртшылық зейнетақысын талап етіп, жемқор бастықтың кабинетіне бұзып-жарып кіріп кетіп іздейді. Ол болса шкафқа тығылып жасырынып қалады. Тәуелсіздік алған тұста осы текес фарс қазакта жиі ойналғанын, қоғамның дәрменсіздігін жазушы ашы әжуа арқылы ашады.

«Төбелес» атты әңгімеде совет кезеңіндегі жалған

идеологияның келенсіздігі айтылады. Кейіпкерлерінің портретін шебер сомдайды. Қызыл жалаушаға таласқан екі еңбекшінің жанжалы кісі өліміне апарып соға жаздады. Бұл топ жазушиның жылы пейілін тудырады. Бұлар қарапайым еңбек адамдары, бірі жарымжан, бірінің көнілі жетім, заманның ызғары шалып, кейіннен жалғыздыққа басы байланған бір пақырлар. Жұмысттан басқа жұбанары, бір-бірінен басқа арқа сүйері жоқ. Соның үшін ұсақ-түйек кикілжің бұлардың өмірінің мағынасы тәрізденеді, өздері өткен шақпен, елеске елітіп өмір сүреді.

«Торшақыз бен тотықұс» – мұнды әңгіме. Заман шындығы тордағы тотықұстың аузымен айтылады, бұл расы, парадокс һәм символ. Шыны солай, бірақ неткен беймағыналы өмір десенізші. Қаланың қапас төрт қабыргасына қамалған күйік тірлігі, бас бермес жалғыздығының аллегориясы – тордағы тотықұс. «Аруакты – ес, көленкені дос қып жүрген жесір катын...», академик Айсариннің аспиранты, жас әйел бәйбішесі екеуі бақталас, бәйбіше-тоқал трагедиясын айтып, Мұхтар Әуезов жалғанға жар салды. Бүтінгінің үштаганында бөлеқ бір уытты зіл бар. Ол қазақ қоғамында әбден шегіне жетіп, шиеленіскең, күрмеуі киын мәселеге келіп тіреледі. Ол он жақта отырып қалған кәрі қыздардың тым көбейіп кетуі. Қазақтың генофондына мейлінше кесірі тиіп отырған мүшкіл хал. Қаланың оқыған қыздары жастық шағын арзан құндылықтарға айырбастап жіберіп, жер ортага жете бергенде опық жейтін рас. Бірақ уакытты өткізіп алған, жалғыздық кеселден арыла алмай қалады. Жазушы бұл қасіретті бір жағы жаны күйзеліп, бір шеті сатира арқылы ашқан.

«Аспандағы ақ көбелектер» атты әңгімесінің тақырыбы бүгінгі күннің өзекті мәселесі. Базар жағалап күн көруге мәжбүр елдің арызы тәрізді дүние. Базар қожайынының арсыз қызы Сырғалы байдан қайтқан қыз жаман деген бабалар өсietін ашады. Бұрын зәнгіге тиіп, қара құрлықтың дәмін татқан әйел. Бұл орайда Сырғалы лирикалық есім емес, қолында билігі, байлық-базары бар деген ойды білдіреді. Дәурен ұнатып сүйген ұян қыз Әлима, ол базарда су сатады. Бұл әңгімегі су – аллегория, Дәурен өзі байлыққа қызығып, айрылып қалған перштедей сүйгені Әлима. Әңгімегі неке сарайы – көне зираттың орнын тегістеп салынған жер, таза жер емес. Әлиманы ақ құс тұспалдайды, ал ақ көбелектер

Дәуренниң тумаған баласының жаны тәрізді.

«Тоқтышақ», бұл-дағы құсалы, дағдарысты дүние. Жазушы «Көрген-бакқан», «Жалғыздық», т.б. әңгімелерінде үзік-үзік өмір суреттерін береді. Ол жап-жалаңаш, боямасыз һем мағынасыз әлем. Рақымжан Отарбаев прозасында өмір баяндарын, тіршілік суреттері этюд, этюдпен, фрагментті түрде беріліп, барлығы бірігіп, біртұтас полотноны береді. Қазакы мінездерге жазушы өте сыралғы. «Қайдағы-жайдағы» атты әңгімесінде кейіпкер тірлігін көз алдыңызға әкеle қояды.

«...бата тілемес көкмойнақ», бұл не десеніз, шөлмек екен. Рас-ау, қайырылды дүние емесі... батасыз құл жарымас.

Тіл көркемдігіне автор ерекше құштар, әр сөйлеміндегі білініп тұрады. Мысалы, «балық – судың құрты», теңеу халықтікі болғанмен, қазіргілер барын жоғалта беруге мәудер емес.

Типтік бейнелер де әр әңгімеде мойнын созады. Жанама болса да, бірден типтігімен есте қалады: «Опрыш жейтін Орбай бұрынғы перм бастық. Жекешелендірудің алақызыба тұсында асап қалғанның бірі». Ол орден сатып ала береді, нағыз осы заманың «Қаһарманы». Юмор осынау ел адамдарының бәрінде үйріліп тұрады.

«Елегемендікке жеткен елең-алан тұста қысқа жіп байлауға келсе де күрмеуге келмей... «Ой, пірім», деген шақта: «Несін айтасың, әлті Орбайдың кенже ұлы бизнесмен екен. Екі қап ұн беріп Ленин орденін сатып алыпты. Елу кило қантқа Еңбек Қызыл Ту, палас төсөнішке «Құрмет белгісін» сұрапты. Медаль берсең он қадақ кір сабын ұстаратады», – десіп ел-жұрт елеурескен. Сауда қызды. Сақал сипағанша небір озаттың өнірін әшкейлеп тұрған атақ-абырой сылдыр қағып со баланың қоржынына түсті.

– Әлті сиыршы Сайлаудың борпаяқ әйелін білесін ғой.

– Ал...

– Соның да бала көп тапқанының байғазысы деп үкімет берген «Алтын қатын» деген медалін жылқырып кеткен».

Күлесіз, әрине, құлмей қала алмайсыз.

Әңгімеде қарапайым адамдардың бір мезеті суреттелген. Шығарма астарындағы ирония тіпті олардың бағасын асырып жібереді. Леонид Гайдайдың кинокомедиясындағы дай зиянсыз, тоғышарлау кейіпкерлері залымдыққа еш қоспасы

жоқ, табиғи, дербес мінездер. Қарауыл орыс кемпір Антонина үнемі мылтығын қолдан тастамайды, тігінші корей шал мен екі қазақ Санакбай, озат атанамын деп жамбасы сынған Ерлепес бір-біріне ұқсамаса да, өзара тату-тәтті, бір атанаң балаларындағ бірінің бірінсіз күні жоқ. Олар саясаттан да құралақан емес, бірақ бәрі де қоғамды шарпыған өзгерістерді өз басынан кешкен. Ешкімге жаулығы, өш қастығы жоқ қарапайым жандар. Сондықтан олардың баршасын жазушы ұнатып, мейіріммен қарайды. Тіпті көзіне дүрбі салғандай ұсақ-түйегіне шейін андал, қалт жібермейді.

«Sor» атты әңгіме атауы латын қарпімен жазылса да, қазақша «сор» деген сөз. Мұндағы басты кейіпкер жезөкшелік шырмауына іліккен қызы Айсара емес, екіжүзді аяр депутат. Ол теледидардан жұз көрсетсе-ақ елім, халқым деп еніреп, өтірік жылайды, расында сауна ұстап отырған сутенердің нақ өзі.

Сор демекші, жазушының көп әңгімесінде «пері көшетін қызыл інір» бар. Бұл бақ пен сордың алмасып тұратын өліара шағы. Бірде оны «пері көшетін намаздығер мен ақшамның арасы» деп суреттейді. «Жасырынбақ» атты әңгімесіндегі Түгеншевич тәрізді бұл депутаттың да есімі жоқ, себебі, ол типтік бейне. Біздің қоғамның өзі жасырынбақ ойнайды. Жазушының кейіпкерлері күліп тұрып жылайды, жылап тұрып күледі.

«Тәркі дүние» атты әңгімеде дарвинизм теориясымен каруланған кенестік жүйе тудырған ғылымның теріс екені ашылады. «Адам маймылдан жаралған», ғұмыр бойғы идеясы кате екенін білу онай емес.

«Жайық жыры» атты әңгімеде аллегория мол. Жайық сүйнде толас таппай ағып жүретін қу сүйек, адам басы арқылы автор баянсыз өмір философиясын береді.

«Жұлдызы аспан мен Жайық және тынбай жолаушылаған сары кемік бас бар. Жалбыр шаш жазушы жігіт не деп еді? «Ей, аға, дүние жалған дейсіз, кате ойлайсыз. Дүние жалған емес, адам жалған. Дүние тұрғой мәңгілік өсіп-өніп, жасарып, асқақтап. Адам өзінің опасыздығын, айнымалылығын соған жауып құтылғысы келеді» – деген.

Бір құпиялы, сырға толы елес дүниеге автор жаңы құмартып, елегзитіндей, сол сәттің діндар ғайып сұлулығынан қайыр күтетін тәрізденеді. Ол кеудесін кернеп,

бұ ұнниеге сыйғызбайтын әлдебір бұла сағынышын басар, мәңгілік тоңдай мұнды аластар шақ... Ол өзі ертегідей әлем. Соның үшін жазушы «Ал пері көшетін намаздыгер мен ақшамның арасында қасиетті көлді елбен-елбен елес кезіп жүрді» деп елегізуге бейім.

«Ыстықкөл» атты элегиясында, осынау су айдынына байланысты ойнақы баян ішінде талай тағдыр матасып жүр. Бұл баянда сұлулар «...ақ бетін соңғы иіріммен жуған, сәмбі белін алтын қаусырмамен буған», Мысыр патшайымы Клеопатра тәрізді анызға лайық. Абылай мен Наурызбай батырдың бейнесі қалықтап келіп жаңа заманға ұштасады. Көлдін сүйнінде талай-талай ғажайып жазмыштардың дерегі сақталған, соны жазушының түйсігі жазбай таныса керек.

Перінің қызындағы сұлу дүние үнемі жарқырап жатпайды, ол әп-сәтте құбылып, ызғарлы қүйге көшеді. «Дүние – ғайып» атты повесте автор әлімсақтан бергі Адам атандың ұрпағына тән құбылысты андайды. Ол баяғы Абыл мен Қабыл текетіресі, қос бауырдың басы жалғанға сыймай, Абылды Қабыл өлтіретін өпсана. Повес оқиғасы Қыыр Шығыстағы мәңгілік тоң елінде өмір кешетін эскимостар тұрмысынан алынған. Олардың өмірі қатал, тіршілік үшін күрес қиямет. Ерон – Қабыл болса, Айнан – Абыл. Сол аз халықтардан шыққан аса көрнекті жазушылар Юрий Рытхэу мен Владимир Санги. Владимир Санги айтқан нивх халқының анызы желісінде классик жазушы Шыңғыс Айтматов өзінің «Теніз жағалай жүгірген төбет» атты гауһар повесін жазды. Ол Шыңғыс Айтматовтың шығармаларының шоқтығы, хас үлгі. Рытхэу, Санги, Айтматовтан кейін осы бір күрделі һәм өзгеше өмірді жазу онай емес. Рақымжан Отарбаевтың «Дүние ғайып» повесі мен Тынымбай Нұрмағанбетовтың ««Айхай»» атты повесінде өзара рухани үндестік бар сияқты. Рақымжан Отарбаев құллі адамзат тағдырының символы деп ұғынған Айнан мен Эмронның ғұмырының баянын қазакы дүниетанымға салып жібереді. Эскимостар емес, тап бір ауылдың екі қазағы ұзак сапарға шығып, жолай бастан кешкен тәрізді әсер етеді. Аңшылықпен күн көрген бұл екеуі кей сәт оқымысты жандардай сойлеп кетеді. Бірақ авторды бұл олқылықтар үшін, эскимостарға тән өмір салтын жетік білмегені үшін кінелау қажет пе?! Адалдық пен арамдықтың ара жігін айыру үшін дүние ғайыптан өтесіз. Анадан шыр

етіп нәресте болып туғандардың бәрінің пешенесіне осынау өмір заңдылығы жазылған. Сондықтан Эмрон мен айнан эскимос болып тууы шартты. Бұл екеуі шынтуайтында сіз бен біз. Күллі адамзат нәсілі.

Экзотика жазушы атаулыны баурап алатыны рас. Бұл повестегі ең негізгі түйін философиялық монолог, диалогтарға келіп тіреледі. Сондықтан автор «Дүние жалған емес, адам жалған» деп ой түйеді. Ақиредеке шейін үзілмейтін жазмыш осы.

Жазушының «Махамбет пен Пушкин» атты әңгімесі жүрек дауаламайтын тақырыпқа енуімен ерекшеленеді. Себебі эрудицияны, батылдықты талап етеді.

Рақымжан Отарбаев Махамбет пен Пушкин тұлғасын шын сүйген соң батылдық жасап отыр деп ойлаймын. Әңгіме кейіпкерлері тарихи тұлғалар, екі бірдей халықтың адап сүт емген, жаны нұрға толы, маңдайы күн сәулелі ақындары, ал расында, өмірінде Пушкин мен Махамбет бір-бірімен кездесті ме, жоқ па, оны мамандар білуі тиіс. Дауірі бір, тілегі бір, аскак рух пен құдайшыл азаттықтың ақындары. Махамбеттен Пушкин бес жас үлкен. Пушкиннің серігі Владимир Иванович Даль ұлы лингвист, жазушы, деректі дүниелер іздең өткен, тамаша саяхатшы, мықты этнограф-ғалым. Даудің қазақ үшін орны бөлек, атамекені Орал тауы айналасындағы түркі текті халықтардың фольклорын, этнографиясын жинап зерттеген.

Рақымжанның бұл әңгімесінен анық байқалған бір мезет, ұлы Пушкиннің өз прозасындағы, эпистолярлық жанрдағы хаттарындағы қолтаңбасын сақтауы.

Пушкин Жайыққа Пугачевтің ізімен келеді, казактың ұлы эпосы «Қозы Қөрпеш – Баян сұлуды» еншілеп қайтады. Бірақ, жазмыш оған қазақ эпосының бір вариантын сомдауды жазбапты. Мұндай тағдыр арада жүз жыл өткенде қазактың соңғы жырауы, шынғыстаулық сайыпқыран ақын Шәкір Әбеновтың маңдайына жазылған екен. Бұл ретте ерекше екпін түсіреп бір құпия – ұлы ақындардың сюжетке деген сүйіспеншілігінен туады. Мұндай сүйіспеншіліктің құлы болып өткен Дақики мен Фирдоуси, Низами мен Науай, Дехлеви, Жәми сынды шығыстың жарық жұлдыздары жадқа оралмай ма! Еуразиялық кеңістіктеге батыс пен шығысты тел еміп өсken біздің қазақ әдебиеті. Сол ұлы дәстүрге адалдық

жазушы Рақымжан Отарбаевтың қанында бар. Ал дәстүрсіз сез өнері тұл.

Махамбет – ердің ері, анадан ұл болып туған тарлан. Елім, жерім деп жалындаған отты жүрек пен жалындаған жырдың иесі. Расымен әлем әдебиетінде Махамбеттей күрескер ақын көп емес. Жыраулардың соңғы тұяғы, қазақтықтың асыл руҳын жоғалтудан өлімді артық санайтын хас батыр. Жазушы екі ақынды әңгімелестіріп, бір-біріне деген құрметі мен сүйсінуін суреттей келе, бодандықтың ауырталығын, ұлт-азаттық рухтың өшпейтінін ұқтырады. Менімше, Александр Сергеевич Пушкиннің ұлы даланың қыраны Махамбетке деген жан шуағы Достоевскийдің Шоқанға деген сезімі тәрізді көленкесіз, айқын. Махамбеттің қасына ерген Жанкісі жырау да бұл портретті толықтырып, аша түсері аян. Жанкісі жырлаған «Қозы Көрпеш – Баян сұлу» жырынан Пушкинге ерекше ұнаған образ – Қодар: «Ең ұнағаны – Қодар. Жауыздықтың бет-бейнесін осыншама терең аша білген халық жақсылықтың нарқын неге білмесін?! Eh...»

Пушкин Махамбеттің ұлылығын оның өз халқына қамкор бола білуінен көреді. Адам баласының ең қымбаты Отаны, елі мен жері, адам болып өтудің сырды да осында деп түйіндейді автор.

«Алтын» атты әңгімеде жазушының өмірлік ұстанымы мен көзқарасы астарлы берілген. Бұл өте құсалы әңгіме, өзегінде түніліс сарын тұрған. Басты символ – Мұғаджар тауы. Басты образ – Қызданай. Баяғыда дәурені өтіп кеткен, ел аузында аныз болып қалған ару Қызданай. Оның әлемге әйгілі сұлулардан еш кемдігі жоқ, Мәжнүн ансаған Ләйлә да өзі, бір шашбауына бес жұз жылқының құнын беруге татитын, Ақан сері, Біржан сал, Иманжүсіп сүйген арулардың тегінен.

Әңгімеде бір тұқымнан жалғыз, әжесінің мәпелеген немересі Алмат «Бай атам Итжеккенге айдаларда ат басындей алтын жасырған деседі. Рас па?» деп сұрайды.

Әжесі мұны Алматтан жасырып бағады, жүргі бір сұмдықты сезгендей-ақ, алтын іздеуден корғаштайды. Неге? Ол тағы біздің халықтың «дуние жалған» деген ұлы дүниетанымынан туады: «...алтыны бар жерге жын-сайтан, пері әуес деуші еді бұрынғылар. Ордалы жылан корғап, қоршап жатады десетін көнекөздер. Осының берін сезіп-біліп

отырып Үдербайдың жалғыз қаргасын жар басына қалай жүмсасын...»

Бозбала алтынды тапты. Мұнан арғысы мистика. «Жандәрмен қалпы баяғы «Қызданайдың қырғыны» өтетін жазықтыққа шығып кеткен екен. Кенет күн күркіреп, Мұғаджар тауы теңселіп кетті. Жамырай шапқан тұяқ дүбірі естілді.

Азынаган ат, андағайлаған дауыс».

Автор алтыннан қымбат ар, намыс, иман, қанағат туралы ой ұшығын тастайды. Таңдау еркінде дейді. Бірақ адам нәсілінің ашкөз жаратылысы алтынды артық санап, құрдымға құлай беруге бейім.

Жазушы «Алтын» атты әңгімесіндегі мистикалық астармен өз жан дүниесін мендеген құлазуларды, түнілістерді бейнелейді. Ол құлазу ауық-ауық сахараның құм дауылындаи соғып, жанын жегідей жей берген соң, сірә.

Шығармашылық жұмбақ дерт. Мұнан шын мәнінде арыла білген екі ұлы тұлға өткен: Гете мен Толстой. Ал ақын-жазушылардың басым көвшілігі бұл дерпті женіп, құрсаулы шенберін бұзып шыға алмай қалған.

Автор өзіне де, оқырманына да сол бір құпия дерттен, сағымдай толқыған сұмдық сағыныштан азат болуды тілейді. Соның үшін қеудесін құса мендеп, «Алтын» философиясын түйіндейді. Өмірдің өзіндей қарапайым шындықтардан, сары алтынның буына елітіп, дүние әзәзіл арбап, адасып өлменіз деп ескертеді. Бұл түйін Рақымжан Отарбаевтың күллі прозасына тән. Әрқылы тақырыптарға барса да, өз жүргегінде жазулы осы бір ақиқаттан айнағысы жок.

Сондай-ак, бұл әңгімеде тағы бір романтикалық әңгіменің силуэт-сұлбасы айқын. Елес дүниесінің сиқырындаи көркемдік тұнған. Ол «Жалды Құрманғазының» (автордың айшықты эпитеті, қарға бойлы Қазтуған, еңсегей бойлы ер Есім деген тәрізді) «Төремдұрат» күйінің кейіпкері Төремдұрат ер мен ару біткеннің көріктісі Қызданайдың махаббаты. Махаббат сезімі өшпейтін әлемді ансайтын жазушының патшалығындаи ұлы мекен.

ЖЫЛҚЫНЫҢ КИЕСІ. Жанболат Башардың «Қос боз аңызы» атты әңгімесі туралы

Қазақ аттан түскелі қай заман. Заман жаңғырған сайын үдей түсken урбандалу үрдісі қазақты мұлдем қаражаяу қалдыруға бақұл. Қазақтың тақымынан жылқы жануар кеткелі ұлттық мінезі азып, жаман жағына өзгеріп, китырқы, жемқорлыққа ойысып, ұсакталып барады. Айтулы ерлердің есімі жер жарған алтын заманы қайран жылқы жануарына тіке тәуелді болмағына енді еш күмән қалмағандай.

Бірақ қазақтың жылқының өрісіне бола жаралғандай сезілетін есілген кен даласы барда жылқыны қазақ жоғалтпайды, жылқы атымен жоғалмайды, тек жарлы мен қала қазағының көзінен бұлбұл ұшып кеткені болмаса. Қазақтықты тудырған таңғажайып өмір-салтын халқымыз этнографиялық өткен тарихы кейпінде қалдырмай, іс жүзінде қайнаған тіршілігінің тұтқасы қылып алса, онда жылқы жарықтық қайта тулейді!

Қаны, жаны қазақ жазушы екенін Жанболат Башар бір ғана әңгімесімен танытты!

«Бейқам тұрган екі ат селт ете түсіп, бір сәт ұйқыдан шошынғандай ұзын мойындарын бұра жалт-жалт қарасты. Өзіне тесіле қараған бейкүнә көздер құлды адамның жанарындей-ау...».

Адам мен жылқы, жылқы мен мен адам бірін-бірі ешқашан жоғалтпауы тиіс. Жылқыны адамдай көруін автор бұл әңгіменің түп-төркіні мен болмысында жарқырата ашып бергенімен артық.

«Қос боз аңызы» – тілі көркем, шынайы, тамаша әңгіме. Көлемі шағын әңгімеге сыйғызып, автордың тұтас бір халықтың жанын, аласапыран сүм заман бейнесін, қазақ дәстүріндегі обал, кие деген халықтық ұлы ұғымды, қазақтық тектілікті шебер бергеніне риза боласын.

«Шәүшік Ақтан байдың егіз құлышын көрді ғой. Кереге жал боз биенің екі жағынан таласа еміп жатқан менсіз ақбоз құлыштарға қатты қызыққаны бар.

Керемет-ай десейші, жылқы баласы егіз туады дегенді кім естіген? Кейін білді. Екі құлыштың үйір басы бір, енелері басқа екен. Біреуінің енесі қолды болып, жетім құлышында

мама биеге теліген».

Автор бұл деректі бергенде әуелі үлкен малдың егіз төлі болуы аса сирек екенін біліп айтады. Әрі қазақтың ұлттық дүниетанымында бұл жаман ырым. Сиыр екі бұзау туса, біреуін біреуге беріп құтылған, немесе туда сала бауыздап жіберетін болған. Өйткені елге үлкен кесапат келе жатыр, егіз бұзау соның белгісі деп ұққан.

Ал мына әңгімеде қос боз әуелде енесі бөлек, бірі жетім құлындар екені шынайы суреттелінеді.

«Аңызға айналған екі боз соқа сүйреп жүр», – деп көз сұғын қадайды аларман. Ол «Қимылы, жүріс-тұрысы манғаз, елдің айтысына қарағанда осы аудандагы ләшендік милицияның орынбасары дейді. Болса болар, талтаңдауы келіспін тұр, – деп ойлады бұл».

Көргеннен көз ақы алды деген анық сөз қазакта бар. Қызыл көз болып шығады бұл сұқтану, қызғаныш тудырған соң солай болмағанда қайтеді. Қос боздың бірін өкімет адамы болып есептелеғін әлгі озбыр Мынбай арнайы қалап келіп, қолқа салып тұр, мұнысы және ердің артық қасын сұрағаннан бетер болып шығады.

Мұның тұбі қос боз, асыл текті арғымақтардың ажалына бастайды.

Әңгіменің лейтмотиві осы – аспани сұлулық еркін жаралады, тектілікті бұғалықтау – оны өлтірумен тең. Құдай берген сұлулықтың күші жойқын, аяр көnlіне бір алан кіріп, сол сұлулыққа өлердей сұқтанған адам тұбі сол сұғанақтығы әрі асыл тектіге қиянаты үшін сазайын қоса тартуға үкім етілмек.

Қос боздың қасына тірі тышқан жолай алмайды. Оларды колхозшы атанғанмен ер қазақтың нәсілі Шәүшік темірқазыққа байланған Ақбозат пен Көкбозатты торуылдаған жеті қарақшы тәрізді ұзак қарауылдайды. Бұл да қазақтың сүйегіне сіңген табиғи мінез.

«Сөйтіп аптаға жуық шілденің ыстығына шыжып, тұзак аңдыды. Құдай сәтін салып бір күні үлкен боздың алыңғы аяғы қыл шашадан тұзакқа іліксін. Ақбоз ат та адамның бұзакы ойын сезгендей, аспанға шашып, атқи жөнелген. Бірақ қыл шашаны қысқан қыл арқаннан енді құтылу жоқ еді. Сонда оның үрейлене шүркүрап кісінегені, үркө қашып біраз жерге ұзап кеткен кіші боздың арқырап кісінеп

қайта оралғаны, осы қазірге дейін көз алдынан кетпейді. Өмірі кісі қолы тимей тағы болып кеткен аттар сол жолы шаппай-желімей ақ көбік терге түскен еді».

Шәушік қос жылқыны зорға олжалайды. Бірақ сонысына ол талай өкінеді. Жанболат Башар жылқы баласын адамнан кем көрмей суреттейді. Улken боз бен кіші бозды жазушы ағайынды қос жігіттей көретіні ғажап. Жылқының қасиеті бұл реальды және символдық әнгімеде қазақтық болмыспен астасады.

Бір ауданың милициясы күшпен әкеткендегі сезілген ақ боздың сынары жетім қалып жаутаңдайды. Шәушіктен маза мен үйқы қашты.

«Тұн көбесі сөгіліп аспан төсіне бозамық нұр жүгірген. Байлаудағы боз шиыршық атып тұр. Жер тарпып Алайғыр сілеміне осқыра караиды. Кенет, әлдекайда тым алыстан, жылқының кісінеген дауысы құлаққа талып үзіліп, талып үзіліп жетті».

Арқа төсін танытатын небір детальдар әнгімеде тұнып тұр. Табиғат, Арқаның жер бедері, адамның жан дүниесі бәрі табиғатпен астаса беріледі. Суреттеушилік жағы қамшы салдырмайды.

Шәушік образы терең бейнеленген. Ол айтулы ер. Қаны мен ділі қазақ. Тегі прототипі бар текті адам екені айқын.

Аттың тамағынан, алқымынан сипай қасып тұрып, кекілінің түбіне тұмар байлады. Осындай үшкіл тұмар үлкен боздың да кекіліне байланды».

Екі жағы дарияның қалың шұбар,
Көкмойынға үкілеп тақтым тұмар.
Бір түстеніп аттанған ауылымның
Қыздары болушы еді маған құмар.

Иманжүсіп атына тұмар таққанын жырлайды. Тұмар тағу жылқы баласына сүйіспеншіліктің белгісі.

Мыңбай милиция – саяси құғын-сүргін алдындағы өз бауырларын шімірікпей өлімге қиған безбүйрек есірік қазақтың типтік бейнесінен аумайды. Ол алаш арыстарын тұрмеге айдатып, сол жерден атылып кетуіне тұрткі болған надан күншілдердің бейнесі.

Ол қолға оңай түспейтінін біліп, бейіт маңында атып өлтіргені кіші ақ боз, қайран жануар адамнан аумайды, жылқы баласын НКВД жендеттері Мағжан мен Илиясты

атып өлтіргендей қылып, Мыңбай сұм қапияда дәл көздең атып өлтірді.

Қос боз символдық бейне. Кіші боздың ажалын Жанболат Башар Ақан серінің Құлагерін жоқтағандай қылып суреттеуі кисынымен, көркемдік түрғыдан өте нағымды шыққан.

«Үздік-создық кісінеген үлкен боздың аңы даусымен мұқым Қарашоқының құз жотасы, оның азудай ырсыған жақпар тастары жаңғырығып, қоса құңғренгендей еді».

Светкали Нұржанов жылқыны Совет үкіметі қасақана құртқаны туралы поэма жазды.

Мағжан мен Ілияс Ақан серінің ұшқан құс жетпеген Құлагеріне соншалық жаңы шырқырай елтіп, тегін құлап түспеген ғой. Қазақтыққа сүйіспеншілік мендегендіктен алаштың қос ақыны Құлагер образына жаңы елжірей ғашық болған.

Мен Ілиястыңаңызға айналған «Құлагер» поэмасы туралы екі эссе жаздым. Ол шығармашылық туралы шығармашылық ретінде сәтімен көркем, пәлсапалық дүниелер болып шықты.

Өзі зордың болады ығы да зор.

Бұл Абайдың бір жол өлеңі, мұнда жуандық пен озбырлық туралы айтылған. Бірақ оны басқа мағынада да қолдануға болар еді, классик ақындардың творчествосын зерделеу қарабайырлық емес, көркемдік әлемін байытары айқын.

Жанболат Башардың ұлықсыған кейіпкерін боз жылқының киесі қара жылан кейпінде келіп, кіші бозды атып өлтіргенде шақпай кеткені оң болып шыққан. Ажал Мыңбай милицияға солай елес берді, әділ жаза ар-ұятын солай жыланша шақты.

Жылан оны шағып бірден өлтіргенде әңгіме оншалық әсерлі болmas та еді. Әңгіменің мистикалық элементі өте нағымды. Образдар шынайы.

Біздің көп журналистер прозага өңмендей ұмтылғанда, көркем әдебиет тілін публицистиканың батпағына батырып жіберетіні бар. Әдеби соны тілді лайлау, жұпның қылу, көркемдікті шұбарлау, прозаны құлазыту содан басталады.

Публицистика – мықты жанр, бірақ әдебиет пен оның шегі екі түрлі, өзара будандастыру, шатастырудың еш қажеті жоқ.

P.S. Әңгімeden таңғажайып шынайы әсер алдым, көзбен көргендей күй кештім.

Жылқы ұрлығы қазіргі қазақ түрмисында бой бермей өршіп түрғаны туралы осыдан бірнеше жыл бұрын «Қазақ әдебиеті»

газетінде ерекше тебіреніс пен дерекке толы мәліметтермен жазылды. Авторы – Сарыарқа төсінде тұратын жазушы Өмір Көріптегі. Қазіргі сыйбайлас жемқорлық өршіп, тыя алмай отырған Қазақстан жағдайында казаққа жылқы өсіру бір қияметке айналған, әрі автор жылқыны үйірлеп ұрлайтын мықты топтар полицияны елең қылмайтынын, сатып алатынын жазған.

Ал Алтай жақта ұры топ қайран жылқы жануарын жабайы аң тәрізді шетінен атып алатынын ТВ хабарлап жатқанын естіп, ақырзаман шын төнгенін ұғамыз. Киені де, иені де керек қылатын сана қазакта қалмай бара жатқаны ма? Баяғы барымташи бабаларымыз дәл осындаі сорақылыққа бармады, рас қой?!

Мұнын түбі әсте кайыр емес. Бірақ оны ұғатын казақы зердеміз батыстың мәдени экспансиясымен, тобырлық сананың мендеуімен әбден ластанып бара жатыр, іштегі кірді қашырмай, қазақтығымызды қайта қалпына келтірмей, тұма бастаулардан қанып ішуге талпынбай, бұл кері кету қауіпті.

Бірақ көп асқанға бір тосқан болары айқын, жылқы ұрлығы да, жылқыны етке тонналад өткізіп, беталбаты құртып, қор қылу да тиылатын заман туады әлі. Заңды құрметтейтін, заң күшінде болатын елге түбі айналамыз. Үмітсіз шайтан.

Қазақ жылқыны сенсең берік түркмендей ұлықтауы керек. Олар ақалтекесін соймайтын, соғымға қимайтын қөрінеді. Қазақ түркменнен тым құрыса осыны үйренуі керек сияқтанады. Халықтығын жоғалтқысы келмесе жылқыны қынадай қырып, ұдайы рәссау қылмай, көбінесе қымызын ішүі керек. Жылқыларды шамадан тыс құртып, ақшаға айналдыру жолында ашкөз дүниекоңыз озырылыштан зардал шегуі біздің елдік тағдырымызға тіке әсері бар екенін ұғу керек. Мүмкін, қазақ кек бөрімен, жылқымен, аққумен тотем екені өз алдына, кіндігі бір халық шығар.

1.03. – 4.06.2013.

ҚАСЫМХАН БЕГМАНОВ. БАБАЛАР РУХЫН АҢСАУ

1. «*Агаларым-ай ардақты, екі дүниеде де сатпаған...*».

Қасымхан ақыны «Архивтерді актариш, оңашада жылармын» деп Ташкентпен қоштасқан құса сәтін таңбалаганда анық айтады. Бұл бір лирик бозбаланың студенттік думанды шағы өткен шаһармен қимай қоштасуы емес. Әңгіме ұлттық кеңістікті қамтиды. Жерден айрылудың зары. Әз-Жәнібек пен Керей хандардың тұсында қазақ пен өзбек айрылысқан, түбі бір болғанмен еншісі бөлек екі халыққа айналған. Қазақ өзбектен басқаны өз ағам демейді. Бірақ осы сөзді қең пейілі құдай дарытқан, шегі көрінбес дархан даласындағы аңқылдаған, жылқы тулығіндей текті мінезі бар қазақ емірене айтқан сайын өзбек теріс қарайтыны несі?! Шекаралар тікенекті һем алабакан. Кеңес заманы орнағанда Ташкент шаһары өзбектің иелігіне берілді. Атамекенің қимай жылаған қазақ ақынының ностальгиясы құса таңба басылып, өлмейтін жыр өлкесіне көшуі заңды:

Қап қойған арғы жағында,
шекара дейтін сзызықтың,
Моласығана болмаса, кешегі өткен шалдардың.
«Төрт қақпалы Түркістанға тағзым».

Қарғыс емес, шер мен қимастық. Тым болмаса оқығанда ішіміз оттай жаңып, күн түбіне жортқан бабаларымыздың асыл рухына тағзым етерміз. Қазақтығымыз бір өрекпіп басылар. Тенденсі жоқ бекзада халықпаз. Өзге ешбір ұлт пен ұлыста жоқ асыл қасиет де, антүрған бықсық міnez де қазақтың бір басында жетерлік. Тұптен қараса, адамзаттан озып шықкан таңдаулы ұлдарымен иық тірестіретін даналар дәл қазақтан туды.

«Қазақтың зарын айтты-ау» деп,
Мені де жоқтар, сағынар.
«Дүние».

Бұл ақынның отансұйгіштік концепциясы. Мақсат айқын. Мен өзімнен бөле алмадым Тұранды...

Мұстафа Шоқайдың асқақ рухын қазағына тірілткен, соған жан қинап, өзіндік үлесін мол қосқан Қасымхан Бегмановтың енбегі ұланғайыр екенін деректі фильмнен жазбай тануға болады. «Архивтерді актариш, оңашада жылармын» –

ақын тегін айтпаған екен, мұнда архивтің небір көкесі бар. Сондай-ақ, Қасымхан ақын өзі жырлағандай, «Ағаларым-ай ардақты, екі дүниеде де сатпаған...» – қазақтың бекзаттарын арқалану, ардақтау арқылы ұлттың өзін-өзі сақтау түйсігін күшейткісі бар. Деректі фильмде эмоциясы айқын тұстардың кездесетін сондықтан.

2011 жылдың жазы мен күзінде фильмнің тұсаукесері Алматы мен Астанада өтті. Фильм экранда 80 минут болғанмен, оның артында қыруар уақыт пен еңбек тұр. Автор айтып өткендей, 80 сағат түсірілімнен жинақталған, сұрыпталған. Қазақстанды қосқанда 8 мемлекеттің жерімен өткен экспедицияның сапарнамалық параптарын қоса қамтитын рухы биік дүние. Ерлерін ескермеген ел кеменгерді қайдан табады деп қайғырған Ілияс Жансұгировтың қанды қақпан 1937 жылғы наласын кейінгі жас ұрпақ жадтан шығарса болғаны, жат жанынан түнілмек түгіл, басына шығып, табанымен езіп-жанышп таптап өтуге әманда даяр.

Қасымхан Бегманов әлхиссасын, жол басын Мұстафа Шоқайдың туған жері Сыр бойындағы Шиелі, Наршоқы ауылынан бастайды. Кіндік Азия, Жерорта теңізі, Қап тауы, Стамбул, оның студенттік шағы өткен Санкт-Петербург, Батыс Европа. Автор ағынан жарылып айтқандай, осы мемлекеттерді аралап, Мұстафаның рухын іздегендеге Ресейде оны әлі күнге халық жауы, орыс халқына жау санайтын адамдар кездескен. Мұстафаның сүйікті жары, христиан дініндегі Мария Горина ұлты орыс. Қазақтың дегдарын Мария жан-тәнімен сүйген, өле-өлгенше марқұмға адал болған. Асыл жарының рухы өшпеуіне Мәриям ханымның сінірген енбегі ұшан-теңіз. Егер күйеуі өз ұлтының жауы болса оны қандай сәулесіз әйел болсын он қабылдамас еді. Өз халқының мұратын артық санағаны, сол жолда ғұмырын арнағаны үшін асып туған ер азamatты қас дүшпаны болсын лайық бағалауы парыз. Бұл туралы Қасымхан Бегманов былай дейді: «Мұстафа Шоқайдың жары Мәриям Шоқай жерленген Шель қаласындағы зиратында крест белгісі тұр. Оның ислам дінін қабылдағаны бекер, көбі қате айтады. Мәриям сүйген жарына адал берілген, саналы ғұмырын арнаған. Артқыға Мұстафадан жеткен дүниенің бәрінде Мәриям аpanың жанашырығы мен енбегі бар». Бұл фәниде қос аккудай жұбын бұзбай өткен ерлі-зайыпты екеуінің

отбасылық бақыты екінің біріне бұйырмаған. Сүйініш пен күйінште ол әрдайым ерінің қасынан табылған, ардақ тұтқан.

Қасымхан Бегманов жоба авторы, продюсері, деректі фильмнің сценарийін жазған һәм қоюшы режиссері.

Бас көнешшісі – тарих ғылымдарының докторы, профессор Мәмбет Қойгелді. Фильмде бірнеше жерде Мәмбет Қойгелді Мұстафа Шоқай туралы көкейкесті сөздерін қапысыз жеткізеді. Фалым ұлт азаматын сүйе білген жүрекпен, құжат арқылы сөйлейді: «Ұлттық мемлекеттің құрылуын жақтаған, барша түркі дүниесінің бірігін мұрат көрген Мұстафа болашақты ойлаған. Тектес халықтардың бірігі мемлекеттікін негізін сақтау екенін ол көрегендікпен дәл таныған». Тарихшы фалымның алаш арыстарына адалдығы, ұлттық идеяны мейлінше ұлықтауы біліктілігімен қабыса келуі көрерменін бейжай қалдырmas. Ол Мұстафа Шоқайдың фашистік концлагерьлерден қара жұмысшы құші ретінде пайдалану керек деген сылтаумен Германия үкіметінің басшылығына нақты хат жолдау арқылы тегі түркі мындаған тұтқынды ажалдан аман алып қалғанын айтқанда казактың көзіне жас келуі рас. Тегі адамзатты, отандастарын бауырым деп сүйген Мұстафаның осы қайраткерлігі кейіннен идеология майданында «Түркістан легионы» құрды деп айыптауга негіз болғаны шындық. Расында екінші дүниежүзілік соғыс бастала сала, небәрі жарты жыл өтер-өтпесте қайтыс болған Мұстафаның бұл жүйеге қандай қатысы бар?! Нағыз тарихшы болса, әсіре шовинистер генерал Власовтың жұмбағын зерттесе керек-ті.

Мұстафа Шоқай армандаған, өзі жеке заңын жаздырған Түркістан автономиясы уақытпен жаңғырғандай, жаңа мыңжылдыққа, уақыттың кетігіне онжылдық жетпей тұрғанда тәуелсіз Қазақстан Республикасының көк туы болып желбіреген. Міржақып, Ахмет, Әлихан, Мұстафа ансаған күн тарихта туды. Оның алаштық идеясын ұлттық қалпында қорғау парыз.

Кек бөрідейін көп Түрік, бөлінген кезде жан-жаққа,
Қазаққа қалған киелі,
қастерлі қара шанырақ.

Мұстафа Шоқайдың Парижде шығарған «Жас Түркістан» журналы фильмде ұдайы айтылуы деректерге сүйеніп,

жүйелі зерттеу арқылы сарапталады. Ақын ел үшін тұған ерлерді бағалайды:

Өзгеше туған асыл ер,
елімді алға бастайды.

Дихан Қамзабекұлы, Дархан Қыдырәлі сыңды жасғалымдар фильмге көнінен ат салысты.

Қасымхан фильмнің музыкасына тапсырыс беріп, жас композитор Арман Бексұлтанулына жаздырган. Экраннан дара туған ұлт перзентіне деген сағыныш әуен төгіледі. Онда қазақтың шалқар даласы мен күнбатыстың өркениетті қаласының рухы қос ішектей қатар құйлады.

Мұстафа Шокайдың әмбебаптың мемлекеттік жағдайда оның тарихи орындарда, батыс мемлекеттеріндегі биліктегі отырған азаматтармен, атап айтқанда, төтенше және өкілдегі елшілермен, қаланың мәрі, қоғам қайраткерлерімен жасайды. Шоқайтанудың соқтықпалы, соқпалы тар жол тайғақ кешуін Қасымхан ақын ешкімге қарайламай, өз бетінше жүріп өткені шын құрметке лайық. Оның жүгі қомақты болғаны сондай, ақын сиясы кеппеген осы деректі фильм аттас қос томын жарыққа шығармақша. Бұйырса, елін сүйер, ел бағына туған ерін сүйер қауымның қолдарына тиетін күн алыс емес.

Қаным қазақ, дүниетанымым дәстүрлі болғандықтан, Мұстафа атамыз (51 жасында қайтыс болған алаш арысын шал деу кисынға келмесе де) жерленген Берлин қаласындағы зиратта күзетші болып істейтін бір мұсылманның «Мына адамның қабірінен жарқыраған нұр көріп, тегін емесін ұқтым» дегені жүргегімде бекіп қалды, ерен риза сезім тудырды. Елі үшін ең қымбаты – өмірін арнаған адамдар Алланың ең сүйген құлдары еken-ay. Жалған да жарық дүниеде тұтынушылық пейілін ардак тұтатындар, соның үшін кияннаттан тайынбайтын сұмдар расында онбай адасушылар еken-ay! Мұхамед пайғамбардың өнегесі мен хадистерінің мазмұны биік адамшылық рухты қорғайды.

Қасымхан Бегмановтың туған жері Түркістан іргесіндегі Бабайқорған. Сол манға тиіп туған Шорнақ деген ауылда

«Елім-ай» әнінің бұзылмай сақталғаны туралы мәліметті композитор Илья Жақанов жазады.

Керуен де керуен ұзаган,

Бабаларыма жетермін.

«Төрт қақпала Түркістанға тағым» және «Ташкентпен қоштасу» – ақын шығармашылығында дербес тұрган, раджаның гаунарында жарқыраган элегиялық һем ода өлеңдер. Отанды суюдің шынайы үлгісі. Бұл расы анау тұлпар тұяқты, алтын қияқты бекзат жыраулардан жалғасқан ата қазақтың рухы.

Асанқайғыдай қайғыра алмастай жыр жаздық,

Ақтамберді мен Қазтуған шалға еліктеп.

Жаппай қалалық болудың түбі неге апарып соғарын кім білген?! Қөшпелі стихия мен отырықшылық әлемнің қарама-қайшылығы трагедиялық сарында суреттепелінүй шумерлік көне жыр «Гильгамештен» басталғаны рас. Бірақ казақ ұлтының алтын бесігі ауылдан шығудың бір құдіреті сол:

Адал сүт еміп ауылдан шыққан ұл едік.

Қасымхан Бегмановтың «Ташкентпен қоштасу» атты өлеңін қазақтың телегей-теніз білімді, мықты, жыры кеништі ақыны Қадір Мырза-Әлі поэтикалық құбылыс деп бағалап, оның тамырында бағзы дуалы ақындардың азуын айға білген толғауларларының жанартаудай жойқын жаратылысы жатқанын дәл таниды.

Алшандай басып алашордашыл осында жүрді-ау асылдар,

Асылдарымызды біздерден бөліп, түбіне тартты ғасырлар.

Алайда тіршіліктің өз талабы бар. Қор болмаудың, зор болудың құпиясы неде? «Ұлтымның рухы сен ешқашан қартайма» («Жесірлерін қаңғытып») – Қасымхан ақын мұның дуа екенін бек біліп айтады.

...Қала жаққа қарасам, көзіме жас толасың,

Қалай қыиқ кетермін Төлебидің моласын?!

Елеусіздеу жүрген бір ақыны едім даланың

Шерге толып өзегім кері аттанып барамын.

Қош, Ташкент, аяулым, көшімді артқа бұрамын,

Шайырлардан жайынды хат арқылы сұрармын.

Архивтерді ақтарып, онашада жылармын...

...Қайран Жиделібайсын – атамекен баяғы,

Байбөрі бабам жайлаған өлке саялы.

Сол түні мені әруақтар түгіл, жұлдызды аспан аяды.

Қалайша бұрын қайшылық барын сезбедім?!
Алпамыстай түп атам менің атасы бопты өзгенің.

Жайымды ұғар деймісін ұпайы түгел өзбегім...

«Қайран менің Еділім» деп жырлай жылайтын Қазтуған жыраудың заманындағы ноғайлының зары қазақтан әлі күнге арылмапты. Қазақтың атамекені кімге қалмаған. «Ташкентпен қоштасу» – қаны мен жаны қазақты бір сілкінтер. Тым құрыса «Айтпаса сөздің атасы өледі» дейді ғой, сөз атасы сақталсын. Көрі тарих нелер кепті көріп, мелшиген қалпы келеді. Атамекенді қазақтай аңсай беретін халық қайда бар? Жоғалтулардан көз ашпадық. Бұлардың жері неліктен кең дейтіндер әлі табыла бермек. Сондықтан рухы жасымаған іргелі ел болудың барлық қамы жасалуы керек.

2. «Біздің қазақ «абадан» деп қасқырдың көсемін айтады».

Ата жұртқа адалдықтан мынау дүние қор болмайды. Әлемді билеп-төстеген ірі этностар шықкан тегінің айбының өсірумен ғана алға баса беретінін бек ұғынып қойған. Ата-бабасының тарихи шежіресін қасиетті діни кітапқа айналдырып жіберген халықтар неткен мықты! Ақ дегені алғыс, қара дегені қарғыстан аумайды. Ендеше шежірешілдігі ешкімнен осал емес қазаққа өзін асыра сую қазір ерекше қажет.

Қасымхан Бегмановтың көкірегі сырға, білімге, иманға толы ақсақал, жазушы, этнограф Жағда Бабалықұлымен сыр-сұхбаты әдебиетіміздегі осы жанрға Құлагердей олжа салуымен құнды. Қас жүйрік рулы елге олжасалса, сөздің құдіретін дәл танитын қаламгер бір халықтың қазынасын шашау шығармайды. Сұхбат жанрының өзегінде Абай айтқан «Мұны жазған білген құл – / Ғұламаһи Дауани» – шын асыл сөздің құдіретін мойындау жатуы керек. Осы сұхбат бірер жыл бұрын «Ана тілі» газетіне шыққан сайын сүйсіне оқыған едім. Бұл дәстүр, салт, этнографияны түгендеуден бөлек мәдениеттану саласы үшін айтарлықтай үлес. Екеуара өрбіген иманжүзді әңгіме ұрпактың несібесіне асары даусыз. Өзін таныған халықтың күш-куаты, жігері тасиды. Ақын 90-нан асқан Жағда атасын жасарын жасаған көп шалдың бірі деп қарамайды, ұлken оқымысты, зиялды,

қазақтығында арлы қалыбы сынбаган, этнограф жазушы деп бек лайық бағалайды. Марқұм Жағда ағамыздан өмірден өтер шағында таспана жазылып алғынған, қазының қабырғасындағы қазыналы қерияның дер кезін өткізіп алмай, халық игілігі үшін қам қылған. Біз ұлттық этнография, мифология мен фольклор, аныз-ертең, жырлар, эпос пен жыраулар поэзиясы әулиенің сөзінде асқан құндылық екенін ұқсан сайын мәртебелі халыққа айнала бермекпіз. Бұл аксиома. «Алтынның қолда барда қадірі жок» деген ақиқат мақалды Қасымхан ақын елгезектене айналып өткен екен. «Алтын шыққан жерді белден қаз» демекші, рухани өситетті зердемен түйсіну осы емес пе! Қазақтың қандай шұрайлы сөз қоры, сол асыл байлықтың негізін ұқпай ит рәсуса қылған кейінгі жарымес сана, шұбарланған масқара тілмазақ, арзандаған, кер кеткен қайран кіслік. Жоғалтқан дегдарлығынмен қайта қауышу құдайшыл жанға ризық.

Жүріп өткен ір-қиыр жолдарым,
Мениң нәзік ғұмырнамам секілді.

Ақын бір өлеңінде өзі ағынан жарылғандай, «Қара өлеңнен қадірлі дос таппадым» десе де, мынау деректерді алған да, берген де олжаға батып, кос ғұмырнама қатар кесіліп, үйірімен үш тоғыздай айнала келе басқаларды да құр коймаган. Бұл сұхбаттың текстіндегі ұлтқа тән айшықты ұғым-түсініктер Кызы Жібектің көшіндей ажарлы болуымен баурайды.

«Біздің қазақ «абадан» деп қасқырдың көсемін айтады» деп ұрпақ санасына құяды Жағда атамыз көк бөрілгін ұмытуға шақ қалған, түркілік тотемін тым болмаса символ қылуға жарамаган қазаққа. Тұқымы өспейтін қардағы тенбіл барысты нышан қылып таңдаудан ғөрі үйірімен жүретін текті көк бөріні елдігімізге нышан қылсақ болар еді. Содан ұтылмас едік. Іргедегі екі ел бірі өзін аю, бірі өзін айдаһар атағанда, бізге, ежелден азұлы көкжал батырлары көп қазаққа неге туз тағысы көкше бөрі атанбасқа!

Расында қазақтың рухани сөз байлығына, фольклор, эпос, аныз, ертең, мифіне үзіле һем сүзіле қарап отырған қаны да, жаны да бетен, бірақ өзі дегенде өгіз қайда, жылан арбаушыдан бетер күші бар, рухы мықты, есебі түгел ақылды халықтар көкжиекте пайда болғалы қашан. Олар біздің құнарлы төл дүниемізді, әдеби корымызды әжетіне жаратпаққа төне жалаңдайды. Экранизация жасайды, сол

арқылы қазақтың түсіне кірмеген батпан пұл табады.

Қасымхан ақын «жазулы тұрған хатпен тең» асылзада көрісін неге тауып ала қойды? Алматы шәрінде қаламы құштілер аз емес. Мен бұл құпияның ұшығын оның «Әдеби орта» атты өлеңінен тапқан тәріздендім:

Бұл орта біздің ескермес кейде ұлысын,
Айтатын сөз бе, айтпаймын оны құрысын.
Алдымда кеткен сан толқындарға бас ием,
Қазақты сүйіп қалдырган асқақ жыры үшін.

«Әдеби орта» атты өлең бейтеге қосылған Қойлыбайдың қобызындағы сиқырлы һәм шындық құбылыс бол көрінді. Әркім бұл өлеңнен өзін дәп таниды. А.С.Пушкин айтпақшы, біреу өзін құлағынан, енді біреу тырнағынан таниды, ақын күншілдерге ызасы өткен соң айтса керек. Сыршыл лирика, субъективті әрі объективті, қайғылы әрі салтанатты, қалам ұстағандардың портреті, болмыс-бітімі биік пафоспен берілген. Өлеңнің эпиграфқа лайық тұстарын андамай қалмадым. Өкпе де бар, әрлік те бар, адамдық пен пенделіктің аражігі айқын ашылған. Сөз бағынан дәмелі әдеби ортаның құйып қойған шақ бейнесін ақын шебер, психологиялық анық суреттеуінде қапы жоқ! Бұл өлеңде біз тегіс бармыз. Кейіпкерміз бәріміз.

Әдеби орта айрылған талай тарланнан,
Қасқа жайсанған түседі еске барған ман.
Рухқа айналып том-том бол тураң сөреде,
Өткендерімен өздері мынау жалғаннан.

Жағда Бабалықұлы, тал бесіктен жер бесікке түсетін ажалды адам болып жаралған игі жақсымен ізгі сұхбат баршамызға үлгі болуға жазсын! Қалам ұстаған кауым, бір-бірімізді іздей жүрейік. Оқыық, таниық. Тасадан тас ататындарды қарғамасақ та, батыраштыққа өкірте барғызбай, жаман пиғылын қасиетті сөзбен тыялық. Егер біреуге ор қазсан, өзің түсерсің дегенді ол жадынан шығармасын. Тіршілігімізде бір-бірімізді шын бағаласақ ұл болып ұтар едік шынында. «Бірінді қазақ, бірің дос / Қөрмесен істің бәрі бос» деген хакім Абай өсietтіне адалдық танытқаны Қасымхан ақынға бекерге кетпес.

25.09.2011. / 6.10.2011.

«КӨЗГЕ ҰРЫНБАЙ ТҮРУШЫ МЕ ЕД / АЗ ХАЛЫҚТЫҢ ҮЛКЕН ҰЛЫ!». МҰСТАФА ШОҚАЙ ТУРАЛЫ

Қасымхан Бегмановтың «Мұстафа Шоқай жолымен» атты үлкен жобасы 2 жыл бұрын деректі фильм болып экранға шықты. Бұл жанр нар тұлғалар әлемінен иненің жасуындағы ештеңені қағыс қалдырымайтынбатыс әлемінде әбден кемеліне жетсе, біздің қазақ халқы үшін әр қылыш жанрда – фильм, кітап қылып бір мезгілде құнды жобаны жүзеге асыру тың дүние. Өйткені барын бағалап, ізгі жақсысын ардактауды болып-толған, кемеліне жетуге асық, өзгеден өктем немесе терезесі тен тұрғанды қадір тұтатын, парасаты озық, бөтеннің алдында жасымайтын мәдениетті елдер пір тұтады. Ірліктің айқын белгісі осы.

Тәуелсіздіктің бұл жанрдың гүлденуіне тікелей қатысы бар. Есі кірген ел өткенін іздейді деу бекерге айтылмаған. Неге іздейді?! Өзін-өзі зор тұтып, ұлықтау үшін, отансүйіштік рух зорая түсіу үшін, өзгеге құл, ниеті теріске жем болмауы үшін іздейді. Үрпақ жадын солай бекітеді. Бұл аксиома. Батыста қоғамға белгілі адамның өмір жолы мен қайраткерлік болмысына психологиялық, ғылыми тұрғыдан сараптама беру өнері ғылымға айналып, мейлінше дамып кеткен. Ендеше, баса айту керек, мұндай жоба Қазақстанда бұрын-соңды дәл осы формада болмаған сияқтанады. Тәуелсіздіктің арқасы. Барлық пен негіз, түп-тамыр, тектің мықтылығын, орнында бар оңаларын білдіреді. Үлтжандылықты асыратын руханият әлемінің жарығын сөндірмеудің игі істері үзілмей жалғасып тұруы керек.

Әлемде жер көлемі жағынан 9-шы орын алады деп танитын қазақ елі осындағы танымдық-рухтық жобаларға зәру және ықыласты болуы заңды құбылыс. Даңғазага, бір күндік ойын-сауыққа қыруар қаржыны аямай төтегін шоу бизнесінде аты жүріп тұрған мына заманда бұл сияқты тарихи-деректі жобаларға сұраныстан бұрын қаржы салу аз.

Мысалы, жасыратын несі бар, бұл жағынан бізден кеш ілгері тұрған орыс ағайын қас асылын бағалауда біздің қазақты 100 жыл бұрын-ақ артта қалдырып кеткен. Олар дерек танудан, ұлы адамдарын пір тұтудан әлі де өзгелерді оздырмай, қара үзіп келеді. Орыс жырының күні деп

сүйетін А.С. Пушкиннің жарық дүниеде өмір сурген 37 жыл ғұмырының әр күнін зерттеп жазып қойған деседі! Бұл үлгі алуға татитын, ізгілік пен сұлулықты, ар-иманның артықшылығын, қас үлгіні, классиканы лайықты танитын әрекет.

Құдайға шүкір, қазақы ортада өз нәсілінен шыққан ерен ерлердің есімін ұмытпау, кейінгі ұрпаққа үлгі, өнеге қылу ендігі заманда қайта жаңғырып, тәуелсіздік идеясымен бұрынғыдан бетер көркейетін болады.

Қасымхан ақынның «Мұстафа Шоқай жолымен» атты қос томдық енбекі соның бір айғағы. Қазақстан Жазушылар одағының мушелері туған өлкесінен шыққан мықты азаматтарды, қоғам қайраткерлері мен шығармашылық адамдарын осылай зерттеп, іздең, таным көкжиегін кеңейте беруге ат салыса, Қазақстан келешекте шын гүлденіп кетері анық. Рухы өскен елдің бағы жана бермек.

Сондықтан ақынның өлеңін жазып, кітаптарын шығарып жүре беретін, прозасын, драматургиясын ғана білетін басқа авторлардан үлкен айырмашылығы сол, оның елін сүйген данышпан ерді қастерлеудің бір соны үлгісін көрсетуі, тыннан түрән салуы болса керек.

Кітаптың алғысөзінде Стамбулдағы Мимар Синан Көркем өнер университетінің профессоры, шоқайтанушы қазақ ғалымы, тарих ғылымының докторы Әбдиуақап Қара қос томдық іргелі енбектің шоқайтануға қосылған үлкен үлес деп жазыпты.

Қазағы Мұстафа Шоқайды бүгін іздесе, ертең Әлихан Бекейханов, Ахмет Байтұрсынов, Халел Досмұхamedов, Әлімхан Ермеков сияқты алаштың біртуар азаматтарының жүріп өткен жерлерінің деректерін іздеу басталып кетсе, мұның тірілер үшін қажеті, пайдасы зор болмақшы. Бұл ұлы рухқа риясyz қызмет. Ақын-жазушыларға шығармашылығынан бөлек бірасыл мұратосы. Тіпті, өмірден өткен тұлғалар өз алдына, қасында тірі жүрген, замандас, тұлға-бітімі бөлек жандарды асыра неге бағаламасқа?! Әр буынның өз мықтылары бар. Ойландыратын, айрықша танымды идея. Өз халқының мандайы жарық адап ұлын ардақ тұту – кез келген мемлекет үшін маңызды іс, елдіктің іргесін бекіте түсумен тең құбылыс. Бұл оның әлеуметтік

жүгін қоса көтеруге ұқсан кетеді. Көбінесе жетілген, азуын айға білеген, мықты, ірі елдерге тән саяси, рухани үрдіс.

Мілlet үшін жанын қиған – жиылсын деп жат айлы,
Мен сені алғаш сонда ұққанмын!

«Ел аумасын қонысынан, тек көгімде тырна көшсін,
Мыңсайрамдар өз аспанын өзі ғана жырға қоссын!» .

Осы ой сені жатқызбапты –

Зар бар баста көген жайлы:

«Өз төрінде өзі қожа болсын халқым» деген кайғы.

Алаштың кейінгі ұлтшыл ақыны Светқали Нұржанов Мұстафа Шоқай руҳына арнап жыр жазды. Ол «Көзге ұрынбай тұруши ме ед Аз халықтың Үлкен ұлы!» деп елі үшін құресте шейіт болған айтулы Ер тұлғасын ардақтайды.

Қасымхан Бегманов Сыр бойының Шиелі ауданы, Наршоқыдан басталған зерттеу экспедициясын Парижге дейін жеткізеді. Ол Қазақстан, Өзбекстан, Грузия, Түркия, Германия, Франция мемлекеттері арқылы шығыс пен батыстық көктей өткен айшықты сапар. Автордың эмоциональдық көруі оқырман үшін мейлінше құнды. Та什кент түбіндегі Жиделібайсынға барған сапарында Алпамыс батырды, бағзы бабаларын еске алар тұсы, Мұстафа Шоқайдың зиратындағы жарық, т.б. бұл дүниені ақынның көруі болып табылады. Мұстафа Шоқай руҳын іздеу жобасы, қазак үшін ғана емес, күллі түркі халықтарының тенденсі, азаттығы, өсіп-өркендеуі үшін курескен айтулы Ердің аруағына тағзым, өткен мен бүгінді жалғау арқылы нақты фактілерге құрылыш жасалған. Экспедицияға қатысқан адамдардың баршасы дерлік жана әсерлер мен бөлек қазынаға бөленді.

Қасымхан Бегманов 1918 жылдан бергі мұрағаттардан Мұстафа Шоқайдың қайраткерлік қызметін, өмір дерегін жалықпай іздейді. Сол заманың тынысы оған Батуми, Та什кент, Тбилиси, Берлин, Париж тәрізді әлемге әйгілі әйдік астаналардың архивтері арқылы ашылады. Бұл ретте автор өзі қайраткер болуға бір табан жақын қалады. Іздеу миссиясы зор кемістікті қамтығаннан соң солай.

Мұстафа Шоқай Қасымхан Бегманов ашқан жұмбақ тұлға емес, ол бұрыннан талай зерттеу, дау-дамай мен көзқарастардың нысаны болған. Оған Совет үкіметі жапқан ен ауыр жала – Түркістан легионы туралы дақпырт. Ұлы Отан соғысы кезінде фашистік Германияға тұтқынға түскен

түркі тектес ұлттардан құрылған дивизия өз отанына сатқындық жасап, қарсы соғысты деген қаскөй айып болатын. Бала кезімде «Үлкен Түркістанның қүйреуі» атты кітапты детектив тәрізді қызыға оқығаным бар. Бірақ 30 жылдан аса уақыт өткен соң мазмұнын ұмыттым, кімді қалай кейіптейтіні жадымда қалмапты.

Мұстафа Шоқайды, нағашы атам Оразхан «Кекенай садақ тартты дуркіретіп» деп «Қалқаман-Мамыр» атты поэмасынан жатқа айтып, есімін сағынышпен атап, жаны қалмай жақсы көріп отыратын Шәкерім қажыны, алашордашыларды мектепте халық жауы деп үйретті. Халық жауы атанып, 1937 жылдың ызғарында барсакелмеске айдалып, анық өлімге үкім етілген, түрмеден оралмағанның бірі өз атам Кемелбай Насырханов болған соң, бала болсам да, сана түпкірімде олардан білместіктен құбыжық жасамаған, дүшпан санамаған сияқтымын. Атамның жаман адам болмағанын, аштық жылдарында көп адамға қайыр қылғанын, ауқатты тұрғандықтан жазықсыз ұсталғанын ақырын естімін фой.

Бұл кітаптың 2 томында легионға Мұстафаның каншалық қатысы барлығын сол кезде тұтқанға түскен жас қазақ жігіті, енді 92-ге жасы келген еңкейген қарт Әлім Алматтың өз аузынан Стамбулда жазып алған.

Кірпігіне жас қонақтап – тұрған талдай тұт ұялап,
Тек «пленде» болған шалдар сені айтатын құпиялап...

Светқали Нұржанов «Мінәжат» атты Мұстафа Шоқайдың аруағына бағыштаған өлеңіндегідей шындық бұл. Совет дәүірі өтті, жария кезенде, Түркия елінде тұрактап қалған, жасында концлагерьде өліммен талай тілдескен алаштың бір баласы, заманының құрбаны деуге де болмас, өзі катарлы қазақтың сайдың тасындај жігітерінен жастай өлгендерден көрер жарығы, ризық-несібесі артық болғаны рас.

Легион енді құрылмақ сәтте, шын мәнінде оның құрылудына қарсы болған, фашизм түркі халықтарына бостандық әпермесін білген көреген, саяси сауаты анық кеменгер Мұстафа Шоқай ауруханада жұмбақ жағдайда көз жұмған. Дүшпан қолынан каза болып, тіршіліктегі татар дәмі таусылған Мұстафа Шоқай ажал төсегінде жатып, өлім алдында Түркістан легионына еш қатысы болмайтыны айдан анық.

Софыс біткен соң туған еліне оралу маңдайына

жазылмаған осы бір қазақтың тағдыры бір фильм түсіруге татиды. Ол соғыста тұтқын болып, фашистік Германияны, батыс Еуропаны асқан шеберлігімен тәнті қылған, кейіннен сталиндік лагерьде ұзак жыл сottалып келген, Шынғыстау топырағынан шыққан, Абайдың аталас туысы Әйткеш Толғанбаев тәрізді скрипкашы болыпты. Семейлік ақын Мұратбек Оспановтың өнері асқан скрипкашының күгінде еткен өмірінен жазған поэмасы бар.

Тұтас бір экспедиция Мұстафа Шоқай туралы бұрын бейтаныс деректерді тынымсыз іздел табады. Қос томдық кітаптың негізгі құндылығы да осында. Әсіресе, мерзімді басылымды зерттейтін журналистер мен тарихшылар үшін бұл кітап таптырмас қор көзі.

ХХ ғасырдың басында тұтас әлем бөліске түсіп, аласапыран болып жатқанда қазақ халқының ел мен жер мүддесі үшін курескен, империялық аранға түсіп, қанауға ұшыраған Түркістан халықтарының сана-сезімін ояту үшін ұлт қайраткери болған Мұстафа Шоқайдың өмірінен хронологиялық деректерді автор Мысырдан керуен тартқандай тізіп алады. Жол-жөнекей басқа халықтар өкілінен қанша адам Мұстафа әлеміне тартылады. Ол сол уақытта орыс тілінде жазған сауатты қазақтың бірі. Заман соны талап еткен.

Кітаптағы Мұстафаның бейнесі аса биік деңгейде ашылған. Автор оған деген сүйіспеншілігін бір сәт жасырмайды. Оның кемел адам болғанын үнемі дәлел, факт арқылы айғақтайды. Мұстафандың адал жары, ұлты орыс Мария Горина ханым жаны кіршіксіз таза, Мұстафасын жанынан бетер сүйген, текті, ізгі жарапған жан. Кітаптағы Марияның бейнесі Мұстафага лайық, құдай оны биік ерге арнағы жаратқандай риясyz әсері бар.

Батумиде Мұстафа еki жұма тұрған екен. Сол үшін Қазақстан Республикасынан арнағы іздел келген экспедицияға сүйінішін Аджария білім, мәдениет және спорт министрі Матэроин Такидзе жасырмайтыны көп сырды аңғартпай ма!

Батумиде А.П.Чеховтан басқа, орыстың ұлы ақыны Сергей Есенин ғұмырының соңғы жылында 2 ай тұрған, «Парсы сарындары», тағы басқа керемет жыр циклін тудырған. Есенинге қатысты деректерді ақын айналып

өтпейді, мейлінше ықыласты жазады. Бір қызығы, біздің қазақ ақындарының бірталайы Есенинді тұған бауырында жан-жүргімен сүйеді, қастерлейді. Біздің ақындар Есенбай, Есенғали, Есенқұл десе де, көбінің есіне Есенин түсे кетеді. Есенин әдебиетте сүйікті бейнесін сомдаған Шаганэ – армян аруы екен. Қыскы қарға қамалған Батумидің кешінде танысып, жүргі сүйген қыз, ақын жырына жарық жұлдыздай жарқырап, образ болып қонбаганды жалғанның бір өткінші қонағы болып белгісіз қалар еді-ау.

Бұл кітапта еткен тарих пен қазіргі тарих ұштасып, астасып отырады. Бұған топ мүшелерінің Тбилиси сапарында Эдуард Шеварднадземен кездесуі күә. Ол Қасымхан Бегмановқа: «Мұстафа Шоқай – азаттық үшін алысқан ірі қайраткер. Ной Жордания грузин халқына қандай еңбек сінірсе, Мұстафа Шоқай тек қазақ халқы үшін емес, бүкіл түркі халқының мұддесі үшін басын бейгеге тіккені мәлім. Ол большевизмге қарсы құресті, біздің Кавказдың да тәуелсіздігін аңсады», – дейді.

Кітапта небір тағдырлар мен тұлғалар молынан қамтылған. Батумиде тұрған қазақ зиялдысы, қоғам қайраткері – «Қазақ жерін қоныс аудара келген қарашекпенділерге үlestіруге Мемлекеттік Дума мінберіне алғаш қарсылық көрсеткен Бақытжан Қаратаев», оның Әбілқайыр ханның тұқымы екенін автор құрметпен айтады. Баку сапарында қазақ газетін шығаруға қаржылай көмек берген Зейнел-Ғабиден Тағиев туралы дерек береді. Башқұрт халқының қайраткері Зәки Уәлиди Тоған, Осман қожа. Бұл ретте Ғұмар Қараштың есімі айтылады. Әзербайжанның алғашқы президенті Мамед Емин Расулзаде. Оның ұлы жер аударылып келгенде қазақ жерінде тұған, сол кісінің естелігі, репрессияның түркі текті ұлттарға жасаған жебір қиянаты. Қазақ жазушысы Хамза Абдуллиннің Түркістан комитетінде жұмыс істегені, өзінің ұстазы Мағжанды шәкірті болып ерекше сүйгені туралы деректер бар. Мұстафамен Парижде жолығысқаны, екі қазақ жат жерде бір-біріне сағынышын білдіріп, бауырмалдық танытқаны үшін артынша елге оралған соң үш әріптен қуғын көріп, жұмбақ жағдайда көз жұмған, қазақ әнін әлемге танытқан әйгілі Әміре Қашаубаев туралы деректі сол кездің тірі күәсі Әлім Алматтың айтуында беріледі. Оның ұрпағы түріктеніп кеткен, арғы бабасы Киікбай атты қазақ болған.

Расында тағдыр біздің қазақ баласын қай қиырға салмаған.

Ақындар қай заманда болсын құғынға ұшырайды. Қазіргі өзбектің көрнекті, ұлтжанды ақыны Мұхаммед Салихпен Қасымхан Бегманов Стамбулда 4 сағаттық кездесуі туралы шынайы деректер тебініреніске толы. «Өзбек өз ағам» десе казақ, бірнеше ғасыр бұрын, Өзбек ханның қол астында белініп кетпеген бір тұган мезеттерін айтқаны. Қазір қалайша көп құнарлы дүние құнын жоғалтып, азып, өзгеріп кетті, сол өкінішті.

Мұстафа Шоқай мұрат қылған Тұран идеясы түбінде тұбі бір түркінің туына айналатыны анық. Бұл туралы 2 томда былай дейді: «Мұстафа Шоқайдың идеясын қазіргі кезде Орта Азиядағы түркі мемлекеттерінің басшылары да қолдан отыр. Назарбаев та қолдаушылардың катарында. Дегенмен Мұстафа Шоқайдың идеясын толық іске асыру мүмкін емес. Заманымызға карай экономикалық немесе басқа да бірігу арқылы бірге бола аламыз. Біз қалай да бірігуге мәжбүрміз. Біздің тарихымыз, мәдениетіміз, діліміз бен дініміз бір».

Мұстафа Шоқай рухын іздеу сапарында жолай кездескен қаншама көрнекті адамдар, өткен тарих беттері, таңдаулылардың халқына көрсеткен ізгілікті қызметі бұл кітапта мәртебеге лайық. Жобаға тартылған көрнекті тарихшы ғалым Мәмбет Қойгелді кітапта келтірілген тарихи деректердің сараптаушысы да.

Жанры жағынан сан қылы, интервью-сұхбаттар, хаттар, құжаттар, ескі газеттерден дерек көздері – жылнамалар, ақынның элегиясы, жол сапар очеркі, тарихшылар мен қоғам қайраткерлерінің тарихи пікірлері, естеліктер, т.б. құнды деректер бұл кітаптың жаңды туынды, көтерер жүгі зор екендігіне күэ. Бұл кітаптан әлі талай тарихшылар дерек алады, көркем шығармаға астар болар тұстары да бар.

22.09.2013.

ӘУЕЗХАН ҚОДАР аударма жанрында

1. Аудармасыз күн жоқ.

Иоганн Вольфганг Гете «Әлем әдебиеті» деген таңғажайып ұғымды енгізелі бері 200 жылға жуықтады. Вавилон мұнарасынан соңғы адамзат нәсілі тілі сан алуан болғандықтан күн сөулесіндей ортақ болуға о баста құдай нәсіп еткен дүниежүзілік әдебиет аударма өнерінсіз айналған тарапмак түгілі, өркениет құндылықтары атымен зардал шегер еді. Адамзат руханияты шектелмеуін құдай хош көрмесе рухани алмасулар болмас та еді. Мын жерден ұлы әдебиеті бола тұра, әр халық тұйық су тәрізді бұйығы әм қалыс қалары айдан анық. Егер аударма құдіреті болмаса.

Аударма жанры әдебиет үшін орны мен маңызы, рөлі мен басымдығы дәуірлер озған сайын маңызды бола бермек. Қазіргі акпараттық кеңістіктер тегіс ашылып кеткен заманның да ұсынса қолы жетпестей болып жүрген бір кереметі осы – көркем аударма.

Көркем аударма құны ешқашан құлдиламайды, инфляция оған жат. Керісінше, ол неғұрлым қүшейген сайын мифтегі Атланттай алып тәрізді, қуаты зорайып есе бермек.

Қазақ әдебиетіне орыс тілінен әлемдік әдебиет туындылары аударыла басталғанына бірталай дәуір озды. Абай аударманы жаңғыртып, авторымен үндес, үзенгілес болды. Абай аударманы төл туынды қылу шеберіне айналды.

Қазіргі тәуелсіз Қазақстан үшін жаңа алап, тың турен болуға тиіс: әлемдік жетекші тілдерге қазақ әдебиеті шедеврлерін аударуды мемлекеттік іс, саясаттың бір ажырамас құрамы деп қарастыру мүддесі.

Өйткені тек шикізаты мол, халқы бір уыс, жері аса кең мемлекет ретінде әлемге танылып үлгерген байтақ еліміздің рухани қуаты ешкімге дес бермесін мынау тәкеппар әлем танып, білсе ғана шынайы құрметі оянады. Әйтпесе, материалдық байлығында май жинаған борсықша сора беретін жат пиғылдардан арылу жоқ.

Енді сірә, дүние,

Танисың ғой мені сен.

Тәкеппар ұлы дүние!

Қазақ деген – мен деймін.

Бұл Қасым Аманжолов. Кез келген халықтың әдебиеті сиртқа аудармасыз танылмақ емес.

Расында аударма өнері қазакта сынаржақты (дәлірегі, негізінен қазақ тіліне аударылған), ал ұлттық қазынаны қазақ тілінен басқа тілдерге – орыс, испан, ағылшын, үнді, француз, неміс, жапон, т.б. тәржімаламай көсегеміз еш көгермейді! Аударма өнері биік болмаса Махамбет, Абай, Қасым жырлары өзге халықтар үшін құны көк тиын. Олар қазақтар әншнейін өздерін мадақтай беретін шығар деп ойлады да қояды. Дереккे дүние бағынған.

Мәдениеті ұлы халықтар ғана рухы биік. Рухы биік болу – ешкімнің жетегінде кетпеу, құлдыққа жегілмеудің алғышарты.

Мәдени экспансия – көп халықтарды жасытып, ерік-жігерін, өмір сүрге беріктігін атымен құртып барады. Мұны алаш көсемі Ахмет Байтұрсынұлы: «Сөзі өлген халықтың өзі өледі» деп айқын түйіндейді.

Қазақ сөзі ерен көркем халық болған соң қас үлгі-шедевр шығармаларға кенде емес. Шығыс пен Батыс классикалық әдебиеті әлемді жауап алды. Бір кездегі құрылыштарды жауалаған мемлекеттер сияқты. Руханиятта зорлық болмайды. Руханиятта сананы жауалау өзгеше құбылыс.

Қазақ өркениеті ерекше сұлу, дүниетанымдық, гуманистік жаратылысы танғажайып құбылыс. Оны дүниежүзі халықтарына мейлінше таныту керек.

Ол құдірет құдай ондаса көркем аударма арқылы жасалады.

Қазақ тілінен орыс тіліне тіке аударатын әдебиетші қауым аз.

Өуезхан Қодар – Махамбет, Абай, Мағжан өлеңдерін аудару ісіне тер төкті.

Махамбет қаза тапқан 1945 жылы дүние есігін інгелап Абай ашқан. Абай қайтыс болған 1904 жылы бала Мағжан қазақ сөзі құдіретін бойына дарытқан ақындық тағдыр жолына қадам басты. Бір-бірімен сабактас, асыл өзегі бір үш алып ақынды Өуезхан Қодар тұлға мықты болмаса өтірік мойындауға баспайтын өр орыс әдебиетіне айқындауға бас қойды.

2. Махамбет жырлары орыс тілінде.

Әуезхан Қодар жыраулар поэзиясы қазақ халқы үшін «Таураг» – еврей халқыныңдні, әрі тарихы, әрі шежіресіндегі ата кітабына тең, нақты сондай қызмет атқарды деп жазды. Халықты сақтаушы, оның қызын-қыстау, екі талай замандарда рухын жоғалтпай аман қалуына себепкер құдірет қазақ үшін жыраулар поэзиясы деп терең бағалады!

Махамбет – ногайлының Қазтуған, Доспамбет, Шалгез, Жиембет, Марқаска, Ақтанбердіден бергі Үмбетей, Бұқар жыраулардың алтын тұғыры. Жыраулар шындықты тіліп айту үшін туған, хан алдында да, қара алдында да. Махамбет ұлы дәстүрді жалғады.

Әуезхан Махамбет жырау тұлғасын объективті биік бағалап, оның оты жырларын ол курескен империя – ақ патша жұртының мұрагері – ойлы да ғаділ ұлдарының жүргөнге шоқ түсіру үшін аударады:

Я читм был всеми, громко чтим,
Когда в Нарыне обитал,
Я был и славен, и любим.
Когда был жив мой Исатай,
Как волки в бой мы рвались с ним.
Кто что-то мог сказать в упор?
Я дорог людям до сих пор!

Махамбеттің «Баймагамбет сұлтанға айтқаны» – бұл асқақ жырды ісі қазақ біледі:

Мен – мен едім, мен едім!
Мен Нарында жүргенде
Еніреп жүрген ер едім.
Исатайдың барында
Екі тарлан бөрі едім.

Күрескер ақындар ғадетте жасы 30-40 арасында өлімге үкім етілген жауынгер халық, олар өз халқының тәуелсіздігі үшін құресте қаза табуға жаралған, мысалы, Шандор Петефи. Махамбет жырауды аудару – Әуезхан Қодар үшін бабалардан жеткен аманат.

Был львом рычащим Исатай.

Махамбет Исатайды ерекше дәріптейді, әлемдік поэзияда үзенгілес жолдасын, жорықтарда жауга бірге жүрген қас батыр досын, ту көтерген көсемін осыншалық сүйіспеншілікпен жырлаған екінші бір ақынды мен

білмеймін! Махамбеттің жарқыраған темірқазық жүлдзызын қазақтан өзге халық білсін, көрсін, ұқсын деп аудармашы құдықпен ине қазғандай мекнантты тірлікті қолға алса керек.

Мальчонкой рос я у него,
Нет никого с тех пор родней.
Был предо мной он как гора,
Я шел за ним с любовью всей.
Ты – хан, вельможа из вельмож,
Но Исатая ты не трожь!

Әлем әдебиеті мұндай өткір жырды білмейді. Қасқайып тұрып сұлтанға қарсы сөйлеу екінің біріне бұйырмас жойқын күш. Махамбетті өзге халыққа таныту қазақтың ержүрек халық екенін, шындықтан тайсалмас ұлы рухын танытар, елі үшін еніреген ерлері көп нағыз халық екенін таныту.

Я прячусь в степи как карсак,
Скитаюсь без крова и пищи.
Исатай-Махамбет көтерілісі тегін кеткен жоқ. Ол рух – қазақ халқын ойсырата жойып жібере жаздаған кейінгі қолдан жасалған аштық – миллиондаған құрбандарға әкелген Голощекиндік геноцидте, елдің тұп тамыры бүтін қалуына әкелді. Ақындық миссия елді аман сақтау екенін бүгінгі мәнгүрт кеп киген тоғышар қоғам білуі тиіс.

3. Әуезхан Қодар –Абайды аударған ақын.

«Абай. Избранное» атты кітап 1996 жылы жарыққа шықты. Қолыма тиғен сәтте Абайды аударған адамның жүргегінің түрі бар шығар деп ойладым. Неліктен?

Абайды түбі әлем халықтары, бұйырса, тұпнұсқасында окуға талпынатын болады. Абай – аударылуға көнбейтін күрделі асau ақын. Өйткені қазақ тілінің телегей теңіз мол қоры Абайдың нұрлы кейде зәрлі сөзінде түгел жасырулы. Абай – ұлттық код.

Абай – өзге тілге он аударылмақ түгілі, қаны қазақ ересі жете бермес жұмбак құбылыс. Бір оқыған соң іс бітпейді. Абайды екі, үш, төрт... он оқы мейлі, оқыған сайын тұма бұлак сүйндай таза, таңғажайып, мағынасы терең, жалынан ұстапайтын пайғамбарлыққа тән бір керемет жаратылысты мойындаисың. Япирау, өткенде оқығанда, мына өленді дұрыс қабылдамаптын ғой деп таң қалуың ұласа береді. Сондай Абайды, қазақ жарытып ұқпаған алып ақынды

орысқа ұқтыру бұл не азап? Тантал азабы емес пе?

Жоқ. Әуезхан Қодар Абайды аударуға ерен мүдделі. Себебі, оған дейінгі ұлты басқа ақындардың біразы Абайды түсінбей-ақ аударған. Оның мәнісі мынау: жолма-жол аударылған шикілі-пісілі қолжазбаны өңдеу үрдісі.

Абайды ғұмыр бойы оқи берсең таусылмайсың. Әуезхан Абайға нақ осы қырынан келердей. Әуезхан Қодардан соң да Абайды сан алуан сүйген жұрт аударады әлі. Бірақ қазақшадан тіке аударудың киыншылығын ол бастан берді.

«Жағытұры»:

Көл жағалай мамырлап қу менен қаз,
Жұмыртқа іздеп, жүгіріп балалар мәз.
Ұшқыр атпен зырлатып тастағанды
Жарқ-жүрк етіп ілінер көк дауыл баз.
Құс қатарлап байлаған қанжығаға
Қызы бүрандап жабысып, қылады наз.
Әуезхан түпнұсқадан алшақ кетпейді:
Гуси, лебеди здесь, величавы, царят,
Птичий яйца влекут стайки шумных ребят.
Если сокола пустишь с коня на скаку,
Он в мгновение ока рад жертву подмять.
Дева, ластясь к тебе, тянет руки к седлу,
Где добыча твоя приторочена в ряд.

Өлең динамикасы, суреті, психологиялық болмысы, мінезі сақталған. Аудармашы «қанжығаға» деген қазақы ұғымға тән, ұлттық бояуы күшті сөзді «к седлу» – «аттың ерімен» ауыстыруы үйлесімді.

Осы өлең түпнұсқамен дәл түсуімен қанық.

Әуезхан «Из пейзажной лирики» деп алып, Абайдың табиғат лирикасын тегіс сүйіспеншілікпен аударған. Ал «Аттың сыны», «Қансонарда бүркітші шығады аңға» тәрізді екінің бірінің тісі бата бермейтін суреткерлік шыны – керемет өлеңдерді аудару үшін ұлкен шеберлік талап етілмек. Әуезхан Қодар Абайды орыс тілді аудиторияға қазақ ұялмайтын қылып ұсынды.

Махаббат лирикасын аударғанда түпнұсқалық сөule орыс тіліне жоғалмай жетеді. «Қызы сөзі», «Жігіт сөзі» – Абай таңғажайып лирик қана емес, «Ұлы сөзде ұтттық жоқ» деп дүние танитын қазақ халқының өз менталитетінен алынған шоқ жырлары. Әуезхан Қодар бейнелей айтсак,

қазақ киіз үйінде маздаған сол шоқты өшіріп алмай, орыс избушкасының пешіне салады. Ал оның Сергей Есенин туған қасиетті шаңырақ екенін ұмытпайық! Шоқты сөндірмей апарар жол қаншалық шытырман екені оқырман атаулының миына кіріп те шықпайды! Міне, аударма жанрының бір құпиясы!

Әуезхан Қодар Абай аудармаларына ден қойған соң, оны академиялық еңбек жасауды өзіне парыз санайды. Комментарии – түсініктемелер соның айғагы. Бұл ретте оның нағызы мәдениеттанушы, әдебиеттанушы ғалымдығы нақты көрініс тапқан.

4. **Мағжан әлемі.**

Мұхтар Әуезов биік бағалаған Мағжан Жұмабаев өлеңдерін қазақ тілінен аудару мәртебесі зор. Сондықтан қазақ ақындары бұл іске құлшыныспен кіріседі.

«Мағжан Жұмабаев. Пророк» атты жинақты Москвандың «Русская книга» баспасынан орыс тілінде жазатын белгілі ақын Бақытжан Қанапьянов 2003 жылы өзі 2002 жылы «Жібек жолы» баспасы шығарған нұсқасымен қайта басып шығарды. Мағжанның 110 жылдығына орай. Бұл жинақ – ұжымдық жинақ. Мағжанның 7 өлеңін Бақытжан Қанапьянов аударған, қалғанын тегіс басқа орыс ақындары жолма-жол аударма арқылы аударған.

Әуезхан Қодар «Мағжан. Избранное» атты жыр жинағын 2006 жылы Москвандың «Русский раритет» баспасынан шығарды. Жинақтағы 72 өлеңді Әуезхан Қодар аударған, ал біраз өлеңдер басқа ақындардың қолтаңбасы.

Мағжанның қуаты тасыған, этностық рухы азуын айға білеген атақты «Түркістан» атты өлеңін Әуезхан Қодар былай аударған:

О Туркестан – граница двух миров!
Ты – колыбель для нас, твоих сынов!
Ты избран Тенгри как Отчизна тюрков,
Храбейших в битвах, словно стая львов!

Столетья прежде, иль в седую рань,
Не Туркестан ты звался, а Туран.
Здесь наши предки пребывали вечно,
Отсюда всюду простирая длань.
Мағжанда «Түркістан» – біздің ел-жүрт тарихы, ода,

шаттық жыры 27 шумақтан тұрса, аудармашы оның 13 шумағын іріктең, таңдал аударған. Оның мәнісі неде екенін Әуезхан Қодардың өзі біледі. Мүмкін, бұл жырды аударудың оңай еместігінде ме?!

Алайда, 1937-1938 жылдары қанды репрессия құрбаны болып атылар алдында Мағжан Махамбет бабасындағы адамзат нәсіліне қас, ібіліс жайлайған озбыр жүйеге қасқайып қарап, артқы ұрпаққа өлмес рухын қалдырып кетті. Сол қасапты-қанды 1937 жыл репрессиясында нақақ атылған Арқадағы бір қазақтың туған немересі ретінде мен бұл жырдың құресекерлік рухын жүргіммен сүйіп қабылдаймын.

Алдыңғы аталған жинақта «Түркістан» атты өлеңді Б. Жылқыбаев аударған. Ол Мағжанның 27 шумағының 25-ін аударған. Екі аударма да құнды, сапалы. Қазақ сөзі мәртебесін осы тектес вариациялар асыра бермегіне дау жоқ.

Мағжанға Әуезхан ерекше шабытпен келгенін кітапты оқыған адам тез аңғарады. Аударма өнерінде алынбас асулар бары айдан анық, бұл жинақ одан да құр алақан болмауы айқын. Әуезхан Қодардың аудармашылық қайраткерлігі жеке-дара зерттеу нысанына айналары айқын.

Қазақтың үш таңдаулы ұлы – Махамбет, Абай, Мағжанды аудару мәртебесі маңдайдағы бақпен тен. Мұндай білікті, тайпалған жорғадай маман, шебер, ықыласты аудармашыға тапсырысты мемлекет өзі беруі тиіс. Өйткені, мәдениет – мемлекет ісі.

Жолма-жол аударма көбінесе ақша құшімен жасалса, тіке аударма жүрек қанымен жасалары даусыз. Бұл жайтты да ескерген жөн.

Болашакта маған Әуезхан Қодар – Мұқағали мен Жұматайды аударатын тәрізденеді. Қазақ әдебиеті қоржынында аударма жанры тоқ болуы біздің саусақпен санарлық мықты мамандарымызға байланысты.

БАУЫРЖАН ЖАҚЫП: «ХАЛҚЫНА БАР АСЫЛЫН БЕРЕДІ ҰЛДАР...»

Бауыржан жырларында кібіртіктеу немесе постмодерн деген сұлтаумен беймағына шоқырақтау, сандырақ жоқ. Ол кең сахарарада еркінше көсілетін ұлттық дүниетанымнан айнымайтын ақын. Жаңа заманғы өлең өрісін ол бір ақындай біледі.

*Жай – қамышымен сұр аспан тартып қалып,
Бұлт ішегі бұлттың кемсөндеген.*

«Бұлтты жұбату» атты өлеңі ұлттық сипатта өріліп, Тютчев, Лермонтов дәстүрінде казақы қалыбымен бұлғақтайды. Бауыржанның лирикасының өзегін табиғат, туган жер және азаматтық жыр құрайды. Тың, тосын теңеулер, жыр әлемінде метафоралар қайталанса да қаймағы қалың бейнелеуден ақын кенде емес. Бауыржанның Ертісі ерке, балық ерін өзен.

Төсінен көктің төменге /Төгіледі-ай кеп ырыздық.

Жұынып жуса белеңде, /Жұтады ылғал қымыздық.

Ақ селеу – сәні қыр, белдің, /Тояттап басын шайқаған.

Тәтті үіске әтір-гүлдердің / Құтысы толып қайтадан.

«Несер». Ақ селеу – қыр төсін теңіздей ырғалтып өсетін шөп. Бұл атаудың ұлттық ұғымға тым жақындығын, шежірелі елдің атрибуты екенін даланың адаптациясын да анықтайды. Бауыржан ақындығында өз баласына қойған айшықты есімінен де аңғару қын емес.

Бауыржанда өтірік көз жасы жоқ, жас балаша таңырқау мен масайрау қайғы-мұнды көміп кететіні бар. Өлең ыргагына жасанды нәрсені жүқанадай болсын жолатқысы жоқ төрізді. Арқаның сауырында өскен баланың континенттік қоныржай ая-райын сүйіп суреттей беретіні рас. Табиғат пен жыл мезгілдерін көп жырлаған қазіргі қазақ ақындарының бірі. Мұнда емірсүйіштік сарын ұstem. Бауыржанның күні де, түні де, таңы да ақ həm ару болатыны содан болса керек.

Тамшылар, толқындар, нәсер, ұлттық ақын сан алудан сұлулығымен көреді. Бауыржан Жакып ұлтқа ода жазған. Қазақ болып туган соң ақын кездардың қаңқылынан ұлттардың жазған жазуын оқиды, содан халқының шежіресін ұгады. Негізінде осынау әсіре тәрізденер

поэтикалық суретте ақиқат шындыктың нәрі бар, ғылым күә: әлем жадына жазылатын ақпарат атаулы су тамшыларында болады еken. Су – дерек сақтаушы табиғи қордың көзі. Ал көктегі бұлт – су тасуши, судың алтын ордасы ғой. Адамның өзі тегіс дерлік судан тұрады. Ақын жаңы тіршілік көзі суды риясыз сүйеді: «Су да – кен ғой» десе, «Судың да сұрауы бар» дегенді көшіп-қонған ұлы бабасы айтқан. Оның көшпелі бұлты төрт түлікпен кейіптелген: «аруана-бұлт», «Шөкімдей ақ бұлт – менің жырым деп ойлагын», періште-бұлт, жыр-бұлт, бұйра бас бұлт, бұлт-ойларым, бұлт өртенді, бәдәгу бұлттар көші, «Ақ бұлттан кигізіп ті далам бөрік», «Қорғасын бұлттын балқыған», «Қара бұлт – қара сәйгүлік тауга қонағы», «Ақша бұлт сонау атпақ ән», найзагай төпей қамшылаған құлын бұлт, «Тұннің алтын кебісі – Айды үргалды қара бұлт». Қазақ ертегілерінде алтын құйрық құлынды ұрлайтын қара күш жадымыздан өшпейтіні рас. Фольклорлық санасты терең халықтар әлемде аз қалды. Өлеңнен айрылғанның бәрі есептіреп, материалдық күл дүниенің шырмауықтай торына әбден тұтылған, өзін жогалтқан.

Жыраулар поэзиясынан мәлім: Шалқиіз жырау «Шагырмақ бұлт жай тастар» деп рух шақырады. Бұл тылсым дүниенің қозғаушы күші көктен екенін анық танытатын, көркемдігі тәндесі жоқ образ. Әмірді астан-кестен ететін құдіретті құштің символы – аспанды торлаған шағырмақ бұлт. Жарқылдаپ, жапан дүниені тітірептің жай отын тастар шағырмақ бұлт – құдайдың құдіретінің кенеттен басатын тұспалын аңдататын аса биік поэтикалық образ. Жыраулар поэзиясының кие қонған асыл рухы бір жолынан-ақ танылмақ, онда тұнып тұрған азаттық пен күрес рухы бар.

Абай дәстүрі баршага ортақ. «Еліккөрген» – марапаты асқан жас поэзияға тағзым. Оқыған сәтте өлеңнің пірін іздел жазылғандай көрінді. Ол келесі бір өлеңінде осы сарын, Еліккөрген, өлеңтөбенің рухын аңсайды: «Кіндігін өлеңімнің тауым кесіп, / Самалмен тербетеді ауыл-бесік». Таудың құдіреті ерекше, яғни, биіктік, жан биігін сүйетін рух. Бір толқын замандас ақындардың кескін-келбеті, даралығы бар. «Еліккөрген» – сол 1980 жылдар басындағы буынның рухани тазалығындағы, ересейсе де алтын бесік ауылдан, узыннан жарып шыққан қазақтығының ақ сүті еріндерінен

арылмағандай әсер етеді. Олар романтик, ана тілінен макұрым адасқан ұрпак еместігімен баурайды. Сондықтан арада отыз жыл аунағанда бұл өлең ностальгия тәрізді оқылады. Сол достар ішінде 40-тан аса ерте о дүниелік болған ақындар бар. Олардың тірі күнінде-ақ ақынды сағымдай толқыған сағыныш буганы бекер болмапты. Адамғапыл болған соң.

*Журегім сағыныштан кетті езіліп,
Достарым қайда жүрсің Еліккөрген.*

Бауыржан Жақып – қыр баласы. Оның өлеңдерінде «Бірде ұршығын iip елестесе, / Бірде тоқып көрінер алашасын» әжесінің бейнесі ерен сағынышпен, балалық балдай тұнды сезіммен, сүйіспеншілкпен жарқырайды. Бесік жырын тындалап, узынан жарып өскен жылқылы ауыл баласының көзі қырағы, көкірегі сау. Танымы қазақтан қисық өскен, томырық өзімшілдіктен аспас қаланың боз өкпе шалақазақ баласы емес. Қала баласында бауырмалдық, қазақтық даркан мінез сирек болатыны аңы шындық.

Ауылда өскениң басындағы бағында көретін Бауыржанның әжесі қолынан ұршығын тастанмайтын, құрт қайнайтын, қазы-қарта, жал-жая пісетін ырысты қара қазаны оттан түспейтін, алаша тоқып отыратын, тұла бойы тұнған мейірім, аналық ақ ниеті кіршік шалмаған. Қазақтың анасы солай болады.

Бауыржанның «Қолтаңба» атты өлеңінде өмірден өтіп кеткен, аруаққа айналған ата-бабасына тағзым бар. Мұнда ақын өз әжесінің бейнесі арқылы исі қазақтың асыл текті өжелерін суреттей алғаны айдан анық. «Жан әжем, сенің баурыңда, / Тыңдаадым қазақ өлеңін», «Өмір сүрген бір менің бағым үшін, / Әже, әже – мәңгілік сағынышым» – ол үлкен шешенің мейірімі, жан жылуы жадында ғұмыр бойы өшпестей болып тұнған балалық шағындағы, тұрмыс-салтты айнытпай көшірген суретке жан салады. Бұл қазақ ұлтының тұтас психологиялық портреті. Ата-бабасын, өскен ұясын, түп-тұқияның ұмытқан қазақ тегінде қазақ емес, қаны бөтен біреу, әлдекім. Нағыз қазақтықтың коды міне:

*...Келешек бізді күтті алдан,
Келмеске сәби кетті күн.
Сол кездे сықпа құрттарда,
Қолтаңбаң барын білмеппін.*

*Құртыңды аңсан жсаныммен,
Қолтаңбасын мен сағындым –
Аялы алақаның мен,
Салалы саусақтарыңның.*

Ең кереметі, бұл өлең тек Бауыржанның қаламынан шықкан жырга ұқсамайды. Оның авторы мына сіз, мына біз. Со замат о дүниелік болған ұлы әжелерімізді сағынамыз, көбін көзімізбен көрмесек те, құлағымыз естіген қайталанбас есімдері сұлулыққа оранып көкейімізге оралады: «Өлінің бәрі тірілген, /Асыл сөз төгіл тілімнен» («Қайрау») дейді бір жырында ақынның өзі, сол айтпақшы, әже десе, мениң есіме оралатын Нұржан, Балдай, Шәкім, Кенжеганым – үлкен шешелерім. Бауыржанның өлеңі есіме сол ардақты аналарымның нұрлы бейнесін салуымен құнды. «Сендердегі қазақы қасиеттер / Қалар ма еken қалтқысыз маган дарын?» («Ақсакалдарды аңсау»). Олардың қазақы мінезінің бір бояуын еншілесек, бағымыз қайтпағаны. Ал сол асыл әжелерімізге, аталарымызға мұлде ұқсамай шықсак, онда құдай шындалп атқаны деп білемін. «Жұлдызды аспан көрпедей әжем жатқан» – Бауыржан біздің ұлтқа ежелден тән мейірімді ардақ тұтса, ол соған лайық болғаны. Қазақ аяғы жерде тұрганмен көк жүзіне жиі телміретін, тәңір құтын көңілі аласұрып іздей беретін діндарлығы табиғи халық. Бірақ оның діндарлығы басқа халықтарға мұлдем ұқсамайды. Қазактың ұлттық санасы «Көк пен жерді байқастап» космогониялық сана болып қалыптасуы шынайы құтты білік құдайшылдығынан.

*Көмейден токкен көркем үн,
Сен айтқан аңыз, ертегің,
Білмептің сол кез, шіркін-ай,
Ертеңім еken, ертеңім.*

Бауыржан «Әжемнің шырағы» атты өлеңінде өсер баланың бағы әжелердің бесік жырында, ертегі-өлеңінде екенін анық айтса, бұл елдіктің, тектіліктің қасиеті һәм қастерлі мұрасы. Қазіргі жаһанданған сана асылын жоғалтып алған соң азған қоғамның рухы төмен құлдилап, бәңгі күйге ұрынған. Сөз киесін ұмытқан соң солай.

Дала поэтикасы Бауыржанда мол, сондықтан ақын кейір өлеңдерінде табиғатты бейнелеуінде қайталауға ұрынуы занды. Бірақ бұл оның перзенттік болмысының

шынайылығынан болса керек. Адам жадында тұнған бейнелерді әсте қимайды, көркіті әннің қайырмасындей еміренеді. Ақынның сондай бір айшықты өлеңі – «Қынаның монологы», жаратылыштың әрбір құбылышын сую. Қойтастың бетіне шықкан қына мынау дүниенің сән-салтанаты:

*Қынамын, мен – қынамын!
Қойтасқа өрлем шығамын.
Жабысып жартас басына
Қайызгактансын тұрамын.
Қабырақтанған бетімді
Ай нұрына жуамын.
Бояуы бар не түрлі
Күн нұрына жуамын.
Желмаядай жеселіп кеп,
Жел келіп мені өбеді.*

Ежелгі қазақ санасындей айқын. Толгаудай көркем. Ертегідей сұлу һәм қарапайым жыр. Қазақ баласы осы текстес жаңы жұмсақ бейбіт өлеңмен өсуі керек. Бұл ретте бесік жырының сарынына, ертегінің ұйқасына ұқсайтынығажап: «Әлди-әлди бөпем-ау», «Ерте, ерте ертеде, /Құйрық жүні бөртеде...». Бауыржанның желмаясы Корқытты һәм Асанқайғының сағымдай бейнесін жадымызда тірілтеді. Бұлар әлемді сактар сұлулықты кие тұтқан, ізгілік ансаған әулие жүрек иелері. Тұнғиығынан тартса тас бетіне өскен қынада қобыз сарын бар: «*Бота-қобызы киелім / Неге сонша боздадың?*» («Қобызы сарыны»). Қисын қайсы дер?! «*Қашсаңдағы өлімнен*» – бұл Корқыт баба образы, анызда ол қобызын желмаясының мойын терісінен жасаған дейді. Бауыржан жырларында жалған құсаның ізі жоқ. Кейбір жоқ қайғының өзін қайдағыдан қазып алғыш ақындарда бұл қасиет ырымға жоқ.

«Мениң далам». Қазақ әлемінің флорасы мен фаунасын тегіс камтитын отансүйгіштік рухтағы зоологиялық өлең. Оқып отырғанда жан сүйсінтетін бір құпия болатыны, адам жаратылышы табиғатқа телі. Оның аң-құсы, өсімдігі өлмесе, адамзат нәсілі өлмейді. Табиғатқа қазылған ор, жан-жануардың тұқымын тұздай құрттар көр – бұл адамзаттың түбі өзі өкіріп келіп құлайтын қара көрі. Ертеде «қара» сөзі үлкен, ұлы деген мағынада қолданылғанын ескерсек, бұл

көрдің көлемі дәңгеленген жер бетін тегіс қамтуы тиіс. Эсхатологиялық діни ұфымда акырзаман.

Алтайдан кең косілген Атырауга

Сүйемін мен даламды жсан-тәніммен.

«Санаған бабам итті құт» – казак үшін ит – жеті қазынаның бірі. Сергей Есениннен бері болмаса да ақындар ит ғұмырды қарғайды. «Қусуіек ит қу сүйекті кеміріп», келімсек жұрт салтанат құра беретін қалаға көндіксе де бекзат қазақтығын қимай, ұлттық дәстүрге беріктігін ауылға деген басылмас сағынышпен бейнелейтін Бауыржан зарзаман ақындарынан бері қазақта астарлы болып кездесе беретін урбандалған өмірге қарсылығын «Ит туралы баллада» атты өлеңінде берген. Өйткені ол адамдарға деген мейірім мен сағынышты уағыздайтын ақын: «Кәрлен кесе», «Ұста шал», «Сыр айдаған шал», «Ескі арба», т.б. Бұл сарын оның өзі өмірінің жалғасы болып табылатын әкесіне арнаған толғау жырларында айдан анық берілген. Ата есietі мен бала жолы жалғасады.

Ақынның жан азабы, зары, азаматтық қасіреті – Дегелен полигоны. Тері африкалық студент Қазақстанның басқа жерінің атауын жадында сактамауы мүмкін, бірақ Семей десе: «О, о, полигон!» деп дереу даусын созып, білетінін айтып шыға келеді. Бұл құсалы тақырып Бауыржан Жақыптың ««Омар қой соған» бұлағы» атты балладада әсіре айқайсыз қоныр мұнбен берілсе; «Қоныр үйрек»: «Өн-бойы сәулеленген қоңыр үйрек, / Өлсе де, туган көлге сұңғіп өлер», атом тажалдың қөзге көрінбейтін сиқырын ұқтырады; «Атыңнан айналайын Абыралым» – Тәттімбет күйші, Әміре әнші, Төлеужан ақын туған құт мекенді құрбандыққа шалу; қобызын бөлек бір атқа артып жүретін, «Телміріп теңдігі жоқ ел болған кез» деп шер төккен, Дулат, Шортанбай, Мұратпен заманы бір Жанак ақын туған бұл өлкеде әлі талай таланттар туады, бірақ сол құтты өлкенің жаратылыс корын, тіршілік қөзін, көшпелі бабаларым қылдай киянат жасамаған ұлы даламызды отарлау арқылы қанатынан қайырып, «Қуарған шөп, тамбай қоктің құсары. / Зәр секілді, у секілді қәдімгі / Гүл атаулы сап-сары.../ Шыңғыстауда жастыр мазар сазарып..» – улап кеткен қарғыс атқыр, мұхиттың аргы жағымен аңдысқан қу саясатты астыртын айыптайды. Абыралы – казак халқының есімін әлем таныған біртуар үш бірдей ұлы: Қаныш Сәтбаев, Ебіней Бөкетов, Ермұқан

Бекмаханов туралы деректі ғұмырбаяндық романдарды Мәскеудің «Тамаша адамдар өмірі» атты сериясымен шығарған жазушы Медеу Сәрсекенің туған елі.

Бауыржан полигон қайғысын «Жан дауысы» атты кең тынысты эпикалық поэмасында елін сүйген ұлдың үні мен құсадан тіл біткен жер, су, жел, тоғай, тау арқылы береді. «Сөз десе ішкен асын жерге қойған, / Өлеңін олтірмейтін ұлы ел қалды» – Шыңғыстау, Абыралыдай құт мекенін ол артық туған ұлдарының өшпес рухымен қорғауға жаңын салады: Абай, Тәттімбет, Шәкерім, Әміре. Өлім туралы өмір шуағын қоса өріп бергенде, мұңға оранған сұлулықтың трагедиясы ашылады. Ал жырының оптимистік сарынын ол «Ұлы Абайдың туған жерін қорғайын. / Ұлылардың топырағын қорғайық!» деп ұран түрінде, полигон жабылар алдындағы атақты Олжас ақын оқыған өлең түрінде беруді хош көрді.

Келешек ататұғын таңдар үшін,

Күл болып жсанды талай жолбарысым.

Күлгін тус жесткізеді күлге айналған,

Дегелен өзеген таудың жсан дауысын. («Жеті бояу»).

Өзі бауырында өскен, ата-баба зираты бар Берікқара тауы, Мыржық тауы, Арқат, Саржал, беріректе жыр мекен Жидебай, бұл өнірді өзге жұрт атом полигоны деп құргақ ақбармен атауга тым шебер – Бауыржан үшін публицистикалық сарын емес, азалы жыр, ұрпақ үні. Осы поэманның эпиграфына Абай, Қасым Аманжолов, Төлеужан Ісмайловтан сәуле құйылатын өлең алынған. Қасым жырында: «Хан, Орда, Дегелен мен Құндызыды, Арқат, / Дейтін Жер – шіркін көңіл құмар тарқат». Өзім туған құнарлы топырақ Құндызыдыға Қасым ағаның аяғы тиді ме еken?! Жидебайға келген соң Рақымжанның Қасымы асу-асу бел асса таяу ауылға неге келмесін. Ол халық ақыны, соңғы эпик жырау Шәкір Әбеновты ізделеп келді ме еken?! Ал Төлеужандай ерте кеткен тарлан таланттың табаны бұл жерге тигені рас. Біздер, осылардың тұяғымыз, солардың рухани аманатын арқалаймыз, тірі сөздің қазына корын кейінгі ұрпаққа уағыздайтын хатшысы болуді мәртебе санаймыз. Расында мынау жарық дүниенің кереметтігі сонда, құдай текке жаратпаған жәндік атаулының, жауын құртының мәртебелі орны бар.

«Төлеужсан ...ақын еді тұа біткен» – Бауыржан қазақ әдебиетіне еңбегі сіңген жерлесі, аталас ағайыны, біртуар ақын, аударма өнерінің тарланын айтып отыр. Оның жарқын бейнесін жаңғыртуды көздегені құптарлық. Қазақ сөз өнерінде қайта ашылуын күтіп жатқан талай мықты бар: Төлеужан Ысмайылов, Тобық Жармағамбетов, Қарауылбек Қазиев, Ақан Нұрманов, т.б. Батыс әдебиетінде классик екені өлгеннен соң көп уақыт оздырып мойындалған Уильям Блейк, Амброз Бирс, Германн Мелвилл есімі ұмытылып қалып, қайта жаңғырған ақын-жазушылар.

Мирасқорлықты Бауыржан Жақып таңдалған сүйеді. Ол азының айға білеген ногайлының қас жырауларынан жас ғұмырылы Бауыржан Үсеновке дейінгі тұтас бір ақындар галереясын жасайды. Оның өлеңдерінде ақындар есімі жіңі аталатынын аңдадым. Бұл тамаша қасиет, ақынның ұлттық дәстүрге беріктігі, аталы бидей әділдігі, бескзаттықтың алтын қазығын жоғалтпау.

*Тайқазан Түркістанға алынған соң,
Басына бақ қонды қазагымның.*

Елдік атрибууттарды сүйіп бейнелеу, ертегілік сана, рухани дегдарлықты аңсау, өмірден өзі бөліп алғысы келмейтін өлеңінің желмаядай табиғи тазалығы Бауыржан жырларының артықшылығын айқындайтынына күмәнім жок.

07. 12.2006. / 23.10. – 31. 10. 2011.



II БӨЛІМ



ИНТЕЛЛЕКТУАЛЬДЫ СҮХБАТТАР

АҚҰШТАП БАҚТЫГЕРЕЕВА: «БОЗ ДАЛАНЫҢ ЖУСАН ИІСІН САҚТАСАҚ...»

Айгүл Кемелбаева: – Ақұштап апай, армысыз! Қазақ өлеңінде бір төбесіз. Ақұштап Бақтыгереева десе, оның дербес ақын екенін билетін жұрт елеңдейді. Ата тегінізде жүректен өшпес Алтын Орда тарихының жаңғырығы тұрған жоқ па! Ормандай орысқа «Киреев» деген есіммен сінген түркі қаны Қырым мен Донның қатпар-қатпар шежіресінен сыр тартары айқын.

Композитор, өнер зерттеушісі Илья Жақановқа арнау өлеңде: «Ілгеніңмен сынбадың, аға, / Біздің ән-жырды тындағы дала. / Әбубекір деген айтқыштың тегі, / Қош келіп айтып тұрғаның қара», – көгінізді қошаметтейсіз.

Бергі атанызы Әбубекір Кердері зар заман ақындарының алтын шоғырынан көрінді. Елдік пен ерлікті, ар-иман, адамшылықты жырлады. «Жігітке бақыт та оңай, дәulet те оңай, / Болса егер қабыргалы халқы оның...», «Еділ-Жайық екі су, / Ел қонарга тар болды». Нұрмамбет Қосжановпен айтысында Ашубай Жарымбетұлы (1879-1943) «Өлеңші ұлтмаган болса-дағы, / Дариға, Әбубекір болу қайда?» – деп мойындайды.

Ақұштап Бақтыгереева: – Бар бол, Айгүл сіңлім! Сұрағың қиялымды алысқа жетелеп әкетті. Йә, Алтын Орда тарихы. Бізге жұмбақ нәрселер, ата-баба тағдыры мен тарихы ойлап кетсек, жүректі сыздата бермек. Сол «Киреев» хан менің Бақыт деген әкеме Бақтыгерей болып тіркелуі де үлтимыздың ұлы арманының бір шеті болмасына кім кепіл? Бүгін санағы үрпақты мазалайтын сауал ата-бабаларға да аз салмақ салмаған шығар. Келер үрпаққа өткенін еске салар көпір бола алсақ, бізде не арман бар?!

Илья Жақановтың бабалары Еділ-Жайық бойынан үш ғасыр бұрын кеткен көрінеді. Әжесі нөсер жауыннан кейін «Шіркін, Еділ-Жайық сияқты айнала суға толды-ау» деп қуанады екен. Сол ағамыздың Еділ-Жайыққа ән арнауы да тегін емес. Илья ағай Жайыққа оралып келгенде алдынан шығып, өлең арнағанмын. Ал менің тегімде сөз өнері қонған

Әбубәкір Кердерінің қаны болса ше? Ол кісі қара сөзben сейлей алмайтын болған. 44 жасында жәрменкеде таңданған екі татардың көзі тиіп, өлген деседі. Әр шумагында үлкен философия жататын төкпе шешен, жырауды көрітартпа деп оқытпай келген кезең ұрпактың обалына қалғаны рас. Әйтпесе, Әбубәкір Кердери айтқан ойлы өлең бүгінгі еркіндік танының ерлеріне де ауадай қажет дер едім. «Жасық туған жаманың, /Атқа мініп зор болмас. / Асыл туған бекзатқа, / Қой бақтырсан, қор болмас. / Тегі таза жібекті, / Шұлғау етсең, бөз болмас. /Отыз ұлың жиналып, / Жол көрсетіп жүрсе де, / Тәнір өзі сыйлаған / Маңдайдағы көз болмас», – деп сөйлеген шешенниң айтқандары кезінде «Бисмиллямен» басталғандықтан, оқылмай қалды. «Еділ-Жайық – екі су» – сол заманда да, бұл заманда да есі барларға ой салатын үлттық тағдырымыз.

Айгүл К.: – Қазақ лирикасы туралы арқалы ақын Жарасқан Әбдірәшев пен жас сыншы Тұрсынжан Шапаевтың әңгіме-сұхбатында («Жұлдыз», 1988) «Ақұштап Бақтыгеребаева секілді нәркес нәзіктігін қоспасыз асылзат қимастықпен сақтап қалғандары сирек», – бағалайды, ер мінезіне еліктеген, табиғатынан асып, ерек шора жырлар жазуға көшкен әйел ақындар сарынын жақтыртпай.

Қызын ұлша өсіру дүниежүзінде тек қазаққа тән бір ерекше мінез сияқтанады маған. Қолтанбаңыздан сондай бұла мінезді көремін. Бұл қазақ халқы ғасырлар бойы жоңғар шапқыншылығына ұшырағанының бір зардабы, бір шеті қазақтық, қазақ шыға бару, асыл еркіндіктің бұла сипаты. Қызын жаттай сыйлайтын, жаны елжіреп тұратын халықпаз, соның әсері. Әдемі, нәзік болғаныңызбен, Сіздің жырда жауынгерлік рух, қаһармандық күй бар.

Намыс пен кек түнеріп қабағында,
Мұң аралас жас тұнып жанарында,
Ел алдында арқадан жүгі түсіп,
Ақын тұрды тазарып ар алдында.

Жұбан ақын портреті. Өрлік пен елдікті жақтайсыз. Әке мен жылқыға жақындығыныңды ұл орнына ұлшындау көріп өсірген ерке қыз, сүйікті перзент екенинізден ұқтый. Бұл ногайлы, жыраулар көгінен жалғасқан текстік нышан. Өлеңдерінізде есиет, шешендік, мақал-мәтелге лайық тобықтай түйін тұруы мұны растайды. Көптеген өлең

жолдары эпиграфқа, афоризмге сұранып тұрады. «Білетінім: Отанын, Халқын сую / Болу қажет қашан да басты мода!», «Жаным деген жігітті жат көрмендер, / Өзі сую қыздардың соры ғана». Түйіп, кесіп айтасыз. Бұл үлкен суреткерлік.

Ақыштап Б.: – Нәзіктік о бастағы ұраным еді. Ал өмір арпалысына үйретті. А纳ма жаздым: «Әуреге түспе, онаша баға алмассың, / Мұқалмай қалмас жузі ақ алмастың. / Сен мені тағдырымының үлесінен, / Бәрібір оқшаша сақтап қала алмассың» деп. Оның үстіне 70 жыл ереккепен тенсің деп, әйелді құрылыска салды, трактор айдатты. Нәзік болу онайға соқпай қалды бізге. Бәрібір әйел ұядығы өмірге сән беріп, мейірім шашады. Тайраңдаған ерсі қызыда сән болмайды.

Ақ Жайықты жырлаудың әсіре жершілдігім емес. Ұққан адам өз кіндік қаны тамған жерін өліп-өшіп сүйсе, тұтас Қазакстанды, Ұлы Отанды сую содан басталады ғой. Бұл күнде мүмкіндігі барлар шетелден үй алып, аз күндік жан тыныштығына бәрін ауыстырып жүргенде мен жұмақтай Алматыдан облысқа көштім. Есейген ортам, мәдени ошақтар мен түсінетін көзқарасы сәйкес адамдарды қызып кету онай болмады. Сөйтіп оралған Оралда мені гажап ұққан кім бар дейсің?! Бірақ ата-баба мекеніне балалық борышымды өтемесең, сенің тірлігінің құны түкке тұрмайды деп ұқтым. Біреулерге бұл жай сандырақ, құлқілі болуы мүмкін. Егер мен келіп айтпасам, жас қыздардың құлағында ұлт тәрбиесі жайлы әнгіме қалмай бара жатыр ғой деп ойладым. Ал жас ұрпақ түгелдей мәнгүрт емес. Өз басым қазақ ұлтының есею сатысын, тағы да таяқ жеп тағдырына үңілетін ғасыры алда деп сенем.

Менің табиғат берген талантимды күндейтін, кейде домалак-арыз жазатын сорлыларымен қоса, желкілдеп өсіп келе жатқан, қолына қалам ұстап, қоғам итеріп тастаса да, туған даланың мұнын жазатын жастарын сүйем. Шеттен келген идеологияның сырын ұғып, құреске шығатындар көбейеді деп үміттінемін. Халық деген – ұлы күш қой, бейбіт өмір болса, сол халық есейе түседі. Өз бастауына да оралуға да тиіс, әйтпесе құрып кететінімізді әр саналы азамат ұғарға керек. Әттең, біреулер тек бір күнмен өмір сүреді. Солар ғой қауіпті. Сатқындар мен жағымпаздар ғой талай тірлігімізді бұзып тұрған. Табиғат экологиясы ұрпақ ғұмырына қауіп төндіретінін әр адам ұғынатын кез келді.

Адамзат экологиясы бұзылса, тіршілікке қауіп төнетінін түсінетін сана мен сауат-дарын иесінің жібі босап тұрганы рас. Шынында да, біздің медицина әлжуз ауру баланы өмірге әкелмеу жағын ертерек ойласа, жақсы болар еді-ау. Фылым дамыған кезде мүгедекті дүниеге келтіру қиянат. Бірақ біздің ұлттың айтуынша, ол жеті атадан келе жатқан қарғыс, өмір бойына шектірген азап. Қазақ тәрбиесі өмір бойына қан тазалығын сақтауды насиҳаттаған еді. Олар алыс рулады үйлендірген. Негізі, біздің халық – дана халық.

Айғұл К.: – Ақштапапай, тілге шешенсіз, ауызекі әңгімеде төгіле сейлейсіз. Жыр әлемінізде эпикалық суреттеу қанық. Біздің казақ әдебиетінде эпостық рухы білініп тұрмаса, ұлттық әдебиетке жатпайды.

«Кейде мынау тағдырға ризамын / Сезімталдау жаратқан ақын етіп», – дейсіз. Жазмышина риза болмау мұсәпірлік. Куллі келбетінде ақынға тән кескін, кейіп болмаса, оның несі ақын.

Ақ Жайық, отан, ел-жер, ұлт, адам мен табиғат, отбасылық құндылықтар, ана, қыз бала жаратылысы, мейірімділік, қоғам, ақындық, махаббат тақырыбын жырға қостының. Өз сарын, өз үнімен шалқу ақынды ерек қылады. Әр өлеңде жан сырының бар.

Бөлсе егер ана тілден, аナンданан

Адам үшін қажет болмас жұмағын.

Қазіргі дәстүрлі қазақ қоғамын жалған дін жамылып кеп, ыдыратуға көшкен, бөгде идеологияны сырттан әкелгендерге айтылған сез.

Өлең патшалығыныңда жасандылық, жігерсіздік, еліктеу жоқ. «Азамат! Жігіттің екінші есімі. / Жұртшылық сынының қорытынды шешімі», «Азамат емессін, сендерін жақсылық жүрсе егер өз қара басынан ауыспай» – Ақштапапай, осы өлеңді мектеп окуына енгізу керек, әрбір ұл бала жаттап өсуі тиіс.

Өркениет дамыған сайын еркектік нышан азып барады. Еркектік намыс өлсе, өмірде еш мән жоқ. Әйел сиықтану, еркек болғысы келмеу, қызтеке қылық жарты әлемді ойсырата жаулап алғыдай. Ібіліс көкейінде ақырзаманды шыр айналдыру бар. Олар насиҳат, жарнамадан алға шықты.

Нәзік әйелдің көзі, анатың жұмсақтығы азаматты танытатын жыр-ұранда ысырылып тұр, бұл бағзы батырлық

мұратты осы заманға бейімдеп айту, жыраулық дәстүр. Ертеде спартандық шыңдалу, әлжуз ұлды өлтіру дәстүрі грек-рим мереін үstem қылды. Ұл бала тұмысынан дерпті, қораш болса өлімге үкім ету қазір санада жоқ, қатігездік жоғалғаны имандылық, бірақ көпе-көрнеу ерге тән кесек мінезді қасақана құрту кесірдің зоры. Ерді жорта құлдилатудың небір қитұрқы тәсілін санаға жалғыз көз тажалдай төнген теледидар мен небір арсыздықтың қоқыс-қордасына айналған интернет арқылы таратуда. Европа азуды үдетті. Бір жынысты некені заңдастыруы сорақы. «Сынықтан басқаның бәрі жұғады», «Құлақ естігенді көз көреді», – деген қазакқа мұның шеті келді. Тәнірі қаһары келетін оқиғалар үдең барады. Анасы баласын сатуды бастаған есуас қоғам қайда барады? Экологиялық апаптар мен адамзаттың іріп-шіру процесі қосарланғаны айдан анық.

«Ақ Жайық, сенсің әр кез сыйынарым», «Шырылдар карлығашың – Ақұштабың» – жағасына өрімтал өскен ақ Жайықтың арнасы тартылған сұын жоқтап, мұнын шағып жүрсіз? Экологиялық күйзелістердің ұшы көрінер ме? Боз жусан дала, қазактың кеңістігі Бальзактың романындағы сиқырлы құлан жарғақтай тарылып бара жатқан жоқ па?

Ақұштап Б.: – Адам өз табиғатын аттап кете алмаса керек. «Жинамай асық қалтага, /Ерекше сениң есті «ұлың». /Бір күні менің арқама, /Төгіліп кетті қос бұрым» дедім, ұл күткен әкеме. Тәнір жаратқан, мандайға жазған тағдырды мойындау керек қой. Ал ерлік рух, өзің айтқан, қанда бар қайсарлық шығар. Кіндік қаным тамған топырақ Махамбеттің жортқан жері болса, бесігімді Құрманғазы күйі тербетсе, сзызылып отыра беруге де болмай калатын сәттер аз ба өмірде? Ал Жұбан ақын өз көзін көрген өр тұлғалы азаматтар ішінде ерекше еді. Ұсақ сөзге жоқ, мәрт адам болатын.

Боз жусан даланың исін сактап қала алсақ, жарап еді-ау!.. Жайықтың тартылуы – ұлт ырысының кемуі екенін әлі біраз адам ұғынбай отыр. Менің ғұмырымның өзінде бекіресі құрып бара жатыр фой. Ендеше, неге оның сакталу шарасына аз көніл бөленеді?

Айгүл К.: – Өткенде жазушы Табыл Құлыяс торғайлық ақын Ырысты Шотбаеваны еске алып, ол «Сиыр сауып отырғанда мені өлең түрткілейді, – деп айттып еді. 10 баласы болды. Ырысты 90 поэма жазған ақын. Орысша оқыған қазақ

баласы ел болмайды екен. Анасының ақындық мұрасын іздеген біреуі жоқ», – деп қынжылды.

«Болса да нәзік гүл өнім, / Өсірдің ерек баладай. / Қыз деуді, әке, білемін,/ Қөнілің жүрді қаламай. / Қалмадым елі қасынан, / Мен болым қызың, ұлың да./ Үйір ғып койдың жасымнан / Камшыға асай құлынға» – «Әкеме» атты өлеңнің лейтмотиві «Әке, қыз болсам да үмітінді актармын, атынды шығарармын» деген сертке ұқсайды. Әке аруағы риза шығар.

«Біздің халық ұл тілеген: / Шанырағын ұстайды деп атасын» деп ағытылатын өлеңде қазаққа бұл үшін өкпе айтасыз: «Ұл тілеген болса-дағы не түрлі, / Құр қайтарып жүрсін мейлі кекілді. / Байқап тұрсам біздің халық ешқашан / Ақын қызды тілемеген секілді», «Тағдыры қыздың мүлде өзге», «Кейде мынау тағдырға өкпеледім, / Сезімталдау жаратқан ақын етіп».

«Кіммін мен», әйел ақын толғанысы: «Жыр жазар жылдар өтіпті жөргек жуумен, / Қаламdas достан шет қалғандаймын бүгін мен», «Жыр мен баланың арасы/ Екі оттың ортасы секілді. / Анамын бөбетін сағынған, / Ақынмын жыр болып ағылған, / Қөнілмін екіге бөлінген / Жүрекпін екіге жарылған». Бесік тербеу, ана болу бақытын жиі жырладыныз. Ана сүтімен сінген қасиет.

«Өлең деген – құдірет қой, шынында». Ереккек не болсын жарасар, ал әйел заты шығармашылыққа жұмбак құштарлығының сыры неде деп ойлайсыз?

Ақыштап Б.: – Ұлттық дүниетаным қызық, дүниеге сәби келсе, «Ұл тапты» деп қуанады. Бата берсе, «ұл тап» дейді. Қыз баласы көп болса, бір ұл сұрап зар илейді. Соңғы жылдары сауаттанған жастар жоспарлап ұл баланың санын арттырғанын мектептерден байқауға болады. Бірақ, жақсы оқытын, қоғамдық жұмысқа араласатын қыздар басым. Қазір журналистиканың өзін қыз балалар «жаулап алды». Ұстаздық пен медицинаны қойып, әскери қызметке қыздар араласып кетті.

Кәрі қыз көбейіп, бала саны кеміп кетсе – ұлт экологиясының бұзылуы осы емес пе? Негізі, қай ғасырда да, ер-азамат өз келбетін жоғалтпағаны ғанибет қой. Сол арманнан «Азамат атану – бір рет серт беру, өмірде пасықтық, құнқілді жек көру» – деп қиялдаймын. Қазір бизнесі бар естияр әйелдің қолына кіріп, құн көрген жас жігітті көрсем,

жиіркенем. Ал баласын тастап, не сатып жүрген қазақ қызының денесіне таңба басып жіберсе деп те ойлаймын. Құс та балапан өсіріп, ит те күшігін емізіп жүрген табиғи заңды бұзған қазақ қызын жауапқа тартқан дұрыс шығар. Намысты қыздарға қалам ұстаратын ұлы сөз, ол – Намыс. Табиғат берген талантты ақшаға сатып алғып, кітап шығарам деп әуре болып жүргендер – ақымақтар. Бәрінің бағасын беретін – Ұақыт және Халық.

Айгүл К.: – Қасым Аманжолов «Оралым, сенің қойныңда, / Ойнақтап өткен жылдарым. / Жарқылдан Жайық бойында, / Достармен сайран құрғамын», – деп жырлаған ақ Жайықтың қызысызы. «Қазақ әдебиеті» газетіне алғаш өлеңініз шыққанда Сәбен, Сәбит Мұқанов елден ерек атыңызға ерекше мән беріп, «Жібек жолында сауда керуені таситын бедерлі жылтыр жібек матаңы ақұштап дейді», – деп этимологиялық түсіндіріп беруі тартымды.

Фариза апай есімінің этимологиясында «бирюза» деген көгілдір асыл тас атауы бар. Иосиф Бродскийдің фольклорлық үлгідегі «Песенка» атты өлеңін оқып, оның неліктен ұлы ақын атанғанын сезіндім: «А у меня – слеза, жидккая бирюза, / просыхает под утро», – бұл неткен көркем көру, ұйқыдағы арудың көз жасы ма дейсің.

Асқан лирик ақын Төлеген Айбергеновтың «Оралдан ұшқан көк қаршыға» атты лирикалық өлеңі Сізге арналған. Оған жауап жыр арнадыңыз, әнші Гаянап Қаспақова ерен драматизммен орындағытын әнге ұласқан: «Мен сені ойлайтынмын / Таусылмас жыр-ән ғой деп, / Төменге қонбайтуғын / Тәкаппар қыран ғой деп ».

«Қарлығаштай кезіп жүріп жер-көкті, / Ертегілі-кеш жудың талай жөргекті. / Әйелдігің аз болғандай, / Бір кездер / Оянады болмай қалған еркектік!», – Қадыр Мырза Әлидің Ақұштап қарындасына арнауы. Сағынғали Сейітов Ақұштап бейнесін өлеңінің аққуына тенеді.

«Ақұштап, неге есіме түсे береді, / Он сегізben жиырманың арасындағы» деп жазған қай ақын?

Ұлықбек Есдөulet «Ақжайық аруы» атты өлеңінде: «Көз қандай, келбет қандай, шырай қандай, / Көркінен күннің көзі нәр алғандай. / Аш белі ақ қайың бол бұралғандай, / Өлеңге өзі келіп сұралғандай», – десе, ол Сізге арналмаған, бір әдемі сіңліңізге арналған екен. Женгеніз Халима бала

кезден «Көркем қыз» деп атаған Ақұштап апай, құдай берген әдемілікке ризашылық жүргегінізде неден білінеді?

Ақұштап Б.: – Әжем баласы болдым. Шешем Ақзила женгем сияқты еді. Әжем Қатира «Жалғызыымды жаудан қайтарған жалғыз қыз бұл», – дейді мені. Анам 28-де. Әжем айтты дейді: «Мен тұс көрдім, енді тумайды». Келіннің көніліне келгенмен, әжемнің айтқаны келді. Қырқымнан шыққанда әжем менің қарын шашымды алғызбаған. Құйқасына ұстара тигізбеймін, өте жұка. Осы қарын шаштан өсіріп бұрым өремін. Алмандар қарын шашын депті. Бұқіл ел бала қырқынан шыққанда қарын шашын алады. «Е, немене, әулие болады дейсін бе, елден ерек. Қатира немере қызының қарын шашын алғызбады. Барып, әйтеуір, шайын ішіп келдік», – деп көрші әйелдер күліпті.

Өлерінде әжем айтты: «Ешкімді қарғама. Қарын шашынды алғызбап едім, айтқаның қата кетпейді».

Сабырхан Асанов «Сен қайтесің өлең жазып, өлең жазған қыздарға күн бермейді. Бәрі қызығады», – дегені бар. Еркектердің үstemдігіне отбасы берекесі үшін әйел көну керек.

Төлеген Айбергенов. 1967 жыл, мен 22 жастамын. Каскелен, күз, филологиядан практика өтіп жатқан кез. Қөп студент. Бәріміз мектепте араласып тұрамыз. Сабак бітті, үш қыз жалдаған пәтерге кетіп барамыз. Бір ағаштың түбінде қойтасқа шығып алған бір жігіт, жіп-жінішке, бұйра қара шашы тараптаған, өзі қап-қара, тасқа шығып өлең оқып тұр. КазПИ-дің студент жігіттері: «Қыздар, келіндер мұнда, қарақалпактан келген ақын жігітпен танысадындар!», – деп айқайлады. Ондай тәрбие жок бізде. Мойнымызды бұрдық та, кетіп қалдық. «Анау сары қыз, өлең жазады, Оралдың қызы», – дейді біреуі. Содан Төлеген намыстынып, «Оралдан үшқан көк қаршыға» өлеңін жазды: «Сен маған душар болдың, / Батқанда бақтар сырға. / Мен саған сусар болдым, / Қатқанда қақтар шыңға. / Деміме мынау алқынған, / Сен енді тоқтарсың ба, / Оралып үшқан алдымнан, / Оралдан үшқан көк қаршыға!»

Айгүл К.: – Оралда Белла Ахмадуллинамен бірге жыр кешін өткіздініз. Екеуінізден бір ұқсастық көремін. Мариям Хакімжановаға өлеңмен ризашылық білдірдініз. Кешеғана арамызда жүрген ақын Марфуға Бектемірова: «Жүзі

таныс, жанға қымбат кім десем, / Періштенің қызы екенсің,
Мариям», – деп ол-дағы өлеңге қосатын ақын апамызды көш
басы санайсыз.

Авар ақыны Фазу Алиева, тәжік ақыны Гүлрухсор Сафиева, ұян болғанмен жыры көркем, қуатты ақын Қанипа Бұғыбаева рухына жыр арнадыңыз. Евразия кіндігінен тараған халықтардың қандай ақын қыздарына іш тартыңыз? Қазіргі жастардан кім жақын? «Ақынды ақын оятпаса болмайды», бұл Мұқағали өлеңі, есiet.

Махачкалада Россия ғылым академиясының Дағыстан ғылыми орталығы Гамзат Цадасы атындағы Тіл, әдебиет және өнер институты бар. Дағыстанның ұлы ақыны Расул Гамзатовтың әкесі Гамзат Цадасы Кавказ асқан халық ақыны болған. Былтыр Расул Гамзатовтың 90 жылдығына арналған халықаралық конференцияға орыс тілінде екі эссе жазып жібердім. Институт жариялайтын ғылыми жинаққа Расул Гамзатов шығармашылығы туралы екі зерттеу эсsem енді. Институттың Расул Гамзатов мұрасын зерттеу орталығының менгерушісі Фатыма Хамзеевна Мұхамедовамен электронды почтамен хат алдысып жүргенде, белгілі қазақ ақыны Ақұштап Бақтыгереева Фазу Өлиевамен кездескенін мәлімдедім. Тау қызына жыр арнағаныңыз үшін алтын тапқандай қуандым. Фатыма ханым менен дереке өлеңді салып жіберуді сұрады. Өлеңнің тұпнұсқасы мен аудармасын почтаға салып жібердім. Мәдениет өзара ықпалдастық пен бауырмалдықты сүйеді. Әдебиетте еш шекара жок.

«Бабаларымыз күмістен белдеу тақ деген жоқ па? Ұлға да, қызға да кіндігінді күміспен жап» – дейсіз. Бұл ойыңызды құптаймын. Қазақша оқыған бала бәрібір көгіне тартады. Өз басым, балаларымды ана тілінен қағажу көрізбей өсіргенім ұлы стратегиялық қимыл, ел болуға тамшыдай үлес деп танимын. Мұның мемлекеттік саясаттан еш кемдігі жоқ екенін көп надан қазақ ұқпай жүр. Үш қызды қазақы тәрбиемен өсіргеніздің несібесі қандай екен?

«Өсірген күй атасын қайран шеше, /Өзінен емес пе екен даналығын?!» – Құрманғазының анасы, алып анадан туады дейді қазақ. «Ең алыс құмды өнірде Фарифолла Құрманғалиев туған «Ақкөл» деген ауыл бар. Бұл аймақта ұлы Құрманғазыға домбыра үйреткен Ұзақ қүйшінің моласы бар деседі қариялар», – деп ақпар бересіз, ұлы тұлғалар

туралы қылдай дерек қымбат. Ұрпаққа ұдайы өсиет сарынды ұстанасыз. Қазақ жерін қастерлеу парызы: «Шындықпен жаны өштер де, / Алдаумен өмір кешкен де, / Мекендереп сені жүреді / Өгейлік көрмей еш пенде. / Боз жусан дала, боз белдер, / Құландар еркін кезген жер. / Маңқиған дала – мінездің/ Қадірін аздау сезгендер». Қазақ халқының бұрынғы даладай дархан мінезінің сипаты шығады. Қазір ғой осы қазақы кең мінезді ақау, ақымақтық, бишаралық деп ұфатыны.

«Болмаса дүниеде сұлу қыздар / Кейінге айтылатын қалмайды аныз».

Ананы сыйламаған қоғамнан не құтуге болады, біздер ұлттық байлықпаз ғой. Біздің қоғам қазақ әйелінің қасиетін сыйламай ойламай түр дедініз бір сезінізде.

Ақұштап Б.: – Белла Ахмадулинамен Оралда 2002 жылы поэзия кешін өткіздік. Ол өлең оқығанда барлық дүниені ұмытып кететін, мен де өз өлеңімді жатқа оқимын ғой. Әдемі поэзия кеші болды. Қолтанба жазып, кітабын сыйлады. Белла – ұлы ақын ғой. Тағы да «Киреев» хан еске түседі. Ресейдің ұлы ақыны – татар қызы Белла Ахмадулина бізben қандас екеніне кім дау айта алмақ? Оның әр шумағы терен ойға толы ғой, шіркін! «Күтіммен өскен гүлге араны тербету бақыты бұйырмаған», – деген жолдарда қашшама ұғым жатыр?!

Цветы росли в оранжерее.

Им дали света и земли
не потому, что их жалели
или надолго берегли.

Их дарят празднично на память,
но мне - мне страшно их судьбы,
ведь никогда им так не пахнуть,
как это делают сады.

Им на губах не оставаться,
им не раскачивать шмеля,
им никогда не догадаться,
что значит мокрая земля.

Авар ақыны Фазу Алиева мен тәжік ақыны Гұлрухсор Сафиеваға өлең арнадым. Фазумен Фариза екеуміз 1973 жылы Москвада әдебиетшілер үйінде

(ЦДЛ) жолықтық. «Сен тау гулі, мен – елік даладағы, / Бірақ ортақ жүректің қалағаны» деген жолдар сонда туды.

Гүлрухсор мені Душанбеге шақырды, бардым. Неғмат деген жары бар, ол үйде тамакты ер адам даярлайды екен. Неткен ракат деп ойладым. Гүлрухсор менің қасыма сұрме жағып, әуре болды. Оларға қона кететін қара сұрме маған жұқпай-ақ қойды.

Қанипа Бұғыбаеваның өмір жолының өзі ерлік. Римма Казаковамен Пушкин мерекесі тұсында 1979 жылдары дәмдес болдым. Алматыға келгенде көріп тұрдым. Ер мінезді ақын еді. Өзбекте Гүлчехра хабарласып тұрған, кейін байланыс үзіліп кетті. Зулфияның өлеңін аударған да кезім болған.

Қазір өкшелес сінлілерім хабарласып тұрады. Атырауда Бақтыгүл Бабаш деген жақсы ақын қызымында көріп қайтамын. Айтыскер Жансая Мусина Оралда, қасымда жүр.

Айгүл К.: – Жұбан Молдағалиевқа арналған өткір, күшті өлеңді 2014 жылдың 3 сәуірі күні Л.Н.Гумилев атындағы Ұлттық университетте қалың қауымның алдында оқығанда студенттер санасына елдік рухтың асқақ сәулемесін түсірдіңіз деп білемін. Сахнадан өлеңді қызуулана оқығанда жастар гу ете түскені көкейімде.

Ақырып теңдік сұраган, қасқая шындық айтқан ақынның ар алдындағы рухы биіктігін жырга қосу, билікке именбей қарсы сөйлеу жыраулардан мұрага қалған ата дәстүр. Жұбан ақынның бұл тірлігі, режимге жеке батыр болып тік айтқаны қанда бар адалдық. «Абылай, Ботақанды сен елтірдің!» – дегенде Үмбетей 17 жаста. Хан үкіміне қарсы айту бағзы қазакта бар мінез болса, кейінгі тоталитарлық дәүірде тұтас бір жүйеге лағынет айтудың салмағы бір басқа.

Ендігі қазақ тым үйкүшік болды. Урбандалу процесі тоқтамайды, қалаға шоғырлану көп дүниені шығынға шығарды. Бірақ дамуда басқа жол жоқ. Даlamыз қанырап бос қалса, бөтен халықтар бас салуға даяр. Ұлттық қауіптен құтылу үшін жылқы институтын, мал өсіруді жаңа заманға лайық үлгіде дамыту керек. Осы дилемманы ұлттық идеология қалай бітістірер екен?

Ақұштап Б.: – Тарихи құжаттардан құлаққа жеткен бір сөз тұр санамда: «Кен қыпшақ даласын мекендереген қазақ атқа қонса, көзі көрмей қуаттанып кетеді екен. Алдымен бұларды арғымақтан ажырату керек», – деген саясат болған деседі. Қазір далада мал бағатын, арғымақ баптайтын азамат

аз қалды. Ендеше, сол саясат дегеніне жеткен. Ата-баба Қобыландының Тайбурылын, Ер Төстіктің Шалқүйрығын өсиет еткен ұлттың ендігі ұрпағы атқа мінуден безіп кетті. Қымыз ішпеген жігітте қайрат-қауқар азайып, қыз кейпіне көшулері заңды құбылыстың көрінді ғой...

Айгүл К.: – Әдебиет ерлер үшін оңайға соқпайды. Әдебиетке өмірін бағыштаған әйел затына үш есе қызын тиеді. Қадыр ағаның иығына ауыр жук артқан қыз-келіншектерді аямын дегені бар. Біз екеуміз бақыттымыз, Ақұштап апай, құдайдың бермегенін тартып алудан аулақпыз. Қалам бергенге шүкір дейміз. Рас қой?!

«Белгісіз неге ғашық екені де / Әйтеуір, ақын деген жұмбақ адам».

«Қыскы тұн» атты өлеңде маҳабbat лирикасы өте нәзік. Қыздың алғашқы сүйіспеншілік сезімінің пәкітігі керемет. Тұнгі қар образы – әсемдік тұспалы, қыз бен жігіттің тазалық, інқорлік сырьы табиғат күйімен параллель берілгені әсем. Қыз пальтосының карын жігіті қакқан сәт қыз кешкен сезім әлемдік лирикаға бек лайық. «Үлгермей мені не деуге, / Сен қарды еппен қаққаның. / Сау ете қалды еденге / Иығыма конған ақ карым. / Бір жалын шарпып өткендей / Селк етіп шоршып тұстім мен, / Қапыда сусып кеткендей / Ақ торғын көйлек үстімнен...». Құс қанатындағы асқақ періште дұр етіп көкке ұшқандай әсері бар. Өлеңде маҳаббаттың күнәлі жағы емес, періштелік сипаты ерен жарқырайды, қазақ қызына әсіре тән ұяндықты, иба мен нәзіктікті, ұлттық менталитетті айдай жарқырата ашады. Эротикалық өлең емес, лиро-романтикалық өлең. Қүйеуі текті, келісті, адаптация болса, ақын әйелге одан артық бақ жоқ.

«Қазақтың қыздарының ұяндығы / Тастаған Мұхиттың да тілін байлагап», – осы мінезі қыз баланың ең күшті қаруы емес пе.

Ақұштап Б.: – «Қымызды кім ішпейді, Қызды кім айттырмайды?» деген халық даналығы. Көрген көз қызықпайтын қыз болмайды. Кейде қыз бала да біреуге қызығып қалады. Ондайда Жиреншениң Қараашашы еске түседі. Әйел даналығы, ана жауапкершілігі мол жерде сабыр сақталады. Мұндайда жар сүйе білестін азаматтың ықпалы бәрін де орнына коя алады. «Жарын сүйе білмейтін жасық ерек, / Елін сүйетініне күмәндімін» дейтінім сондықтан. Менің мінезім әкемнің ереккеше өсіргені ғой. Менің формам

әйел, ішімде бір еркектік мінез бар. Қатарластарым мені Ақас, Ақаң дейді. Біреуі маған қыз деп қылмаңдақ көрген жоқ.

Біреумен біреу көнілі жақын болса, ол тылсым сәті ғой. Мұқағали, Қадыр, Әнуар Дүйсенбиев маған інім деп қарады. Мұқағали маған аузын толтырып: «Бауырым!» дейтін. Софы айтты: «Бұрымын көріп келейік ана қыздың деуші едік». Үлкендер сары бала, сары қыз деп атайдын. Қаламгер, ақындар асай жүрек, қоршау, шектеуге сыймаймыз. Үйдегі жарымның мейірімі, жақсылығы мені ұстап келген.

Айгүл К.: – Қазіргі қоғамның қорқаулығын әшкерелейтін «Жүрек ауыстыру» атты өлеңіңіз бар: «Ал мен, достар, шынымды бүкпей айтсам, / Ауыстырған жүрекке құдіктімін. / Иемдену жүрегін басқа адамның... / Болмас па еken өзгеше тапса амалын?! / Нашарлаған жүрегі мына науқас / Алмақшы ма жүрегін жас баланың?...». Иман мен адамшылықтың зор сауалы үкімдегі естіледі. Әлеуметтік тенсіздікті, қайырсыз бай, қайырши көбейгенінің, пейіл тарылғанын жырга қостиныңыз. «Молаларды сәндедік о заманғы, / Жас жігітке пәтер жоқ панаған».

«Адамдар көргенсіздеу неге пасық?», – өмірдегі топастықты айыптайсыз. Әлдінің әлсізді талауы қайғыға батырады. «Қос қанат құтыла алмастай / Бұл ажал не деген күшті еді», – қарлығашты сұр мысық жеп қойды. Өлеңдегі тіршілікке тән ақиқат ұғыммен жүректі дір еткізер суреткерлігінізге тәнтімін. Әсіреқызыл, бейсаналы сөздерге әсте баспайсыз. Тілі жұғымды, ұғымға жеңіл, оқылғанда жан қинамайтын жатық ақын болуды А.С.Пушкин асыра бағалаған соң орыс поэзиясының күні атанды. АрнасЫнан лықси төгіліп, аққан судай мөлдір жыр шумақтары Сізде мол ұшырасады. Әйтпесе ажалды тырнаққа қапыда іліккен құс баласын бейнелеу сез өнерінде аз емес.

«Ақ сейлеп адал құлетіндермен, / Шындықты жақтап жүретіндермен, / Жаманға жағынбайтындармен / Жоқтыққа тарылмайтындармен, / Арманмен арылмайтындармен / Табысқым келеді мениң».

Өмірдегі қарапайым шындықтарды көркем бере аласыз. «Ана үнсіз. Налиды ұл. Күйреп келін», «О махаббат, сен де бір бейнет пе едің?!», – «Ана сыры» атты өлеңге ене мен келін арасындағы қактығыс, оның психологиялық астары арқау.

Ене мен келін арасындағы түсінбестік, жатырқау көп өлеңде бар. «Ана жүрегі», «Ана махаббаты», «Енші алу».

«Қыз улесі қашан да – болу ана», «Ана сұтін, сәбидін иісін қадірле». Адам мен жаратылыстың үйлесімін жырлап, даласын сүйген жүрек толғайды. Ақұштап ақын ешкімге ұксамайды, басқаны қайтала майды, бөгде сарынға қосылып кетпейді. Табиғи дауысын жоғалтпаған. «Мен әйтеуір халқымның бір қызымын, / Мына өмірді сүйетін осы қүйде. / Iрі сөзбен сөйлейтін кей пендениң / Ұсақ өмір кешетін кезін білем».

Қазақтықтан нәр кетуі табиғи құбылыс па?

Ақұштап Б.: – Жүрек ауыстырып жатыр, ғылымға қажет шығар, кей адамға қажет шығар, бірақ жас баланы ұрлап сатып, жүргегін алып, қунәһар болғанға өзім қарсымын. Киянатпен сүрген өмірдің не керегі бар?

Ене-келін – мәнгі тақырып. Қай ұлтта да бар жайттар, қазақтық нәр кету – сана тәрбиесінін әлі жұтандығы негізігі ұлттық үрдісті жоғалтқаннан болып отыр. Мәдениет пен сана тәрбиесі, білім бәрін қайтарады деп сенемін.

Иә, не де болса, маңдайға жазғанды, тағдыр сыйын қабылдауга міндеттіміз ғой. Әйел заты бола тұра, қалам ұстап, ұлт намысын қорғауга ат салысу аз бақыт пе екен? Елін ардактаса, оқырманың қадірлесе, есімінді қыздарына қойып, жолынды тосып, бата алып, жастар жазғанына иланса, аз бақыт па екен? Одан өткен байлық бар ма? Басынан талайды өткеріп, өр қалпын сақтайтын ұлттымыз аман болғай деп тілеймін өз басым. Ел тыныш болғай!

Айгүл К.: – Қадыр Мырза Әлидің бейнесін өлеңде дөл бересіз. 75-ін елінде тойлап жатқан, 4 ай ғұмыры қалған қайран ақынға сахнада көк дөнен сыйлаған сәтте драма бар.

Қадыр аға рухына арнаған естелік жырда («Көк дөненнің кісінеуі») жерлес ақынның шешесінің басына қойған құлпытастағы жазуды эпиграф қылып пайдаландыңыз. «Ана қабіріндегі жазу. Баладан қайыр көрмеген, / Байдан да қайыр көрмеген,/ Қайдан да қайыр көрмеген / Бұл жерде жатыр кейуана. Тас қойған баласы Қадыр».

Япирмау, Омар Хайямның өлмес төрттағанындағы биік философия, ацы ақықат, сагыныш, сүйініш, өкініш, жетімдік, жесірлік, қу тірлік, өлі аруақ мен тірінің зират басында қауышуы, мейір, кешірім, көз жасы, азанама, рухқа

тағзым, бәрі-бәрі – уақыт озғанда құнәһар жер бетінен рух аластаған сайын аспандағы жүлдышыздай көкке өрлең, бір ұлы нышанға айналып, құс жолына шығандап кеткендей таңғажайып әсер қалдырыды жаныма. Ел-жұртына қайран ақынның жан құсасын аманат қылып жеткізгенізге раҳмет! Ана рухынан аңызыдағы адасқан ұлдай жаны құлази кешірім сұрап тұрган жоқ па, Қадыр ага?! Рухы неткен бікі! Жанды, тірі сөз. Тұтас бір дәуірдің құса-наласын, трагедиясын ашады. Жұрт Қадағанды «Иірім», «Жазмышты» жазды, ақын-жазушылардың бет-бейнесін боямасыз көрсетті, құпия сырын ашты деп кінелайды. Шындықты айтуда өз жанын да жаралап айта білген Ақыннан өткен кім әулие?

Ақұштап Б.: – Қадыр ағадан сұрадым, ауыр сөз екен дедім. «Қарағым, не де болса, шындық қалсын», – деді. Қадыр Мырза Әли менің ұғымымда да Әулие!

Айғұл К.: – Өніші, композитор Мұхит Мералыұлына арнаған цикл бар. Мұхиттың образын беруде эпикалық суретке басымдылық берілуі заңды. ««Айдай» – деп әнге салдың ала қырда». «Далаңың тарады үнің сан қырына, / Ұрпаққа мәңгілікे калды мұра. / Жаттаған ән-жырыңды мынау халық / Таланттың мән бермейді тағдырына», «Далаңың дархандығы қанша болса / көре алмас күншілдігі сонша болған».

Сырым Датұлына арнауда осы түйткіл, қас жақсыға қиянат, кінәратты ойдың ұшығы тағы шығады: «Білмеймін, сол қазакта жоқ па қайғы, / Ұлысын тірісінде мақтамайды. / Шындық пен ұлылықты өлтірмейтін / Өлшем бар халық және уақыт деген».

Ақұштап апай, мақтамаса мақтамасын, риясyz мадақ тек бір Аллатагалаға лайық, бірақ жабыла талайтын күншілдер, жамандар барда өмір-күрес әсте солғын тартпайтын тәрізді. Мен сол бықықтарға қазір мән беруді қойдым. «Ішің күйсе тұз жала!» – бұл құбылысты, түк жамандық қылмасаң да қарадай өштескен қияннатты негатив емес, позитив деп тану керек, сонда бәрі реттелмек!

«Баласы Қошқарбайдың Шашубаймын, /Болсам да малға кедей, әнге баймын », – деп шалқытын Шашубай, «Мұхитта мал дегенде жалғыз сиыр » – деп өнері өлмесін жүрегі сезіп, кедейлігін шыбын шакқан ғұрлы көрмей мойындастын Мұхит, «Боз торғай, шырылдайсың жерге түспей, / Мен

жүрмін кешке дейін тамақ ішпей», – деп жайнаған жастық шақтағы мойнына түскен қамыттай зарын шырқап салатын Әзіrbайдың Кенені кедейшілік қамытын, ішқұсасын құстай қанат қақтырып, әнге ұшырған.

Ақұштап апай, сол мыңды айдаған байлардан не белгі қалды?! Шашубай мен Мұхит, Ақан сері мен Біржан сал, Сүйінбай, Сара қызы есімі өшпейді. Таланттар қара өлеңнен ән жырга айналып кеткені Тәнірі бүйріғы. Соған караганда, мұның бір құпия сыры бар. Өлшеуіл фәниде дуние байлық бермен құдай дарын атаулыны өлшеусіз бақида жарылқап, рухани байлықты еншілетеңі, асыл мұра көптің қазынасына айналары тасқа таңба басқандай айқын. Қандай керемет үйлесімді қысын: әркім өзі жиган-тергенін еншіліп қалмақ. Не ексең соны орарсың. Боқ дуние десе дегендей атам қазақ.

Ақұштап апай, біздің бастағы бақ та осыған келетіндей. Белла Ахмадулинаның бір томдығы жеке кітапханамда болғанмен, оның өлеңін Сізден естіген әдемі бір әңгіменізден соң оқуға көштім. Мен проза жанрына құстай төніп, көбірек жүгіремін, ақындарды сәл ысырып қоятыным бар. Проза өз стихиям болған соң.

Орыс классикалық өлеңінде тегі түркі Ахматова мен Ахмадуллина зор үлес қосқанын мактанаыш тұтамын. Құләш Ахметова мықты аудармашы тапса, бұл құбылысқа орыс сыны мән берер ме еді. Белла ханымның «Заклинание» атты мынау өлеңіне зер салыңызшы, біздің тірлік қой:

Не плачте обо мне – я проживу
счастливой нищей, доброй каторжанкой,
озябшею на севере южанкой,
 чахоточной да злой петербуржанкой
на малярном юге проживу.
...да под звездой мою и пресветлой
уж как нибудь, а все ж я проживу.

Әдебиет пен өнерді қастерлейтін ендігі қауым, туған елінің рухани қазынасын ардақтайтын, құнарлы үлес қосуға пейілді шығармашылық иелері кедейшілік торға өз еркімен түсетін бейқам құстарға ұқсайды, Ақұштап апа! Сол үрдіс өзгермек емес. Өйткені араны күшті жыртқыш құстардай болуды оларға Тәнірі жазбаган. Қазіргі жетілген заманда ұлы еңбегі қаламақсызы төленбей рухы қорланып, ақын-жазушы, суретшісін қайыршы қылмаса да, кейде жарылқасын мейлі,

сырт форманы қуып кеткен қоғамнан ақ адапт үміт күтуден жазған құлда шаршау жоқ.

Күміс үнді әнші Сөуле Жанпейісова Мұхит әндерін бабымен орындастын дискіні дең қоя тыңдадым. «Айнамкөз», «Үлкен айдай», «Көк айдай», «Зәуреш», т.б. кең даланың баяғы эпикалық ұлы салтанатын өшірмейтін классикалық әндер. Осында көркем дүниелер қазақтықтың қасиетін ерен ұлықтайды. Тыңдасам кино түсіргім келеді. Жайлауым қайда, қыстауым қайда?

Ақуштап Б.: – Баланы қазақша оқыту өте дұрыс, ұлтын сүйеді, тілін қастерлейді, қайырымды болады. Үш қызымыз қазақша оқыды, төрт немере қазақша мектепте, орыс пен ағылшын тілдерін толық менгерген. Ана тілде оқыған баланың дүниетанымы дұрыс болатын сияқты. Орысша оқығандар қазақша айтқанынды жартылай ұфады-ау. Ұлттық тіл мен тәрбиенің жөні бөлек қой түсінген адамға. Сонау жылдары Шона Смаханұлы ағамызга еріп, ұлт мектебінашуга біраз жүгіргенім бар. «Ер Төстік» балабақшасын ашу жыры – бөлек әнгіме... Сонда Шона ағамыздың қолында нақты есеп жүретін. Түзету колониясына орыс мектебінде қазақ балалары көп түседі еken. Таза қазақ мектебі балаларының тәртібі дұрысырақ болатынын дәлелдеп бағатын марқұм. Қартайғандар үйіне де ата-анасын қазақ мектебінде оқыған ұл-қызы аз тапсыруышы еді бұрын, казір қайдам...

Әйелді сыйлау 8 наурыз күні ғой, қалған уақытта қоғам өгізше жегіп отыр емес пе? Қыз сыйлаған ұлттыз, бірақ әлі кейбір қазақ жігіттері әйелге жеке меншік құралы сияқты қарайтыны рас. Әйелді ұлт анасы деп қастерлеу соларға байланысты.

Айғұл К.: – Тұмағаннан Маралтайға дейін Сізге жыр арнайды. «Атадан туып, анадан адапт сүт еміп, / Алаштың адап қызы атандың, Ақуштап апам», – деп жазған Маралтай.

Бұғынгі шыққан биігінізге ризасыз ба?

Ақуштап Б.: – Маған арналған өлеңдер, шүкір, жетерлік. Қадыр, Тұманбай агаларым мені тұған қарында деп санады. Бізді туыс еткен – Өлең. Төлеген Айбергенов – лап ете қалатын ақын, бір көргеннен жыр арнады. Мен ауызша жауап қайтардым. Кейін ол жолдар қыз киялдындағы бейнеге арнау өлеңге айналып кетті. Қыз біткеннің барлығы ұнатқан жігітін қырандай биік болсын армандайды емес пе?!

Женгем Қалима «көркем қыз» дейтін. Ол кезде ең жақын қайын сіңлісіне ат қоятын қазақтың салты еді ғой. Адамның әдемі көрінуі ішкі жан-дүниесіне байланысты. Біреудің қызғанып, құндең, тырысып-ұрысып жүрсем, мениң де келбетім тартымсыз болуы ғажап емес-ау. Мейірімді жүрек сыйлаған ата-анама мың алғыс айтып жүрем. Одан соң мениң сүйе білген жар жолықтырған тағдырға, еркелеткен ағалар мен еліме, сыйлап өскен қыздарыма, жақсы жандарға алғысым зор.

«Мен, әйтеуір, халқымның бір қызымын, / Мына өмірді сүйетін осы күйде» дегенім деген. Туған жер, өз замандастарым алдында да адал журіп, ақ сөйлеп өмір кештім. Мениң бағамды ертенгі ұрпақ пен халқым бере жатар. Аналық борышымды да, ақындық борышымды да атқарған сияқтымын. Жағымпазбен дос болмадым, жалған сөзге әуес болмадым, күштіге жағынып күн көрмедім, шындықты жақтадым, әділін айттым. Иә, ешкімнің көленкесі емес, өз орным, өз биігім, өз ойым барына ризамын.

Сұхбаттасқан: Айгүл Кемелбаева.

19.07.-20.07.2014.

БАҚЫТЖАН ТОБАЯҚОВПЕН СҮХБАТ

Бақытжан Тобаяқов, ақын. Халықаралық Түркі поэзиясы, Абай поэзиясы сыйлықтарының лауреаты, көптеген жыр мүшәйраларының жүлдегері. ҚР Ұлттық Инженерлік академиясының мүшес-корреспонденті, ҚР Мәдениет қайраткері. Алматы облысы Көрбұлақ ауданының құрметті азаматы. 30-ға жуық кітаптың авторы.

– Бақытжан аға, сөз өнері жарық дүниенің – ең кербезі, ең керімі, ең асылы. Қазақта техникалық жоғары білімді белгілі ақын-жазушылардың қатарында барсыз. Сізді өлеңге байлан қойған кие неде?

– Кие ана сүтінен ғой деп ойлаймын. Шешем классик ақын Қасым Аманжоловқа туыс болып келеді, ал әкем әйгілі Жанақ ақыннан тарайды. Қасекененің 100 жылдығына орай эсселер мен өлеңдер жаздым, олар баспасөз бетінде басылды. Мен үш-төрт жасынан өлең шығара бастаппын. Ауылымызда Жұматай деген кісі болды, соның бой жетіп отырған екі қызы байға бір мезетте шығып кетіп еді. Сонда:

Мінгенім алатай мен құлатайым,

Кос қызың қашып кетті Жұматайым, – деген екем.

Әрине, өлең жазу – киелі өнер. Алғашқы дүниелерді жариялауға жүрексіндік те. Сонда да тұңғыш өлеңім он бес жасында аудандық газетке жарияланғаны рас. Талдықорған өнірінде (Бостан ауылы) тудым да, Алматының іргесінде (Тұздыбастау кенті) естім, осы мекендегі мектепті алтын медальмен бітірдім. Ағаларым Мәскеуде оқысын деді, алайда әке-шешем қарт адамдар болатын, оның үстіне тым әлжуздау болым, бойым кішкентай, ейткені онжылдықты он бес-ақ жасында бітірдім ғой (мектепке алты жастан барып, бір рет кластан аттап өттім). Сол тұста физиктер, ядерщиктер, ғарышкерлер жүрттың аузында болатын, одан бетер барлық сабактан үздік болғаннан кейін қай кәсіптің құлагын ұстаудың шешімін табу онай болмады. Сейітіп политехтың энергофагына түсіп кеттік, кейін ол Энергоинститут атанды. Әлбетте, Олжас пен Ілияс ағаларым әдебиеттің ардакүрендері ғой. Осы Астанада Иген деген

бір фанат жазушы бар. Соның айтуынша, әдебиетке басқа саладан келгендердің жазған дүниелері мөлдір мұбәрак келеді, ал гуманитарийлердің тым таптаурын, тым кәсіби, тым жылтыр болып келеді деп еді. Эрине, мұнымен мен көрнекті әдебиет өкілдерінің еңбектерін мансұктап отырғам жоқ. Осында Аяған Сандыбай деген журналист азamat бар. Сол жігіт маган бірде «Біріншісіз ғой» деп еді. «Қалайша бірінші?». «Себебі Сіз әдебиетте жүріп қайтадан инженер болғандықтан біріншісіз, ал инженерлікten ақын-жазушы атанғандар біршама барсыздар ғой».

Қарап отырсам, шынында да жас кезімде энергетика саласында, электр станцияларында, ғылыми-зерттеу институтында іstedім де, соңыра баспа, газет-журнал редакцияларында, телеарналарда, мемлекет органдарында қызмет жасадым, содан барып энергетикалық «KEGOC» компаниясына кайта келген екенмін. Енді, міне, 60 жас та иек астында түр, не де болса өзімнің жолымды таптым ғой деймін, әдебиет, ғылым бойынша 30-дан артық кітап шығарыптын. Қазір бірақ «ерінбеген етікшілер» өз шатпактарын жазып шығарып, әдебиет айналасын былғап бітті. Оларға тоқтау да, тосқауыл да жоқ, зейнетке шығып алып жазған шимайларын әдебиет ретінде ұсынатының кайтерсіз...

– Қобызын ереулі атқа тенденциялар жүретін, «Телміріп, тендігі жоқ ел болған кез» – зарзаман атанған дәуірде Сарыарқаны көзіп, қобызбен жырлайтын Жанак ақын ғой. Эпикалық таңғажайып терендік сол бабаларымыз жыраулардікі. Тек ұфымы осал болмайды. Жырларыңызда ұлттық рухты қорғайтын, ата на мысты қозғайтын сарындарға көп барасыз. Қазіргі заман гламурлы, әсірекұзыл дүниелерге, шоу сипатты, имитация мен симулякрға икем құбылыстарға тым құмар болғандықтан табиғи қасиеттерді місе тұтпайды. «Қазақы бойда тұмармыны» деп жырлайсыз. Ұлттық құндылықтарды экзотика дәрежесінде арзандатып қоюдың тубі не болмақ?

— Енді ол мениң ақындық кредом. Реноме дейді. Ұлттық құндылықтар арқылы өз елімді жаһандыққа кіріктіру. Ұлттық бай мұрамызды паш ете отырып, ойлы образдар ашу. Тұмарым да, құмарым да ұлттық рух, елдін рухани

кеңістігін кенейту, руханиятынызды ту етіп ұстау. Сол руханиятыныздың киелісі де, күй-өрісі де – әдебиет пен өнер. Мәселе экзотикада емес, қайта оған жан бітіріп жалпақ елге ұмсына білуде. Гламур да, амур да, жын ойнақ шоулар да өтпелі дүние ғой. Өтеді, кетеді, ал ұлттық асыл жауһарлар – мәнгілік.

– «*Бишікештер жаңа бір «ұлт» шығарды*», «*Дүниені билеп тұр ақша ғана*» – салтанат иесі арам ақша дейсіз, адам баласына емес, Алатауға мұнданасызы. Адам құбірін тау, тау құбірін Тәңірі естиді деген халықтық терең ұғымға сай. Әдебиет осы текстес образдарды сүйеді. Қазақ қоғамы нарық заманында нені тапты, неден айрылды деп ойлайсыз? «*Алаколім – астараток құс алабым*» – нені жырласаңыз да қазақтың ұлттық дүниетанымындағы тарылуға пейілсіз ақындық жүрек урбандалудың теріс жақтарын қалай қабылдайды? Ол болмаса әлемдік өркениетке ілесу тағы жоқ?! Әүл дилемма ма?

– Ақын заманының жүрек лүпілі болып тұруы керек. Кейбіреулер тар шекесімен тек интим-лирика болғаны дұрыс дейді. Әүл – керісінше, бұрыс. Қашан да ақын халық сөзін сөйлеген. Халықтың жоғын жоқтаған, мұнын, зарын айтқан. Шынтуайттап келгенде, бізде мұсылмандыққа дейін тәніршілдік болған, одан біз қашып құтыла алмаймыз, ол бойымызға сініп кеткен. Қазақ қоғамы нарық заманында тым еркінсіп кеткенмен, өзара бірлігінен, ағайынгершілігінен, бір-біріне деген алғаусызы бауырмалдығынан, кінәратсыз шынайы достығынан, бір-бірінің уайым-қайғысын белісіп жеуден айрылып қалды ма деп ойлаймын. Қоғамды эгоизм мендеп алғандай. Бір-бірімен бәсеке, алашапқын дүние. Ал, өркениетке ұмтылу – әрбір мемлекеттің мақсаты ғой.

– «*Мен-зен менің алапара алашым*», «*Қарагым-ай, жетілмеген жетімек, / Шетке сатты мұндарлар*», «*Аманатын айта-айта алаштың / Қайран жүрек егілді*» – қазақтың әлеуметтік күйінде күйзеліс бар. Уайымсыз ел болмайды. Артынша «*Алаш барда уайым, құрсын қайғың*» деп тәубеге түсесіз. Ал ізгіліктің нышандарын қайдан көресіз?

– Ізгілік қасиеттерін келешек ұрпақтан көрем. Мағжан ағамызы да айтыпты ғой: «Арыстандай айбатты, жолбарытай қайратты мен жастарға сенемін!». Жас қауымның дінге

бет бұрганы қуантады, бірақ та таза мұсылмандық дінді уағыздасын, әсіре діншілдіктің керегі жоқ. Орыс-найыстың 300 жылдық отаршылдық езгісінде болдық қой, олардан жүққан ең сорақысы – арак-шараппен елімізді улауы еді. Қаншама отбасылар күйреп, қаншама жетімдердің көздері жәудіреп қалды. Осы тұрғыдан дата заislam діні харамдықтан арылтады, жастарымызды жаңа тұзу жолға сала ма деген үміттемін. Ал, біздің елімізде отарсыздану үдерісі әлі жүрген жоқ. Ен бірінші сананы, психологиямызды отарсыздандыру керек. Әлі де жалтақпыз, әлі де бұлталақпыз, әлі де үркекпіз, намыс пен жігерді бірінші орынға қойсақ, діліміз де, тіліміз де, дініміз де өз орнына келеді.

– **Ақында кей мезет Алпамыстың қүші болса, кей сәт жаңында жасу басым. «Бір Алладан сыйынып алам дарын». Өнер иелері өздерін құдайсыз көзге елестетпейді. Мұның сыры неде?**

– Мұның сыры – ішкі дүниемізде, интуицияда. Біз тұрмақ Абай да, Пушкин де Алланы, Құдайды ауызға алып отырған. Құдай біздің ішімізде, жүргегімізде. Жүргегіміз неғұрлым сезімтал, ойымыз неғұрлым мөлдір болған сайын біз Аллаға бір табан жақындей түсеміз. «Махаббатпен жаратқан адамзатты» деген Абайдың сөзінде орасан ой мен идея, мақсат пен арман бар. Махаббат – бүкіл дүниені ұстап тұрған субстанция, түп-қазық. Отанымызға, елімізге, жерімізге, анамызға, адал жарға деген махаббат... кете береді. «Махаббатсыз дүние бос, /Хайуанға оны қосындар» – деп тағы да айтқан абызымыз Абай. Үнтызарлықсыз, құштарлықсыз, айналана деген сүйіспеншіліксіз, бауырмалдықсыз, достыксыз өмір суріп керегі не? Онда оттаған жануармен бірдейсін, өмірдің мәні жоқ болады да.

– Елорданың бой түзеуінциклі көп жырға қосыпсыз. Ол жаттанды жырлардан емес, шынайы қуаныштан туса керек. «Астанамыз Тұран-Алаш жұртының» – Астанаға тамаша гимн болып туыпты. «Байтақ елді барша әлемге паши ете / Бартал қошті бастап берген Елбасы», «Осы жердің болек екен бітімі-ай, / Алашыма алабөтен құтын-ай» деуіңіз орынды. Қазақ елінің бренді осы кіндік қаламыз деп сенесіз. Қазақстанның рухани потенциалын неден көресіз?

– Сонау Сауран, Сығанак, Созак, Сарайшықтан басталған

астана парадын жырмен өрнектеппін. Осы жерде сұхбатымды өлеңмен өрнектегім келеді.

Астаналар парады

Уақыт деген ұршықтай зырлап аққан,
Айырмашы тәнірім, жыр-қанаттан.
Асқақтаған астана шежіресі
Бастау алған елордам – Сығанақтан.

Көненің көзіндей ғой сол шаһарлар,
Оларға үзілмеген жол сапарлар.
Өркениет үлгісіндей өлкедегі,
Тарихтағы кенттерім болса парлар.

Жайбарақат алайын қалай тыным,
Өткелекті өткерді талай сыным.
Самаладай болған ғой сар даға
Сан ғасырдың күесі Сарайшығым.

Анталаса жау біткен кіл тұстан мын,
Жауып қақпа, қолыма кілт ұстадым.
Қамалындаі қазактың, қорғанындаі
Түркі дүние кіндігі Түркістаным.

Салсадағы дүшпандар жалын өртін,
Өшірмеді жүректі – жаным, сертім.
Феникстей түлеген дүр сілкініп,
Жібек жолы бойында Яныкентім.

Сахарада сап түゼп ғаскер легім,
Ел қорғаган батырды дәстерледім.
Құллі түркі дүниясы дүрмегіндей
Дүрілдеген жаһанға Тәшкен дедім.

Шекарамды бекіттім толым қолдай,
Тоба деймін өткенге, жолым болғай.
Орыс жүртқа кетсе де тарихымыз,
Болды астанам ойқұмен Орынбордай.

Одан әрі тірелдік Ақмешітке,
Оны ұлықтар астана, бас десіп пе.

Ақ пен қызыл шайқасып, сансыратып,
Санамызды бұғандай басқа есікке.

Қасиеті қалар ма қарға тұнбай,
Бар ма шаһар дүлдүлі Алматымдай.
Өркениет өрісімен, желісімен
Зулай берер зымырап алға тынбай.

Неден мен де жығылып, ұтылайын,
Ендігіде алаштың құты дайын.
Ақмола мен Астана тұғырлары
Ежелгі кент Бозоғым, Бытығайым.

Арнаймын ғой тасына дастан әрбір,
Бар әлемге барқадар бас қалам жыр.
Арындастын алаштың аты көкке,
Жалындастын жарқырап Астанам дүр!

Қазақстанның рухани әлеуеті – мемлекеттік тілде. Мен казіргі таңда «Руханият» партиясынан республика Парламенті Мәжілісінің депутаттығына кандидаттын. Әдебиет айналасында жүргеннен кейін осы партия жаныма жақын. Оның үстіне мен партияның рухани көсемі атанған Мұхтар Шахановтың мемлекеттік тіл қозғалысының Астанадағы орынбасарымын. Бұл додада кім женерін енді бір Аллам біледі және халықтың қалауы шешеді. Осы партиямыздың бағдарламасында біз ана тіліміз – мемлекеттік тілді Конституциядан да жоғары деп үйірдық. Өйткені ғасырлар бойы осынау байтақ жер-аумақты біздің ата-бабаларымыз ана тілімен қорғап қалды. Ана тіліміз және жеріміз. Екеуі ажырамас ұғым. Ал, қазіргі нарық заманында бәрі сатылып жатыр. Қазба байлықтардың басым көпшілігі шетелдік алпауыттардың қолында. Жер де сатылатын тауарға айналғаны қашан, оның да шұрайлыларын келимсектер алған. Жалғыз тіліміз қалды сатылмаған деп ұлт патриоттарының зар қақсан жүргені рас. Соңан соң Қазақстанда жалғыз ғана ұлт бар. Ол – Қазақ. Қалғандары – диаспора, этнос өкілдері. Көбісінің әрқайсысының өз отандары бар, тілдері сол жерлерінде гүлденуде. Бізде өзімізден басқа тіліміз кай жерде өркен жаяды? Соңдықтан Қазақстанды көпділтты демей, көпэтносты деген жөн. Және

де 130 ұлт бар деп ауыз толтырып айтқанға жақсы, ал шындығында олай емес қой. Бір ғана эскимос, 5-6 гагауз үшін көпүлтті бола алмаймыз ғой. Содан кейін Қазақстан Республикасынан ғөрі елімізді Қазақия деу орынды. Себебі «стан» деген жүрнақтың мағынасы – республика. Ал, туган тілімізде ананың сүтіндегі жүзден аса дәрумен-витамин компоненттер секілді барлық жасампаз қасиеттер: батырлық, нағызының шешендік, көсемдік, өткірлік, болжампаздық, кеңдік пен биіктік, тереңдік пен мәрттілік, т.б. бар. Біз бабаларымыздың пассионарлық қадари-қасиетін қайтадан бойымызға әлемиеттің озық технологиясымен қарулана отырып сініруіміз қажет. Сонда ғана біз өркениетті, алдыңғы қатарлы ел боламыз.

– Осы газеттен «Жыл адамы» туралы сауалды оқығанда Москвандың «ЖЗЛ» сериясынан қазақтың үш бірдей алып тұлғасы туралы үш ұлken роман жариялаған семейлік жазушы, жерлесім Медеу аға Сәрсеке ойыма бірден түсті. Ал соңғы кезде біздің әдебиеттің мәртебесін асыратын іс қылған кімдерді бөліп атар едініз?

– Әдебиет бойынша жыл адамы деп биыл мен Кәкімбек Салықовты атар едім. Ол кісі жыл басынан бастап төрт бірдей сокталы кітаптар шығарып, оқырман қауымға ұсынды. Ең алдымен ол Пушкиннің «Евгений Онегин» атты романын қазақшалап, тамаша басылым етіп шығарды. Соナン соң қазақтың мандалай алды жүлдышдары болған – мемлекет қайраткерлері, ғалымдар Фазыл Кәрібжанов және Манаш Қозыбаев туралы кітаптар, одан бетер «Дүлдүлдер дүбірі» атты тамаша дүниені оқырманға тарту етті.

– Бакытжан аға, Елбасы жарлығымен Тәуелсіздіктің 20 жылдығы медалімен марарапатталып, КР Мәдениет Қайраткері атағын алдыңыз. Мәртебеніз құтты болсын!

Сұхбаттасқан Айгүл Кемелбаева.

10.12.2011. – 12.12.2011.

СЕРІК АСЫЛБЕК: ЖАЗУШЫ ЕҢ АЛДЫМЕН ӨЗІН ЖӘНЕ ӨЗІНІҢ АЙНАЛАСЫН ЖАЗАДЫ

Айгүл Кемелбаева: – Серік аға, «Фолиант» баспасынан 2008 жылы жарық көрген екі томдық прозалық кітабынызды ықыласпен оқыдым. Қызылорда облысы әкімдігінің демеушілігімен «Сырдария кітапханасы» сериясымен шығыпты. Бұл ізгі іс, некен-саяқ болсын, әр облыстың осындай сериясына ену нарық заңына тәуелді жазушылар үшін Сахара шөліне тамған жауындай рухын жандандырап нағыз қамқорлық.

Кейбір жазушы қанша дабырайта мақталсын мейлі, олардың көркемдігі жоқ кітабын оқыған оқырман түлкіге зорлап қосқан тазыдай нәумез күй кешеді. Сол жазғаны жасық, әншейін кара көбейткенмен нашар категорияға косылмайтын жазушы екенінізге сенесіз ғой?

Серік Асылбек: – Айгүл, ең алдымен мынау бәрінен де уақыт тапшы болып тұрған қарбалас заманда менің шығармаларымның екі томдығын ыждағат қойып оқып шыққаныңыз үшін алғысымды білдіргім келеді. Өзінің жақсы білетіндей, жазушы өзінің қөкірегін жарып шыққан әдеби туындысын осыны ертең біреулер окуы мүмкін-ау деген үлкен үмітпен дүниеге алып келеді ғой. Егер осы үміт ақталып жатса, суреткер үшін ең үлкен марапат, ең үлкен бақыт сол ғой деп ойлаймын.

Енді алғашқы сұрағынызға келейік. Онда Сіз: «Кейбір жазушылар қанша дабырайта мақталып жатса да, олардың көркемдігі тәмен кітабын оқыған оқырман түлкіге зорлап қосқан тазыдай нәумез күй кешеді, Сіз өзініздің жазушылардың осындай категориясына жатпайтыныңызға сенесіз ғой?» депсіз.

Қадірлі Айгүл, жазушының өз шығармаларына өзі баға беруі, жалпы әдепсіздік саналады емес пе. Соңдықтан мен де осы бір этикетті бұзбай-ақ қояйын. Менің қандай жазушы екенімді әдебиет сыншылары мен оқырмандардың айтканы дұрыс болар, асылы.

А.Кемелбаева: – «Сағыныш» атты әңгіменізде айдалада малбаққан екі үй қоскұдық басында көрші отыр. Жасұланның атасы жылқы бағады. Баланың ермегі атасы, ол немересіне өртегі, батырларды әңгімелейді. Дала мен қала бір-біріне жат ұфым. Әже – дала символы, оның кең, жомарт болмысы. Әжесі өлген соң, дархан өмір карғадай бес жасар бала үшін келмескे кетті.

Қыр баласы енді қала тұрмысына, тар, шектеулі дүниеге бейімделуі керек. Осы әңгіме арқылы 1975 жылдары қазақ халқы үшін урбандалу процесі шапшаң деңдей бастаған дилемманы шынайы көрсетесіз. Бұрынғы ата-бабаның кен жайланаған боямасызы өміріне шынайы сағыныш қазіргі қазақ ұлттының бойында қаншалықты сақталды деп ойлайсыз? Өткен көшпелі тұрмысын менсінбей мән туған тілінен жеруден Кіндік Азияда алдына жан салмаған қазақтар әбден комфорт, рухани тоғышарлыққа құтай берілпі алған жоқ па?

С.Асылбек: – Сіз тілге тиек еткен «Сағыныш» – мениң тұнғыш көркем шығармаларымның бірі. Сіз өз талдауыныңда «Осы әңгіменің арқылы 1970 жылдары қазақ халқының урбандалу процесінің шапшаң, әрі үлкен қарқынмен жүре бастағанын шынайы көрсетіпсіз» депсіз. Сіздің тарапыныңдан мениң алғашқы шығармаларымның біріне мұндай баға берілуі, шынын айтайын, мениң көnlімді біраз көтеріп таstadtы. Өйткені әрбір қalamгер үшін оның көkірегін жарып шыққан туындысы рухани перзенті секілді fой. Ал қай ата-ана өз баласы туралы жылы лебіз естігенде теріс көреді.

Шынында да, қазақ халқының, оның ішінде әсіресе жастардың, ауылдардан қалаға қарағай ағылуы 1970-1980 жылдары қатты белен ала бастады. Бұл табиғи процесс болатын, жер бетіндегі кез келген халық секілді қазақ ұлты да мынау техникалық процесс барынша қарыштап дамыған заманда бұл үрдістен тыс қала алмайтын-ды. Бір ғана мысал – қазір дамыған батыс елдерінде халықтың тек 15-20 пайызы ғана ауылдар мен деревняларда, хуторларда тұрады. Ол мемлекеттерде ауыл шаруашылығына да техникалық прогрестің барынша деңдеп енгені сондай, әлгі 15-20 пайыз ауыл шаруашылық өнімдерімен өз мемлекетінің тұрғындарын қамтамасыз етіп қана қоймай, азық-түліктерінің біраз бөлігін сыртқа экспортқа шығарады екен.

Әрине, туган халқымыздың бірте-бірте қалалық ұлтқа айналып бара жатқаны, – біз қалайық, қalamайық, – болмай қоймайтын процесс. Бұл үрдісте біздің тапқанымыз да, жоғалтқанымыз да жеткілікті. Тапқанымыз – ұлттымыздың қалаға шоғырлану арқылы мемлекетімізде жүріп жатқан экономикалық, саяси процестерге ықпал ететін үлкен әлеуметтік күшке айнала бастағандығы. Өйткені мемлекеттің стратегиялық әлеуметтік-саяси мәселелері алыстағы шағын ауылдарда емес, осы үлкен өндіріс ошактары шоғырланған, Парламент, Министрлер кабинеті, Президенттік аппарат, облыстық, қалалық әкімдіктер қоныс тепкен қалаларда шешіледі. Осы қалаларда қазақ ұлты шашпаң урбандалудың арқасында қазір саны жағынан басқалардан әлдеқайда басым социумға айналып отыр. Олай болса, жоғарыда біз атап өткен билік институттары алдағы уақытта бұл күшпен санаспай тұра алмайды.

Айгүл, ұмыта қоймаған шығарсыз, 1970-1980 жылдары Алматы секілді еліміздің ең басты мегаполисінде бір қазақ балабақшасы мен мектебінің ашылуы үлкен күшпен, ұлт жаңашырларының орасан ынта-жігерінің арқасында әзер-әзер жүзеге асатын, өйткені ол кезде бұл қалада жергілікті ұлт өкілдері бар болғаны 15-18 пайыздың о жақ бұжындағанда еді. Ал қазір олар онтүстік астанамызда 60 пайыздан астам үлесті құрайды, сондықтан да қазір ұлт тіліндегі оқу орындары жыл сайын ешкімнің күш-қайрат жүмсауынсыз-ақ табиғи жолмен өсіп, өркендер жатыр. Осыған қоса қазақ ұлты қалаға шоғырлану арқылы жоғары білімге, сапалы медициналық көмекке, ғылыми инновацияға қол жеткізді. Бұл – біздің қалалық ұлтқа айналуымыздың жағымды жақтары.

Сонымен бірге жаппай урбандалу процесі кезінде біздің ұлттымыз біраз асылдарынан да айрылды. Олар – көршінің көршігө, ағайынның ағайынға деген мейірімділігі, бауырмалдығы, кішінің үлкенге деген ізеті, халқымыздың қонақжайлышығы. Осы қасиеттерден қазіргі қалалық казақтар мулде макұрым деуден аулақпын, алайда қала бәрібір адамның жанын қатайтпай қоймайды. Мысалы, бір подъезде пәленбай жыл қатар тұрган қалалық көршілер бір-бірінің үйіне бас сұқпайды, отбасыларында бір қыншылықтар болып қалса, бір-бірлеріне мүлде

көмектеспейді. Әркім тек өзі үшін, өзінің игілігі үшін ғана өмір сүріп жатқан бір жұрт. Мен «Сағыныш» деп аталатын Сіз атаған әңгімеде осы жайларды шамам келгенше өзім жақсы билетін кейіпкерлердің образдары арқылы көрсеткім келіп еді.

А.Кемелбаева: –«Бөтеннің тойы» – шоқтығы биік, мінсіз әңгіме. Мұнда дала мен қаланың бір-біріне ымырасызыдыры, қала даланы менсінбейтіні, дала қаланы жерсінбейтіні; бірі шынайы әлем болса, екіншісі жасанды, өтіріктен тайынбас тасбауырлығы, қос полюстей бірін-бірі кері теуіп, кері кетісуі терен психологиялық ірімдермен ашылады. Қала – ғылым-білім, мемлекет тірері болуы керек. Дала – оның кеңістігі, тынысы.

Әңгіме-повестерде шөл табиғатының қайталанбас бояуын дәл әрі сүйіп суреттейсіз. Сирек сексеуілдер, тарбиған дүзгендер, шалқыған құм кеңістігінде оазистей жалғыз түп жыңғылдың жап-жасыл басында сары шымшық отыр, ұясы бар. Баялыш бұталары басында бұжыр-бұжыр арқасын қунге қактап кесірткелердің басы қылқияды. Құм жыланының іір-іір ізін оқырман зердесі көзімен көріп отырады.

Таңжарық – құмды ауыл баласы, Алматыда көүәп пісірген сексеуілді көріп, туған ауылын елжірей сағынады. Құлтай – қырда өскен жігіт, туған жерінен алшақ кетпеген. 13 жасында интернаттан қашып кеткені тегін болмады. Ноқтага басы сыймайды. Тіпті оның ағасы мен інісі отырықшылықты, жан қинамауды жөн көреді. Ағайынды үш қазактың екі түрлі болмыс-бітімін дөп бересіз. Құлтай мал сонында көшип, бейнет көріп жүре бергені, ағасы оның енбегінің қызығын рахаттана көріп, шұрайлы қазы-қарта, жал-жаясын жеп, қыл аяғы інісі біркиер күмін алып кететіні соның айғағы.

Құлтай мектепті толық оқымай қалса да, көркем әдебиетті сүйіп оқиды. Оның прототипі кім? Ердің соны тәрізді ерекше жұлдызды жігіт екенин үйлену тойына келген қаланың сайқал қызы жабыса қалғанда, жолдасының тойында шампан әкелу үшін атына мініп, күн ыстықта алысқа барған сәтінде танылады. Бірақ студент жолдасы оны досым деуге қомсынып, курсастары алдында жалтарып кетеді. Қала даланы бойына тенгергісі жоқ. Василий Шукшиннің «Алеша Бесконвойный» атты әңгімесінде: «Қалалықтар, иттер, қалайда өз мәдениетін көрсете алады, ешкімді

төмөндетпейді» дейтін жері бар. Бірақ қазақ қала ұлттық мәдениеттің ұясы деп ұялмай айту үшін озық халықтардан ділі құшті берік дәстүршілдікті үйрену керек. Нарық әдебиетті көгерпейді, ендеше тығырықтан шығудың қандай жолын көріп тұрсыз?

С.Асылбек: –«Бөтенніңтойы» деп аталатын әңгіме – өмірде болған, өзім күә болған ситуацияларға негізделіп жазылған туынды. Эрине, көркем шығарма өмірдегі оқиғалардың туралуаралдық көшірмесі емес қой, сондықтан бұл туындыда автордың көркемдік қиялы мен идеялық қозқарасының да белгілі рөл атқарғаны түсінікті жай болса керек.

Құлтай менің құрбым, құрдастым болатын. Екеуміз бір ауылда – Кызылорда облысының Қазалы ауданындағы «Қазалы» қой совхозының «Бірлік» деп аталатын №3 фермасында өстік. Оны мен әңгімеме өзінің ата-анасы азан шакырып қойған шын ныспысымен, атымен енгіздім. Осындағы Әли деген кейіпкерге менің аз-маз қатысым бар десем де болады. Алматыдағы институттағы окудан босап, жазғы каникулға келгенде қой бағып жүрген Құлтаймен ауылда талай кездесіп, бірге жүрген кездеріміз болған. Сонда мені оның жан дүниесінің тазалығы, бетіне иманы шығып тұратын пәктігі және көркем әдебиет шығармаларын көп оқып қана қоймай, содан үлкен адамгершілік тәлім алғандығы риза ететін. Өзімнің азды-кем өмірімде осы күнге дейін мен дәл Құлтай секілді адамгершілік, адамдық сипаты жағынан мінсіз жаратылыс иесін өте сирек көрдім. Сондықтан бірге өскен сол құрбымда осы бір туындым арқылы көркем сөзден әдеби ескерткіш қойғым да келді бір жағынан.

Құлтай 1973 жылы 22 жасында Сырдариядан қайықпен өз отарын өзеннің екінші бетіне өткізіп жатқанда қапияда суға кетіп, қаза болды. Жалпы, ескерткіш дегеннен шығады, менің ойымша, біздін халқымыз екі тұлғаға – өзін дүниеге әкеліп, мәпелеп өсірген Қазақ Анасы мен өзін сонау есте жоқ ескі заманнан бүгінге дейін азық-тулікпен қамтамасыз етіп, асырап келе жатқан Қазақ Қойшысына – айрықша карыздар. Ендеше Алматы мен Астананың, басқа да ірі қалаларымыздың ең көрнекті жерлерінің біріне осы екі тұлғаға арнапен өзселі ұлттық ескерткіштерімізді асқақтатып қоюымыз керек, өйткені дүниедегі қазақ атаулының бәрі – қара да, хан да, батыр мен би де – қазақ анасының қойнынан

өрбіп, өркенdedі, ал қойшылыққа келетін болсақ, біздің бәріміз сол алдынан құт-береке кетпеген қасиетті казақ қойшысының ұрпағымыз, жеті атамызды алсақ, солардың кем дегенде екі-үшеуі заманында мал баққан бақташи болып шығады, өйткені мал шаруашылығы дала көшпенділерінің, номадтардың ең басты кәсібі болған, сондықтан да ата-бабаларымыз бір-бірімен амандақсанда «Мал, жаның аман ба?!» деп, әуелі малдың амандығын сұраған, себебі мал аман болса, жанның да аман болатынын олар жақсы білген.

Айгүл, мен қазақ халқы барда қазақ ауылы бәрібір сақталып қалады деп ойлайтын оптимистердің бірімін. Неге десеніз, дүниежүзілік өркениет қанша дамығанмен, адамзат бәрібір электрондық тауарлармен емес, ауылдағы бау-бақшаларда өсірілген көкөністермен, жеміс-жидектермен, фермерлік шаруашылықтардың жайылымдарында өсіп-өнген қойлар мен сиырлардың, жылқылардың, түйелердің, ешкілердің ет-сүтімен қоректенетін болады емес пе. Ендеше ауыл сақталып қалады, алайда қазіргі заманғы әлеуметтік өмірдің бір сегменті болып табылатын ол да, өзініз айтқандай, моральдық, этикалық тұрғыдан біраз өзгеріске ұшырамай қоймайды. Өйткені қазір біз, қалалықтар, көретін теледидарды ауыл да көреді, біз оқитын баспасөз өнімдерін ауыл да оқиды, ең бастысы, біз пайдаланатын интернетті де бұл күндері ауыл тұрғындары да жаппай пайдалана бастады. Осыдан шығарып айтсақ, Сіз бен біз бала күнімізде бал дәуренімізде өткізген қаймағы бұзылмаған патриархалды қазақ ауылы енді тарих қойнауына кетті. Әрине, сол ауылдардың келмеске кеткені біз үшін өкінішті, алайда атамыз қазақ «Елу жылда ел – жана, жуз жылда – қазан» деп бекер айтпаған ғой. Сондықтан да мен бұл күндері ұзын саны Қазақстанда 11 миллионнан асып, жер жүзінде 16 миллионға жақындаған қазақ халқының тағдырына зор шүкіршілік етем.

Қазақ халқының тағдыры қыл үстінде тұрған 1980 жылдары Ақселеу Сейдімбек ағамыздың Алматыдығы Қазақстан Жазушылар одағының «Қаламгер» кафесінде түстеніп отырғанымызда айтқан бір сөзі әлі күнге дейін есімнен кетпейді. Сонда Ақаң күрсініп қойып: «Жігіттер, егер менің қазақтарымның саны өз Отанында 10 миллионға жетсе, мен келесі күні-ақ Аллаға мың да бір шүкіршілік айтып, о дүниеге армансыз жүре берер едім» деген-ді. Біз: «Неге,

Ақа?..» деп, мына тосын әңгімеге елең ете қалыстық. Ақаң сәл-пәл ойланып барып: «Өйткені ұзын саны он миллионға жеткен халықтың ассимиляцияға ұшырап, мүлде жоқ болып кетуі ешқашан мүмкін емес, егер Жаратушының тосын бір пәрмені болмаса. Тарих сабактары бізге осыны айтады. Бұл – біріншіден, екіншіден, бұл пәнніңдің жалған екенін кім білмейді, сондыктан менің де әйтеуір бір кезде, – ерте ме, кеш пе, – о дүниелік болатынам ақиқат қой, сол кезде туған халқымның 10 миллионға толған қабырғалы ел болғанын көріп кетсем, менде бұдан басқа қандай ұлы арман болуы мүмкін» деген-ді. Бұл құндері, шүкір, сол асыл ағамыздың арманы орындалып, казак халқы үлкен қабырғалы елге айналып отыр. Сондыктан біздің Жаратушыға айтар алғысымыз шексіз болуы керек.

Ал «Қазақ аулының материалдық, моральдық түргыдан күйизеліске ұшырай бастағанын қай жазушылар тереңдеп суреттеді?» деген сұраққа келетін болсақ, мен олардың қатарына Ш.Мұртаза, С.Мұратбеков, Ә.Кекілбаев, М.Мағаун, М.Ысқақбай, Д.Исабеков, Қ.Мұханбетқалиев, Б.Нұржекеев, Т.Әbdіков, О.Бекеев, Т.Нұрмағамбетов, Ж.Түменбаев, тағы басқа бір топ қаламгерлерді жатқызған болар едім. Сонымен бірге мен бұл құндері шығармалары біздің сыншылар мен әдебиеттанушылардың назарынан тыс қалып бара жатқан екі талантты прозашымыздың аты-жөндерін атай кетуді парыз санаймын, олар – марқұм Сейдахмет Бердіқұлов пен марқұм Болат Қанатбаевтар. Мениң ойымша, Сейдағаның «Электрик», Болаттың «Жар басындағы жалғыз үй», «Керек адам» деп аталатын әңгімелері – казак аулының қайталанбас бейнесін жасаған классикалық дүниелер. Бұлар – қазақ аулының тағдырын суреттеген ең таңдаулы шығармалардың антологиясына ұлмай ұсынуға татитын әдеби жәдігерлер.

Жалпы, нарықтық экономика көркем әдебиеттің көсегесін көгерпейді деген пікірге мен көп қосыла бермеймін. Еліміздегі руханияттымыздың осы саласының құлдырап кетуіне басты кінәлі капитализм емес, кінәлі біздің заңымыздагы кейбір олқылықтар және біздегі кітап саудасы менеджментінің дамыған елдерге қарағанда артта қалғандығы. Мысалы, дамыған елдерде кітап өнімдеріне біздегідей қосымша құн салығы салынбайды, елдегі

мәдениеттің нығаюына, көркеоіне қамқоршылық жасаған меценаттарға кейбір салықтық женілдіктер жасалады және ұлттық көркем әдебиет, кино, театр өнерлері туындыларының өз халқының арасында кеңінен тарапалуына мемлекеттің өзі айрықша мүдделік танытып, өнерге, ғылымға деген бас демеушілікті өз мойнына алады.

А.Кемелбаева: – 1966 жылы көрнекті орыс сыншысы, әдебиеттанушы Игорь Золотускийге жазушы Федор Абрамов Ленинградтан телефон соғып, «Север» журналын тап, Василий Беловтың «Привычное дело» повесін оқы, Рұсьқа үлкен жазушы келе жатыр» дейді. Золотуский рухани өліп, қаңырап құрып бара жатқан орыс деревнясы туралы бұдан артық дүние оқымағым, үйіңе пәле келгенінде жүргегін қалай ауырады, соны сезіндім деп тебірене жазады. Бұл повесте совет дәүіріндегі шаруа адамының ұдайы жоқшылыққа байланған, колхоз шөбін бір сиры үшін тұнде ұрланып шауып, үлкен отбасын асырай алмай, соның кесірінен әйелі зорығып өлген ашы қасиretтін суреттейді. Ал советтік идеология мұны көрмегенсіді.

Орыс патриархальды тұрмысының ақыры А.П.Чеховтың «Шие бағы» кесіліп, И.А.Буниннің «Деревнясы» күйзелген кезден бұрынырақ басталған. Қазақ әлемінде орыстың басына туған күн кешігіп қайталанды. Қазақ әдебиетінде ауыл күні батқанын терең суреттеген жазушылар кімдер деп ойлайсыз?

Ауыл мен қала қақтығысы, ауыл адамдарының шынайы прототиптері анық талай әңгімелерде, сондай-ақ, «Тұқым» атты әңгіменізде керемет дөп берілген! Қазакы домалақ жала сөзді, етірік косып, тұздықтап, зиянсыз әсірелеуді көрсететін юмор тұсы: «Айдарбайдың үлкен ұлы Қорғанбек... әкесіне әбден көңілі қалған соң, «Енді бұл шалдың өлігіне келермін» деп кетіпті дегенді ауыл арасындағы әйел, бала-шаға сыпсың-сыпсың әңгіме етіп жүрді», «Осыны айтқанда, Қорғанбектің қасында кім тұрғанын құдай білсін, әйтеуір, көлденен жүрт: «Рас, одан шығады» десіп намазға ұйыған молдаша ықыласпен құп алысты...».

«Қыскы каникул» атты әңгімede қазақтың көпе-көрнеу шоқиган, қыстауда жалған қонған оқшашу тұрмысын, интернатта оқитын жас баланың анасына, ананың бауыр еті баласына жан тебірентерлік сағынышын, Мойнақпен

сырғанақ тепкен Шынтастың кейпін дәл суреттейсіз.

«Қоныртаудың басында бір топ жусан» атты әңгімеде қазақтың жаны бар. Ностальгия қазақ жазушысына шын мәнінде не береді? Ендігі ұрпақ орыстан асып, шығандап, Европа, Америка, ағылшын шығып кетті. Олар тегіне қайтуға бейілді ме?

«Шеше» атты әңгімеде жесір әйел Толқын ұлын оқытты, жеткізді. Ұл есімі анық аталмай, ұл делінеді, қарақан басынан аспайтын, дөкей басшының күйеу баласы болу арқылы кісі болғысы келген, тоғышарлықты таңдал, заманға күйлеген, ең жақын анасы мен қарындасын үйлену тойына шақырғысы жоқ, бірақ шешениң жиған-терген ақшасын қағып алуға арланбайды.

Ауылартта қала бермек, соған үкім етілген, саясат нәтежесі. Ауыл-қызын, қала-женіл, ауыл-сұрықсыз, қала-сұлу, сөйтіп, ұдайы салыстырулардан тектік белгілер ұтылып, ғаламдану ұта береді. Бұған не қайран бар? Қазақтықтың негізі, ұлтың алтын ұясы ауыл емес пе?!

С.Асылбек: – Айгүл, менің Сіз атаған «Тұқым», «Қыскы каникул», «Қоныртаудың басында бір топ жусан», «Шеше» деп аталатын әңгімелерімнің бәрі дерлік біздің ауылдың тіршілігінен алынып жазылған дүниелер. «Қоныртаудың басында бір топ жусан» деп аталатын туындыдағы шалдың прототипі мен 5-сыныпқа дейін қолында өскен атам Қани Қосымұлы болса, «Қыскы каникулдағы» шеше мен бала – менің анам Ләтипа мен менің өзім. Екінші дүниежүзілік соғыстың солдаты менің әкем Асылбек Өтегенов майданда қатты жараланып, Уфа қаласындағы әскери госпитальда 5 ай жатқаннан кейін, 1944 жылдың сонында әскер қатарынан босатылып, елге оралады. Елге келген соң 6-7 жыл колхоз председателі болып істейді де, 1950 жылдары бастықтың жұмысын райкомға кайта тапсырып, бір отар қой алып, қырға кетеді. Өзінің бұл қадамын ол кісі: «Менің сауатсыздықты жою мектебінде 3-4 ай алған азғантай білімім 1950 жылдардың басында бір-бірлеріне қосылып ірілене бастаған үлкен колхозды басқаруға қауқарсыз бола бастады. Елге бұл уақытта кәсіптік училище, арнаулы ауыл шаруашылығы техникумдарын бітірген жас мамандар келе бастады, сондықтан мен райкомға барып, арыз жазып, өз орнынан ерікті түрде босануды жөн көрдім. Ол кезде

қанша майдангер болсаң да, шала сауатты адамға ауылда екі-ақ жұмыс бар, біреуі – қолыңа кетпенінді алып, дихан болу, екіншісі – қазақтың ата кәсібі қойшылық. Мен екінші жолды таңдадым», – деп түсіндіретін.

Енді бәрі айқын болған шығар деп ойлаймын, «Қысқы каникулдағы» совхоз орталығындағы интернатта жатып оқытын, он күнге үйіне қысқы демалысқа келіп жүрген қойшының баласы Таңаттың прототипі – менің өзім. Бір айта кететін жағдай, малышлардың балалары кішкентайынан ел-жүрттап жырақта, жаратылыспен етene өскен соң болар, табиғатқа, ондағы өсімдіктер дүниесі мен жан-жануарлар әлеміне өте жақын, сезімтал болып өседі. Соңан соң қиялшылдау болады, олай болатын себебі айналанда сенімен бірге ойнайтын құрбы-құрдастарың жоқ, ал бала болған соң бәрібір біреулермен ойнамай болмайды, сондықтан сол қиялышындағы құрбыларыңмен асыр саласың, немесе «Қысқы каникулдағы» Таңат секілді азаннан кешке дейін Мойнақ секілді иттің бірімен жарысып ойнайсың. Әйтеуір айналысатын бір ермекті өзің тауып алуың керек.

Тағы бір айта кететін жағдай, малышлардың баласы орталықтағы жайлы үйлерде өскен ауыл мен қала балаларына қарағанда ерте есейеді. Малышының ауыр тұрмысы оны ерте есейтпей қоймайды. Мысалы, мен мектептегі екінші сыныпты бітіріп, үшіншіге көшкен жылғы жазғы каникулдан бастап демалыс кездерінде бір отар қойды жалғыз өзім бағып жүрдім. Эрине, күн сайын емес, жетісіне екі-үш реттен дегендей. Өйткені малшы да адам баласы, кейде оның да басы ауырып, балтыры сыздайтын кезі болады, немесе көрші ауылдағы құрдастары, құдалары, не нағашы-жиендері оны той-томалакқа шакырады. Сол кезде қой қотанда іірілп тұрмайды гой, оны біреу өріске шығарып, бағып келуі керек, әдетте сол біреу басқа емес, сол әлгі тойға кеткен малышының әйелі, не баласы болады. Біздің үйде менің шешем малышының зайыбы болса да, бір күн толық мал бағып көрген жоқ, ол жұмысты әкем, мен, кейінірек менің інілерім атқарды.

С.Есениннің бір көреген сөзі бар: «Не өтсе, сол аяулы» деген. Бала күнімде «Қысқы каникулдағы» Таңат секілді: «Шіркін-ай, совхоз орталығында тұратын балалар кандай бақытты. Әрқашан әке-шешелерінің, құрбы-құрдастарының

қасында, мына мен секілді әр каникул сайын әрі-бері шұбырып діңкелемейді. Менін ата-анам не ғып осы бір отар қойға байланып қалды екен?!!» деп, арман ететінмін. Ал қазір қарасам, сол қияндағы жалғыз қыстауда таңертеңнен кешке дейін ак тер, көк тер болып Мойнағыммен жарысып жүретін қамсыз күндерім өзіме ерекше ыстық, аяулы көрінеді. Сол бір енді алтын берсөн де сатып ала алмайтын, ешқашан оралмайтын балалық деп аталатын пәктікті сағынам.

А.Кемелбаева: – «Ех, Россия!» – трагикомедиялық әңгіме, құлкісі мен қайғысы тең. Қасқыrbай – әскерден Қызылқұмдағы шағын ауылына жаңа оралған жас жігіт. Бөрі – тотем. Қасқыrbай – нағыз қазақ. Қазактың көрсекзызар, әсірешіл, елікпе, ергіш мінезін ерекше дәл беріпсіз. Баяғыда таза қазақ ауылының бір ауыз орысша білмей есken әскерден қайтқанда ана тілін ұмытып қалыпты-мыс. Қабыргада ілулі тұрған әкесінің тонын көріп жалбыранка, қамшыны – салбыранка, итті зымыранка деген екен. Өркениетті елдерді көріп оралған қазақ сол анекдоттағыдай, өз елін қораш санап, комсынып, жатырқай қалатын тосын мінезі тиپтік мінезге айналып кеткен. Бұл ой екішты, орысқа тән рухани дүниенің бәрі көрікті, қазақта тән тұрмыстық дүниенің бәрі өгіз арба ілбінмен артта қалған тәрізденеді. Бұл астары мол әңгімеде ұлт мұддесі үшін жаны кую, қазақ идеясы берілген. Экономикасы дамымай артта қалған аймақтарды ит байласа тұрғысыз көріп, нәпақасыз халық туған жерден кетіп жатқан, жаппай урбандалу сыры ашылады.

Гюстав Флобердің «Мадам Бовари» атты әйгілі романында провинциядағы бір сарынды сұрша өмірден жалығып, жаны көркемдікті аңсаған елгезек бас кейіпкері сияқты Қасқыrbай Ресейдегі екі жылда көзі көрген небір артықшылықтарды ансан, жаны құлазиды. Бұл этностық мұдде. Әңгіме юморы қарарай көз жасына бергісіз. Орыс халқы әділ, орыс озық деген идея басқа бір әңгіменізден кездеседі. Біздің қазақ қайтсе өзгелерден кем қалмайды?

С.Асылбек: – «Эх, Россия!..» әңгімесінің тууына біздің ауылдағы мынадай бір болмашы оқиға себеп болды. Бейсен деген кластасымыз бар болатын, өзі анқаулау, адал, ақжарма жігіт-ті. Сол Бейсен Ресейде екі жыл әскери қызметін атқарып, елге оралады ғой. Бірсынапа кластастарымыз, –

ішінде мен жоқпын, – құтты болсын айтуға Бейсекенің үйіне жиналады. Дастархан жайылып, бір бірлерін көтпен бері көрмеген құрбылар арқа-жарқа болып қалады. Әдеттегідей бәрі жұз грамдатады сол кездің салттарымен. Сүйтіп екінді кезінде ауылдың шетіндегі төбеге көтерілмей ме бәрі абыр-жабыр болып.

Жаз. Жарықтық Қызылорданың күні күйіп тұр. Оның үстіне ауа тымырысық. Сол кезде дембелігे шығар алдында рота старшинасының көмегімен жергілікті саудагерлерден сатып алынған теңізшілердің көкжолақ мәйкесімен тұрған Бейсен ұсына қарай дөңгелеп бара жатқан қып-қызыл күнге қарап тұрып: «Жігіттер, мына ыстыққа қалай шыдап жүрсіндер?! «Эх, шіркін Россия!.. – дейді ғой мәйкесінің кеуде тұсын бір қолымен желпіп қойып құрсініп. – Эх, Россия!.. Саған жер жетпейді ғой әлемде!...». Кластастар әуелі Бейсекенің бұл тосындау монологына түсінікремей қалады, кейінірек көздері мәселенің мәнісіне жеткеннен кейін арқа-жарқа бір құлнейін десе, Бейсекенің түрі өте байыпты, орысша айтқанда, өте «серъезный». Сағыныштан дымданыңқырап кеткен қой көздерін батыска, яғни Россия жаққа қадап алған.

Міне, осы бір кішкентай деталь осы әнгіменің жазылуына тұрткі болды. Әнгімегі қалған оқиғалар Ресейдегі әскерде қызмет еткен таныс, жолдас жігіттердің бастарынан өткен әртүрлі эпизодтардан құралған. Былайша, айтқанда, бұл әнгімегі Қасқыrbай – Ресейде әскери қызмет еткен қазақ жігіттерінің жинақталған типтік бейнесі.

Айгүл, сіз «Эх, Россия!» – трагикомедиялық туынды, күлкісі мен қайғысы тен» деп, бұл әнгіменің табиғатын бір ауыз сөзбен дәл ашып беріпсіз. Шынында да, Қасқыrbайдың көптеген іс-әрекеттері мен мінездері оқып отырғанда күлкі тудырғанымен, оның ар жағында қазақ жанына орыс отаршылдығының салған ауыр жарасы жатыр. Қасқыrbай неге дастарханда үкіметтің заңды өндіріс орнынан шыққан арақ-шараптары самсал тұрғанда өзі әскерде жүргенде деревнядағы кемпірлерден сатып алып ішкен қайдағы бір орыс самагонын ансайды, неге ауылдағы сүмбіл шаш, қара көз аруларға көңzlі tolмай, Ресейде қалып қойған Наташаның ыстық құшағын, аспан түстес назға толы әдемі көгілдір көздерін ойлап сағынады. Өйткені ол отарланған

ұлттың өкілі, сондықтан оған қазақы атаулының бәрі артта қалғандықтың, ал орысқа тәннің бәрі озықтықтың, прогресстің белгісі секілді бол көрінеді. Жасыратын несі бар, егемендік алғанымызға жиырма жылдан асса да, осындай кембагалдық комплексі (комплекс неполноценности) көбіміздің бойымыздан әлі арылып болған жок қой, ейткени философ қазакен біліп айтқандай, ауру батпандалап кіріп, мысқалдан шыгады.

А.Кемелбаева: – Қазақ қоғамының көртартпа бейнесін әжүа күлкі, аңы мысқыл арқылы суреттейсіз. «Алтыбақан» – Жаңабек әділет іздеген кейіпкер. Ол ауылдағы қазақбайшылық кері кеткен көнбістік пен озырылышқа шыдай алмай тілші болады. Оның аудандық газетке басылатын мақалалары расында арыз-шағым. Мұнда тіліп түсердей қазақ ақиқаты бар. Осы әңгімеде «Алдош – Алданыш – Алдаекен» кейіпкері қоса жүр. Кез келген кейіпкеріңіз арқылы, мейлі ол жақсы не жаман болсын, қазаққа ғана тән психологияны беру шеберлігініз ерекше.

Әуелде бір шығармасынан екінші шығармасына кейіпкерлері ауысып жүре беру тәсілін Джемс Фенимор Купер, Уильям Фолькнер, Эрнест Хемингуэй үлкен прозада дамытты. Сол өміршөн тәсіл өте әсерлі, мен оны біраз әңгімемде ұштастыра жалғастырдым.

Жаңабек тілші шындықты атымен түстеп айтқаны үшін ақ қарғаның кебіне ұшырап, қоршылық соққыға жығылды, сотталып кете жаздап, қарадай 1000 сомынан айрылды, ауылдан аласталды. Ен жаманы, оның шындық сүйгіш рухы жасыды, қай заманда болсын адалдықтың құны көк тиын екенін ұқты. Қазақтың жакауараткан өтірік мінездері оның титігіна жетті.

Осы әңгіменің негізгі идеясы күштінікі қашанда зан, жарамсақ жұрт екіжүзділікке еті үйренген, соның үшін зұлымдыққа елең етпейді, әманда «Сен тимесең мен тиме, бадырақ көз» деп бұғып қалады деген елдік құса. «Алтыбақанды » жазуға не түрткі болды?

С.Асылбек: – Біз осы күндері қіт етсе, билікті кінәлап жатамыз. Айталақ, дер кезінде суарылмағандықтан бір фермердің егіс алқабы курап кетсе де, немесе бір жекеменшік фабриканың шатырын дауыл ұшырып алып кетсе де. Қойши, әйтеуір бәріне кінәлі солар, яғни биліктегілер

сияқты болып көрінеді бәрімізге. Мен бұл арада билікті ақтап алғалы оларға адвокаттық қызмет көрсетіп отырғаным жоқ. Рас, мемлекетіміздің жегі құрттай жеп, әлсіретіп жатқан да биліктегілер, параны мындарап емес, миллиондал қылғытатындар да қарапайым көпшілік емес, сол лауазымды атқамінерлер, сүйтіп қоғамды айрандай ірітіп жатыр сарбаздар. Бірақ солар қайдан шықты? Жер астынан тесіп шықты ма, әлде аспаннан парашютпен салбырап түсті ме? Жоқ, нақ біздің қоғамнан, өзіміздің қақ ортамыздан шығып еді ғой. Олар біреуіміздің сыныптасымыз, біреулеріміздің ауылдастымыз, енді біріміздің нағашымыз, немесе жиеніміз. Ендеше бар гәп біз өскен қоғамда болып тұр екен ғой!.. Егер біздің бәріміз анау Балтық жағалауындағы эстондар мен латыштар, немесе Скандинавиядағы шведтер секілді шетімізден турашыл, әділетті, паракорлық пен екіжүзділікке атымен төзбейтін ақжүрек жандар болсақ, олар да бізден шығандап алыстап кете алмас еді ғой. Өйткені кілең әділетшіл, турашыл ақжүректер ат төбеліндей билікті ондай оспадарсызыңқа барса, жаппай митингілетіп, бір-екі аптаңың шамасында бір жағына шығарар еді ғой. Жоқ, біз, жасыратыны несі бар, ондай ақжүректер емеспіз, біз де билігімізге ұқсанқыраймыз, дәл солардың өзі болмасақ та, мінезімізде, құлқымызда соларға тән толып жатқан белгілер бар. Ендеше Қазақ қоғамында болып жатқан кінәрреттарға билікпен қоса біз де кінеліміз.

Айғұл, жалпы көркем шығарманың идеясын автордың ашып көрсеткенінен гөрі, оқырманның, одан да гөрі әдебиеттанушылар мен сыншылардың ашып көрсеткені тиімдірек болатынын екеуміз де жақсы білеміз ғой. Алайда өзініз сұрақ қойғаннан кейін этикетті сәл-пәл аттап, өз шығармамың идеясын өзім айтуда тұра келіп отыр. «Алтыбақан» повесін (мен бұл әдеби туындының атын кейінірек «Ақ қарға» деп өзгертуім) жазу барысында мен өз оқырманым осындаид идея айтуды мақсат тұттым. Ал повестің бас кейіпкері Жаңабекке келетін болсақ, мұндай адамдар әр ауылда, әр ауданда бар. Бірақ бір өкініштісі, қоғамдағы былых-шылыққа көз жұмып қарау әбден қанына сіңіп кеткен казактардың арасында олар тым аз, көп қара қарғалардың арасындағы азғантай ақ қарға секілді бірлі-жарым. Сондықтан да олар дәл казіргі күндері біздің қоғамымызда ауа райын жасай алмай отыр.

«Алтыбақан» повесіндегі Жаңабектің шығарманың сонында қоғамнан тауы шағылып, жалғыздыққа ұшырауы мениң қалауыммен болған ситуация емес, қазіргі қазақ қоғамының шындығы тудырып отырған жай. Мен мына азды-көпті өмірде осы кейіпкерге ұқсас бірнеше азаматты көрдім, алайда әділет үшін жүргегін суырып беруге даяр осындаған жандарға біздің көртартпалау қоғамымыз әпенделерге қарағандай шекелерінен күліп қарайды, сондықтан да соттарда да, біздің қазандай қайнаған әлеуметтік өмірімізде де көбінесе әділет жеңіліске ұшырап жатады. Осының бәрін сараптай келгенде данышпан Абайдың біз туралы: «Бұл қазақ іә қолында шексіз билігі бар, немесе шексіз байлығы бар адамды ғана тыңдайды, оған әділеттің де, адалдықтың да қажеттілігі шамалы» дегені рас болып шықты ма деп қауіптенем. Және Абайдың заманындағы қазақ пен қазіргі жаңа қазактардың құлқы мен мінезі (олардың үстеріндегі киімдерін, көздеріндегі көзілдіріктерін, астындағы көліктерін айтып отырғанымыз жок) бір бірлерінен онша көп алыстап кетпеген сиякты. Ең қатерлісі – осы, ейткені Абай дүниеден өткелі арада бір ғасырдан астам уақыт өтті, – ал бұл аз мерзім емес, – ендеше дүниежүзілік даму заңдылығына сай осы жұз жылда біз ұлт ретінде сапа жағынан көп ілгерілеуіміз керек еді ғой. Алайда, өкінішке қарай, әзірше олай болмай отырғанға ұқсайды.

А.Кемелбаева: – «Үлкен қаладағы кішкентай оқиға» – ете нәзік, лирикалық әңгіме. Жас қыз – Гүлсара, балан жігіт, студент – Танжарық. Жастық шақ – таңғы шықтай тазалық бар. Алғашқы махаббаттың оқыс тұтануы. Қимастық. Аэропорттағы бейкүнә айырылысу. Екеуінің тағдыры жолын автор жұмбақ қалдырады. Бірақ жігіт қызды ізден сонынан баардай зарығады. Маған бұл әңгіме өлеңдей сезілді. Автобиографиялық сарындары бар сиякты?!

С.Асылбек: – Айғул, «Үлкен қаладағы кішкентай оқиға» деген әңгіменің автордың өмірбаянына қатысы бар ма?» деп саяул қойыпсыз. Иә, ептеп қатысы бар. Біздің бәріміздің өсіп шыққан Отанымыз ол – балалық, жасөспірім шақ қой. Аталған шығарма мениң қаламгер ретінде әлі ештенемен ласталып үлгерменеген алғашқы ақша қар секілді балауса, мәлдір сезімдерімізге қойған әдеби ескерткішім десем де болар. Бұл әңгіме ең алғаш рет «Мәдениет және тұрмыс»

журналының 1982 жылғы 7-інші нөмірінде «Абитуриенттер» деген атпен жарық көрді. Ол кезде бұл басылымының таралымы 450 мыңның, яғни жарты миллионның шамасында еді. Өзініз айтқандай, аталған шығарманың басты кейіпкерлері балаң студент жігіт Таңжарық пен жас қызы Гүлсараның өмір жолын финалда шешілменген жұмбақ күйінде қалдырым, өйткені адам баласының алдағы тіршілігінің қалай жалғасары әрдайым белгісіз ғой, оның қалай болары тек бір ұлы Жаратушыға ғана аян, сондықтан да біздің бәріміздің тағдырымыз кейде өзіміз мүлде күтпеген бұрылыштарға толы. Мүмкін адам өмірі сонысымен қызық, сонысымен ғажайып шығар.

А.Кемелбаева: – Серік аға, алғашқы балаң маҳаббатты «Мектеп бітіру кеші», «Рабиғаның маҳаббаты», «Сары қыз», т. б. әңгімелерде төрек, психологиялық қалтқысыз суреттейсіз. Мұнда қазақ тұрмысындағы көріністер бар, мұғалім әйелдердің арақ ішуі, қазақ тілі шұбарлануы, ерлердің бос мылжындыққа, рухсыздыққа салынуы. Бостекі көке мылжынды қазақ ертеде бәдік бас деген. Ендігінің бәдік басы Гогольдың Ревизоры – Хлестаковтан еш кем емес, жүрген жерінде үлкен құрметке ие. Жаттанды, өлең-жырларды көсілте шешенсіп, бір сәтке өзге жүртқа данышпансып көріне алады. Өйткені қазіргі шоу өнерге әбден үйренген надандай халық әдебиетті, құнарлы сөзді өзі жарытып білмейді, сондықтан бір псевдофилософ шықса шынымен мәз болып, тұқ көрмегендегі танырқай қалуға, қадір тұтуға еті үйренген.

Маҳаббаттың бағы мен соры кілең уштікке байланған. «Мектеп бітіру кеші», әңгімеде ересею басталар сәтте Нұрашқа Алмагұл жабысады. Ең кереметі, ол зәлім қыз бозбаланың Бибіжанды ұнататынын біле тұра, арага тікенек болып өсіп шығады. Жас десе де нағыз сайқал. Балауса қыз кезінде-ақ кей әйелдің құлығы қырық есекке жүк болары өмірде жиі кездеседі. Маҳаббатта құншілдіктің шегі болмайды. Екеуінің араларын Алмагұл бәрібір бөледі. Сол сәтте жаңбыр жауып, аспан қақ айырылардай күн күркіреп қоя беруі психологиялық паралелизм. Нұраш құсалы анырап тұр, бұл қателігі бүкіл өміріне кетерін іші күйіп сезеді.

Нұраш сүйген қызымен татуласуын өкірман соңғы сәтке шейін күтеді. Әңгіме реалистік қуаты зор, құпия драмасымен баурайды.

С.Асылбек: – Сіз атаган «Мектеп бітіру кеші», «Сары қызы» деп аталатын шығармалар да негізінде өмірде болған оқигалардың негізінде туған. Жалпы, мен барша қаламгерлер секілді екі нәрседен – тіршілік ақиқатынан және көркемдік қиял деп аталатын ішкі рухани күштен – қуат алам. Мениңше, өмір шындығы жазушы үшін шикізат болса, көркемдік қиял шығармашылық еңбекпен қосылып сол шикізатты белгілі бір өнердің формасына келтіруші қалып. Егер адам тұмысынан суреткер болып жарапған болса, ол мына айналамызыдағы қайнаған өмірден өзіне лайықты, қолайлы шикізатты бірде болмаса бірде міндettі түрде табады, сонан соң оны қандай қалыпқа салып пішіндеудің әдістерін, методикасын ойланбастанайты. Бір күні суреткер өзі де күтпеген бір сәтте сол әдіс, сол методика жазушының ойында, қиялында оның жан дүниесін куанышқа, ақшанқан сәулеге бөлеп, жарқ ете түседі. Ал қалғаны енді техниканың ісі. Мұны шынайы шығармашылық тұлғалардың бәрі біледі, өйткені олардың әрқайсысы белгілі бір көркем туындыны өмірге әкелерде міндettі түрде осы жолмен жүріп өтеді.

«Сары қызыда» Абай атындағы Қазақ педагогикалық мемлекеттік институтының филология факультетінде менімен бірге оқыған бір курсас қызының басынан өткен оқиға суреттелеған болса, «Мектеп бітіру кеші» 1968 жылы жазда мениң кластикарымның мектеп бітіру салтанатына арналған қоштасу кешінде өмір сахнасына шыққан әлеуметтік, интимдік ситуациялардан тұрады. Шығармада мен, әрине, кластикарымның аты-жөнін өзгертил алдым, тек бізге орыс тілі мен әдебиетінен сабак берген Майя Дмитриевна Тен деген мұғалимамыз ғана бұл туындыға өзінің шынайы ныспысымен кірген. Майя Дмитриевна Л.Н.Толстой, А.П.Чехов секілді орыс классиктерінің шығармаларын терең түсініп, білгілікпен талдайтын, С.Есенин, А.Ахматова, В.Маяковский секілді ақындардың кейбір өлеңдерін жатқа соғатын өте білімді педагог-тын. Соңдықтан мен осы бір сүйікті ұстазымызы аталған әңгімеге өз аты-жөнімен кіргізуға тәуекел еттім. Бұдан ол кісінің азаматтық атақ-абыройына пәлендей қоленке түсек қоймас деп ойладым.

Маган оқырмандармен кездесуде осы «Мектеп бітіру кеші» туралы көптеген сұрақтар қойылады. Соның ең бастысы –

«Осы әңгіменіз арқылы нендей ой айтпақ болдыныз?» деген сауал. Мен осы шығармам арқылы егер оқырманға жеткізе алсам, бір емес, бірнеше авторлық идея айтпақшы болған едім. Олар – балалық шақтың ғажайыптығы, оның адам өмірінде жазғы нөсердей айналасын озонға, жұпарға бөлеп, тез өте шығатын өткіншілігі және ең бастысы біздің ең үлкен жетістіктеріміз бен қателіктеріміздің осы жасөспірім шақта басталатындығы. Ешкім о баста туда бітті бірыңғай алаяқ, екіжүзді, жыланқы, аяр, немесе ақжүрек, батыр, қайтпас қайса болып тумайды. Сәби кезімізде бәрімізде перште секілдіміз. Алайда қоғамдық орта, көше бізді өз қалауына қарай жұмбаздал, өзінше тәрбиелейді. Менінше, бұл тәрбиенің әсері ата-ананың, ұстаздардың тәрбиесінен де күшті. Өйткені қоғамдық ортада, көшеде бәсекелестік, тартыс бар. Сол тартыс, бәсекелестік сені неше түрлі пәлеге, жақсылыққа да, жамандыққа да итермелейді. «Мектеп бітіру кешіндегі» басты кейіпкерлер Нұраш пен Алмагұлдің, Бибіжанның ортасы – олардың өздері және басқа да бой жетіп, ержетіп калған сыныптастары. Бұлардың арасында да ересек қоғамдық ортадағы секілді тартыс, бәсекелестік бар, ал олар бар жерде міндетті түрде қателесу бар, жеңу бар, жеңілу бар. Өмірдің мектебі дегеніміз – осы. Оның қатал сынынан өтпейтін ешкім болмайды, міне, сол кезде біз өзіміздің адамшылығымызды сактап қала аламыз ба, әлде пенделіктің шырмауынан шыға алмай, онбай сүрінеміз бе, менінше, бар мәселе осында.

А.Кемелбаева: – «Рабиғаның махаббаты» – күллі қазақтың әр ауылында тегіс болып өткен типтік қайғылы оқиғадай елестейді. Әңгіме идеясы – адамдар шынайы өмір сүрге қабілетсіз, ең қымбат қазынасын қараусызың пен неміңдрайлылықтан, көз қарашиғындағы аялап сақтауды үйренбенгендіктен тез жоғалтады. Адамзат үшін махаббаттан артық дүние болмаса да, соны дер шағында танымай қор болады.

Образдар нақты, жалғандық жоқ. Беймезгіл солған гүлдей нәзік Рабиғаның айдалада жалғыз қонған қойшы әкесінің үйіне мектеп директорымен осы қазаға қатысы бар делинген жандар барған сәттегі трагедиялық тұсын суреттеуініз үлкен прозаның ансары. Көзбен көргендей әсер етіп, жүрек ұлып коя береді.

Рабиға ғашық болатын сырты жылтыр, іші бықсық

Мадрид есімді жігіт, ол тәрізді тоғышарлар, жаны қарау надандар қазакта зорая көбейіп алған. Олар қазір дес бермейді. Осыған келісесіз бе, Серік аға? Онын бөтен есімі тексіздік өршітін теріс нышанды білдіреді. Сондай жат жерлік есімдер де сүмдық көбейген. Мадрид Рабиғаның жас өліміне селт етпейді. Бірақ повес астарында Мадридтің осы құрбандықтан тубі құтылмайтыны, обал жібермейтіні, өмірде опық жеп тынатыны сезіледі. Не алған әйелі жаман болар, не болмаса басқа қырынан ілігер, әйтеуір, Мадрид сүм онбайды.

Аталы сөзді тек Дәулет деген үлкен кісі айтады: «Адамзат баласының ең ділгір нәрсесі – махабbat емес пе? Мадрид шырағым, сен оның – Рабиғаның махаббатынан неге қорықтың? Неменесіне ат-тонынды ала қаштың? Роза қалқам, сен сол қызы баланың бір жапырақ хатын құбыжықтай көріп, неден шошындың?». Қазақ ұлттық тамыры, ата дәстүрінен ауытқуы, мектептегі жалған идеология бейmezгіл трагедияға әкелді. Әйтпесе, ғашықтық хаттар бұрынғының салты болатын.

Әлеуметтік астары айқын дүние болуымен бұл повес құнды. Қолдан жалған құса жасалған жоқ. Сол кезеңнің уитты мәселесіне айналған соң туган жазушының жан айқайы. Рабиғаның жауапсыз сүйіспеншілікті, ұятын желеу етіп, өзіне-өзі қол жұмсауы советтік атеистік тәрбиенің кесірі деп ойлайсыз ба? Қызғалдақтай әдемі қызы баланы аман алып қалуға болмады ма?

С.Асылбек: – 1973-1979 жылдары мен Қызылорда облысының Қазалы ауданындағы «Құмжиеқ» совхозының орталығында орын тепкен №92 қазақ орта мектебінде әуелі қазақ тілі мен әдебиеті пәннің мұғалімі, кейінрек мектеп директорының орынбасары болып қызмет істедім. Сол кезде аталған мектепте «Рәбіғаның махаббаты» повесінде суреттелетін оқигаларға ұқсас бір жағдай болған-ды. Бұл – 1970 жылдардың екінші жартысы еді. Алайда ол кезде осы оқиға кейінрек мен жазатын бір шығарманың арқауына айналады-ау деген ой менің үш ұйықтасам түсіме кірмеген жай болатын. Әрине, барлық мектеп мұғалімдері мен адал ниетті ауыл адамдарын жаңағы біздің мектепте орын алған қайғылы оқиға бей-жай қалдырған жоқ, бәріміз де ойда жокта мектеп жанындағы интернатта жатып оқытын жап-жас қыз

баланың қазасына қайғырдық, өкіндік. Алайда уақыт емші бәрін де жазады ғой, кейіннен арада біраз мезгіл өткенде біз бұл оқиғаны мүлде ұмыттық. Мен жұмыс бабымен 1980 жылы Алматы қаласына ауыстым.

1980 жылдардың ортасында неге екені белгісіз араға он шақты жыл салып барып мениң осы жай есіме жи түсетін болды. Сүйтіп күндіз күлкіден, түнде үйқыдан қалдым деп тым әсірелемей-ақ қояйын, бірақ мен осы оқиғаны өзімнің ақ қағаздың бетіне түсіруге міндетті екенімді айқын сезіне бастадым. Осылайша аталған туынды өмірге келді.

Советтік басқару жүйесінің қарапайым еңбекші қауымның әлеуметтік мәселелерін шешуде кейбір озық жақтары да, сонымен бірге тозық жақтары да болды. Тозығы – бұл жүйе ұлттар мен жеке адамдардың дамуын үнемі шектеп, қырағы бақылап отырды, оларға еркіндік бермеді. Қоғамдағы адамгершілік қарым-қатынастардың нормасын белгілі бір қатып-семіп қалған коммунистік-большевиктік рамкаларға салып таставды. Осы рамкаға сай келетін адамдар ғана мемлекет пен қоғамның құрметтіне бөленді, солар ғана мансап баспалдақтарымен жоғары көтеріле алды. Әдетте мұндай мүмкіншілікті әруақытта да пысықайлар құр жібермейді ғой, олар кез келген қоғамдық-әлеуметтік ситуацияларға тез бейімделіп ала қояды, сол жолда ешқандай обал-сауапқа қарамайды, тіпті кіслердің өлігінен де шімірікпестен аттап жүре береді. Адамзат қоғамын осы уақытқа дейін жебір құрттардай сорып, оны үнемі ала тайдай бүлдіріп келе жатқандар – осында пысықтар мен пысықайлар. Олар, әдетте, жағымпаз, екіжүзді, тек қана өзінен құштілерді ғана мойындастын, соларға ғана өтірік құлшылық ұратын пендeler болып келеді. «Рәбиғаның махаббатындағы» Мадрид – сондай жан. Рәбиға соның аярлығының, екіжүзділігінің, қорқаулығының құрбанына айналады.

Рәбиға – әлі, қазақша айтқанда, он екіде бір гүлі ашылмаған, анғал, жан дүниесі көктемгі ашық аспандай соншама мөлдір, періште тектес жас бойжеткен. Сондықтан да ол Мадридті ешқандай бір ішкі есепсіз жан-тәнімен құлай сүйеді. Ал сүйткен адамы оны сатып кеткенде, онымен қоймай Рәбиғаның өзіне жазған ғашықтық хатын мектептегі қыздар советтін тәрайымы Роза Қасымхановаға апарып бергенде, ол адам жаны төзгісіз зор күйзеліске,

стресске ұшырайды. Осыншама опасыздықты, надандықты оның көктемгі бәйшешектей құлпырған нәзік жаны көтере алмайды, сондықтан сірке сүйеніштік болады. Сөйтіп өзі білместіктен құлай сүйген бұл дүниенің осыншама лас, осыншама жексүрын бір пендесінен, бір шындығынан мәнгі бақи құтылып, ғазиз жаны тыныштық табады.

Қадірлі Айгүл, Сіз өз сауалыңызда «Қызығалдақтай әдемі қыз баланы аман алғып қалуға болмады ма?» депсіз. Нәзік жанды Сіздің ақ ниетінізді мен адам ретінде түсініп отырмын, маган салса да Рәбиганың аман қалғаны әлдеқайда жақсы болар еді, бірақ өзіңіз жақсы білетіндей, жазушы ең алдымен өзінің симпатиясы мен антипатиясына, эмоциясына емес, өмір шындығына бағынуға тиіс қой. Ф.М.Достоевский айтпақшы, «Шындық А.С.Пушкиннен де, Н.А.Некрасовтан да, орыс халқынан да, тіпті Россиядан да жоғары, сондықтан да қанша абыз болса да тек ақиқатқа, шындыққа бағынып, соғанғана жүргініміз қажет» емес пе.

А.Кемелбаева: – «Қалқаш» – автобиографиялық сарындары айқын реалистік әңгіме. Тұнық, жанды киносценарий, керемет мазмұнды көркем фильм шығар еді. Жазда пішен шабуға шықкан төрт бала алғашқы өмір сабағын алғандай әсері бар. «Көздеріміз аш бөлтіріктің қомағай қос жүлдізыныңдай жылтырай түседі», бұл шөп шабушы балалардың ас пісіп жатқан сәтті күтіп отырған сәті. Жас жігіт, тракторшы Қалқаш пен «итбалықтың күшігіндегі балпанактай» балалы жас келіншек Кенжегулдің тыйым салынған махаббаты бейнеленген повесте ауыл тұрмысының небір қалтарысы мен көленкесі бар. Кенжегулдің сүймей шықкан топастау күйеуі сиырши Торша – ожар, маскүнем. Қазақ ауылдарынан арылмайтын типтік отбасының сиқы. Сұлу келіншекке мардымсыз сорлы күйеу. Ал ерлердің отбасындағы жетекші рөлі құлдырауы кез келген халықты түбі құртып тынады.

Негізгі лейтмотив – жасөрім ұл баланың сезім дүниесі сырын енді аңғара бастауы, әйел сұлтулығына алғаш сұқтануы әрі жан адамға мойындаға болмайтын алғашқы құштарлықтың таңғы шықтай жалтылдаған нышандарын өз бойларынан тануы. Кенжегулге Еркінғана емес, ұлдардың бері шетінен ғашық, суға түсетін мезет мұны айғақтайды.

Айлы түнде қос ғашық аз мерзім шынайы бақытқа бөленді:

«Тек сол тым-тырыс дүниенің күміс нұрын екіге жарып, Қалқаш пен Кенжегұл бара жатыр».

Жүсіпбек Аймауытовтың «Ақбілегіндегі» бір кемпірдің атышалдікі болатын. Қазакы дәстүрмен ырымдап, бұл жігіттің есімін Қалқаш қойған.

Таскене атанған бала кітапты көп оқиды, эстет.

Құндақтаулы баласы бар жас келіншек қос жаққа құлағы қарап, теңселе басып, қара күш иесі досын ертіп, жанжал шығарып, куа келген маскүнем күйеуіне еріп кетуге мәжбүр болғанын екі бала байқап, қиналып, оның бұырқанған теніздей аласұрған ғашық жаңын түйсініп тұрады.

«Қалқаш» – ауылдың тұйық судай, сұрықсыз, нәрсіздеу, жаңы сүйемеген қораш адаммен өмір сүрге басы байлаулы шерменде, бағы жоқ әйелдерінің тағдырына нала тәрізді әсер етті. Қалқашпен қол ұстасып кетуге болмайды, есік көрген аты бар Кенжегулдің бәрібір бағы жанбасы аян. Қалқаштың шешесі неге жынды кемпір атанған? Ол зікір салады, бақсылыққа қатысы бар ма? Қалқаштың өміріне осы бақсылықтың ұшы тиіп тұрған жоқ па?

С.Асылбек: – «Қалқаш» повесінің кейбір автобиографиялық сарындары бары рас. Жалпы айналып келгенде, барлық жазушылар ең алдымен өзін, өзінің жан дүниесін, соナン соң айналасын жазады ғой. Соңдықтан да әрбір суреткер өмірге әкелген кейіпкерлерінің әрқайсысына өз жан дүниесінің бір бөлшегін береді, сонда ғана ол персонаждарын тірілте алады. Осыдан шығарып айтсак, Бовари ханым қазаға ұшырағанда Флобердің «Бұл – мен ғой!..» деп, еріксіз еніз-теніз болуы тегіннен тегін емес.

Айгүл, мен сіздің: ««Қалқаш» маған ауылдың тұйық судай, сұрықсыз, нәрсіз, жаңы сүйемеген қораш адамдармен өмір бойы бірге өмір сүрге басы байланған шерменде, бақсылық әйелдерінің тағдырына нала тәрізді әсер етті» деген пікіріңізге толық қосыламын. Шынында, қазақ қоғамында осындай қашшама мындаған әйелдер бар. Олардың да басқалар секілді бақытты болуға хақылары бар еді ғой, бірақ тағдырлары басқаша қалыптасты. Неге? Оған кім кінелі?

Көркем әдебиет, өзінің жақсы билетіндей, қоғамдық, әлеуметтік мәселелерді шешіп бермейді, оны тек басқалардан бұрынырақ анғарып, қоғамның, әлеуметтің алдына үлкен сұрақ етіп қояды, сүйтіп жүрттың назарын

соған аударады емес пе. Мен де аталған повесте Қалқаш, Кенжегүл, Торшаның тағдырлары аркылы осы бір әлеуметтік, адамгершілік проблемаға шамамның келгенінше көпшіліктің назарын аударуға тырыстым.

А.Кемелбаева: – «Шер тарқату» атты әңгіме қазақ елі тәуелсіздік алар тұстың хикаясы. Диалогтар ерлі-зайыпты болсын, ауылдастар болсын біздің қазаққа етene тән ойлауға құрылған. Ауылдағы жемқорлық, алдап-арбау, нарық занына жабайы мойынсұндың уытын нысанан етіп алышсыз. «Енді айтшы өзің – кісіні тірідей тонау емес пе осы!» – деп шағынып, налиды З машина қауын-қарбыз, картопты кооперативке өткізіп, тыын-тебен алған Қемекбай әйелі Ырыстыға. «Қазақтан сен ешқашан әділет таба алмайсың, білдің бе?! Кеттім боктап-боктап!». Әңгіменізде орысты паналау деген ой жүр, әрі бұл қазақ үшін тың ой емес.

Ку, епті, момын елді қанаған арсызыдық қаладан өтіп, ауылға келуі «Алтыбақандағы» жаны қалап, өздігінен журналист болған жігітті де ашындырган. Бірақ оның куресі де жанбай жатып сөнген.

Соны А.П.Чеховтың «Ионич» атты құсалы әңгімесін еске түсірді. Ұлы өліп жалғыз қалған арбакеш шал шерін айтатын кісі таптай, арбага жегілетін жылқының кулагына айтушы еді ғой.

С.Асылбек: – «Шер тарқату» әңгімесінде орысты паналау деген ойдың жүргені рас. Бірақ бұл автордың ансары емес, шығарманың басты кейіпкері Қемекбайдың ойы. Мениңше, аулындағы жемқор қазақ атқамінерлерінің әбден қорлығы өткен оның қысылғанда: «Осы ерегескенде Ресейге көшіп кетсем бе екен?!..» деп толғануын түсінуге болатын сиякты. Қемекбай түгілі надан қазақ атқамінерлерінен таяқ жеп, алтын басы қор болған тұста данышпан Абай да басқа елге қарасын батырмақшы боп, астындағы атымен өз елінен безбек болған жоқ па еді?!. Ұлы ақыннымыздың сонда қай елді паналамақшы болғаны «Абай жолы» романында айтылмайды. Ал басына ат белін қайыстырар ауыртпашилық түскенде ең алдымен Қемекбайдың есіне Ресей түседі. Несі бар, әбден қисыны бар ой. Өйткені дамыған мемлекеттердің ішінде Қазақстанмен шекаралас жатқан жалғыз ел – осы Ресей ғана, анау мұхиттың арғы жағындағы Америка Құрама Штаттары, немесе қыырдағы Франция, Германия

жайлы Көмекбай тіпті армандай да алмайды, ол жаққа көшүте, біріншіден, оның қаржысы жоқ, екіншіден, тіл білмейді. Ал Ресей болса, жаңында тип тұр, тракторының тіркемесіне дүние-мұкамалын тиеп алып, кеденнен әрі асса, жетіп жатыр, әрі әжептәуір орысшасы да бар, сондықтан ол бұл елге сініспө кетермін деген үмітте. Мен, шығарманың авторы ретінде осылай ойлаған едім.

А.Кемелбаева: – «Қазақ повесі» атты монография жаздыныз. Прозаның шағын жанрындағы шығармаларды талдайсыз. Осы әңгіме-повестердің ішінде қашшалық типтік кейіпкерлер бар? 1960 жылы әдебиетке келген буыннан соңғы буындарда қазақ әдебиеті тоқырады деген пікірге келісесіз бе?

Халық пен әдебиет егіз. Халық әдебиетсіз ешқашан болмайды. Классикпін дейтін кейбір жазушылардың әдебиетті өзімен тұйықтауы нені білдіреді?

С.Асылбек: – «1960 жылдары ұлттық сөз өнерімізге келген буыннан кейін қазақ әдебиеті тоқырап қалды» деген тұжырымға келіспеймін. Мойындарымын, ол буынның өте тегеурінді болғаны рас, тіпті оларды XX ғасырдағы қазақ әдебиетіндегі бір құбылыс десекте жарасады. Алайда, Құдайға шүкір, одан кейін де ұлттық әдебиетімізде қадау-қадау талай таланттар, дарындар келді. Әсіресе қазіргі қазақ поэзиясы дүниежүзілік көркемөнердің ең биік денгейлеріне дейін өсіп, үлкен сапалық өзгерістерге ұшырады.

Жалпы, қазақ сөз қонған халық қой, бәріміз жақсы билетіндей, көркем сөз – көркем ойдың көрінісі. Ендеше қазакты әлемдегі ойшыл халықтардың бірі десек, ақиқаттан онша алыс кетпейміз. Меніңше, халқымыздың мұндай ерекшелігі оның үнемі табиғатпен етene өмір сүрген номадтық өмір салтынан шығатын сияқты. Ендеше адамзатта көшпелілікті ең соңғы болып аяқтаған тұған халқымыздың сөз өнеріне деген інкәрлігі оның дәстүрінде, қанында бар қасиет. Ал осында ұлттың көркем әдебиеті, иншалла, ешқашан суалмаса керек.

Қадірлі Айгүл, сөзсоныңда меніңазды-көпті шығармаларыма ілтипат білдіріп, оларды білгірлікпен талдағаныныз үшін өзіңізге тағы раҳметімді айта отырып, ой-толғаныстарымды осы арадан аяқтағанды жөн көріп отырымын.

*31-шілде, 2013 жыл,
Алматы.*

ҒАЛЫМ ЖАЙЛЫБАЙ. ТҮРКМЕН ЦИКЛІ

Айгүл Кемелбаева: – «Алтын тұрман – Ертоқымын дайындал, / Ақалтеке арғымағын айылдал, / Құтіп отыр досым менің Атажан. / Дос карызын достығымен қайырмак. / Төбемізде төңкерліген қызыл бұлт, / Алдымыздың аныздай көл Қызылқұрт. / Түркпенмен тұтасқан бір даламыз, / Шындық болып алдымыздан шығады, / Қазақ айтқан, түркпен айтқан кәрі аныз», – Сырбай аға Мәуленов жырға қосқан түркмен еліне, дастан, эпос жанрының негізін қалаған Әнділіп шайырдың туғанына 350 жыл тойына Жұмабай Шаштайұлы, Жанарбек Әшімжан үшеуініз барып қайттыңыз, «Керуеніне керуеніміз жалғанып. / Махаббаттың мәнгілігі шын болса / Сен де мәнгі, Нұрмұхамед Әнділіп!», – деп толғайсыз.

Ғалым аға, бұйырған Мактыймұлы медалі құтты болсын! «Magtymguly – sozlar tili turkmenin» – «Мактыймұлы – сөзлар тілі түркменнің» деп атайды есімін өлмес өлеңге таңбалаган ұлы ақын тілі түпнұсқасы қазақ тілінен алшақ еместігі жүрекке сонша жылы тиди. Дүйсенбек Қанатбаев «Мактыймұлы – сейлер тілі түркменнің» деп аударды. «Сіреседі жалғыз өзі, / алдырмайды азапқа. / Сексеуілдің бар міnezі – Түркмен мен қазақта», – деп қайырасыз. Қазақ пен түркменнің ең асыл ортақ қасиеті неде деп ойлайсыз?

Ғалым Жайлыбай: – «Барар жерің Балқан тау, ол да біздің барған тау» дейді қазақ мәтелі. Балқан тау – түркменнің теке, ерсары, салор сияқты байырғы тайпалары қоныстанған жер атауы, Манғыстау жақ. Барыс-келіс, аралас көп болған.

Түркмен мен қазақ, түбі туыс, қонысы таяу халықтар, малмен күнелткен көшпелі жұрт болған соң, өмірді қабылдауы, сана-сезімі, даралауы ортақ.

«Түркпендердің төңкерген қауға бөркіндей, / Қарауытады бұтқата құс ұялары», – деп Алматының ақпанын Ұлықбек жырға қосты.

Кіндік Азия, Каспий теңізі бассейні аумағында, Тұран мен Иран аталған бағзы елдер, небір құнды эпостар, батырлық жырлар, махаббат лирикасының үздік үлгілерін тудырған

құдайы көрші ежелгі түркі жұрты мен ежелгі парсы жұрты, бұл да біздің ортақ тарихымыз, көркем рухани жадымыз. Тілдік туыстық негіз. Тіл туыс, түбі бір халықтар бір-бірімен қанша шекіссе де, тым абы бола алмайды, бір құдіретке көзсіз бағынады. Бір-бірін түп-тамырымен қынадай қырып-жою олардың өмір салтында жоқ. Аламандықтан аспайды.

Бұғінде түркі өркениетінің мәртебесі туралы үлкен ой айтылуда, жаңа ғасырда рухы туыстық, бауырмалдық, өзара жатсынбау, асыл рухты қор қылмау ерекше маңызды. Біздің Әндіәліп ақын тойына, өлең өлкесіне бару сапарымыз сондай мұраттан туған.

Нұрмұхамед Әндіәліп – Мақтымқұлының адал досы болған, жас үлкен замандасы, Хиуа хандығында өмір сүрген ақының ақын. Түркменнің ұлы ақыны, ойшыл данасы Мақтұмқұлы болса, Ломоносов, Вольтер, Гете заманының жыр мен ой алдыбы. Бұл заман еуразиялық құрылықта небір долы буырқану, толку, қараңғы қапастан түнілген адамзат рухы жарыққа талпынған, ағартушылық нұры жанған, жойқын реформалар уақыты болғаны белгілі. Мұндай сұрапыл замандарда өмір сүрудің өзі ерлікке баланары анық.

Айғұл К.: – Саги Жиенбаевтың башқұрт жырлары бар. Түркмен циклі несімен таңбалы? «Бармысыздар түбіміз бір түркмен!», «Зылиқага ынтық болған Жүсіптей / Ата казақ ұсынады жүргерін», «Махаббаттың жыры туған өлкеден – / Ләйліні ізден ләйліп кетсем деп келдім», – деп қазақы мақамға салдыңыз.

Әділбек Абайділданов: «Бетін бүркеп ұялып тұрғанменен / Көзге сонша тәкәппар көрінеді», – деп түркмен қызының ай-күндей көркін сүйіп жырлады.

Пушкин: «Я помню чудное мгновенье: / Передо мной явилась ты, / Как мимолетное видение, / Как гений чистой красоты» деп сүйіп қалған бір сұлу бейне түркмен ару – «Сені көрген бағым ерен, Гүлрайхан, / Ташауызға тағы келем, Гүлрайхан!...» – деп мұза көрдініз.

Түркмен әлеміне шынайы сүйіспеншілік неден басталды?

Ғалым Ж.: – Бұл сапар аялап, жақсы сезіммен барып қайттық.

Көне түркілік бастауларымыз бір. Түркмен әдебиетіне тиғен парсы мәдениеті біздің қазақ әдебиетіне мейлінше

тиесілі болды. Былай қарасаң, оғыз-қыпшақ нәсілінің ақындар жаратылысының ұқсастығынан мұны анық көрүге болады. Сопылық, өмірдің өткіншілігі, жазмыш, дінге қатысты өлеңдер, насиҳат жырлары, философиялық сарын екі халықта бірдей дәрежеде жырланып, айтылып келді. Бағзы бабаларының рухы құштілігін құдірет тұтып, кейінгі ғасырлар азғанын, қоғамның материалдық байлықта тұтылған дертін, бай-бектердің екіжүзділігін, ашқөздігін әшкерелеу, бағзы рух пен мәртебеден айрылу шағымы, арзу жырлар, ақырзамандық сипаттарды қадай айтуда екі халық өкілдеріне бірдей ортақ. 18 ғасырда өмір сүрген рұы салор Шейдай есімді түрікмен ақынының сарыны, біздің зарзаман ақындарымен үндес. Азаматтық сарын екі жақта бірдей. Ақындық рухты, жүрек сөзін соңғы пайғамбар өсietтеген он жолдың, ақиқаттың досы санайтын қас жақсылар халықты рухани азудан сактандырады. Сондай-ақ, екі елде қатар араб-парсыдан аударма әдебиетті өз атынан жырлау салты, назирашылдық дәстүрі молынан дамыды деп ойлаймын.

Түркмен дәстүрінде көркемдікті көре білу, эстетикалық талғам жұмақты аңсаумен, жұмақ бағын көрумен тен.

Айгүл К.: – «Иманы – нұр, / Сабыры ұлы, / Салты ұлы, / Жанарында найзагайдың жарқылы. / Шырағданын жағып қойған секілді / Оғыз ханың орда тіккен алты ұлы» – деп эпостық құлашпен түркменді дәріптейсіз. Түркмен – құрметке бек лайық мәрт халық. Таможнясы коррупция дегенді білмейді, арзанға малданбайды, рухани сатпайды деп естідім. Алабай, ақалтеке, зерлі кілем мен алтын-күміс әшекейіне дейін «Түркменнің ұлттық байлығы» деп көлденен сұқ көз сұғанаққа қол тигізбейтіні ұлттық асыл мінез. Мұндай аққа берік халық рухани келбетін жоғалтпайды. Шіркін, біздің дүниеконыз жемқор кей қазақ мұны білсеғой! Қазактың жартысындағы ана тілін, тамырын, ділін менсінбейтін кердең мінез оларда ырымға жоқ. Бұл ненің әсері деп ойлайсыз?

Ғалым Ж.: – Қазактың ана тілін жетімдей телмірткен әлсіздігі неде, түркменде атымен жоқ кемшіліктер бізге неге жүқтеді? Мұның астарын жаңың кинала ойламасқа амал жоқ. Түркмен елі жана дауірлермен ілесе келетін жоғалтулар, жұтандану, таяздану симптомдарына ұрынбағаны елдің өзін-өзі құрметтейтін, өзгені қадірлейтін оң пейілінен

көрінеді. Бұл ағайын мәрттігін, таза, бекзат болмысын сақтай білгеніне көргенде расымен елжірей қуанаасың. Қазіргі заманғы түркмен ұргағы ынсан, мейірімді алға қояды. Меніңше, демократияның да шегі бар. Өзгелердің қансығы бөгденің дүниесін шегінен, межеден асырмауды үйренген ақылды халыққа таңсық болмайды. Сыртқы жегі әсерді, елдікке кесірі тиетін дүниелерді бұл халық қабылдауға бейім емес. Тектілігін жоғалтпауға мұнан өткен қандай ұлы қорған керек!

Айғұл Қ.: – Ғалым аға, «Ақша маңдай Ар өсірген, түркмен, / Ақ самалдай жаны есілген, түркмен. / Сахараның түйелерін шұбыртып / Құм ішіне бақ өсірген, түркмен», – деп арнау жыр жазған ақынсыз. Бұл әуелде өлеңмен халқының болашағына бата берген Мактыймқұлы арман, мұраты жүзеге асқаны! Ауызы дуалы ақындық миссия. Ол тұтас бір халыққа магиялық сөзбен бата берген, нұрлы болашағын болжаған әулие ақын.

«Мактыймқұлы мұнын ішкен кеселеп / Ұлы Абайдың ұрпақтары келіп тұр!» – деп сапар сазын шертесіз.

«Дархан жанын жаз жайлайған Берді аға», – деп түркмен классик жазушысы Берді Кербабаевқа жыр арнаған Әділбек Абайділданов Ашхабадты: «Журегінді жібереді тулатып, / Молланепес жырлап өткен ғашықтар», – дейді, «асықтар қаласы» деп аударылады екен.

«РУХ отын жаққан мекен», «Ашғабатта, – / Тұлпар сыйлар ел барда хас талапқа, / Барғың келмей қалады басқа баққа, / Ашғабатта...» дей келе, «Оғыланың орман болғыр – Көнеүргеніш, / Көнеүргеніш...» – деп тілек тілеп, бата бересіз. Бұл ризашылықтың сағынышы ғой?

Ғалым Ж.: – Түркмен халқы ата-бабадан мирас барша жақсы қасиеттерін сақтап қалғанына риза болдым. Азын-аулақ орыс халқының бар-жоғы білінбейді. Түрікменге қылышы жат емес. Бір топыракта туып, бір суды ішкен соң оның мәдениетін қастерлеуі заңды. Түрікмендер оғыздар ғой. барлық жерде өзінің ұлттық киімі, дәстүрі. Қарап көз тояды.

Салыстырудан анық көрінеді, біз көп асыл қасиеттерімізді жоғалтып алдық.

Қонақүйден елшілікке бару үшін такси ұстадым. Жол ақшасын төлеймін десем, жап-жас түркмен жігіті: «Сіз

мейман екенсіз, аға, мен жолақы алмаймын», – дейді. Бір жарым сағат бойы машинасымен алып жүрді, сол қызметтің бауырмалдық сезімге, құрметке балады. Бір ғана кісісі сондай деп ойлама, басқа адамдарының мінезінен мәрттігі, шынайы қонақжайлыштың білінеді. Біздің қазақ та бұрынырақ ерекше аңқылдағ тұратын. Кез келген түркменнің баласы үйіне қонаққа шақыруға дайын тұрады.

Айгүл К.: – 1000 жыл бұрын Махмұт Қашқари оғызын қарлұқтан шыққан түркі мұсылмандарын түркмен деп жазады. Түркітанушы ірі ғалым В.В.Бартольд түркмен халқы өзінің бірлігін тек поэзияда жетеп ұғынды деп жазды. Руы ғөклөн Мақтымқұлы Пырағы түркменнің ұлы ақыны, ұлттық тұлға. Тұнғиық, нұрлы суреткер, «асқан ұлы ақын» деп Гете беретін сирек анықтауышқа бек лайық. Мақтымқұлы жырлары туралы 2 ұлкен эссе жазды, әлі зерттеп жаза беруге шын ниетім бар.

Мақтымқұлы, Сеиди тұган елінің бірлігін мұрат етті. Сөз материяланады дейді, әсіресе, қуатты, құшті, сәулелі сөз. Бүгінгі Түркменстан бірлігі жарасқан дербес мемлекет. Руханиятты соған бастады.

Абай хакім рулық-тайпалық қоғамда «Қалың елім, қазағым, қайран жұрттың» деп жүргегін дерт алып, қайғырды. 1937 жылдың репрессия құрбаны Құдайберген Жұбанов 1886 жылғы бүл өлеңінде Абай өз руы тобықтыдан асып, халықтық деңгейге көтерілді деп зор баға берді.

Ғаламдану билеп-төстеуге уақыт бет берген қазіргі уақытта біздің қазақ жазушылары неге тар шенбер, ұсақ-түйек қораш трайбализмнен тұсаулы аттай шығып кете алмай жүр? Сөзі бөлек, ісі теріс, зиялды саналған жұрттың кейі екіжүзділік пен өзімшілдік, амбицияның құлы болуы ұлтқа кесірін тигізіп болған жоқ па? Құдай адамға айласына емес, пейіліне беретінін олар қалай ұқпайды?

Ғалым Ж.: – Біздің халық небір жанкешті ауыр сын уақыттан өтті. Құдай сақтап, небір зұлмат заманнан аман қалған елміз. Бірақ тұнығынды лайлайтын дәүірлік трагедиялар текке кетпейді. Қаусатып кетеді. Тектік нышандарға ұлкен зақым келгенін мойындауға тұра келеді. Елдік биік рух жанғырса, оның да орнасы толар кез алда деп сенемін.

Айгүл К.: – 14 ғасыр қара түнек заманда қарапайым адам

баласын зорлық-зомбылықтан қорғап, адам ең зор құндылық, құдай нұры кеудесіне қонған жан иесі деп күштіге жазықты болған, әмірші терісін тірідей сыйыртқан шерлі жазмышты Насими шайыр туралы дастан жазған Нұрмұхамед Әндіәліп өз есімін әр өлеңінде келтіреді. Шығыстық дәстүрді қазақ ақындарынан Қасым Аманжолов көбірек қолданды. Сфрагида, есімін қол қойған сияқты өлеңінде мөр қылып басу дәстүрін тәжік-парсы ұлы ақындары үнемі сактауы неліктен деп ойлайсыз? Плагиаттықтан қорғану ма? Сізде сондай сфрагида өлең бар ма?

Ғалым Ж.: – Өз атымды қосып жазған бірен-сарап өлеңім бар. Ақын, сал-сері, халық композиторлары арасында өз есімін өлеңге қосу дәстүрі Біржан сал, Жаяу Мұса, Мұхит, Естай, Ыбырай, Әсет, Шашубай әндері арқылы исі қазаққа тарады. Мәдидің әнінде есімін емес, руын атайды. Қазақта жырлаушы ақынның өз есімінен ғөрі шыққан тегін, руын атав дәстүрі кенірек канат жайғаны рас. Бұның бәрі ата-бабамыз өткен далалық дәстүрлі қоғамда рух шақыру үшін, рухы мықтылық үшін қолданылған игі салт-дәстүр. Тектілік, қазақтың әр баласы тегін білуі парызы санаған, қан тазалығы солай сақталғаны аян. Рушылдық әншейін, қорғаныш үшін керек болған. Өйткені бұрынғы билер қара қылды қақ жарған. Тура биде туған жоқ деп шындықты жақтаған.

Ал парсы-тәжік жырларында есте жоқ ескі, жыр тұндығы лайланбаған көне бастауларда сондай бір есімін жариялау дәстүр болуы, жыр мектебі тәрізді, шұғыла тарауы ерекше дамыды.

Айғұл К.: – 200 жыл бұрын туған түркмен ақыны Молла Непес өзін «Махаббат шахы» деп атаған, өйткені қытымыр заманда дінбасылар сезімді көл-көсір жырлауға тыйым салғанына қарамастан тек сүйіспеншілікті сүйе жырлаған. Молланепес жас қызын зерлі тақиясын көріп, жарқылы күндей жарқырап, көзімді қарықтырды деп ынтызарын айтты. Абай «Көзімнің қарасы» деп асқақтатқан сұлуды Молла Непес «Көзімнің ағы мен қарасы» деп ұқсас теңеумен жырлайды. Түркі ақындарының ойлау жүйесі, дүниені көрүі бірдей болу сырының түп казығы неде?

Ғалым Ж.: – Өлең менің ұғымымда ерен тылсым, кастерлі дүние. Оның құпиялы қасиетін, арда, жұмбақ болмысын ең мықты әдебиет зерттеушісі де түсінбейді. Көзге көрінбейтін

ыргактар, сиқырдай саздар, бір шумақтың ішінде түсін түстей алмайтын мыңдаған элементтер болуы мүмкін. Қазір нағыз өлеңнің алдына женілtek әуендер шығып кетті. Өлең дегеннің ұлы табиғатын жұрт түсінбей қалды. Бір шумақ. Шексіз ғайып дүние. Ақын өлең жазып отыр. Өлеңмен бірге ол өмір сүріп отыр.

Айгүл К.: – Ақын сапар шексе, өлең бағы өсер. «Керней айтсын Самарқанның жеріне / Жұматай әл-Қазақидың келгені», «Пиренейге Лоркадан келген кейін / Ұлы ақын жоқ», «Азияда Сағди шәйір қаңғыды, / Тірісінде ешкім ұлы демеген», «Ұлы ақындар күнде мені жебеді» (Жұматай Жақыпбаев). Өнер көгі космостық өріс, рухани тартылыс, үндестік сарын таусылмайды.

«Барлық құрылышқ сенен жарлы, шөлейтім!» (аударған Д.Қанағбаев) деп жырлаған Сейтназар Сеидидің әк аруана киесін Светқали Нұржан поэмасына кейіпкер етті. Есенғали Раушановтың құстар туралы зоологиялық эсселерінде түрікмен туралы ізгі ойлар бар.

Мемедуәлінің лақап аты Кемине, «кем», «мұсәпір», «пақыр» деген мағына береді. Ол дәруіш, суфий, Алла сүйіспеншілігіне мұхтаждығын сондай биік ұғымда берді. Қазіргі адамдар өзін зор тұтып адасады. Рух пен материя ымырасыз қайшылық тудырған шірік қоғам құриды. Материя бәсі рухтан тәмен болуы керек. Қазақ сөз өнері қазіргі спорт, музика дүниесінен, шоу-бизнестен неге сүмдік тәмен бағалануда?

Ғалым Ж.: – Айгүл, Қадыр Мырза Әли ақынның өзі түрікмениң мәндайына біткен уш классиктің бірі деп бағалаған Кемине туралы «Кеминенің шапаны» деген өлеңін есіме түсірдің. Жамаудан бір сау жері жоқ жыртық шапанмен өткен ақын бейнесін жырмен ұлықтайды. Біздің қазақтағы Жиренше шешен айтты дейтін даналық сөздерді бұрынғының адамдары ұмытпай айтушы еді. Жиренше: «Қайран менің өзі үйім, кен сарайдай боз үйім» дегенде аяғы лашықтан сыртқа шығып жатады екен деп.

Шығармашылық дарын иесінің жазмышындағы бір жасырын астар осы азызда тұрған жоқ па екен. Құдай мәндайын жарқыратып, санасына дегдар сөз берген, даналық дарытқан адамдардың бай немесе кедей болуы аса маңызды болмағанға ұқсайды. Артқыға өлмейтін сөз

қалдырған тұлғаның бақыты шартты ұғымдардың шенберіне сыймайтын болса керек.

Айгүл К.: – «Тәтті-тәтті түс көрдім түркменде – / Мақтамқұлы ақынның мақамын бер!» – дейсіз. Абай 13 жаста шығыстың жеті шайырын пір тұтып, сыйынды ғой: Фзули, Шемси, Сәйхали, Науай, Сағди, Фирдауси, Хожа Хафиз. Шығыстанушы ғалым Өтеген Күмісбаев Абайдың Шемси дегені Жалаладдин Руми деп нақтылады.

Асылы ақынды ақын пір тұту, жазушылық символды ақтайтын тұлғаларды сюю адамдықтың шыны. «Асыл сөздің әулиесі, / Сен де маған медет бер!», «Шерлі Науай, өзің жар бол!» (Несіпбек Айтұлы). Абайдан сонғы қазақ ақындары алдыңғы буынды пір тұтуды үйренсе, бұл он құбылыс.

«Дүние шөккен нар екен, / Шөккен нардың арқасында тағдыр Жұті бар екен», бұл Өтежан Нұргалиев. «Ұлы Хафиз, өлең-жырдан басталған, / Сіз бен біздің арадағы жақындық» (Қасымхан Бегман), Хафизді Шәкерім ұстаз тұтты, жас ақын Қайырбек Шағыр перифраз алды: «Сонда жаным, Хафиз шайыр жырлағандай сениң де, / Самарқант пен Бұхараның құны жалғыз меніңде», мұның бір мәнісі жақсының аты өшпеу, сәулелі көркем жад. Ұларбек Дәлейұлы «Омар Хаямды адақтау» деп толғау жазды, Гомерді «Гректің Абайы» деп қазақ ұғыммен тенейді. Гомер көне, Абай кенже, үрпақ сабактастыры.

«Жұз ақынның – үзілмейтін жол дәйім, / жұз ақынның – тегеурінді қолдайын», «Ақын болу Хақтың ісі» – деп жазды Нұрлан Оразалин. Қалам адамдары үшін жарық дүние жұз ақын, жұз жазушы, тегінде шығармашылық иелері сүйіспеншілікпен өсірген мәнгілік жасыл бақпен тең. Қазақ біраз санды дөңгелектеп, жұз, мың дей салады ғой.

«Анық елсін арманы Ай таңбадай, / Көңілімнің құстарын қайтармағай! / Бес мың жылдық тарихын түркменнің / Бес-он күнде айғақтап айтам қалай?..», «Тірлігіне туыстың ғажап қалып, / Елге қайтып барамыз қазақтанып. / Күздің жарық кездерін кие тұтқан – / Біздің халық сезгенім аз-ақ халық». Ғалым аға, Түркменбашы әуежайындағы сәулелі әсермен жазылған бауырмалдық коштасу жырында кімді аз халық деп айттыңыз, қазақты ма, түркменді ме?

Ғалым Ж.: – Оғызыңыз-қыпшақ түркі жұрттының бүтінгі мұрагерлері түркмен мен қазақты қатар айттып отырмын.

Расында екеуі де күллі әлемнің алдында саны аз халық болып саналады.

Бізді алып жүрген қыздың аты – Гүлрайхан. Көзі ашық қызы. Біздің тараапымыздан оған бос әңгіме айтуға, арзан қалжың айтуға ол қыздың болмысы жібермейді. Қыздың жолы жінішке дегенде баяғы аталарымыз осындаі үріп ауызға салғандай дегдар биязылықты ұлықтаған. Түркмен аруы көзімен, сөзімен бәрін қоршап тастаған. Тас қоршау емес, тұбықталудан тыс ар-намыс, тектілік қорғаны десе он болар. Бір ұлттың қызы сондай болсын. Қызы қылышымен дейді казақ, түркмен қызына тән инабат, әдел, асыл тәрбиенің мықтылығынан деп ұқтым, қымтап алу арқылы еш бүлдіргі кірмеген.

Негізі күллі бір ұлттың болмысын аялап сақтайтын аналары ғой. Әйел заты азып, құлдырауға кеткен халық түбі құриды, тегеуріні қатты тарих оны сан мәрте дәлелдеумен келеді. Жарты ғасыр айналған жоқ, біздің аналарымыз қандай еді, тұтас қазақ даласы сондай дана ел аналарын анызға айналдыруы, ұрпакқа үлгі тұтар ардақты есімдерін ру атына шығаруы тегін тумаған.

Айгүл Қ.: – Фалым аға, Сіз маған сюжетін берген «Ереймен мен Ақынай» атты әңгімелді 2009 жылы «Қазақ әдебиеті» газетіне жариялаған едім, реті келгенде, ризашылығымды қайталап неге айтпайын! Ақынай образына прототип болған апамыздың есімі – Қонақай, әкеме туыс болып келеді деп айттыңыз, Күлеймен жезденізді авторлық нұскада Ереймен деп өзгерттім. Кеуденізге өшпеспей болып жазылып қалған бала кезде көзбен көрген сол уақығаларды ризашылықпен суреттеген сәтте, Қонақай аpanы ұлттың анасы деп айтқаныңыз көкейімде әлі сайрап тұр!

Орнында бар оңалар десе, тектілігі түркі жұртында ерекше аталатын қазақ халқы болудан құдай айырмасын. Аты бар да, заты жоқ болудан аман болайык.

Өлең өмір, жолыңыз қашанда оң болсын!

11.11-12.11.2014. / 2.12.2014.

Мұратбек ОСПАНОВ: АҚЫНДЫҚ ДЕГЕН БІР АЗАП

Республикалық «Абай» журналының бас редакторы, ақын, Қазақстан Жазушылар одағының мүшесі, ҚР Мәдениет қайраткери, Абай ауданының Құрметті азаматы.

«Сандықтас», «Дүние дидар», «Сүмбіле», «Жырұйык», «Тандайдағы тамшылар» атты жыр кітаптарының авторы.

—Мұратбек, «Жасымнан жсан серігім өлең еді», «Ақын едім, аңқылдаған жүрөгі, / Бір басында мың бақсының жыны бар» — ақындардың иесі Қорқыт бабадан қалған дәстүрлі өнер, «Өлеңімді ешкім сатып алмайды, / Онан басқа байлық та жоқ менде түк!» деп жырладың. Қазір сөз өнері өгей бала көрінгенмен, адамзат қогамы жетілген сайын әдебиеттің күшті улгілеріне зәру бола бермек. Бірақ сол жсан мұқтаждығын адасқан қогам түсінбейді. Ақындар бұган не дер екен?

—Біздің қазақы ұғымда «өлең», «жыр» деп жатамыз. Орыс ағайын «стих», «стихотворение» дейді. Соңғысы өлең табиғатына жақын келетін сияқты. Өйткені көзге көрінгенде көңіл елегінен еткізетін, ішкі жан күйзелісін, шабыт шуағын жүрек соғысымен лықсыта сыртқа шығаратын өнер ғой бұл. Оның қалай шығатыны, қандай үлгіде берілетіні ақынның еншісіндегі, ақынның қабілетіндегі қасиет пен қасірет шығар.

Сонау «зар заман» деп ат қойып, айдар таққан ақындардан бастап, бүгінгі жас буынға дейін осылай жазылып келеді деп ойлаймын. Сондықтан адамзаттың қай қоғамында да тіл өнерінің жолы даңғыл бола бермеген. Шөлдеткен, ансаткан. Сол зәрулігімен де оның құны арта түскен. Мұқтаж дүние қашан да қымбат. Бәрі жақсы болып кетсе – ішкі тоқырау басталады. Ізденіс жоғалады.

Оз басыма келсем, қоғамдық құрылыш ауысқан тұстағы келенсіздіктер, адам психологиясындағы өзгерістерді еркіндіктің арқасында ептеп қағазға түсірдім. Аңсаған азат күніміз туды, енді неге түзеліп кетпейміз дегендей. Біреу – ұқыты, біреу – ұқпады. Басқаша жорыды.

Тәуелсіздік туын тіккен жиырма жылдың ішінде қазакты

әлем таныды, ел жамалы жадырай түсті. Осы куанышты жайды да құмарлана жырладым. Біреу – ұқты, біреу – ұқпады. Тағы да басқаша жорып әлек. Міне, ішкі «стихия» дегенім – осы.

– Абай дәстурінде өлең жазу бір ғанибет. «Абайды жастайымнан ұғып өстім», «Ашығын айтқан Абайға сенем» деп өзің жырға қостың, «Қоянды» атты өткен мен бүгінгі қозам шындығын қатар өрген өлеңің растайды. «Ит пен құстың тілін байлан тастайтын, / Оспан атам молда болған деседі ел». Шыңғыстаудың атом жарылысы 40 жыл тынбаган киелі топырағы бүгін қандай күйде? Жер кіндігі атанған ата-баба ізі қалған қасиетті тұган өлкеміз не күйде? «Қазақтың тақиясы тәрізденген, / Шыңғыстау – атырабын аңыз керген», «Рим қанша тұнғанменен аңызға, / Шыңғысъыма жестейді еken күрең бел!», «Ұстазым Оразалин Кәмен ага», «Төлеген ақын ұстазым». Өлеңдеріңде өткен өмір иірімдері бар. Қарауылда өткен балалық кезең саған не берді?

– Даны Абай мүлде өзге әлем. Шапаны түгіл, түймесін тіккен инесінің жасуындаған ізіне түссек – үлкен бақыт! Ана сүтінен дарыған ақындық, әке қанымен құйылған құдіретті даналықты өз бетімен дамытқан. Интернеті жоқ қоғамда отырып-ақ әлем әдебиетінің есігін қаққан. Кітаппен сусындаған. Батыс пен Шығысты тел емген. Өз қайнарымыздан қанып ішкен. Құран сезінен имандай ұйыған.

Әуелі аят, хәдис – сөздің басы,
Қосарлы бәйітмисал келді арасы.
Қисынымен қызықты болмаса сөз
Неге айтсын пайғамбар мен оны Алласы.

Абай «Өлең – сөздің патшасы, сөз сарасы» дей келе, Құран да өлеңмен түскендігін мегзейді.

Туғанда дүние есігін ашады өлең,
Өлеңмен жер қойнына кірер денен.
Өлеңді сөз патшасына балайтын себебін өзі айтып беріп отырған жоқ па? Мұны Ахмет Байтұрсыновтың былай бағалайтыны бар: «Абай өлеңге өзгеше көзбен қарап, өзгеше құрмет, ықыласпен күтіп алып, төр түгіл тақтан орын берген». Ол заманда мұнан артық қалай айта алсын, жарықтың.

Осындаған киелі өнердің сонына түскендіктен мейлінше адад болуға тырысатыным рас. Өткен мен бүгінді өлшеп

жазу кейінгі ұрпақ үшін керек. Көрі тарихтан тағылым алу қажет. Көбінесе, оленнің сыртқы сұлулығы емес, ішкі мағынасына ден қоямын. Қиял жетегіне еріп, абстракциялық шендерестірлерге көп бара бермеймін. Ібіліс-шайтандармен табақтас болуға да зауқым жоқ. Оқыған адам толғанса, қорытынды шығарса еken деп отырамын. Таஸұлактың суындау сылдырап, іштей келіспіт тұрса деймін.

Кейбір сырты сыңғырлаған сұлу жырлар – ақылы аздау, бірақ хаса сұлу келіншек сияқты әсер етеді маған. Ынтықтырып, құмарландырып қоймай ма?.. Мұның бәрі өз түйгенім. Бұғін біреу келісер, біреу келіспес.

Атом полигоны – біздің басымыздағы трагедия.

У жоқ еді Абай атам ішпеген, / Мына уды біз сімірдік күшпенен.

Соның бәрі атом болып жарылып, / Сыртқа шығып кете ме деп тістенем! – деп құніренген едім, Кеңес кезінде. Ұрпақ ұсақтап барады. Әлі қаншаға созыларын кім білсін. Қанға түсіп кеткен жемір құртты женіп шығатын күн туар деп үміттенемін. Медицина күшейіп келеді ғой.

Оспан атамды көзім көрген жоқ. Әже әңгімесінен құлақта қалғаны: Өзүет иелігіндегі «Иглік» жайлауына шығардан бір-еікі жұма бұрын жалғыз өзі барып, сол жерде құран аударатын көрінеді. Өте діндар адам болған дейді. Сол жаз біздің үрім-бұтқаты бір шыбын шақпайды еken. Тылсым дүние. Аруағына басымды иемін.

Жер кіндігі – Жидебай біздің ғана емес, Түркістаннан кейінгі бүкіл қазақтың қасиетті мекені. Өзін де талай байқаған боларсың, Семейден шыққаннан көлігін биікке қарай көтеріле бермей ме. Ұлы Мұхан үш арқалық деп жазады. Еуразияның кіндігін әйгілейтін белгі тұр. Тегін емес. Дәннің де түскен жеріне бітетіні бар.

Дәл осы тұста, үшінші сауалың екіншімен емшектес еken, бірақ жауап бере кетейін.

Төменгі сыйыпта оқып жүрген кезімізде аудан басшылары және мектеп мұғалімдері осы Жидебайдың басын тазалатуға талай апарған. Шәкәрім атаның ұлы Ахат ақсақалды көзім көрген. Ұзын бойлы, ат жақты, ашаң жүзді адам еді. Ұстазым Кәмен ағамен сырласып отыратын. Амал қанша, басымызда жел гулеп тұрған балалық – байыбына барғызбапты.

Ветер дует, ветер дует, / Когда дует, когда нет.

Мой девченок, казаченок, / Когда любит, когда нет, – деген орысша өлең шумактарын балалық құмарлықпен Ахат ақсақалдың аузынан шыққанда-ақ жаттап алғанмын. Оның орысша грамматикалық жағынан сауаттылығында шаруам қанша. Әлі күнге ұмыйтқан жоқпын. Осында ортада өстім. Кейін есейе келе Елдар досыммен (Кәмен ағаның ұлы) ұстаз үйінде сан мәрте болдым. Абайды құлағымызға құйып беретін, Мұхаң жайлы ұзақ толғайтын. Мұның қызығын Алматыдағы КазГУ-ге түскенде көрдім. «Болыс болдым, мінекейді» басынан аяғына дейін жатқа айтып бергенімде, сол кездегі журфактың темірдей қатал деканы, сатира сыншысы Темірбек Қожакеев қарқылдай күліп, окуға қабылдаған.

Шыңғыстаудағы ағылып-төгілген ақының ақын Төлеген Жанғалиев, аудандық газеттің сол тұстағы редакторы, сатирик ағамыз Манар Құрманбеков, нәзік нақышты лирик Әнуарбек Мәкенов, облысқа танымал журналист Совет Махметов, қазір астаналық болған Бекен Әбдікәрімов, Әйгерім Сейсенбина, макаланың өзін майын тамыза жазатын Майсары Ракышев, райкомда басшылықта жүрсе де қаламгерлерді туған баласындағы бауырға басқан әрі талантты сазгер, әрі ақын, әрі драматург Мейрамбек Жанболатовтардың бесігінде тербелдім. Жалпы тәлім алу, тәрбие көру жағынан мен өзімді аса бақытты адаммын деп есептеймін.

– Екеуміз республикалық «Абай» журналында 11 жыл қызметтес болдық. «Жаяу ақынды кімдер көзіне іледі, / Жүргегі үлкен Ырысхан ағам болмаса!». Журналдың бас редакторы Ырысхан Мұсағұлының тәлім-тәрбие, үлгі, өнегесін бойға сіңірдік. Адамдар салыстырганда ізгілік арқылы биіктейді немесе күнишіл, өзімішіл қасиетсіздігінен аласарады. Ырысхан ағамның қадірін Астанага келгелі біліп жүргін. Расында ол кісідей әділ, білікті һәм толерантты, кісі қақысын жемейтін, адам баласын боліп-жармайтын бас редактор мұнда келгелі бұйырмады. Ол кісінің рухани тағымының Абай дәстүріндегі үрпақтар сабактастығы деп анық айтқым келеді! Бұған не дейсің?

– Өте орынды айттың. Ырысхан ағаның қаламгерлігін де, қайраткерлігін де бүкіл Қазақстан біледі. «Абай» журналын қайта жалғастырып шығару – ұлы Мұхаң салған дәстүрге ададдығы деп есептеймін.

Бірде маған «Қазақ әдебиеті» газетінен «Кімді тұлға

тұтасыз?» деген сауал тасталды. Сонда мен: Жазба өнерінде Ырысхан Мұсаұлын тұлға тұтамын дедім. Бірнеше романның авторы. Ерекше мінезі – ешкімді бөлмейтін, адамды қабілетіне, ой-өрісіне қарай бағалайтынын айттым. Ұзақ жылдар облыстық «Семей таңы» газетінде редактор болғанда, үстірт қарап, салғырттық танытпайтындығын, жылтыраққа әуестенбейтінін үлгі тұтатындығымды жеткізген едім. Осы пікірімнен айнаған емеспін. Айнымаймын да! 23 жылым сол кісімен біте қайнасып, бірге өтіп келеді. Толық мағынадағы шәкіртімін.

— Қазақстан шыққан тұңғыш кәсіби скрипкашы, соғыста тұмбының түсін, фашистік Германия мен Еуропаны өнерімен таң қалдырған Әйтікеш Толғанбаев туралы поэма жаздың. Осы поэма және «Бала күнде мен талай Шәукімбайды көргенмін, / Болғанымен тілі жсоқ саусақтары соўлейтін», «Нұр бейнесін ақынның жендердегерден жасырған!» — Шәкірім қажы суретін аман сақтаған Шәуken және «Жан біткеннің сұлуы екен бұл Magi» деп міннатты жазмышын жырға қосқан кейбір деректі кейіпкерлерің кинога лайық бейнелердей елестейді.

— Мен өзіме-өзім тәжірибе жасап жүрмін. Қолымнан не келеді, поэзия түрлерінен нені жаза аламын дегендей. Сол оймен бірнеше поэма, баллада, элегия, сонеттер дүниеге келді. Бәрі шедевр десем, шектен шығып кетермін. Бірақ, мана айтқан тарихи парыз, қарызымыз мойнымызда.

Әйтікеш аға Толғанбаев, хакім Абаймен аталас. Текті тұқымнан. Біздің елге скрипканы әкелген Абайдың бел баласы Әбдірахман (Әбіш) ғой.

«Абай жолы» эпопеясында Мұхан Балқыбек жайлайуында Әбіштің скрипкада ойнағанын суреттейтіні бар. Сонда Мұқаға (Әділханұлы) Әбіш сын көзбен қарап, саусақтары тым жуан екен, жылдам икемге келмей жатыр деп кірпияздығын білдіреді. Яғни, қанда бар, текте бар дүние шықпай тұрмайды. Тағдыр тәлкегімен жүрсе де, Германия мен Италияны бекзат өнер скрипка үнімен мойындақтан нар қазақты қалай жазбаска!

Шәкірімнің суретін ұзақ жыл қойнына жасырып жүрген Шәукімбай (Шәуken) де осы асыл текстен. Кемтар болса да акылды адамның қолынан келе бермейтін батырлыққа барған. Толғанбаев Балтақай ата мен менің ағам Айтбай Өлиасқаровтың үй арасы жақын болды. Бала күнімде

Шәукенді талай көргенмін. Қолымен қабырғаға неше алуан андардың бейнесін жарық көленкесі арқылы көрсетіп отыратын.

Магидың тағдырын біздің жактағы үлкендер жақсы біледі. Жас күнінде жан біткеннің сұлуы болыпты. Тоқпақтай бұрымын тобығын қағады екен.

— Семейдің бекзат орманы оталып һам тоналып, шетел асып, кей қазақ қыздары асыл тегінен жаңылғанына өлеңмен налисың. Қазіргі әкімді баяғы Абайша сынайсың. Қозамның беті: «Байлық екен, ақша екен, бүгінгінің ұраны, / Тәуелді боп тәнге қалды жсанымыздың құмары», «Дініңді айырбастап құлқыныңа». Осы екеуді неге ымыраға келе алмайды, рухани бет көрмес қайшылықта?

— Семейдің сыңсыған орманы алдымен өртенді, артынша оталды. Қарағайлар қан қақсап Қытайға қарай тасылды. Қайта қымбат жиһаз болып өзімізге келіп жатыр. Арзанға апарылып, аспандаған бағамен алғаныңа жүргегін ауырады.

«Ағаш жерді кимайды, жер ағашты» деп марқұм Ермұрат Зейіпханның өлеңінен алып өзің де өзегін өртене жаздың. Сол тұстағы өзге ұлттың өкілі болған облыс әкіміне налығанмын. Иілілігімізді ит талағандай етпей, тосқауыл қоймай ма деп.

Қазіргі облыс әкімі Абайға ескерткіш орнатты. Рухани жүдеушілікке араша түсті. Тән құмарлығын жан құмарлығына жендірудің үлгісін көрсетіп келеді. Шығыстан шыққан ақын-жазушыларды арнайы шақырып, ишарат көрсетіп жатыр. Бұрын мұндай болды ма? Жақсының – жақсылығын айтуда парыз. Елде болса, ерінімізге тиер, ертең-ақ.

«Ақынның деп қақпай-ақ қеудемізді, / Айналамыз таниды кейде бізді» деп Жарасқан айтқан. Осы орайда алдыңғы буын Кеншілік, Жұматай, Темірхан, Иранғайып, Исраил, Несілбек, Жүрсін, Тұрсын, Ұлықбек, Фалым, Қасымхан ағаларымнан алғаным, үйренгенім көп. Аспаннан бір күнде түсе салған жоққын. Бұл жайлы «Өлең деген жалғыз түйір дән едім» атты жырымда поэтикалық тілмен өрнектеп жазғанмын.

— «Жазда Қадыр ағамның, / «Жазмышиң» оқыдым. / Ақындарға таң қалдым, / Ақындықтан шошыдым!». «Ақын едім, арқаланаар қозбасы». Абай даралаган «Білгенге маржсан, білмеске арзан» өнер жсолы тегіс болмайды. Мұның міні мен артықшылығын қатар айтсаң?

— Қадыр аға Мырза Әли маған университеттеге «Әдебиет

теориясынан» дәріс берген. Асқан білімпаз, энциклопедиялық қоры бар ақын. «Жазмыштың» кейбір бөлімдерін біз сонау 80-ші жылдары лекция ретінде тыңдағанбыз. Кітап болып, қолыма тиғендеңі қуанышымда шек қалмады. Жадтан өше бастаған деректерді астын сзызып оқыдым. Жастанып жаттым. Қалыпқа сыймай кететін қасиеттерден шошынғаным да рас. Сөзді ауызға Алланың өзі салатыны да айдай ақиқат.

«Жырұйық» кітабым басылып шығарда ақ батасын берген, өз сөзімен айтқанда, «бестік бағасын қойған» ағамды мәңгілік құрметтеймін.

Тұмағам, Тұманбай ақынның қыран туралы өлеңіме берген бағасы жүргімеге жазылып қалған. Мақтаным емес, ақын ретіндегі шынайы ризашылығым бұл. Мінім мен артықшылығымды сол кісілер дәп басып айтты деп ойлаймын. Ақындық деген бір азап екенін көзі тірісінде екі ағам да ескерткен.

— *Мұратбек, Елбасыға бата берген, бес поэма жазған, этик ақын Шәкір Әбеновтың бейнесін бірнеше өлеңде суреттедің. Илияс Жансүгіров таланттына тәнні болған Шәкір атандың шығармашылығы (елі есімін сөл өзгеше атайды) «Абайдың ақын шәкіртері» атты төрт кітапта жсоқ болғаны қайран қалдырады? Неліктен?*

— Бұл сауалың өте өтімді. Шәкір ата Шынғыстаудың бір шыны. Асу бермес Абай дара туған сон, аласалау бағалайды біздің ел. Әйтпесе, жыраулық дәстүрді өлтірмей сактап, бүгінге жеткізген осы шынашақтай шал. Қай дастанын алсаң да төгіліп тұрған өмірлік философия. Әндері мен күйлері өз алдына бір төбе. Шақпа тілінен тітіркене ме, басқа бір гәп бар ма, есімі елене бермейтіні өкінішті.

Кеменгер Мұхан өзі тізімдеп кеткен Абайдың ақын шәкіртерінің кітаптары толық шықты. Қайым аға Мұхамедханов ғылыми тұрғыда Мұхтар Әуезовке жүргіне отырып, жазып берген. Жансақ сөз, жалған пікірге баспаған. Солай саралап, дәлелдеп жазатын бір ғалым болмаса, біздің қолымыздан келе кетуі екіталай. Ұрпақтық парыз ретінде абыз атандың рухани мұрасын жоқтап, халқына шығармашылығын уағыздап жүргеніе рахмет, Айгұл!

— Еліміз аман, қара орман қазақ ырыс-берекесінен, ұлттық қалыбынан айнымасын деп тілейік!

Сұхбатасқан Айгұл Кемелбаева.

ЖЫР БҰЛБҰЛЫ – ЭЛЬМИРА

Эльмира Манасқызы Жаңабергенова, жыриши, ҚР еңбек сінірген мәдениет қайраткері:

– Эльмира, әлмисақтан бергі ата-бабадан жалғасқан киелі өнеріміздің көшіндесін. Саған қанмен берілген жыраулық қасиет қазақтың тірі сөзі! Ғасырлар шеруінде рухымызды сақтап, қылыштың қанды кезең, қарағай басын шортан шалған бұлғақтардан аман алғып жеткен бабалар өснеті! Сыр – ақтабан шұбырындыда қазақтың генофондын сақтап қалған ана дариямыз еді. Текпен берілетін жыраулығының түп-түкіянын тарқат� айт.

– Арап теңізінің маңында Аманөткел деген жерде 18 ғасырда 20-25-ке тарта үй болған шағын Мырзас ауылынан ер адамды есептемегендеге 18 жырау қызы шыққан. Ел киелі ауыл атаған. Сол маңда эпостық жырдағы Назым сұлу мен Қамбар батырдың бейіті бар. Тау жиегінде Қамбаш көлі бар, жеті атадан бергі атамекеніміз. Осы ауылдан артына 8 дастан, 40 мың жол өлең қалдырған Нұртуған Кенжеғұлұлы шыққан. Ол ноғайлының батырларын жырлаған, Абайды ете пір тұтып, Қазаннан шыққан өлең кітабын бір мал беріп алдыртқан. Бұл кісіні әулие десе болады, 1941 жылғы соғысты алдын-ала білген. Тегін білу тектілік дейді, алты ата Әлім ішінде шекті-жақайымнан тараймыз. Қазак үйсін, арғын, алшын деп үш жүзге бөлгенде тегін анық сақтаған. Содан қарға тамырлы қазақтың сұраса келе түбіміз бір шығатыны. Өз аталарым ішінде Үлтарақ, Тұктібай, оның усті басы туғанда түкті болған соң атаған. Үлтарақ деп бала түрмәғасын атаған, Қыдыр көрген, бақ қонған деп ел сыйлаган осы кісіден тараймыз. Есқи қазақ санасына не қымбат, соның бәрі аталарымда болған. Сыр бойына аты шыққан Бакжорға жүйріктің иесі, атсейіс болған үлкен атам Қосмамбет. Ол кісі жетім-жесірлерге торықканда көмек беріп, мандайынан сыйпаған. Қазір ойласам, кейінгі ұрпағына берілер несібе ұлы бабалардың асыл қасиеттерінен туындастынына күмәнім жоқ. Нағашыларым Жетіру,

самат, тілеу. Нагашы жұрттымда көнеден, Қорқыт бабадан келе жатқан бақсылық бар. Анам Қантайдың дауысы маған берілген. Сол бақсылық үлкен әжем Жанбала мен өз анамнан қанмен берілген. Жыраудың түбі – бақсы.

Қазақтың таңды таңға ұрып жырлайтын жыраулар дәстүрі түркі халықтарына тән. Баяғыда бүл дәстүр Еуропада да болған. Аталуы басқа. Бірақ уақыт өте ол ұмытылған. Этикалық сарын сақталып қалған бірден бір ұлы жүрт – біздің қазақ.

– Әнгे бала кезден құмар болғаның айтпаса да түсінкті. Бал бұлақтың көзін ашқан не?

– Мектепте 1 класс оқып жүргендеге қызық болған. Біздің №13 Тарас Шевченко атындағы мектепті киелі мектеп деп атауында бір мән бар. Құрманғазы бабамызды қолдаған, кобзарь атанған, қобызшы деген сияқты, украинның ұлы ақынының құрметіне берілген. Класс жетекшіміз Іңқәр апай араларында домбыра тартып, елең айтатындар бар ма? деп сұрады. Ешкім үндемеді, мен құлышынып, қолымды көтердім. Шын мәнінде білмесем де сөйттім. Өлде құдай ауызға салады деген сөздің жаны бар. Үйде бір бұрышта радио саңқылдап тұрады, ауыз жаппайды. Шешемнің ұзын көйлегін киіп алып, шәйнектің сымын алып, радиодан жаттап алып, ән салғанды ұнатағын. Апай мені «Келеғой!» деп қасына шақырды. Бұрыштан алып, қолыма домбыра ұстатты. Өзімше оны дыңғырлатып қаққан болды да, «Мынаның құлағы келмейді ғой» дедім. Өтірік, әрине. Мектептегі бар домбыраны кезегімен қолыма ұстатьп шықты, бәрін жаратпай тастадым. «Құлағы келмейді!». «Үйде домбырам бар» деп тағы алдадым. «Барып, алып кел!» деді Іңқәр апай, ата жөнелдім. Үйге келе сап, анама қиғылық салып жылайын: «Мама, домбыра алып бер!». Анам түк түсінбеді, «Кет, сабағыңа бар» деп қуып жіберді. Базар үйдің қасында, сонда жылап отырып, ұйықтап қалыптын. Мені әзер іздел тауып алыпты. «Домбыра әпер!» деп күнде жылаймын. Сөйтіп, үш күн мектепке бармай қойдым. «Домбыра тартпасаң тартпа, сабағыңа кел» деп апай үйге келді. Сабакқа келсем «Құлағы келмейді» деп балалар мазақтап құледі.

– Болар баланың кебі солай. Ырықтан тыс сиқырлы бір құдіреттің жетегіне ергенің шығар.

– Біздің үй шатырлы үй емес, төбесі жайпақ. Кемпірлер көленкеде ұршық үйіріп отырады. «Концерт басталады, – деп айналага айқайлаймын. – Сахнада Роза Бағланова!». Жасым жетіде, бір сөзді қайталап, кайырмасын қатырып, ән шырқаймын. Апаларым «Ой, айналайын!» деп бір жасап қалады. Екінші әнім: «Әлия», «Сахнада Роза Рымбаева» деп жариялаймын. Мектепте каникулғашыққанда нағашыларыма барамын. Қанатбай көкем агроном. Ел нағашымды Бақшабай, әйелі Гулжанды Бақшагул деп атайды. Бақшашылардың алдында трактордың үстінде тұрып, әлгі атақты екі әнімді шырқаймын. Ұялу қайда, құйтымдай болып өжетпін. Олар мені қызықтап құледі, жақсы көреді. Далада өскен күнбағыс пен жүгерінің арасында жүріп, собықтарын микрофон қылып, көбін қиратқан екенмін. Құн көкте жанып тұрады, асыр салып, алаңсыз ойнаймыз. Өз қызы Ләzzат екеумізді көкем ұстап алып, бақшага ағатын, ағыны күшті мұздай суға ағызып жіберді.

– Қазақ мұны өнер қысып тұр дейді. Бала кезіндегі тағы қандай ерекшеліктерін жадында? Мына өмірде кездейсоқ ештене жоқ.

– Мектепте мені желаяқ, осы қыз ұшып жүреді, аяғы жерге тимейді, құстай ұшады да жүреді дейтін. Туғанда үсті-басым түкті болып туыпты. Біраз күнге шейін атымды қалай қоюды білмей, көзім жылтырап жатыпты. «Өзі түкті бала болғаны несі?» десіп бері таңданыпты. Ешкім қызыға қоймаса керек. Тұнғыш баламын. Әкеммен бір туған Сәйдолла ағамның әйелі Зиягүл жеңешем, оны «мама» деп атап, өз анаммен қатар сүтін емгемін фой, тел өскен ұлы бар. Тараздың қызы, атымды сол жаңашалап «Эльмира» қойыпты.

Ақыры қоймай жүріп, әке-шешеме домбыра алдырттым. Үш ашпалы айнам болды, радиоқабылдағыш, айнаға қарап ән салуды әуезе қылдым. Бала кезімде көзіме бір ақ киімді кісілер елестейтіні есімнен кетпейді. Солардан қашамын деп өкпем ұшып жүріп, желаяқ атандым. Кейде жүрегім ұшып, талып құлайтын едім. Анам мені содан қатты уайымдаған фой. Қарақұм деген ауылда конғанда түсінде аян алған. Ел «Қарамолда» атаған шал, шын есімі Абдолла, «Эльмираны алып кел» депті. «Манас келсін, сонда барамын» дейді анам. Ойын баласымын. Анамның

түсіне әлгі кісі қайта кіріп, «Неге алып келмейсің, қызынды алып кел» дейді. АナンЫҢ төркінінен алып келген ақ киіз бар екен, соны алып кел десе керек. Аナン Оған «Алладан қызыма өкіметтің нанын жейтін өнер бере ғөр деп тілеңіз» дейді. Мені сол ата ақ киіздің үстіне отырғызып, үш күн дем салды, «Жорғаның басы, жыраудың алды бол!» деп батасын берді. Үш күннен соң дел-сал болып қалдым. Домбыра тарта алмайтын едім, бірден Сары Батақтың термесін, жыр айтып кеттім. Мектепте «Байқаулардан үнемі қалып қоямыз, кім өнерлі?» деп сұрады апай. «Мен!» десем, балалар «Құлағы келмейді!» деп шуылдаپ құлді. Сол жолы термені төгілткенде бүкіл мұғалімдер жүгіріп келді.

– Бала кезіндегі қызық оқиғанды айтши.

– Үйдің үлкенімін. Су тасымын, бөле қараймын. Алты баланың басы болған соң бауырларымды жуындырып, киіндіріп қойсам, демде кірқожалақ болып шығады. Жолбарысханды тап-таза қылып ойынға жібергенім сол еді, көмірі бар сарайдың ішіне кіріп, қүйе-куйе болып жетіп келгенде ыздан құйіп, 3-4 жасар ұл баланы кір машинаға салып жіберіппін, қақпағы ашық тұрады. Нагашы апам Ханымша кіріп келіп, «Астафыралла!» деп баж ете түсіп, інімді кір машинадан суырып алғаны.

– Эльмира, сені тындаسام ата-бабам жонғар шапқыншылығынан бас сауғалап, Есіл-Нұрадан ауып, Сыр бойына қошкені, ақтабан шұбырындыға ұшырап, құдай сақтағасын үштен бірі аман қалып, ата жұрты Арқаның Абылай аспас Сарыбеліне қалай оралғаны жадымда тірледі. Сені тындаسام, жүргімді Қазтуған, Шалқиіз, Доспамбет, Жиembet, Ақтанберді, Бұқар жыраулардың асқақ үнін естігендей тылсым шаттық кернейді. Қазакта әнші көп, бірақ елдің көгін танытатын, ұлттық колориті кереметі өзіңсің. Сенің сахнадан санқылдаған әсем жырынды естіген адам сахара қазағының ұлы қазынасына кенелері сөзсіз. Сазынмен де, сәніңмен де баурайсың, бұл да әртістіктің негізі. Елдің риясыз сүйіспеншілігін қалай қабылдайсың?

– Мәдениеттің ең жоғарғысы – қарапайымдылық. Мақтан емес, мен өте қарапайыммын. Өнер адамына халықтың шынайы маҳаббатына бөленуден артық сияпат жоқ. Бір жолы туған жерім Қызылордада концерт бердім. «Айналайын! Эльмиражан, бір сәтке уақыт берші!» деді

санқылдаған дауыс. «Сен көмейіңе бұлбұл ұя салған әншісің ғой, соны білесің бе?! Мен жалғанды жалпағынан басып журе алмадым, жарық дүниені екі көзіммен көре алмадым. Сенің әнінді, жырынды тыңдағанда мына менің сокыр көзіммен жас ағады. Үнтаспаң бар ма, болса, берші, балам! Бақытты бол, бақытты бол!» деп айқайлады бір адам. Әлгі кісі ауылдық жерден мені тыңдау үшін қалаға келіпті, баласына билет алдырган. Сол концертке көп халық ауылдық жерден келген екен. Қатты шабыттанып, өлең айтқан кезде мүлде басқа болып кетемін. Өзімді-өзім танымай қалуым керек.

– **Эльмира, ән-жырды ежелден қазағың сүйіп тындаиды ғой. Ал Қазақстаннан тыс жерлерде қазақ әншісін қалай қарсы алады?**

– 1997 жылды Түркі халықтары музыкасы фестиваль конкурсы өтті. Бір дастан орындалдық. Сонда 18 түрлі мақаммен дастан айттым. Гран-при иелендім. Видеоға жазып алынды. «Қалай жаттайсындар? Ойдан шығарасындар ма? Өуендерін қайдан аласындар?» деп сұрайды. «Жазба әдебиет қалыптасқан соң жыршылар жаттап айтады. Ата-бабамыздан бізге жеткен өуендер» дедім. Волга өзенінің үстінде бес қабатты «Александр Грибоедов» атты теплоходтың ресторанында қонақасы бергенде қазылар алқасының төрағасы, халықаралық академик Маңсұт Садыкулы маған ерекше ризашылығын білдірді. Үлкен кісі, ұлты татар, өзі бірнеше тіл біледі. Ол кісі менен қайда тұрасың деп сұрағанда, Арап теңізі маңында ел көшіп кеткен ауылда жалғыз үй бар, сонда, әке-шешемнің қасында тұрамын десем қатты таң қалды. Мәдениет министрлігіне, елшілікке хат жазамын деді.

– **Полиглот дәйсің ғой! Түркілік рух қанында болар.**

– Максұт аға маған «Кезінде Құләш Байсейітова, Шара Жиенқұлова қазақты дүр сілкіндіріп, дүниеге танытып еді. Қазір бір сенімен Қазақстанды әлемге танытуға болады» дегені жадымнан ұмытылмайды. Сол жолы жыраулық өнерімді тыңдаушы қауым «Феномен, ешкімге ұқсамайтын құбылыс» деп биік бағалады. Мен өз халқымның өкілі болсам, бұған неге қуанбайын! Самарқандта «Шығыс жүлдіздары» халықаралық конкурсында топ жардым. Әнші үшін өнер белестері қымбат.

Сонымен дәм тартып, 1997 жылды Алматыға, 2000 жылды

Астанаға келдім. Президенттік оркестрге қабылданым. Жаңа шаһардан кең сарайдай пәтер бұйырды. Бұл игілік Президент Н.Ә.Назарбаевтың өнер адамдарына ерекше қамқорлығының арқасында болды. Ол кісі маған: «Сенің орындау шеберлігің ерекше. Соны Астанада өркендеп, жыршылық, жыраулық өнерді соныңнан ерген жас таланттарға үйрет» дегені қанат бітірді.

– **Эльмира, түркі тілдес ағайынға қазақтың дәстүрлі өнері қалай әсер етеді?**

– Тұысқан елдерден Қап тауындағы ноғай ағайын наз айткан. «Мына бабалар өнерін біздің балаларымызға үйрет, түбіміз бір халықпаз» деген ұсыныс болды. Ноғайлыш-қазақ айрылған заман жадыма орала кеткенмен, елдің бетіне қалай қараймын, қазағымнан безгендей болмайын деп жағдайынды керемет қылышп жасаймыз десе де көнбедім. «Өзге елде ұлтан болғанша, өз елінде ұлтан бол» дегенді ұрпағына осиет қылған қазақтың қызымын ғой. Мениң даусымды естігенде әйгілі Има Сумакты елестетеп, сүйінген адамдар баршылық. Қазақтың жыр, терме, хиссалық өнерін басқа жүрттар әлі біле алмай жатыр. Дін, философия, тіл бір ғана магиялық құдіретке сыйып кететіні ғажап! Ол дәстүрді ұстанған әншілердің көмейінен жыр болып ақтарылады. Теніздің дауылынан несі кем! Қазақтан өзге халықтарда бұлар жекедара өнер, білім, ғылым салалары.

– **Эльмира, сенің Парижден, Венадан, Мәскеуден ән салғаныңды естіген сәтте ұлттық рухымыз қокте қырандай қалықтайтынын мәдениеттің тұтқасын ұстап отырған азаматтар айқын білуі керек. Сені және басқа тандаулы дәстүрлі әншілерді шетелдерге көрсетуден ерен ұтар едік-ау. Сонда қазақ болғысы келмейтін қазақ қалмас еді деп ойлаймын. Елдің ұлы мәртебесі, жаңы – өнерінде еkenін қашан мойындаймыз?**

– Өнер халықтікі. Қазақтың ұлттық рухын сақтап келген жыраулық кие еkenі рас. Асан Қайғы, Доспамбет, Қазтуған, Шалқиіз, Актанберді, Жиембет, Бұқар, Қашаған, Нұрим, Карасақал Ерімбет, Балқы Базар, Жиенбай, Нұртуған жыраулар сөзі қазақтың көкірегінен сөнбеуі керек. Музыкатанушы ғалым ретінде жақында «Арал

өнірінің жыраулық дәстүрі» деген тақырыпта кандидаттық диссертация қорғадым. Қазақ халқы жадынан өшпейтін жыраулар сөзімен мықты. Шетелдерде сахнада жыр айтқанда мұның неткен құдірет екенін арқам шымырлап сезінген кездерім аз емес. Бір сөзін түсінбесе де, эпикалық тылсым қасиетке елітіп, жан-тәнімен беріліп, көзінен жас ағып тыңдаған һәсілі бөлек адамдарды көрдім. Америкада бір бойжеткен қыз «Мен неге қазақ болып тумадым екен? Осындай әнсалғым келеді» дегені есімде. Мен қазактың әдет-ғұрпы мен салтын жаңымдай сүйеттің әншімін. Дәстүрімізді өте құрмет тұтамын. Шеттен бірденені алып, өнерімізді мансұқтап, сандалма сөздерді айту надандық. Өнер харам деп жүргендер біздің қазаққа жат ағымдар. Біздің ұлттық дүниетанымымыз асқақ, оны өзгертудің керегі жоқ. Елбасы жақында Түркістанға тағым еткенде: «Мен хиджаб кигенге қарсымын. Дәстүрімізден жаңылмаңдар. Алланы киіммен емес, жүрекпен сүйідер» дегені үшін ризамын. Әруақ деу Аллатагалаға серік қосу емес, қазақ Жаратушы Иемізді өте биік санаған. Қазақ өзі тікелей сұрауға жасқанған. Құдайға әруақтар тірі адамнан ғөрі жақын тұр деп есептеген. Қазақ «Әуелі Алла» деп сөйлеген. Аллатагаланың мәртебесі бәрінен зор, айнала қоршаған ортанды Алла жаратқан деп жерге тәу еткен, Тәнірігे сыйынуышылықпен түбі бір. Бір Жаратушыны әртүрлі атая тарихи дәуірлердің жанғырығы. Меккеге барғанда мұсылмандар неге айдалада тас лақтырады? Ұрымдап тұр, әйтпесе көздеріне шайтан көрініп тұрған жоқ қой. Сондықтан ислам діні мен төл дәстүрімізді қарама-қайшы қоюды қауіп санаймын. Далалық мәдениетте бұл бағзыда қабысып кеткен. Қазақ ұлтының рухани даму жолы бұл екеуін қатар алып жүргуге дағыланған.

– Өнер тұқым қуалайды. Балаларың өз жолынды тандап алды ма?

– Улкен қызым Салтанат қобызы, жетіген, сазсырнайда ойнайды. Кіші қызым Сандуғашқа домбырамен терме үйретіп жүрмін. Музыкалық академияда оқиды. Қазақтықты үрпағына дарытпасаң қазіргі қым-куыт заманда тегінен жаңылу онай. Сыр сүлейлері туған өлкеден шықкан мениң терме-жыр айтпауым ұят шығар. Сондай өнержандылық қасиетті қыздарыма сініретінім рас. Ұяда не көрсе, ұшқанда соны іледі

дегенді қазақ текке айтпаған шығар. Фасырлар бойғы ұлттық құндылықтарымыз балаларымызбен бірге жасай беруі керек. Өзім бала кезімнен термелерін сүйіп өсіп, тәлім алған, шынайы ұстазым санайтын Нұртуған Кенжеғұлұлының «Жырауларға өсиет» атты жыры бар: «*Күш атасы – жыққанда, Сөз иесі – үкқанда. / Қолыңа алсаң домбыра, / Халықты бей-жай қалдырма.* / «*Әу* деген жырыши болмайды / Ел тілегін ақтамай» деп келетін, еліңнен зор емессін, қолпаш сөзге көкірегің өсіп, жұртынды танымай кепте, ұлтынның мұратын бәрінен артық сана деп келетін. Қазір өзім де шәкірт тәрбиелеп журмін, осы өсиетке адапталған болса, құдай өнер берген жанның оң жолдан ауытқымағы деп үйретемін. Астанада Қазақ Ұлттық өнер университетіндегі оқытушы болып қызмет атқарамын. Өзімнің макам шығаратыным бар. Нұртуған Кенжеғұлұлының өлеңдеріне шығарған макам.

– «*Жүйрігі жыраулардың желден озған, / Бір сөзінен табатын жұз жан мият, / Эльмира елден ерек, қыздан зият*» деп бір ақын өзінді жырға қосқанын білемін. Сенің әншілік арманың қазақтың рухани мұратынан алшаш бола қоймас. Асыл арманың?

– Дәстүрлі өнерден ерен салтанатты концерт қойым келеді. Қазір жастықтың буырқанған жұлдызды шағы. Әр әншінің өз дәурені бар. Ол да бақшада пісіп тұрған тәтті жеміс сияқты, шырыны күшті дер шағында пайдалану керек. Қазақстанның төл мәдениетін шетке таныту барша өнер адамдарының аскак арманы. Одан мен де қалыс емеспін.

– Қазақ продюсерлік жол ашуды батыс пен іргедегі орыстың өнер жолындағы жарық жұлдыздарын танытқанындей қылыш менгерсе, онда Эльмира, сен тәрізді біртуар таланттың дария өнері теніздей тасып, мұхиттай буырқанар еді-ау. Мұның өзі ұлттық идеологиямызға риясыз қызмет қылары айдан анық. Исі қазақтың бағына өзің тәрізді мықты дарындар биік кеңістіктерге қанаты талмай шырқап, ұлт өнерін әлемге танытса екен!!! Алла тілеуінді берсін, Эльмира!

Сұхбаттасқан: Айгүл Кемелбаева
12. 03. 2011. / 20.05.2011. / 19.06.2011.

Композитор Кентау НАЗАРБЕК: ӨНЕР АДАМЫ ЕЛ ҮШИН, ОЛ ӨЗ БАСЫНДАГЫ ҚИЫНДЫҒЫН ШЫГАРМАСЫНА АРҚАУ ЕТЕ БЕРМЕУІ КЕРЕК

Айгүл Кемелбаева: – Кентау, екеуміз кіндік қанымыз Қарауылда тамған жерлес, түй құрдас екенбіз. Семейде біздің «Абай» журналының редакциясына келіп ән салғаның ойымда. Дауысың тамаша тенор екен. «Алдында ағаларым аман жүрші» деген әнінді домбырамен шырқағанында Ырысхан аға Мұсаулы ризашылықпен тебірене тындал қалды. Әншілігің мен композиторлығың құстың екі қанатындағы қосарлы болғаны артықшылық деп санаймын. Әуенге ену үшін былайғы жұртқа беймағлұм тылсым қуат керек. Әу баста көркем сурет факультетін бітіргенің таң қалдырыды. Суретшілікті қойып, композитор болуына не әсер етті? Табиғи тартылыс өз алдына?

Кентау Назарбек: – Ия, Айгүл, әр қазакқа туған жері құт мекен, біз үшін ұлылар елінде туу зор мәртебе, «Болмасан да ұқсан бақ», – деген хакім Абай. Абай елінің азаматы деген атқа лайық болу үшін өзімді жақсы жағымнан көрсетуге тырысуым керек деп түсініп, осы принципті ту етіп, алға жүріп келемін.

Мектепте тәтті ойға шомып, бабымен сурет салуды жақсы көретінмін. 10 класта ән айтуға ынтықтығым арта бастады. Семейдегі педагогикалық институттың көркем сурет факультетіне оқуға түстім. Институтта көркем өнерпаздар үйірмесінің белді мүшесі болдым. Ән жазуыма бірден бір себеп болған қазақ жастарының нағызын оятып, жігерін жаныған 1986 жылғы желтоқсан оқиғасы еді.

От басы, ошак қасы тіліміздің мүшкіл халіне оттай жанған жүргегіммен неге бұлай деп аласұра жауап іздең, ой толған жазған алғашкы әнім – «Анамның тілі» дүниеге келді. Содан бастап өзімді толғантқан өмірдегі сан қырлы тақырыпты шама-шарқымша әнмен суреттейтін болдым. Ән шығаруыма суретші мамандығым айтарлықтай әсер етті ме деп ойлаймын. Сурет ол әсемдікті көру, тамсану,

ғажайыпқа шаттану ғой, ал осы құдіретті байқап, көре тұра ән жазбау мүмкін емес кой.

Көnlінді толқытқан бір ғажайып дүниені байқап, көру арқылы таңдана – тамсанып түйсігіңе түйесің, санаңмен қабылдайсың, бүкіл тұла бойынды тербетіп, жүргегінді елжіретіп, сезім қылымен еркелей жүріп, дүниеге келген әуен шынайы болса тыңдарманын тәнті етері сөзсіз сияқты.

Ән шығаруыма, әнімнің тыңдарманға сол қалпында жетуіне ептең ән айтуым үлкен септігін тигізді. Өйткені жақын – жуық арасында өзімнің ұнаған әндерімді айтып, сынатып алып барып, әншілерге ұсынамын.

Аллаға мың рахмет, Семей өңірінің Рысхан Мұсаұлы бастатқан ақсақалдары өнерімді тыңдал, риза болып, ақ батасын берді. Мәдениет Ешкеев, Санак Әбеуов, Дауыл Хайрулин, Тұрсынгазы Рахимов пен Амангелді Жікенов – исі қазаққа танымал әнші ағаларым әндерімді нақышына келтіре орындал, талаптанып, өрге тартуыма зор ықпал етті.

А.К.: – Жидебай исі қазаққа Абаймен сүйкімді. Елден табаны аумаған ақын Төлеген Жанғалиев «Айналайын, кен тынысты Кентауым, / Кемел елдің көркі болып көп жаса! / Кіндігіңен шықпаған соң өзінің, / Кім береді Нұргиса мен Шемшісін» деп өзіне жыр арналты. Абай, Шәкерім, Шәкірдің композиторлық өнері белгілі. Кейінгі ұрпаққа эпик ақын Шәкір Әбенұлының әрі талантты композитор екенін таныту керек. Өзің пір тұтқан сазгер кім болды? Алғаш ән шығаруыңа не тұрткі болды?

К.Н.: – Абай, Шәкерім, Мұхтар тұған киелі өлкे әрдайым

тұма таланттарға кенде болмаған. Солардың бірегейі эпик ақын, композитор Шәкір Әбенов атамыз болашақ ұрпаққа өлең, жырларымен қоса саф алтындей мол ән мұрасын қалдырыды. Ақын әндерін жақсы менгерген мен билетін екі адам бар, Шәкір атандың Қасқабұлактағы досы Амангелді Жікенов пен ауылдағы інісі, қазір Қапшагайда тұратын шәкірті Серікболсын Қыдырбайұлы.

Шәкір Әбенұлы әндерінің нотасын Серікболсынның айтуында түсірген – Теміржан Базарбаев. Оны кейінгі ұрпаққа насиҳаттап жеткізу өнер танушылар мен

әншілердің міндеті деп ойлаймын. Төлеген Жанғалиев үлкен жүректі талантты ақын ағам. Ол маған үнемі өмірден көрген, білгенін, ақыл кеңесін айтып отырады, шабыттансын деп маған екі өлең арнап, рухыма жігер кости. Өнерде үлгі тұтатын сүйікті сазгерлерім: Ұлы Абай, Шәкерім, Акан сері, Біржан сал, Шәкір Әбенұлы, Теміржан Базарбаев, Шеміші Қалдаяқов, Нұрғиса Тілендиев, Бекен Жамақаев, Әсет Бейсеуов, Ескендір Хасанғалиев, Төлеген Мұхаметжанов, Кенес Дүйсекеев.

А.К.: – Жақында Астананың «Шабыт» Ұлттық өнер университетінің Жамбыл атындағы үлкен концерт залында шығармашылық кешің өтті. Өнерді, талантты биік бағалайтын ағамыз академик Мырзатай Жолдасбеков ел алдында тұсауынды қескендей, ағалық батасын беріп, «Біржан сал мен Акан серінің ізбасарысын», – үлкен қолдау көрсетті. Бұл кеш Елорда өнерінді қабылдаған алғашқы қадамың болсын. Композиторлық өнер өте талғампаз. Көкжиекте Кентау Назарбек болып жұлдызының жарқырап шығуын үшін не істегің келеді?

К.Н.: – Раҳмет, Айгүл! Бұған дейін Семейде үш, Талдықорғанда бір мәрте шығармашылық кешім өтіп, өнер сүйер қауымның кошеметін көрдім. Өнер қонған адамға тоқтау қыын екен, аңсарым ел ордасы Астанаға ауды да тұрды. Мемлекет және қоғам қайраткери, академик, қазақ өнері, руханиятының жанашыры Мырзатай ағаны сырттай құрмет тұтып, қадірлеп жүретінмін. Астанада әлем әртісі, профессор, ҚҰӨУ-нің ректоры Айман Қожабекқызы Мұсаходжаеваның қабылдауында болды, ол кісі мені Қорқыт ғылыми зерттеу институтына қызметке қабылдады. Бірде Мырзатай ағаға әндерім бар үнтаспаны ұсындым. Талантты тез танитын ел ағасы ғой, әндерімді жоғары бағалап, рухани қолдады. Ол кісі өнер кешін ұйымдастыруыма өзі ұйтқы болды. Концертімді Мырзатай аға зал толы тыңдарман алдында сөз сөйлеп, ақ батасымен ашса, Қазақстанның майталман өнер жұлдыздары қатысып әндерімді нақышына келтіре шырқады. Кешті ерекше үні бар қазақи, тандаулы әнши Ерлан Рысқали жүргізді. Концерт қорытындысын қазақ тілінің жанашыры, мәжіліс депутаты Оразқұл Асанғазықызы сөз сөйлеп, өнеріме ақ жол тіледі. Мен

жазған дүниелерімнің халыққа керек екенін сезіп, бір жасап қалдым.

Шығарған әндерім қазакы рухын, шынайылығын, әуезділігін сақтауы керек деп ойлаймын. Ал жылаңқы, ыңырысған немесе арнау әндер жазбауға тырысуым керек, өзіме тән стилімді сақтауым керек деп түсінемін.

А.К.: – Қазақтың үлкен композиторы Теміржан Базарбаевтың шәкіртісің. Ол кісінің сендері ұшқынды байқауы тегін болмады. Ол туралы не айтасың? Теміржан аға әндерінді қалай бағалады, қандай сын айтты?

К.Н.: – Өмірге қадам басқан өнерімді өзгелер көрседе, көрмегенсіп теріс пікір айта бастаған кезде өнердегі ұстазым Теміржан аға оларға тойтарыс беріп, маған «Әндерің жақсы, ешкімге аландамай жаза бер» деп ақ батасын беріп, жол сілтеді. Теміржан аға шындықты бетке айтатын турашылдығымен, адалдығымен жұртқа беделді, сыйлы адам болатын. Ағаның алдына ойдан – қырдан өнерін бағалатуға өнерпаздар келіп жататын. Теміржан аға ерінбей, жалықпай алтын уақытын бөліп, оларды тындастын. Егер алдына келген адамның шығармасы түкке тұрмаса, оны мәймөнкелемей тұра бетіне айтатын, нәрлі дүниесі бар талант болса мойындал, қамқорлық қылатын. Теміржан ағаның ақ батасын алған шәкірттері – Төлеген Мұхаметжанов, Жолан Дастанов, Тұрсынғазы Рахимов, Мейрамбек Жанболатов, Болат Сыбановтар өнерімен барша қазақтың ықыласына бөлөнген беделді композиторлар. Ағамен үнемі тығыз байланыста болдым, біраз бармай қалсам, қайран ағам ізден отыратын. Теміржан аға Шәмші Қалдаяқовпен консерваторияда бірге оқыған. Бір әңгімесінде, Шәмші ағаның бірталай танымал әндерінің шыққан кезде жанында болғанын, нотаға түсіріп, өндеп бергенін де айтқаны есімде. Ағаның әндерге түсірген нотасы биік денгейде сапалы болатын, қандай мықтыға апарсан да, нотадан қате таба алмайтын. Алдына апарып тындаған әндеріме ол кісі сын айтқан емес, керісінше «Әндерің жақсы, аландамай, батыл жаза бер», – деп қолдап отыратын. Менің көкірегімде ұялаған әуенге, сенім шоғын жағып, қамалдай қорған болған Теміржан ағадай шоқтығы биік ұлағатты ұстаздың шәкірті болғанымды әрдайым мақтан етемін.

А.К.: – «Сегіз ұлым бір тәбе, Ер Төстігім бір тәбе» демекші, әндерінің ішінде халық жүргегіне риясыз жол тапқан «Бір бәйтерек, бір шынар», «Ардағым», «Мен қазақпын» сияқты үздіктері бар. Қеп әндерінің табиғаты куаныш, салт-дәстүрдегі өмірсүйгіштікті жандыруға арналған екен. Келін түсіру, шашу, бақытты аңсай, ата-ананы сую, отбасы құндылығын сақтау идеясы айқын тұр. Әндерінде құлазу, жабығу жоқтығы ұнады.

К.Н.: – Раҳмет Айгүл! Менің түсінігімде өнер адамы басындағы қындығын творчествосына шама келсе арқау ете бермеуі керек, оған не жетпейтінін халық өзі де байқайды. Ол керісінше елге не қажет екенін байқауға тырысып, халықтың рухын көтеріп бірлікке шақыратын, қинаған сәтте көnlіне медеу болатын, адами түрғыда сыйластықты дәріптейтін тәрбиелік мәні бар тақырыптарды творчествосына арқау етуі керек. Атана, махаббат туралы, мейлі бақытты, басқаны аңсайсыз ба, ән жігерлі, оптимистік көnlіл күйде болуы керек деп ойлаймын. Шығарма шынайылығын сақтауы керек. Ұстазым Теміржан Базарбаев үйреткен, өмірдегі, өнердегі қағидам осы.

А.К.: – Бір сарынды әуен композиторлық өнерде кездесетін сияқты. Тындарманды тартпайтын әндерім бар деп ойлайсын ба?

– **К.Н.:** Менің бір байқағаным, халық мойындаған әр ақынның өлеңінде ешкімге ұқсамайтын өзіне тәn стилі болады ғой, композитордың басты мақсаты Алланың қалауымен әр ақынның болмысына, өлеңдегі философиясына сай әуен табуда. Қазақ асқан Абайға Абайдың стилінде, Шәкерімге Шәкерімнің стилінде, Мұқагалиға – Мұқагалидың стилінде жазып, ақынның айтар ойын терең зерттеп, байыппен ұғып, өлеңінің денгейіне жетуге тырыспасанызы, шығарған әндер нәрсіздігімен қоса, бір-біріне ұқсап кетері сөзсіз деп ойлаймын. Мен өзім шамам жеткенше әр ақынның болмысын ұғуға, төл стиліне сәйкес әуен табуға тырысып келемін. Әрине, менің де тындарманға ұнамайтын әндерім баршылық.

А.К.: – «Мен қазақпын» – отансүйгіштік рухтағы, баяғының жауға шапқан батырлары ұран салғандай

атойлаған ән екен. «Желтоқсанда мұзға от жақтым» деген бір жолы жадқа «Бұз үстіне от жағып, / Бұзбай бұлан пісірген» деп жырлаған Шалгез жыраудан жалғасқан бабалар рухын жаңғыртқандай. Сүйінбайдың қырғызы Қатағанмен ақынмен айтысындағы өршіл елдік рух пен Жұбан Молдағалиевтің «Мен қазақпын» өлеңі еске түседі.

К.Н.: – Тәуелсіздік алған тұста барша қазаққа ортақ, ел үшін еңбек еткен қасиетті тұлғаларымызды анау сенікі, мынау менікі деп бөлісу қылаң бере басталды. Сонымен коса ішінара қалаларда, ауылдарда қолында барлар өздеріне ғана белгілі өз ата бабаларын дәріптеп, көшелерге, мәдениет үйлеріне, т.б.м. аттарын бере бастады. Бұл буыны қатпаған болашақ ұрпақты адастыратын, тарихқа иненің жасуындағы құны жоқ келенсіз жағдай еді. «Мен қазақпын» ән – толғауы Абай ата сөзімен айтқанда «Бірінді қазақ бірін дос, / Көрмесең істің бәрі бос», ал кеменгер халқымыз «Жұзге бөлінгеннің жүзі қара, руға бөлінгеннің құруға асыққаны, атаға бөлінген адыра қалады, көпті қорлаған көмусіз қалады», – деп айтқандай, өз тарапымнан исі қазаққа ортақ айтулы ерлерді аспандатып, ат төбеліндей аз қазақты береке – бірлікке шақырған, отансүйгіштік рухта жазылған ән болды ма деп ойлаймын. Бұл мениң өнер адамы ретінде әсіре рушылдыққа берген жауабым еді.

Айғұл, мен көп ойланып, толғанып, қазіргі заманғы қазақты төрт топқа бөліп қарайтын болдым. Бірінші топ: Ұлттың әдет-ғұрып, салт-санасы, тілі, діні, имани құндылықтар бұларға жат. Ұрпағы кімге тиседе, кімді алса да, қай тілде сөйлесе де, бұларға бәрібір. Әр түрлі сектаға кіріп, қазақ мұддесінен гөрі, өзінің, сектаның мұддесін жоғары қоятындар немесе жаһандануды жақтайдындар, өзінен кейін не болса да, бұларға мейлі, өздері, балалары жақсы өмір сүрсе болды. Қысқасы, бұларға бәрібір.

Екінші топ: Қазақтың мұддесінен өз руының мұддесін жоғары қоятындар.

Бұлардың түсінігінде, өзінің руы қазақтың басқа руынан қадірлі, қасиетті. Қолынан келген жақсылығын тек руластарына ғана жасағысы келетіндер, яғни сана-сезімі, азаматтық қалыбы таптық деңгейде қалып қойғандар. Барша қазақтың тұтастығы мен береке-бірлігі бұларды

аса ойландырмайды. Бір жақсысы, әдет-ғұрыпты біледі, қазақша жақсы сөйлейді.

Ушінші топ: Елдік деңгейге жеткен тұлғаларды жатқызамын.

Бұлар казақ елінің, яғни бір қазақтың болашағын ойлап, жан аямай қызмет еткендер. Шіркін, алдыңғы екі топтағы қазақтарға құдай сана беріп, осы топтағы қазақтардың санын көбейтсе, қазақ елінің болашағы жарқын болар еді деп ойлаймын. Төртінші топ: Әлемдік деңгейге жетіп, қазақтың атынан әлемдік көшкө үн қосқандар. Бұл топқа барша қазақ талпынғаны дұрыс, бірақ екінің бірі кіре алmas.

А.К.: – Абай хакімге арнау ән жазу көкейінде бар ма?

К.Н.: – Абай атамның 6-дан астам өлеңіне ән жаздым. Марқұм ұстазым Теміржан аға Абайдың өлендеріне жазылған әндерімді жоғары деңгейде деп бағалады. Абайдың 150 жылдық тойында ақын сөзіне жазылған композиторлар әндеріне халықаралық байқау жарияланған болатын. Сол байқауға «Жастықтың оты қайдасын» деген әнімді маған айтпай, бағын сынасын деп бәйгеге қосып жіберіпті, қызық болып, жүлделі орын алғаны бар еді. Ұлы Абай бабамызға ұрпағы қанша арнау жазса да көптік етпейді фой. Ақынның баға жетпес шығармаларын дәріптеп, ақын Әділгазы Қайырбековтың өлең сөзіне «Абайдың өлеңі» деген ән жаздым. Алла бұйыртып, бұл ән әншісін тапса халық тындайды фой.

А.К.: – Кентау, әңгімене раҳмет! Өнерің өрлей берсін!

Әңгімелескен Айгүл Кемелбаева.

20-21.11. -18.12. 2013.

КОММЕНТАРИЙ. ЭССЕЛЕР МЕН СҮХБАТТАРДЫҢ БАСПАСӨЗДЕ ЖАРИЯЛАНГАН МЕРЗІМІ

1. Дұлат Бабатайұлы. «Жігіт болар ма екенсің?!». 2013
2. Абайдың махаббат лирикасы. »DANAY» (Данай) журналы № 2 (2) 2004./ »Қазақ әдебиеті». №33. 19. 08.2005. Абай және Омар ибн Аби Рабия.
3. Иманжүсіп. Эссе. «Таңшолпан» журналы, №1.1013.
- 4.Әлкей Марғұланның «Қазақ әлемі» қақында. «Абай». № 2. 2004. / «Астана ақшамы», №83 (3140) сейсенбі 29.07.2014.
- 5.Георгий Гребенщиков әңгімесіндегі көкбөрі. «Астана ақшамы», №109 (3019) бейсенбі, 26.09.2013.
6. Марина Цветаева, «Ол өлді мәңгіге «тіріліп»», «Астана ақшамы», №36 (3093), 3.04.2014.
- 7.Қасым жырындағы авторлық мөр. «Мырза» газеті, №8 (48) қазан 2011.
8. Ғабит Мұсірепов. «Ұлпан». «Егемен Қазақстан», 1.10.2013.
9. Герольд Бельгер. Тек пен жад. «Қазақ әдебиеті», №46 (3418) 31.10.2014.
10. Жазушы Тобық Жармағамбетов. Отамалы. «Қазақ әдебиеті», №12-13 (3385) 21.03.2014.
- 11.«Артық ғылым кітапта». Абайтанушы ғалым Мекемтас Мырзахметұлының «Абай және шығыс» атты еңбегі қақында. «Жамбыл» журналы, №3.2005.
- 12.Мекемтас Мырзахметұлы шығыстанушы. Конференция материалы.
13. Нәзирағөйліктің Нұрғалилық нысанасы. Рымғали Нұрғали «Еңлік-Кебек» трагедиясы туралы. «Астана ақшамы», № 70. 26.06.2012.
14. Қазақын сүйген қаламгер. Жазушы Шерхан Мұртаза туралы. «Астана ақшамы», №110. 29.09.2012.
15. Медеу Сәрсеке. Өнегелі өмір жаршысы. «Қазақ әдебиеті», №1.2016.
16. Тың өнердің тарланы. Жазушы Сұлтан Оразалы. «Түркістан» газеті, №18 (876) 05.05.2011.
17. Құм даланың наласы. Жазушы Дүкенбай Досжан. «Қазақ әдебиеті», №37. 7.09.2012.
18. О. Бекеев әңгіме жанрында. «Абай». № 4. 2002. / «Қазақ әдебиеті». № 33 (2819) 15.08.2003.
19. Оралхан Бекеев прозасындағы мифологиялық сарындар. «Ардақ». «Алтын Орда». № 4 (210). 30.01. -5.02. 2004.
20. Оралхан Бекей. «Қар қызы». 2013.
21. Ұрысқан Мұсаұлы. Тектілік ғұмыр таңдаулы. «Абай» журналы, №1.2013.

22. Әділбек Абайділданов. «Өлеңнің мен-дағы бір ырысымын». «Астана ақшамы», 2013.

23. Кәдірбек Сегізбаев. Дала жыршысы. «Егемен Қазақстан», №182-183. 04.05.2011.

24. «Көкірекке құс берген өлең». Ақын Нұрлан Оразалиннің шығармашылығы туралы. да Қазақстан. Халықаралық түрік журналының 21 нөмірінің қосымшасы, 2006. / «Әдебиеттің айдыны». № 17(114). 3.05.2007.

25. Роллан Сейсенбаев проза жанрында. «Қазақ әдебиеті», №3-4 (3060) 25.01.2008.

26. Асылға құштар дүние. Жазушы Несілбек Даутайұлының әңгіме, повестері. «Қазақ әдебиеті», №48. 30.11.2007.

27. Момын мен мұләйім. Жұмабай Шаштайұлы прозасындағы сарын. «Жас қазақ» № 18(122). 11.05.2007.

28. Farasat майданы және біз. Тұрсын Жұртбай – абайтанушы. «Егемен Қазақстан», №27-32 (27104) 24 қаңтар, сейсенбі 2012.

29. Есенқұлдың сағынышы. Ақын Есенқұл Жақыпбек. «Қазақ әдебиеті», №6 (3378) 7.02.2014.

30. Қаламгердің құпияға мол әлемі. Жазушы Рақымжан Отарбаев. «Алтын тамыр», № 4. 2009.

31. Жанболат Башар. «Жылқының киесі», «Жұлдыз», №10. 2015.

32. Бабалар рухын аңсау. Ақын Қасымхан Бегманов. «Қазақ әдебиеті», №44. 4.11.2011.

33. Қасымхан Бегман. Мұстафа Шоқай жолымен.

34. Әуезхан Қодар аударма жанрында.

35. «Көмейден тектен көркем үн». Ақын Бауыржан Жақып. «Қазақ әдебиеті», №13. 30.03. 2012.

II. Интеллектуальды интервью.

36. Ақын Ақұштап Бақтыгереевамен әдеби сұхбат. «Боз даланың жусан ісін сақтасақ...». «Астана ақшамы», №119 (3676) сейсенбі, 21 қазан 2014.

37. Ақын Бақытжан Тобаяқовпен сұхбат. «Халық сөзі», №03 (147) 13.01.2012.

38. Жазушы Серік Асылбекпен сұхбат. «Сағыныштан» «Рәбиғаның махаббатына» дейін. «Ақ желкен», №6.2015.

39. Ақын Фалым Жайлыбаймен сұхбат. Сұхбат түріндегі рецензия. «Қазақ әдебиеті» газеті, №52 (1) (3425) 26.12.2014.

40. Ақын Мұратбек Оспановпен сұхбат. «Игілігімізді ит талағандай еткен әкімдер де болды». «Халық сөзі», №34-35, жұма, 04.05.2012.

41. Әнші Эльмира Жаңабергеновамен сұхбат. Жырау түбі – бақсы. «Халық сөзі», №07 (151) 27.01.2012.

42. Композитор Кентай Назарбекпен сұхбат. «Өз басындағы қызындығын шығармасына арқау ете бермеуі керек». «Ақ желкен» журналы, № 8. 2014.

АВТОРДЫҢ ҚЫСҚАША ШЫҒАРМАШЫЛЫҚ ӨМІРБАЯНЫ

Айгүл Жолдасбайқызы Кемелбаева, жазушы, әдебиеттанушы, кинодраматург, эссеши.

1965 жылы 21 наурызда Шығыс Қазақстан облысы, Семей өнірі, Абай ауданы, Құндызды ауылында дүниеге келген.

ҚазМУ-дің журналистика факультетінің III курсын (1984-1987), Москвадағы М.Горький атындағы Әдебиет институтының проза бөлімін (1989-1994) бітірген.

Баспасөзде 200-ден астам әдеби мақалалары, эссе, аудармалары жарық көрген.

«Жетінші құрылышқа саяхат» (1986), «Тобылғысай» (2001), «Мұнара» (2003), «Мәжнүн жүрек» (2013) атты прозалық кітаптардың авторы.

Мағжан Жұмабаевтың «Шолпанның күнәсі» атты әңгімесі бойынша Ш.Айманов атындағы Қазақфильм тусірген «Күнә» атты көркемфильмнің (Режиссері Болат Шәріп, 2005 ж.) және «Сүлеймен Есқараев» (2012 ж.), «Сұлтан Оразалин» (2013 ж.), «Жиембет жырау» (2014 ж.) атты деректі фильмдердің сценарийін жазған.

ӘДЕБИ СЫЙЛЫҚТАРЫ:

1983 ж. – «Жалын» баспасының республикалық жабық конкурсында балалар әдебиетіне арналған II жүлде.

1996 ж. – Сорос-Қазақстан-Дебют конкурсының лауреаты.

1997 ж. – Мұхтар Әуезовтың 100 жылдық мерейтойы құрметіне арналған творчестволық конкурста III орын.

1998 ж. – Жастар Одағы мен Журналистер Одағының Баубек Бұлқышев атындағы сыйлығының лауреаты.

1999 жылдан бері. Жазушыларға берілетін Президенттік стипендияның бірнеше мәрте иегері.

2000 ж. – «Дарын» Мемлекеттік жастар сыйлығының лауреаты.

1998 және 2000 ж. «Қазақ әдебиеті» газетінің ең үздік әңгіме және ең үздік мақала номинациясы бойынша лауреаты атанды.

2002-2003 жж. – «Қазіргі заманғы Қазақстан романы» аталған Сорос-Қазақстан қоры үйымдастырған жабық конкурстың гранты.

2003 ж. – «Дала мен қала» апталық газеті жарияланған «Қаланың қысқа әңгімесі» атты бәйгенің бірінші жүлдесі.

2006 ж. – 13.11. Меценат Медғат Құлжанов қорының «Абай және ислам» әдеби конкурсының III сыйлығы.

2006 ж. «Баянауыл алтын белгісі» медалі. Павлодар облысы Баянауыл ауданы әкімдігінің әдеби сыйлығы.

2007 ж. 14.08. Республикалық «Абай әлемі» конкурсының I жүлдесі.

2008 ж. Қараша. Халықаралық Махмұт Қашқари конкурсының II жүлдесі. Әңгіме жанры. Түркия.

2012 жыл, шілде. Бұқарбай батырға арналған республикалық байқаудың II жүлдесі. Қызылорда.

2012 жыл, қыркүйек. Шерхан Мұртаза шығармаларының инсценировкасы, бас жүлде. Тараз.

2012 жыл, қараша. Халықаралық Махмұт Қашқари конкурсының II жүлдесі. Әңгіме жанры. Түркия.

2012 жыл, желтоқсан. Виктор Шнитке атындағы Халықаралық сыйлықтың I дәрежелі дипломы. Россия.

2014 жыл, 9.12. «Алтын асық» Халықаралық сыйлығы. Номинация: проза.

2015 жыл, 28 наурыз. Қамшы кз сайтының жүлдесі – Қазақ мемлекеттігіне 550 жыл, проза, 2 орын.

2015 жыл 16 қазан. «Алтын көпір» халықаралық аудармашылар байқауы, II орын.

МАЗМҰНЫ

I бөлім. Эсселер мен мақалалар.	
1.Дулат Бабатайұлы. «Жігіт болар ма екенсін?!».....	4
2.Абайдың махаббат лирикасы.	
Омар ибн Аби Рабия мен Абай. Эссе.....	8
3. Айтулы ер Иманжүсіп. Эссе.....	20
4.Әлкей Марғұланның «Қазақ әлемі» хақында. Эссе.....	33
5. Георгий Гребенщиков әңгімесіндегі көкбөрі. Эссе.....	43
6. Марина Цветаева. Эссе.....	52
7. Қасым жырындағы авторлық мәр. Эссе.....	59
8. Фабит Мұсірепов. «Ұлпан». Эссе.....	62
9. Герольд Бельгер. Тек пен жад. Эссе.....	77
10. Тобық Жармағамбетов. Отамалы. Эссе.....	87
11.«Артық ғылым кітапта».	
Абайтанушы ғалым Мекемтас	
Мырзахметұлының «Абай және шығыс»	
атты еңбегі хақында.....	97
12. Мекемтас Мырзахметұлы шығыстанушы	
Абай. "Білген құл" – хакімдік идеясы.....	108
13. Рымғали Нұрғали. Нәзирашылдық	
дәстүрдің жаңа өнердегі көрінісі.....	113
14. Шерхан Мұртаза. Ұлтын сүйген Шераған.....	120
15. Медеу Сәрсеке. Өнегелі өмір жаршысы.....	126
16. Сұлтан Оразалы. Тың өнердің тарланы.....	132
17. Дүкенбай Досжан. Құм даланың наласы.....	137
18. Оралхан Бекеев әңгіме жанрында.....	146
19.Оралхан Бекеев прозасындағы	
мифологиялық сарындар. «Ардақ».....	151
20. Оралхан Бекей. «Қар қызы».....	157
21. Үйрекшан Мұсағұлы. Тектілік ғұмыр тандаулы.....	165
22. Әділбек Абайділданов «Өлеңнің мен-дағы	
бір ырысымын».....	186
23. Кәдірбек Сегізбаев. Дала жыршысы.....	195
24. Нұрлан Оразалин. «Көкірекке құс берген өлең».....	203
25. Роллан Сейсенбаев проза жанрында.....	212
26. Несіпбек Дәүттайұлы. Асылға құштар дүние.....	217

27. Жұмабай Шаштайұлы. Момын мен мүләйім.....	225
28. Тұрсын Жұртбай – абайтануши.	
Фарасат майданы және біз.....	230
29. Есенқұл Жақыпбек. Есенқұлдың сағынышы.....	242
30. Рақымжан Отарбаев. «Даусынды естідім».....	250
31. Жанболат Башар. Жылқының киесі.....	262
32. Қасымхан Бегманов. Бабалар рухын аңсау.....	267
33. Мұстафа Шоқай туралы.....	275
34. Әүезхан Қодар аударма жанрында.....	282
35. Бауыржан Жақып. «Көмейден төккен көркем үн».....	289
 II бөлім. Интеллектуальды интервью.	
36.Ақұштап Бақтыгереевамен әдеби сұхбат.	
«Боз даланың жусан иісін сақтасақ...».....	298
37. Бақытжан Тобаяқовпен сұхбат.....	316
38.Серік Асылбек «Жазушы ең алдымен өзін және өзінің айналасын жазады».	323
39. Ғалым Жайлыйбаймен сұхбат.	347
40. Мұратбек Оспановпен сұхбат. «Игілігімізді ит талағандай еткен әкімдер де болды».....	356
41.Жыр бұлбұлы – Эльмира.....	363
42. Кентау Назарбек: "Өнер адамы ел үшін, ол өз басындағы қындығын шығармасына арқау ете бермеуі керек".....	372

Айгүл КЕМЕЛБАЕВА

Сөз хикмет

Эсселер, мақалалар, сұхбаттар
(Қазақ тілінде)

«Каратай КБ» ЖШС, «Дәстүр» баспасының директоры –
Қасымхан БЕГМАНОВ

Редакторы: Асан Қарамырза

Техникалық редакторы: Талғат Элімжсанұлы

Безендірген: Мейрамбек Еңсепбай

Басуға 12.04.2016 ж. қол қойылды

Қаріп түрі «Times New Roman». Офсетті басылым.

Пішімі 84x108¹₃₂. Шартты баспа табағы 20

Таралымы 2000+120дана.

Тапсырыс №370

«Каратай КБ» ЖШС, «Дәстүр» баспасы

Қазақстан Республикасы, Алматы қаласы,

Абай даңғылы, 143. офис 400

Тел.: +7(727)3944293, Ұялы тел.: 87772119934.

Эл.пошта: dastur_09@mail.ru

Тапсырыс берушінің дайын файлдарынан басылып шықты.



ЖШС РПБК «Дәүір», 050009,
Алматы қаласы, Гагарин д-лы, 93а.
E-mail: priemn1@dauir.kz, zakaz@dauir.kz

ISBN 978-601-7505-23-3

9 786017 505233







*Айгүл Жолдасбайқызы
Кемелбаева, жазушы,
әдебиеттануышы,
кинодраматург, эссеши.*